

S.S. BURIYEV, D.A. MAXKAMOVA, V.X. SHERIMBETOV

# EKOLOGIYA VA ATROF-MUHIT MUHOFAZASI



O'ZBEKISTON RESPUBLIKASI OLIY VA O'RTA  
MAXSUS TA'LIM VAZIRLIGI

S.S. Buriyev, D.A. Maxkamova,  
V.X. Sherimbetov

EKOLOGIYA VA ATROF-MUHIT  
MUHOFAZASI

o'quv qo'llanma

TOSHKENT  
“NOSHIR”  
2019

UO'K 81 (075.8)

KBK 20.18ya73

B 95

### *Taqrizchilar*

E.Berdiyev – Tosh DAU Manzarali bog‘dorchilik va ekologiya kafedrasи mudiri, dotsent, b.f.n.

N.Sabitova – O‘zMU Geografiya kafedrasи professori, g.f.d.

#### **Buriyev, Salimjon.**

Ekologiya va atrof-muhit muhofazasi (Matn): o‘quv qo‘llanma/  
S. Buriyev, D. Maxkamova, V. Sherimbetov. – Toshkent: “Noshir”  
nashriyoti, 2019. – 240 b.

Mazkur o‘quv qo‘llanmada tabiat, jamiyat va inson o‘rtasidagi o‘zaro munosabatlarning tadrijiy rivojlanishi, ekologiya fanining tushunchasi, predmeti va vazifalari, O‘zbekistondagi ekologik vaziyat, organizm va muhit, ekotizimlar va ularning xususiyatlari, biosfera, biologik xilma-xillik ijtimoiy ekologiya, tabiiy resurslardan oqilona foydalanish, atmosfera, suv va tuproq resurslarini muhofaza qilish, ekologik xavfsizlik ta’minlashning tashkiliy-huquqiy va texnik asoslari, ekologiya va xal-qaro hamkorlik, ekologik ta’lim-tarbiya va barqaror rivojlanishga oid masalalar yoritib berilgan.

Qo‘llanma oliy o‘quv yurtlarida tahsil olayotgan talabalarga, mazkur masala yuzasidan ilmiy izlanishlar olib borayotgan tadqiqotchilarga, tabiatni muhofaza qilish muassasalari xodimlariga, shuningdek, mazkur mavzu doirasidagi ma’lumotlar bilan qiziquvchi keng kitobxonlar doirasiga mo’ljallangan.

O‘quv qo‘llanma O‘zbekiston Respublikasi Oliy va o‘rta maxsus ta’lim vazirligining buyrug‘iga asosan nashrga tavsiya etilgan.

UO'K 81 (075.8)  
KBK 20.18ya73

ISBN: 978-9943-6204-0-7

© S. Buriyev va boshqalar, 2109  
© “NOSHIR”, 2019

## KIRISH

Mustaqillik yillarda O‘zbekiston Respublikasida ekologik xavfsizlikni ta’minlash bo‘yicha muhim huquqiy, tashkiliy va ijtimoiy-iqtisodiy chora-tadbirlar ishlab chiqildi va amalga oshirildi.

Ekologiya, atrof-muhit muhofazasi, tabiiy resurslardan oqilona foydalanish va ularni qayta tiklash, chiqindilar bilan bog‘liq ishlarni amalga oshirish sohasidagi davlat siyosatining samarali amalga oshirilishini ta’minlash, bu yo‘nalishdagi davlat boshqaruvi va nazorat tizimini takomillashtirish maqsadida, shuningdek, “2017-2021 yillarda O‘zbekiston Respublikasini rivojlantirishning beshta ustuvor yo‘nalishi bo‘yicha Harakatlar strategiyasini “Xalq bilan muloqot va inson manfaatlari yili”da amalga oshirishga oid Davlat dasturida ko‘zda tutilgan boshqa vazifalarni hal etish uchun O‘zbekiston Respublikasi Prezidentining “Ekologiya va atrof-muhitni muhofaza qilish sohasida davlat boshqaruvi tizimini takomillashtirish to‘g‘risida”gi Farmoni qabul qilindi. Farmonda O‘zbekiston Respublikasi Tabiatni muhofaza qilish davlat qo‘mitasini O‘zbekiston Respublikasi Vazirlar Mahkamasiga bo‘ysunuvchi va hisobot beruvchi O‘zbekiston Respublikasi Ekologiya va atrof-muhitni muhofaza qilish davlat qo‘mitasiga aylantirish nazarda tutildi.

Prezidentimiz Shavkat Mirziyoyev tashabbusi bilan ustuvor vazifalardan kelib chiqib ishlab chiqilgan 2017-2021 yillarda O‘zbekiston Respublikasini rivojlantirishning beshta ustuvor yo‘nalishi bo‘yicha harakat strategiyasida muhim vazifalar o‘z ifodasini topgan. Unda mamlakatimizda amalga oshirilayotgan demokratik islohotlarni chuqurlashtirish, sud-huquq, ijtimoiy sohalarni rivojlantirish, iqtisodiyotni yanada isloh etish, diniy bag‘rikenglik, millatlararo totuvlik muhitini mustahkamlash bilan bog‘liq chora-tadbirlar qamrab olingan.

O‘zbekiston Prezidentining Sh.Mirziyoyev BMT Bosh Assambleyasining 72-sessiyasidagi “Ajdodlarimizning donishmandlik an’analariga amal qilib, qa’tiy islohotlarni amalgaga oshirmoqdamiz” nomli nutqlarida, “Mintaqaning umumiy suv zaxiralaridan oqilona foydalanish” borasida, “Markaziy Osiyoda xavfsizlik va barqarorlikni ta’minalash bilan bog‘liq muammolar to‘g‘risida so‘z yuritar ekanmiz, mintaqaning umumiy suv zaxiralaridan oqilona foydalanish kabi muhim masalani chetlab o‘ta olmaymiz. BMT Bosh koticibining “suv, tinchlik va xavfsizlik muammolari o‘zaro chambarchas bog‘liq”, degan pozitsiyasini to‘la qo‘llab-quvvatlaymiz. Ishonchim komil, suv muammosini hal qilishning mintaqa mamlakatlari va xalqlari manfaatlarini teng hisobga olishdan boshqa oqilona yo‘li yo‘q. O‘zbekiston BMTning preventiv diplomatiya bo‘yicha mintaqaviy markazi tomonidan ishlab chiqilgan Amudaryo va Sirdaryo havzalari suv resurslaridan foydalanish to‘g‘risidagi konvensiyalar loyihibarini qo‘llab-quvvatlaydi. Bugungi kunning eng o‘tkir ekologik muammolaridan biri – Orol halokatiga yana bir bor e’tiboringizni qaratmoqchiman. Mana, mening qo‘limda – Orol fojiasi aks ettirilgan xarita. O‘ylaymanki, bunga ortiqcha izohga hojat yo‘q. Dengizning qurishi bilan bog‘liq oqibatlarni bartaraf etish xalqaro miqyosdagi sa’y-harakatlarni faol birlashtirishni taqozo etmoqda. Biz BMT tomonidan Orol fojiasidan jabr ko‘rgan aholiga amaliy yordam ko‘rsatish bo‘yicha shu yil qabul qilingan maxsus dastur to‘liq amalgaga oshirilishi tarafдоримиз” deb Orol muammosiga alohida to‘xtaldilar.

Mustaqillik yillarda O‘zbekiston Respublikasida ekologik xavfsizlikni ta’minalash bo‘yicha muhim huquqiy, tashkiliy va ijtimoiy-iqtisodiy chora-tadbirlar ishlab chiqildi va amalgaga oshirildi. Atrof-muhitni muhofaza qilish va tabiiy resurslardan oqilona foydalanish sohasidagi munosabatlarni bevosita tartibga soluvchi 30 dan ziyod qonun, tabiiy resurslarning ayrim turlaridan foydalanish mexanizmlari va shartlari, shuningdek, davlat ekologik ekspertizasini amalgaga oshirish, turli toifadagi qo‘riqlanadigan hududlarni tashkil qilish va ularda alohida foydalanish rejimini o‘rnatish tartib-taomillari va boshqa masalalarni belgilab bergan meyortiv-huquqiy hujjat qabul qilindi va amal qilmoqda.

Ekologik ahvolni sog‘lomlashtirish, atrof-muhitni muhofaza qilish iqtisodiy, ijtimoiy-siyosiy va boshqa omillarga bog‘liq. Ular orasida ekologik ta’lim va tarbiyaning ahamiyati kattadir.

Kasbi qanday bo‘lishidan qat’iy nazar inson atrofini o‘rab turgan tabiiy muhitning har bir bo‘lagida kechayotgan o‘zgarishlar, bunda insonning qanchalik ishtiroki, tabiiy muvozanatni qayta tiklash, uning sifatini saqlab qolish uchun qanday chora-tadbirlar ishlab chiqish kabi masalalarni yechish uchun ekologiya fanini chuqur o‘rganishi zarur. Mustaqillik yillarda O‘zbekiston Respublikasida ekologik xavfsizlikni ta’minlash bo‘yicha muhim huquqiy, tashkiliy va ijtimoiy-iqtisodiy chora-tadbirlar ishlab chiqildi va amalga oshirildi.

## **I-BOB. EKOLOGIYA VA ATROF-MUHIT MUHOFAZASI FANINING PREDMETI VA VAZIFALARI**

Bugungi kunda ekologiya va atrof-muhit muhofazasi fani nafaqat mustaqil fan sifatida shakllandi, balki u mazmunan juda kengaydi. Ekologiya o‘rganadigan yangi sohalar ko‘paydi, boshqacha aytganda, ekologianing yangi-yangi yo‘nalishlari paydo bo‘ldi.

“Ekologiya” tushunchasini fanga birinchi bo‘lib nemis biolog Ernest Gekkel 1866 yilda chop etilgan “Organizmlarning umumiy morfologiyasi” nomli kitobi orqali olib kirdi. Bu atama yunonchada “oikos” — uy, yashash joyi, yashash muhiti, “logos” — ta’limot degan ma’noni anglatadi.

Ekologiya biologik fan bo‘lib, u organizmlarning bir-biri va tashqi muhit sharoiti bilan o‘zaro munosabat qonuniyatlarini o‘rganadigan fan hisoblanadi.

Organizmlarning moslashuvi (adaptatsiya)ni o‘rganish sifatida bundan 100 yil avval shakllangan hozirgi zamon ekologiyasi — tabiatdan oqilona foydalanish va tabiatni muhofaza qilishning nazariy asosi hisoblanadi. U o‘ziga xos predmetga, maqsadga, vazifalarga hamda izlanish usullariga egadir.

Ekologiya antropogen va har xil tabiiy omillar ta'sirida tabiat-dagi bog'lanishlarning buzilishi to'g'risida ma'lumot beradi. Ekologiya tabiat resurslaridan oqilona foydalanishda va tabiatni muhofaza qilishda ilmiy asos bo'lib xizmat qiladi.

**Ekologiyaning predmeti** – organizmlar guruhi va tashqi muhit orasidagi bog'lanishlarning tuzilishini, unga bog'liq bo'lgan jonlanish, taraqqiy etish, tarqalish va konkurentlik xususiyatlari ni; tirik tabiat qanday tuzilgan, qaysi qonunlar asosida mavjud va rivojlanadi, inson ta'siriga qanday javob beradi, – bularning hammasi ekologiyaning predmeti hisoblanadi.

**Ekologiyaning maqsadi** – hozirgi va kelajak avlodlar uchun eko- logik xavfsiz muhitni ta'minlash. Ekologik xavfsiz muhit organizmlarning barqaror holatda ko'payishi, o'sishi va rivojlanishi uchun toza, sog'lom va qulay atrof tabiiy muhit holatini yaratishdan iborat.

**Ekologiyaning asosiy vazifalarini** quyidagicha ta'riflash mumkin:

- Hayotning tashkil topish qonuniyatlarini inson ta'sirini hisobga olgan holda o'rganish;
- Insonning xo'jalik faoliyati ta'sirida tabiatda ro'y beradi-gan o'zgarishlarni oldindan bilish;
- Biosferadagi kechayotgan jarayonlarni o'rganish, boshqarish, bashorat qilish, inson yashaydigan muhitni saqlab qolish;
- Buzilgan tabiiy tizimlarni tiklash; shu jumladan foydala-nishdan chiqarilgan qishloq xo'jaligi ekin maydonlarini yana ishga solish (rekultivatsiya), yaylovlarning tuproq hosildorligini, suv havzalari va boshqa ekotizimlarning mahsuldarligini tiklash;
- Biologik resurslardan oqilona foydalanishning ilmiy asos-larini yaratish va boshqalar.

**Ekologiyaning bo'limlari.** Organizmlarning yashash sharoiti va ularning tashqi muhit bilan o'zaro munosabati, turlar, populyatsiyalar, biosenozlar, ekotizimlar, biosfera va boshqa tu-shunchalar ekologiya fanining manbaini tashkil etadi. Shu bois, umumiylk ekologiya, asosan, to'rt bo'limga bo'lib o'rganiлади. Bular: autoekologiya, populyatsiyalar ekologiyasi, sinekologiya va biosfera haqidagi ta'limot.

*Autekologiya* — “autos” — yunoncha so‘z bo‘lib “o‘zi” degan ma’noni beradi. *Autekologiya* — ayrim turlarning o‘zлari yashab turgan muhit bilan o‘zaro munosabatlarini, ularning qanday muhitga ko‘proq va uzviy moslashganini o‘rganadi.

*Populyatsiyalar ekologiyasi* — “populatio” — fransuzcha so‘z bo‘lib, “aholi” degan ma’noni beradi. Populyatsiyalar tuzilmasi, dinamikasi, ma’lum sharoitlarda turli organizmlar sonining o‘zgarish sabablarini o‘rganadi.

*Sinekologiya* — “sin” degani yunoncha so‘z bo‘lib, “birgalikda” degan ma’noni bildiradi.

Sinekologiya — biogeosenozlarning tuzilishi va xossalarni, ayrim o‘simlik va hayvon turlarining o‘zaro aloqalarini hamda ularning tashqi muhit bilan bo‘ladigan munosabatlarini o‘rganadi.

Ekotizimlarni tadqiq qilishning rivojlanishi ekologiyaning yangi bir bo‘limini, ya’ni biosfera (yunoncha “bios” — hayot; “sfera” — shari) haqidagi ta’limotni vujudga keltirdi. Bu ta’limot asoschisi V.I.Vernadskiy hisoblanadi (1863-1945y). Organizmlar tarqalgan qobiq — biosferadir.

## 1.1. Ekoliya fanining rivojlanish tarixi

Tirik organizmlar hayotining tashqi muhit bilan bog‘liqligi qadimdan ma’lum. Antik davrda yashagan faylasuflarning asarlarida hayvonlarning turli instinctlari, baliqlar va qushlarning migratsiyalari, o‘simliklarning tashqi qiyoфasi tuproq va iqlim sharoitlari bilan bog‘liqligi haqidagi ma’lumatlar keltiriladi.

Dastlabki ekologik tushunchalar qadimgi yunon olimlari asarlarda qayd etilgan bo‘lib, ularning ishlarida biz ekologik yo‘nalishlarni ko‘ramiz. Lekin ular “Ekoliya” terminini ishlatalishmagan. Aristotel (eramizdan 384-322 yil avval), qadimgi yunon faylasufi Teofrast (371-280 yil) hayvon va o‘simliklarni yashash sharoitiga bog‘liq holda ko‘rib chiqishgan, Aristotel 500 tur hayvonlarni o‘rganib, ularning xulq-atvori, ko‘chib yurishi haqida, Teofrast — o‘simliklarning shakli va o‘sishi — iqlim, tuproq sharoitiga bog‘liqligini aniqlagan.

O‘rta asrlarda O‘rta Osiyoda yashab ijod etgan olimlardan al-Xorazmiy, Farobiy, Beruniy, Ibn Sino va boshqalar tabiiy fanlar-

ning rivojlanishiga katta hissa qo'shganlar. Ular hali ekologiya fani dunyoga kelmagan davrda tabiat va undagi muvozanat, o'simlik va hayvonot dunyosi, tabiatni e'zozlash haqidagi o'zlarining qimmatli fikrlarini aytib o'tganlar.

Buyuk alloma **Muhammad Muso Al-Xorazmiy** (782-847 y) risolalaridan birida shunday deb yozadi: "Bilingki, daryoning ko'zları yoshlansa, uning boshiga g'am, kulfat tushgan bo'ladi. Odamlar, daryodan mehringizni darig" to'tmanglar". Bunda u nimani nazarda tutdi? Ehtimol, u daryo suvining ortiqcha isrof bo'lishini nazarda tutgandir. Vaholanki u zot eng avvalo daryo bilan odamlarning bir-birini tushunishlari va til topishlari, o'zaro mehr-muhabbat qo'yishlarini nazarda tutgan. U o'zining "Kitob surat al-arz" asarida dunyo okeanlari, chuqurlikdagi qit'alar, qutblar, ekvator, cho'l, tog', daryo va dengizlar, ko'llar va o'rmonlar, ulardagi o'simlik, hayvonot dunyosi, shu bilan boshqa tabiiy resurslar — yerning asosiy boyliklari haqida ma'lumotlar keltirgan.

**Abu Nasr Forobiyning** (873-950) ilmiy-falsafiy merosi nihoyatda boy bo'lib, asarlari hozirgacha to'liq o'rganilmagan. Nemis olimi M.K.Brokemann ro'yxatida Forobiyning turli soxaga oid 180 ta asarining nomi keltiriladi. Bu asarlar bir necha guruhlarga bo'linib, 11 — guruhiga uning tabiatshunoslik ilmi, amaliy faoliyat va hunarmandchilik masalalariga oid asarlari kiritilgan. U tabiiy va inson qo'li bilan yaratiladigan sun'iy narsalarni ajratgan. Tabiiy narsalar tabiat tomonidan yaratilgan, degan xulosaga keladi.

**Abu Rayhon Beruniy** koinotdagi hodisalarni taraqqiyot qonunlari bilan, narsa va hodisalarning o'zaro ta'siri bilan tushuntirishga urinadi. Uning asarlarida o'simlik va hayvonlarning biologik xususiyatlarini, ularning tarqalish va xo'jalikdagi ahamiyati haqida ma'lumotlar topish mumkin. U "Saydana" nomli asarida 1116 tur dordi-darmonlarni tavsiflagan. Ularning 750 tasi turli o'simliklardan, 101 tasi hayvonlardan, 107 tasi minerallardan olinadi. Har bir o'simlik, hayvon va minerallarning xossalari, tarqalishi va boshqa xususiyatlari keltirilgan.

Beruniy asarlarida o'simlik va hayvonlarning tuzilishi hamda ularning tashqi muhit bilan o'zaro aloqasi haqida ham qiziqarli ma'lumotlar keltiriladi. U o'zining tabiiy-ilmiy kuzatishlari, taj-

ribalari asosida tabiatdagi hodisalar ma'lum tabiiy qonuniyatlar asosida boshqariladi, degan xulosaga keladi.

**Abu Ali ibn Sino** (980-1037) jahon madaniyatiga buyuk hissa qo'shgan yirik ensiklopedist olim. Turli yozma manbalarda uning 450 dan ortiq asar yozganligi eslatiladi. Bizgacha uning 240 ta asari yetib kelgan.

Uning "Tib qonunlari" asari tibbiyot ilmining qomusi bo'lib, O'rta asr tibbiyot ilmi taraqqiyotining oliv cho'qqisi hisoblanadi. Kishi organizmiga tashqi muhit ta'siri muhimligini bilgan alloma ayrim kasalliklar suv va havo orqali tarqalishi haqida fikr bayon etgan.

**Zahiriddin Muhammad Bobur** (1483-1530). Biz Boburni podshoh va shoir sifatida bilamiz. Ammo Bobur faqat shoirgina emas, balki sarkarda, tarixchi va mashshoq, ovchi va bog'bon, sayyoh va tabiatshunos ham bo'lgan. Uning "Boburnoma" asari eng yirik asari hisoblanadi. Bu asarida har bir hududni ma'lum bir tartibda tasvirlaydi. Avvalo joyning geografik o'rni, so'ngra qaysi iqlimga mansubligi, har xil shifobaxsh joylari, o'simliklari, qazilmalari, hayvonoti va aholisi beriladi. U ajoyib geobotanik bo'lgan, o'simliklarni sevgan va yaxshi bilgan. O'zbekistondagi juda ko'p giyoh va dorilarini, ularning xosiyatini va ahamiyatini shunday ta'riflaydiki, buni mirishkor bog'bon bo'lgan kishi, asl tabiatshunosgina buning uddasidan chiqa oladi.

Bobur bir necha bor yer qimirlashi, oy va quyosh tutilishi kabi tabiiy hodisalar guvohi bo'lgan. Ushbu hodisalarning tabiat qonunlaridan boshqa narsa emasligiga ishonch hosil qilgan.

**Fransuz M.Byuffon** (1707-1788)ning ishlarida hayvonlarning tuzilishiga tashqi muhitning ta'siri masalasi ko'tarilgan.

**J.B.Lamark** (1744-1829) dastlabki evolyutsion ta'limotning muallifidir. U o'simlik hamda hayvonlarning evolyutsion o'zgarishlarida eng muhim omil deb tashqi muhit ta'sirini hisoblagan.

**A.Gumboldtning** ishlari o'simliklar geografiyasida yangi ekologik yo'nalishlarni aniqlab berdi. U fanga landshaft "fizionomiysi" o'simliklarning tashqi qiyofasi bilan aniqlanadi kabi tushunchani kiritadi.

Moskva universitetining professori **K.F.Rule** (1814-1858) zoologiyada o'ziga xos bo'lgan yo'nalishni rivojlantirish muhim ekanligini keng targ'ib qiladi. Bu yo'nalish — hayvonlar hayotini har tamonlama o'rganish, atrof-muhit bilan ularning o'zaro murakkab munosabatlanini tushuntirish kabilar edi. Shunday qilib, K.F.Rule hayvonlarni o'rganishning keng ekologik tizimini ishlab chiqdi va ekologik mazmunda gi qator ilmiy ishlarni qoldirdi. Uning shogirdlaridan biri **N.A.Seversov** (1827-1885) hisoblanadi. Uning "Voronej Guberniyasidagi hayvonlar, qushlar, ilonlar hayotidagi davriy hodisalar" (1855 y) nomli ishi Rossiyaning ayrim mintaqalarida hayvonot olamida olib borilgan ekologik izlanishlarining eng katta va ahamiyatlisi edi.

"Tabiiy tanlash yo'li bilan turlarning kelib chiqishi" (1859) asarida — tabiatdagi yashash uchun kurash, ya'ni tur bilan muhit o'rtasidagi har qanday qarama-qarshiliqlarning ko'rinishlari tabiiy tanlashga olib keladi va evolyutsianing harakatlantiruvchi kuchidir deb qaraydi.

A.N.Beketov (1825-1902) o'simliklarning ichki va tashqi tuzilishidagi xususiyatlarni ularning geografik tarqalishi bilan bog'liqligi hamda fiziologik usullarning ekologiya uchun ahamiyati katta ekanligini ko'rsatdi. Ana shunday ishlar hayvonlar hayoti misolida A.F.Middendorf tomonidan o'rganildi.

1877 yil nemis gidrobiologi K.Mebius biosenozlar haqidagi tasavvurlarni asoslab berdi.

O'simliklar jamoasi haqida G.F.Morozov va F.N.Sukachev batafsil fikr yuritib, bu sohaga asos soldilar.

Rus olimlari — V.N.Sukachev, B.A.Keller, V.V.Alyoxin, V.G.Ramenskiy, A.P.Shennikov va chet el olimlaridan — F.Klementes, K.Raunkiyer, T.Dyu. Riye, I.Braun — Blake va boshqalarning fitotsenologiya sohasidagi ishlari umumiy biotsenologiyaning rivojlanishiga katta hissa qo'shdi.

Umumiy ekologiyaning rivojlanishida D.N.Qashqarovning "Muhit va jamoa" deb nomlangan O'rta Osiyo universitetida o'qigan ma'ruzalari, keyinchalik "Hayvonlar ekologiyasi asoslari" nomi bilan yozilgan darsligi katta ahamiyatga ega bo'ldi.

Hayvonlarning morfologik va evolyutsion ekologiyasini rivojlantirishda M.S.Gilyarov, S.S.Shvarslar katta hissa qo'sh-

dilar. I.G.Serebyakov tomonidan gulli o'simliklarning hayot shakllari tasnifi ishlab chiqildi.

1940-yillarning boshlarida tabiiy tizimlarni o'rganish jarayonida yangi yo'nalish kelib chiqdi. 1935 yili ingliz olimi A.Tensli – ekotizimlar, 1942 yili esa V.N.Sukachev – biogeosenozlar haqidagi ta'limotni ilgari surdilar.

1950 yillarning boshida G.Odum, Yu.Odum va R.Uitekker biologik mahsuldarlikning nazariy asoslarini yaratish borasida ilmiy izlanishlar olib borganlar.

O'rta Osiyoni o'rgangan olimlardan I.A.Seversov, A.N.Krasnovlarning asarlari va Qashqarov – Korovin maktabining shakllanishi O'rta Osiyoda tabiiy – geografik g'oyalarni rivojlanishida muhim ahamiyatga ega bo'ldi.

Yuqorida aytib o'tganimiz kabi, bizning buyuk allomalarimiz tabiat, tirik organizmlar va ularning tashqi muhit bilan o'zaro aloqasiga doir masalalarga to'xtalganlar.

### **O'zbekistonda ekologiya fanining qisqacha rivojlanish tarixi.**

1930-yillarda ekologiya – geografiya yo'nalishiga asoslangan O'rta Osiyo ekologiya maktabi hozirgi O'zbekiston Milliy universiteti qoshida shakllandı. Ekolog mutaxassislar tayyorlashda, ekologiyani rivojlantirishda, ekologiyaga oid adabiyotlarning namunalarini yaratishda bu mакtabning xizmatlari kattadir. Maktab ekologlari bergen g'oyalar o'lkaning tabiatini va tabiiy resurslarni aniqlash va o'rganishda hamda O'rta Osiyoda ekologik va geografik g'oyalarning rivojlanishiga katta hissa qo'shdi.

P.A.Baranov, I.A.Raykovalar Pomir tog'larida cho'l biosenozining kelib chiqishi, dinamikasi va evolyutsiyasida organizmlarning hayotida noqulay haroratning roli, madaniy biosenozlarni yuqori tog' sharoitida yaratish masalalari ishlab chiqildi. **R.I.Abolin, E.P.Korovin, M.V.Kultiasov va I.I.Granitovlarning** ekologik va fitotsenologik qarashlari ularning chop etgan bir qator ishlarida o'z aksini topgan.

O'rta Osiyoda zooekologik yo'nalishdagi kompleks ishlarining rivojlanishi **T.Z.Zohidov** nomi bilan chambarchas bog'liq. U Qizilqum cho'llarining o'ziga xos hayot makoni ekanligini, qumli, sho'rxok, loyli va toshloq cho'llarni mustaqil biotoplar

sifatida tavsiflab, ularni o‘z navbatida mayda hududiy birliklarga ajratib beradi.

O‘zFA Botanika va Zoologiya institutlari olimlari o‘simlik va hayvonlar ekologiyasiga bag‘ishlangan ishlar olib borishgan, hozirda ham bu ishlar olib borilmoqda.

O‘rta Osiyo o‘simliklar olamini o‘rganish — M.S.Popov, Ye.P.Korovin, K.Z.Zokirov, A.Muzaffarov, I.I.Granitov hamda S.Saxobiddinov kabi olimlarning nomi bilan bog‘liq. O‘zbekistonda ekologik yo‘nalishdagi ishlarning asoschilari — D.N.Qashqarov va E.P.Korovin hisoblanadi.

1930-yillarda Qashqarovning ekologiya masalalarini keng yoritgan “Muhit va jamoa”, “Turkiston hayvonlari”, “Hayvonlar ekologiyasi asoslari” kabi yirik ilmiy asarlari chop etiladi. Ular ekologik-ilmiy tadqiqot ishlarni rejalashtirish, ekolog mutaxassislar tayyorlash masalasini ilgari surishgan.

D.N.Qashqarovning dastlabki ishlari O‘rta Osiyo kemiruvchilarini o‘rganishga bag‘ishlangan edi. Ularning biologiyasi, tizimtikasi va zarariga e’tibor berish bilan birga hayvonlar ekologiyasi bo‘yicha ham ish olib borgan. 1928 yil u AQShga boradi va 7 oy davomida yirik ekologlarning ishlari bilan tanishadi.

Ye.P.Korovin — o‘simliklar jamoasi va muhitni birgalikda o‘rganish muhimligini ta’kidlagan. Bunday ilmiy ishlar o‘sha vaqtida O‘rta Osiyo Davlat Universiteti biologiya fakulteti qoshida olib borilgan. Cho‘l zonasining o‘simliklarini o‘rganish maqsadida kompleks ekspeditsiyalar tashkil qildi. Korovin, Granitov kabi olimlar rahbarligida cho‘l mintaqasidagi yaylovlarni yaxshilash borasida u yerdagи kserofit guruhiga oid o‘simliklarni o‘rganishga kirishiladi.

1950 yilda ekoliya ishlarning dolzarbliji munosabati hisobga olinib O‘zRFA Botanika institutida Burigin rahbarligida “O‘simliklar ekologiyasi” laboratoriysi tashkil qilinadi va shu laboratoriya xodimlari tomonidan cho‘l va chala cho‘l sharoitida o‘simliklarning qurg‘oqchiliqqa moslanilgan yo‘llari o‘rganildi.

Keyinchalik 1967-1987 yillarda Farg‘ona vodiysi sharoitida kompleks ekologik ishlar O.X.Xasanov va R.S.Vernik, Raximova T.U., Raximova Toshxon va boshqalar tomonidan davom ettiril-

di. Natijada adir o'simliklarining ekologik klassifikatsiyasi berildi. Hozirda bunday ishlar Qizilqum, Jizzax cho'llarida, Orol sharoitida davom ettirilmoqda.

## 1.2. Ekologiyaning asosiy qonuniyatlari va tamoyillari

Munosabatlar deganda ob'ektiv mavjud bo'lgan alohida guruhlar va ularning barqaror munosabatlarini hamda moddiy dunyo rivojlanishini va borliqni belgilovchi qonuniyatlar tushuniladi. Qonuniyatning ob'ektivligi shundaki, u inson ongi va hukmiga bog'liq bo'limgan holda namoyon bo'ladi. Mavjudlik sifati talablariga javob beruvchi ba'zi qonuniyatlar qonunlar deb yuritiladi.

Qonuniyatlar shuningdek, qonunlar sabab va oqibatlarning bog'liqligini ta'riflaydi, bunda sabab va oqibatlar ko'pincha o'mi bilan almashinishi mumkin. Boshqacha xususiyati esa uning mustaqilligi, ya'ni bir-biriga nisbatan bog'liq emasligidir. Biror qonun, hodisa sodir bo'lish sharoiti va mexanizmi mavjud bo'lsa, boshqasini "inkor" qilmaydi.

Masalan, insoniyatning ijtimoiy rivojlanish qonuniyatlari uning biologik qonunlarini inkor qilmaydi. Lekin qonuniyat va qonuning mustaqilligi, ularning o'zaro harakatini inkor qilmaydi.

**Bioekosning asosiy qonuni.** Bu qonun quyidagicha ifodalanaadi: ekotizimlar tirik organizmlar rivojlanishiga yo'naltirilgan muhit sharoiti imkoniyatlari birligini tashkil qiladi.

V.G.Nesterov (1991) bo'yicha, bioekosning asosiy qonuni tirik tabiat va atrofdagi tirik organizmlar muhitini munosabatlarini yaxshilash bo'lib, quyidagicha ifodalaniishi mumkin:

Bu yerda  $X = \frac{O}{O+B}$  O – atrof-muhit, B – tirik tabiat, O va B birlikda ideallikka intiladi. Shunday qilib, bu qonun muhitni O organizmlarning bir-biriga muvofiq kelish qiymatini ifodalaydi.

"Qiymat" tushunchasi bu yerda organizmlarning miqdoriga yashash sharoiti mos kelishini ifodalash uchun qo'llanilgan.

Biekosning asosiy qonuni boshqa tushunchalar singari oddiydir. Uning matematik ifodasini olishda O muhit tavsifi, B organizmi talablariga bo'linadi. B  $O+(O-B)$ ga o'zgartirilib bioekos ulushi-

$$\left\{ \left[ \frac{O}{O+B} \right] = X \right\} \rightarrow 1$$

ning me'yori olinadi. Oxirgi ifodada I0+BI ning qiymati manfiy yoki musbat bo'lsa ham u ijobiy deb olinib O qiymatga qo'shiladi.

V.G.Nesterovning ta'kidlashicha, bioekosning asosiy qonuni hech qanday tashqi kuchlar ta'sirisiz mavjud. Bu qonun tirik organizmlarni tashqi ta'sirining tomonidan foydalanib, salbiy tomonini bartaraf qilishini ifodalaydi.

**Kommoner qonunları.** Xususan ekologik qonunlar, bio-ekosning asosiy qonuni, har bir kishiga tushunarli bo'lgan oddiy qoidalar to'plamiga keltirilishi mumkin. Buni Kommoner (1974) quyidagicha ifodalaydi:

1. Hamma narsa bir-biri bilan bog'liq;
2. Hamma narsa qayoqqadir ketadi;
3. Tabiat yaxshiroq biladi;
4. Hech narsa bekorga berilmaydi.

Lekin ekologik realizmni ishlab chiqish uchun bu qonunlar tushuntirilishi hamda nazariy bilimlar va haqiqiy ma'lumotlar bilan isbotlangan bo'lishi lozim.

Birinchi qonun shuni ifodalaydiki, tabiatda bir-biri bilan bog'-liq bo'limgan hodisalar bo'limganligi kabi, insonning har qanday faoliyati uni o'rab turgan atrof-muhitda o'z aksini topadi. Bu ichki dinamik tenglik qonunida o'z aksini topgan bo'lib, u quyidagicha ifodalananadi.

Modda, energiya, ma'lumot va alohida tabiiy tizimlarning dinamik sifati o'zaro shunday bog'langanki, bu ko'rsatkichlarning birortasi o'zgarishi, boshqalarida ham o'zgarishga sabab bo'la-di. Lekin moddiy, energetik, ma'lumot va tizim dinamik sifati umumiy holda saqlanadi.

Tabiiy zanjir reaksiyasi, o'z navbatida hodisalar zanjiri o'zi bilan bog'langan boshqa hodisalarni o'zgarishiga olib keladi.

Masalan: changlantiruvchi hashoratlarning qirilib ketishi, o'simliklarning hosildorligi, ularning chatishib yangi tur paydo bo'lishiga ta'sir etadi va bu o'z navbatida o'simliklarning mevasi, tanasi, urug'i bilan oziqlanuvi hayvonot turlarining yo'qolishiga olib keladi.

Tabiiy tizimlardagi o'zaro harakat, sifat jihatdan bir xil emas. Bir ko'rsatkichning kuchsiz o'zgarishi boshqa ko'rsatkichlarning

kuchli o'zgarishiga olib kelishi mumkin. Katta o'zgarishlar alohi-da ekotizimlardan biosferaga o'ta turib global jarayonlar o'zgarishiga olib keladi. Bundan ikkinchi evolyutsion qonunlar, evolyutsion yo'nalish qonuni va evolyutsiyani orqaga qaytmasligi qonuni kelib chiqadi (L.Dollo). Birinchi qonunning ifodalanishi quyida keltiril-gan.

Evolyutsiyaning umumiy yo'nalishi tarixiy mavjudlikning o'zgarib turadigan sharoitiga moslashishga qaratilgan. Organizmlar yoki ularning avlodlari dastlabki holatiga qaytish mumkin emas.

Kommonerning ikkinchi qonunini kengroq qarab chiqamiz. Bu qonun har qanday tabiiy tizim muhitning moddiy, energetik imkoniyatlari hisobiga rivojlanishini ko'rsatdi.

Bundan ko'rinish turibdiki, absolyut chiqindisiz ishlab chiqarish mavjud emas. Faqat kam chiqindili ishlab chiqarishga erishish mumkin. Ekotizim va biosfera chiqindisiz ishlaydi degan tushuncha xato xisoblanadi. Keng ma'noda olsak, ko'mir qatlamlari, tabiiy neft, ohaktosh, chili selitrasи, hatto kislorod – biosfera chiqindisidir. Lekin tabiat chiqindisini kamaytirishga harakat qiladi. Shuning uchun ham bir organizm chiqindisi ikkinchisi uchun yashash sharoitini tashkil etadi, buni tuproq misolida ko'rish mumkin.

B.Kommonerning uchinchi qonuni hozircha bizning bilimi-miz yetarli emasligi, tabiat o'z mexanizmi va faoliyatini "yaxshi" bilishini anglatadi. Bu qonun: tabiatni yaxshilayman deb unga zarar yetkazmang; agar natijaga to'liq ishonmasangiz tabiiy jarayonlarga aralashmang – deb ogohlantiradi. Bu jihatdan "asr loyihasi" shimal daryolarini janubga burish, o'z vaqtida to'xta-tilganligini ta'kidlash mumkin. Hozirgi kunda ham hech kim bu loyihani amalga oshirilishi nimalarga olib kelishini ishonchli ravishda asoslab berolmaydi. Birgina iqlimni olib qaraylik. Shimaliyy daryolar suv bilan birga Arktikaga issiqlik oqib keladi. Ular oqimining keskin kamayishi Arktika va Tundra iqlimini yanada keskinlashtiradi. Bir yerda biz qancha cho'lni bog'rog'larga aylantirsak – shuncha bog'rog'larni cho'lga aylantiramiz degan fikrni eslash kifoya. ("Chelovek i priroda", 1981 № 8, 67-bet).

"Tabiatga zarar yetkazma" degan qoida qadimgi rimliklarga aniqroq ma'lum bo'lga zning 15 yillaridagi voqealarni quyida-

gicha yozib qoldirgan: Arrunsiy va Atey senat oldiga Tibr qo‘yilishini kamaytirish uchun daryo va ko‘llarni to‘sish mumkinmi, degan masalani qo‘yadi. Bu masala yuzasidan senat a’zolari tadbirga qarshi ekanliklarini bildirib, oqimni to‘sish atrofni suv bosishi, botqoqlanish va hosildor yerlarni dashtga aylanishiga olib keladi, degan fikrni bildiradi. Tabiat o‘zi yaratgan daryolarning boshlanishi, quyilishi va oqishiga yetarli darajada e’tibor berib, inson aralashuviga hojat qolmagan deb hisoblanadi.

Tatsit o‘z fikrini: senat a’zolari taklifi yoki ishning qiyinligini hisobga olinganda ham Gneyem Pizon fikri, ya’ni hammasini tabiiy holicha qoldirgan ma’qul deb yakunlaydi. Tatsit tomonidan yozilgan voqealar bizga oshkora ekologik ekspertizani eslatmaydimi?

To‘rtinchi qonunni B.Kommoner quyidagicha izohlaydi: global ekotizim bir butunlikni namoyon qilib, hech narsa yo‘qotilmaydi va umumiy yaxshilash ob’ekti bo‘lib hisoblanmaydi; inson mehnati bilan olingan barcha narsa o‘rnı to‘ldirilishi lozim. Buning uchun to‘lovdan qochib bo‘lmaydi, faqat vaqtı cho‘zilishi mumkin.

B.Kommonerning to‘rtinchi qonuniga V.I.Vernadskiy tomonidan yaratilgan o‘zgarmaslik qonuni yaqin: ma’lum geologik davr biosferasidagi tirik moddalar soni o‘zgarmasdir, ya’ni tirik modda massasining bir joyda ko‘payishi uning ikkinchi joyda kamayishiga olib keladi. Bu qonundan vulqon otilishi, yong‘in va boshqa hodisalar tufayli hosil bo‘lgan ekologik makon uzoq vaqt mavjud bo‘lmaydi, bu tirik moddalar miqdorining kamayishiga olib kelishi mumkin.

Tizimlar va evolyutsion qonunlar. Biotik va hayotiy tuzilmalar tizim hisoblanib, ularga tizim nazariyasi qonunlarini va murakkab tizimlar mavjudlik qonunlarini qo‘llash mumkin. Bu guruhning asosiy qonunlaridan biri sistemogenetik qonun bo‘lib, u tabiiy tashkil topish bilan bir qatorda, biotik turlar va ekotizimlar shaxsiy rivojlanishida qisqartirilgan va ko‘p holda qonuniy o‘zgartirilgan shaklda tizim tarkibini evolyutsion rivojlanish yo‘liga qaytaradi.

E.Gekkel va F.Myullerning biogenetik qonuni sistemogenetik qonunning xususiy holi hisoblanadi. Bu qonunning mohiyati

shundaki, organizm (tur) o'zining individual rivojlanish davrida qisqartirilgan va qonuniy o'zgartirilgan holda o'z turining tarixiy rivojlanishini, ya'ni organizm (tur) ontogenetika filogenezi namoyon bo'lishini ifodalaydi. Sistemogenetik qonunga yaqin bo'lган ketma-ketlik qonunining rivojlanish davriga o'tishi tutashib ketgan, unga ko'ra tabiiy tizimlarning rivojlanishi evolyutsion aniq va ekologik sharoit mavjud bo'lган tartibda sodir bo'ladi.

Xilma-xilliklik qonuni. Xilma-xillik tabiatning asosiy xususiyatlardan biridir. Bu xususiyatlar tirik organizmlar va ekotizimlarda o'ziga xosdir. Bu qonunlardan birinchisi – genetik xilma-xilligi qonunidir. Bu qonunga ko'ra, barcha tirik organizmlar genetik jihatdan turlicha bo'lib, genetik xilma-xilligini ko'paytirish tendensiyasiga ega. Tabiatda ikkita genetik jihatdan absolyut bir xil tur uchrashi mumkin emas.

Ikkinci qonun – zaruriy xilma-xilligi qonuni – har qanday tizim (ekotizim) absolyut bir xil elementlardan tashkil topmagan. Uchinchi qonun – tizim rivojlanishining tengsizlik qonuni – a'lo darajadagi bitta elementga ega bo'lган tizim boshqa tizimga taq-qoslanganda, a'lo darajada rivojlanadi. Bu qonun alohida organizm miqyosida amal qiladi, chunki uning ba'zi qismlarini yetilishi, rivojlanishi va qarishi notekisdir. Shu qonunga yaqin bo'lган yana bir organizmlarning murakkab qonuni (K.F.Rule) mavjud.

Tirik organizmlarning fizik-kimyoviy birlik qonuni. Bu qonun V.I.Vernadskiy tomonidan yaratilgan bo'lib, quyidagicha ifodalanadi: Yerdagи barcha tirik moddalar fizik-kimyoviy jihatdan birdir. Bu qonundan quyidagi amaliy fikr kelib chiqadi: bir turdagи tirik organizm uchun zararli bo'lган kimyoviy modda, boshqa organizmlar uchun ko'p yoki kamroq zararlidir. Shunday qilib, ma'lum fizik-kimyoviy agent ta'siriga organizmlarning chidamlilik daramasini belgilash lozim. Lekin har xil organizmlar turlicha tezlikda ko'payadi. Shuning uchun ham amaliyotda ma'lum agentga chidamsiz, lekin tez ko'payadigan organizmlar chidamli, lekin sekin ko'payadigan organizmlar bilan tenglashadi. Bundan tashqari, avlodning tez o'zgarishiga bog'liq holda, vaqt o'tishi bilan chidamsiz organizmlar zararli agentning kuchliroq miqdoriga ham moslashadi. Shuning uchun ham kimyoviy moddalarni begona o'tlar, o'simlik

zararkunandalariga (pestitsid, gerbitsid, antibiotik va boshq.) hamda inson kasalligini qo'zg'atuvchi mikroblarga va boshqa issiq qonli hayvonlarga qo'llash ekologik nuqtai nazardan yo'l qo'yib bo'lmaydi.

Nemis agroximik olimi Yu.Libix minimum qonunini ayrim moddalar tuproqda minimum holda bo'l shini hosildorlikdan ke-lib chiqib isbotladi. Ammo Libixning bu qonunini faqat statsionar sharoitda to'g'ri bo'ladi. Kimyoviy elementlarning biri yetishmasa hosildorlik juda yuqori bo'lmasa ham me'yor darajasida bo'ladi. Hosildorlikni faqatgina kimyoviy elementlar emas balki harorat, yorug'lik, namlik va boshqalar ham belgilaydi.

V.R.Vilyams omillarning o'zaro bog'liqligini inkor etmagan holda, ular bir-birini almashtira olmasligini ko'rib alohidalik qonunini yaratdi. Yashash uchun hayotiy sharoitlar bir xilda ahamiyatga ega, ammo hech bir hayotiy omilni bir-biri bilan almash-tirib bo'lmaydi deb isbotladi. O'simlik uchun suvni havo harorati bilan, havoni quyosh nuri bilan almashlab bo'lmaydi.

Organizmning hayot faoliyati ekologik omillarning minimal mohiyati ta'siridagina chegaralanmay, balki u yoki bu omilning ortiqcha miqdordaligidan ham organizm holati aniqlanadi. Tabiiy muhitda chegaralovchi omillarning maksimal mohiyatini 1913 yili AQShlik zoolog V.Shelford aniqlab, unga "tolerantlik qonuni" ifodasini beradi, bu qonun bo'yicha turning yashashi, qator ekologik omillarning ozligi va ko'pligi, organizmni chidamlilik chegarasiga yaqin darajasi bilan aniqlanadi. Hamma ekologik omillarni organizmlarning chidamlilik chegarasiga yaqinligi yoki undan ortib ketishi va turning yashashiga salbiy ta'sir qiladigan muhit elementlariga chegaralovchi omillar deyiladi. Shunday qilib, organizm ekologik minimum va ekologik maksimum holati bilan tavsiflanadi, shu ikki ekologik ko'rsatkichni u sezadi, unga moslanish orqali javob qiladi, organizmning maksimum va minimum ko'rsatkichlari o'rtaida ekologik omillarning organizmga ta'sir qilishiga turning tolerantlik chegarasi yoki ekologik amplitudasi deb aytildi.

Amerikalik ekolog Yu.Odum tolerantlik qonunini to'ldiruvchi fikrlarni bildirdi, chunonchi, organizmlar bir ekologik omilga nisbatan keng tolerantlik doirasida bo'lsalar, boshqa omilga nisbatan tor doirada bo'lislari mumkin; hamma ekologik omillarga

nisbatan keng tolerantlik doirasida bo‘lgan organizmlar keng tarqalish imkoniyatiga ega; agar tur uchun bir ekologik omilning ta’siri optimal bo‘lmasa, shu turning tolerantlik doirasi boshqa omillar bo‘yicha chegaralanib, torayib boradi; organizm hayot faoliyatining kritik davrida ko‘pchilik muhit omillari, ayniqsa turlarning ko‘payish vaqtida chegaralovchi bo‘lib qoladi, chunki ko‘payayotgan tur vakillari sezuvchan, nozik bo‘lib (unayotgan urug‘, jo‘ja chiqishi oldidagi tuxum, embrion, o‘sayotgan yosh nihol va lichinkalar), ularning tolerantlik doirasi juda ham chegaralangan bo‘ladi. Ko‘p yillik o‘simliklar va hayvonlar uchun tolerantlik doirasi kengdir.

***Ekologik qoida va prinsiplar.*** Ekologik qoida va prinsip qonundan hajmi kichikligi, cheklangan qo‘llanish sohasi bilan ajralib turadi. Qoida – organizmlarni muhit bilan o‘zaro aloqa me’yorlari, tabiiy-tarixiy qonunlarini belgilaydi. Misol uchun mustasnolik prinsipini (G.F.Gauze) olib ko‘raylik. Bu prinsipga ko‘ra, ikkita turning ekologik talabi o‘xshash bo‘lsa, bir joyda (biotopda) mavjud bo‘lishi mumkin emas. Ularning mayjudligi yoki fazoda (bitta biotopda yashashi) yoki vaqt bo‘yicha (masalan biri kunduzgi, boshqasi kechki hayot shaklida) ajratilgan.

Ekologik qoidalar ichida geografik almashtirish qoidasini alohida ta’kidlash lozim (bu qonuniyatni D.Jordon vikariatning qoidasi deb ham yuritadi). Yaqin qondosh bo‘lgan hayvonlar bir biridan qochmaydi, ya’ni aralash hududlarni tanlaydi. Qarindoshlik shakli esa qoidaga ko‘ra vikarirlanadi (geografik jihatdan bir-birini almashtiradi). Bu qoidadan mahalliy turlar populyatsiyasini “bego-na” qarindosh turlar hisobiga yaxshilash, nazariy jihatdan mumkin emasligi kelib chiqadi va amaliyotda ko‘p hollarda hisobga olinmaydi.

## Nazorat uchun savollar

1. Ekologiya atamasining fanga birinchi bo‘lib kim kiritgan va qanday ma’noni anglatadi?
2. Fan sifatida ekologiyaning qisqacha tavsifini keltiring.
3. Ekologiya bilan tabiat muhofazasini munosabati qanday?
4. Ekologiya nimani o‘rganadi?

5. Ekologiyaning maqsadi nimadan iborat?
6. Ekologiyaning vazifalari nimalardan iborat?
7. Ekologi bilan tabiat muhofazasini munosabati qanday?
8. Ekologiya qanday bo‘limlarga bo‘linadi?
9. Sinekologiya va autekologiya nimalarni o‘rganadi?
- 10.J.B.Lamark va K.Linney haqida nimalarni bilasiz?
11. Ekologiyaning jadal rivojlanish bosqichi qachon boshlangan?
- 12.Tabiat haqidagi fanlarga o‘z hissasini qo‘shtigan o‘rtalarda O‘rtalarda Osiyo olimlaridan kimlarni bilasiz?
- 13.O‘rtalarda Osiyo ekolog-geografik maktabi namoyandalari kimlar bo‘lgan?
- 14.D.N.Qashqarov, E.P.Korovin maktabi shogirdlari tomonidan ekologiyaning qaysi yo‘nalishlari rivojlantirilgan?
- 15.Moddiy dunyoda qanday munosabatlar-qonuniyatlar deb yuritiladi?
- 16.Ob’ektivlik va barqarorlik qonuniyati deganda nimani tushunasiz?
- 17.Qaysi qonuniyatlar qonun deb atash mumkin?
18. Bioekosning asosiy qonunini aytib bering va uning matematik ifodasini tushuntiring?
19. Kommoner qonunlari haqida nimalarni bilasiz?
20. Ichki dinamik tenglik qonunining mohiyati nimada?
21. Evolyutsianing yo‘nalish qonunini ifodalang.
22. Evolyutsianing orqaga qaytmaslik qonunining ma’nosini tushuntiring.
23. B.Kommonerning ikkinchi qonunini tushuntirib bering.
24. Nima uchun tabiat “yaxshi” biladi?
25. O‘zgarmaslik qonuni deganda nimani tushunasiz?
26. Xilma-xilliliklikning qanaqa qonunlarini bilasiz?
27. Tirik organizmlarning fizik-kimyoviy birlik qonunining ahamiyatini tushuntiring.
28. Ekologik prinsip va qoidalar qonundan nimasi bilan farq qiladi?

## II-BOB. MUHIT VA EKOLOGIK OMILLAR HAQIDA TUSHUNCHА

Muhit organizmning fiziologik qobig'i hisoblanib, har qanday muhit fizik, kimyoviy va boshqa omillarning majmui bilan namoyon bo'ladi. Muhit tushunchasi fanda turli ma'nolarni anglatadi. Bular ekologik, geografik, fizik, falsafiy, ijtimoiy va boshqalar.

Ekoliyada **muhit** deganda tirik organizmni o'rab turgan fizik qurshov e'tiborga olinadi. Muhit – tevarak-atrofdagi o'zaro bog'lanishlardagi shart-sharoitlar va ta'sirlar majmui. Soddaroq qilib aytganimizda, organizmlarni o'rab olgan barcha omillar yig'indisini tushunamiz.

Odatda tabiiy va sun'iy muhitlar ajratiladi. Tabiiy muhitni suv, quyosh, shamol, havo, yer, o'simlik va hayvonot dunyosi kabi tabiiy omillar majmui tashkil etadi. Sun'iy muhit inson tomonidan yaratilgan bo'lib, bunda insonning mehnat mahsuli yotadi. Tabiiy va sun'iy muhitlar bir-biri bilan chambarchas bog'liq. Ularning mayjudligini ekologik muhit tushunchasi ifodalaydi. Ekologik muhit tabiiy va sun'iy atrof-muhit bo'lib, tirik mayjudotlar sub'ekt va ob'ekt ta'sirlar sifatida qatnashib, ta'sirlar soni esa tevarak-atrofni saqlab qolish yoki xavf solish sharoitini keltirib chiqaradi. Ekologik muhit muayyan ekologik tizim hisoblanib, uni tabiiy va ijtimoiy-iqtisodiy qismlarga ajratish mumkin.

Tabiiy ekotizim yoki ekosfera hayotni rivojlanishiga imkon beradigan yerning tavsifi va abiotik jismlarning majmuidan iborat. Ijtimoiy – iqtisodiy tizim esa, insonning barcha atrof-muhitga (jonsiz va jonli tabiatga) bo'lgan munosabatini bildiradi.

Ekologik muhit muvozanatda yoki muvozanat buzilgan holatlarda bo'ladi. Tirik organizmlarning hayoti o'zgarmagan shart-sharoitlar va ta'sirlar barqaror holatida muvozanat o'zgarmaydi, aksincha, muhitning shart-sharoitlari va ta'sirlar buzilganda muvozanatsiz holat kelib chiqadi.

Ekologik muhitning buzilishi atmosferaning yer osti suvlaring ifloslanishi, qattiq chiqindi moddalarning to'planishi va ozuqanining zaharlanishi, shovqinlarning ko'payishi, radioaktiv modda-

lar va boshqalarning ta'sirini ortib borishida ko'rinadi. Inson tabiat qonunlarini chuqurroq o'rganish o'mniga hayot muhitini tezkorlik bilan buzib ifoslantira boshladi.

Sayyoramizda tirik organizmlar bir-birlaridan keskin farq qiluvchi o'ziga xos to'rtta muhitda tarqalgan. Ulardan ikkitasi, ya'ni suv va havo muhitlari o'lik, tuproq muhiti oraliq va organizm (muhit sifatida) tirik xususiyatga ega. Har bir hayot muhiti o'z navbatida organizmlar yashashi uchun har xil yashash joylaridan iborat. Masalan, suv muhiti quyidagi yashash joylari sifatida uchrashti mumkin: chuchuk va sho'r suv, ko'lmaq va oqar suv, chuqur va sayoz, iliq va sovuq va h.k. Havo va tuproq ham nihoyatda xilma-xil yashash joylarini tashkil etadi. Tirik organizmlar (o'simliklar, zamburug'lar, hayvonlar) ham parazit va simbiontlar uchun muhit sifatida o'ziga xosdir.

Sayyoramizda tirik organizmlar bir-birlaridan keskin farq qiluvchi o'ziga xos to'rtta muhitda tarqalgan ekan, dastlab hayot ulardan biri hisoblangan suv muhitida kelib chiqqan. Keyinchalik tirik organizmlar quruqlikka chiqib, tuproq hosil bo'lishida qatnashadilar va uni egallaydilar. Shuningdek, havo va boshqa bir tirik organizmni ichida yoki sirtida ham tarqalganlar. Demak, bizga ma'lum bo'lgan tirik tabiat va uning tarkibiy qismlari hisoblangan zamburug'lar, o'simliklar va hayvonlar ana shu muhitlarda yashashga moslashganlar. Xo'sh moslashishni o'zini qanday tushunish lozim? Moslashish yoki adaptatsiya ayrim individlar, populyatsiyalar tur yoki jamoalarning morfofiziologik, xulqiy va axborot-biotsenotik xususiyatlarining majmuidan iborat bo'lib, boshqa individlar, populyatsiyalar, tur yoki jamoalar bilan yashash uchun kurashda g'olib chiqishga sababchi bo'ladigan, shuningdek, abiotik muhit omillarining ta'siriga chidamliliginu ifodalaydi. Moslashish turli daraja va ko'rinishlarda namoyon bo'ladi.

Moslashishning ko'rinishlariga kelsak, morfologik, fiziologik va xulqiy moslashishlar ajratiladi.

Morfologik moslashishlarga misol qilib suv muhitida gidrobiontlarning suv qarshiligini kesib yurishga mos tana tuzilishi, shuningdek, plankton organizmlarning suvda osilgan holda yashashi kabilalar hisoblansa, harorat omiliga moslashish molekulyar

darajadan boshlab to biotsenotik darajagacha kuzatilishi mumkin. Ko‘pchilik o‘simliklar ortiqcha qizib ketishdan saqlanish uchun boshqa o‘simlik turining soyasida o‘sadi. Bu yerda moslashish biotsenotik darajada namoyon bo‘lmoqda. O‘simliklar dunyosida cho‘l sharoitida minimum suv sarflashga moslashish sifatida barglarning reduksiyalanishi yoki butunlay bo‘lmashligi kabilarni ko‘rsatish mumkin.

Fiziologik moslanishlar hayvonlarda ozuqa tarkibiga ko‘ra ovqat hazm qilish tizimsida fermentlarning ma’lum turlarini uchrashi yoki cho‘lda yashovchi hayvonlarning suvgaga bo‘lgan talabni qondirish uchun yog‘larning biokimyoiy oksidlanishdan foydalanishi kabilar kiradi. O‘simliklarda kuzatiladigan fotosintez jarayoni ham boshqa biokimyoiy jarayonlar kabi atmosferadagi gazlar tarkibiga bog‘liqdir.

Xulqiy yoki etologik moslashishlar hayvonlar uchun xos bo‘lib, turli shakllarda namoyon bo‘ladi. Masalan, tashqi muhit bilan hayvon tanasi o‘rtasida meyorl issiqlik almashinuvni uchun uya qurish (boshpvana topish), qulay sharoitli joyni izlab topish, shuningdek, qushlar va sut emizuvchilarda sutkalik va mavsumiy ko‘chib yurishlari ma’lum. Asalarilarning uyalarini haddan tashqari qizib ketganda qanonlarini qoqib uyani sovutishi. Hayvonlar faqat harorat omiliga xulqiy tomondan moslashib qolmay, balki namlik, yorug‘lik va boshqa ko‘pchilik ekologik omillarga ham moslashadi. Xulqiy moslanishlar yirtqichlarning o‘ljani izidan yurish, kuzatish kabilarda hamda o‘ljaning javob reaksiyalarida ham ko‘rinadi.

Omillar atamasi bilan muhit, atrofdagi organizm yoki ularning jamoasini sharoit va elementlarining vaqt va makonda dinamik xilma-xilligi tavsiflanadi. Omil tirik organizmlarga to‘g‘ridan-to‘g‘ri ta’sir etuvchi muhitning ayrim bir tarkibiy qismidir.

**Ekologik omil** – muhitning har qanday elementi (yoki sharoiti) bo‘lib, tirik organizmlarning hech bo‘lmasganda bir rivojlanish fazasiga bevosita yoki bilvosita ta’sir ko‘rsatish qobiliyatiga ega. Ekologik omilga nisbatan tirik organizmlar moslashishiga harakat qiladi.

**Ekologik omillar tasnifi.** Ekologik omillar xilma-xildir. Shuning uchun ularni tasniflash zarur bo‘ladi. Ekologik omillarni odatda jonsiz (abiotik) tabiat omillari, jonli (biotik) tabiat omillari va antropo-

gen (inson faoliyati natijasida kelib-chiqadigan ta'sir) omillarga bo'lib o'r ganamiz. Muhitning ekologik omillarini batafsil tasniflash 1978 yilda I.N.Ponomaryova tomonidan taklif etilgan. Ba'zi mualliflar antropogen omillarni (ularning muhimligi va o'ziga xosligidan kelib chiqib) alohida turkumga ajratishadi.

### **Ekologik omillar tasnifi**

<b>Omillar guruhi</b>	<b>Omillarning xususiyatlari</b>
	<b>I. Abiotik turkumlar</b>
Iqlaniy	Yorug'lik, harorat, namlik, havo harakati, bosim
Edafogen ("edafos"-tuproq)	Mexanik tarkibi, namligi, sig'imi, havo o'tkazuvchanligi, zichligi
Orografik	Relef, dengiz sathidan balandligi, Qiyalik ekspozitsiyasi
Kimyoviy	Havoning gazli tarkibi, suvning tuz tarkibi, tuproq eritmalarining tarkibi va xislotaligi
	<b>II. Biotik turkumlar</b>
Fitogen	O'simlikka mansub organizmlar
Zoogen	Hayvonlar
Mikrobogen	Viruslar, eng oddiy bakteriyalar, rikketsiyalar (kasallik paydo qiluvchi bakteriyalar)
Antropogen	Inson faoliyati

**Abiotik omillar.** Muhitning muhim (asosiy) abiotik omillari iqlim (harorat, yorug'lik, havo, bosim), tuproq, muhitning kimyoviy tarkibi va tabiiy, oziq-ovqat resurslarining mavjudligidir. Lekin aslida epitet g'oyatda shartli ravishda "muhim" hisoblanadi, shunday qilib, qayd etilgan abiotik omillar shu ma'noda teng huquqligi, hattoki ulardan birontasi bo'lmasa tirik organizmlar uchun halokatli hisoblanadi (istisno tariqasida: masalan, geterotrof – o'simliklar yorug'lik bo'lmasa ham rivojlanadi).

Ekologik omillar yig'indisi organizmlarning o'sishi, rivojlansi, yashab qolishi, organizmlarning ko'payishiga sabab bo'ladi, ularning mavjudlik sharoitini tavsiflaydi.

Harorat omili misolida organizmlarning hayot faoliyati va yashashi uchun muhitning abiogen omillari ahamiyatini ko'rib chiqamiz. Hayot birinchi navbatda fermentli oqsillarning faoliyati va tuzilishini, xossalarni namoyon qiladigan haroratda saqlanadi. Bu haroratning o'rtacha 0 dan 50°C oralig'ini tashkil qiladi, lekin ko'pgina organizmlar uchun hayot faoliyati oralig'i keng. Ushbu belgilar bo'yicha organizmlarning ekologik turlari quyidagicha farqlanadi: termofil, kriofil va mezoterm.

Termofillar jumlasiga haroratning yuqori shartli chegarasidan past haroratda yashay olmaydigan va ko'paya olmaydigan organizmlar kiradi (ko'pincha haroratning shunday chegarasi 18-20°C qabul qilinadi). Kriofillar jumlasiga (yoki termofoblar) teskari, faqat nisbatan past haroratda (10°C baland bo'limgan) yashash va ko'payish qobiliyatiga ega bo'lgan organizmlar kiradi.

**Biotik omillar.** Bir organizm hayot faoliyatining boshqalariga ta'siri va ularni o'rabi turgan muhiti biotik omillar deyiladi (sinonimlar: biogen, biologik, biotsenotik omillar). Bu omillar fitogen o'simliklarni o'simliklarga va o'simliklarni hayvonlarga, zoogen hayvonlarning hayvonlarga va hayvonlarni o'simliklarga, mikrobiogen mikroorganizmlarning o'simliklarga hamda hayvonlarga ta'sir jarayonlarida namoyon bo'ladi.

O'simliklarning o'simliklarga ta'siri deganda — bir turning ikkinchi turga ko'rsatgan ta'siri kiradi. Bunday ta'sir natijasida ular o'sadi, rivojlanadi, urug'-meva hosil qilib, unada kengroq tarqaladi. Demak, har bir o'simlik yashash uchun kurashadi. Buning natijasida o'simliklar hayotida parazitlik, simbiozlik (o'zaro hamjihatlik), neytrallik kabi munosabatlar kelib chiqadi.

O'simliklarning hayvonlarga ta'siri — ba'zi bir zaharli o'simliklar va hasharotxo'r o'simliklar misolida ko'rindi.

Bizga tarkibida zaharli moddalar bor bo'lgan o'simliklar (zaharli ayiqtovon, kampirchopon, kakra, bangidevona, mingdevana va h.) hamda 500 ga yaqin o'simliklar (aldrovanda, venerina pashshatutari, nepetenis, puzirchatka va b.)ning hayvonlar bilan oziqlanishi fanga ma'lum. Bunday o'simliklar xasharotxo'r o'simliklar deyiladi. Ular asosan botqoqlarda o'sadi. Botqoq yerlarda azotli moddalar kam bo'lganligi sababli, hasharotxo'r o'simliklar

bu moddalarga bo‘lgan talabini shu yerda yashaydigan hasharotlar bilan oziqlanishi orqali qondiradi. Buning uchun hasharotxo‘r o‘simpliklar uzoq evolyutsiya davomida maxsus moslanishlarga (xasharotlarni tutib hazm qiluvchi) egadirlar. Ularning tuklaridan ferment (suyuqliklar) ajraladi va suyuqlik hasharotlarni parchalab hazm bo‘lishiga imkon beradi.

Hayvonlarning o‘simpliklarga ta’siri – ko‘pchilik hayvonlar o‘simpliklar bilan oziqlanganda o‘simpliklarning spora, urug‘ va mevalarining tarqalishiga ta’sir ko‘rsatadi. Ba’zi zararkunandalarning esa o‘simpliklar hayotiga salbiy ta’siri hammamizga ma’lum. Masa-lan: karam kapalagi, g‘o‘za qurti, kartoshka qo‘ng‘izi, donli ekinlar-ning zararkunandalari kabilar.

Hayvonlarning hayvonlarga ta’siri – buni tabiatda yirtqich o‘lja o‘rtasidagi munosabatda aniq ko‘rish mumkin. Bunda o‘lja dush-manidan himoyalanishiga intiladi.

Mikroorganizmlarning o‘simplik va hayvonlar ta’sirini – ba’zi kasallik tug‘diruvchi mikroblarning o‘simplik va hayvonlarda turli kasalliklarni keltirib chiqarishda ko‘rish mumkin. O‘simplik, hay-von, mikroorganizmlarning o‘zaro ta’siri – avvalo ularning tup-roqda birgalikda yashashida seziladi. Natijada ular o‘zaro murak-kab munosabatlarda bo‘ladilar. Bunday munosabatlardan oziqa zanji-ridagi biotik munosabatlarda yaqqol ko‘rinadi.

Ma’lum sharoitda yashayotgan organizmlarga ekologik omillar turlicha ta’sir etishi mumkin. Ammo ekologik omillar qanchalik xilma-xil bo‘lmashin, ularning tirik organizmlarga ta’sir etishi nuqtai nazardan ular uchun umumiy bo‘lgan qonuniyatlar ham mavjud. Organizmning meyorl rivojlanishi uchun ma’lum darajada qulay ekologik omillar majmui talab etiladi. Har bir omilning organizmga ta’sir etish kuchi hamda quyi va yuqori ta’sir etish chegaralari bo‘ladi. Omilning kuchli ta’sir etuvchi kuchiga optimum zona deb qaraladi yoki optimum deb ataladi. Ekologik omil organizmga haddan tashqari kuchsiz (minimum) va kuchli (maksimum) ta’sir etishi mumkin. Shunday qilib, har qanday ekologik omilning optimum, minimum va maksimum ta’siri bo‘lar ekan. Mi-nimum va maksimum chegaralari kritik nuqta deb ataladi. Kritik nuqtalardan ortiq kuch ta’sirida organizm nobud bo‘ladi.

Omlining kuchli ta'sir etishi, ya'ni optimum qonunning organizmlarga ta'sirini tushunib olish uchun g'o'za o'simligini havo haroratiga bo'lgan munosabati va uning optimum, minimum va maksimum nuqtalari haqida to'xtab o'tamiz. Ma'lumki, chigitning unib chiqishi uchun harorat o'rtacha 12-14°C bo'lishi zarur. Bahorda harorat past kelsa, chigitning unib chiqishi kechikadi. Bizning sharoitda g'o'za nihollari paydo bo'lgan vaqtida havo bilan tuproq haroratisi sekin-asta ko'tariladi va odatda, mo'tadil bo'ladi. Harorat 38°C dan yuqori bo'lganda, ayniqsa, nam kam bo'lsa, o'simlik qizib ketadi. Harorat 1-2°C bo'lsa, g'o'za nihollarini sovuq uradi. Kuzdag'i 3-4°C sovuq ham g'o'zani nobud qiladi. Shunday qilib, g'o'za o'simligining vegetatsiya davomida minimum nuqtadan harorat 1-4°C pasayishi uni nobud bo'lishiga olib keladi. 14-16°C dan 38°C gacha oraliqdagi harorat o'simlik o'sishi uchun qulay, undan yuqorisi esa, noqulay hisoblanadi. G'o'za o'simligi uchun maksimum nuqta 46-47°C deb qarash mumkin.

Muhitning biror omiliga keng doirada moslashgan ekologik turlarga "evri" — old qo'shimchasini qo'shib, tor doirada moslashganlarga "steno" — old qo'shimchasini qo'shib nomlanadi. Haroratga nisbatan evriterm, stenoterm, namlikka nisbatan evrigidrid, stenogidrid, sho'rланishga nisbatan evrigal, stenogal. Ekologik omillarniig ta'sir etish kuchi bilan organizmda bo'ladigan o'zgarishlarning o'zaro ta'siri bosimga nisbatan evribat, stenobat ekologik guruuhlar ajratiladi.

Ekologik omillar organizmning turli funksiyalariga ham turliha ta'sir etadi. Sovuq qonli hayvonlar uchun havo haroratiiing 40-45°C bo'lishi modda almashinuvi jarayonini tezlashtiradi, ammo ularning faolligi, ya'ni harakatlanishi susayadi. Bunda hayvonlar tinim holatiga o'tadi.

Ayrim individlarning tashqi muhit omillariga chidamlilik darjasи, kritik nuqtalari, optimal zonasи ham to'g'ri, kelmaydi. Bu individning irsiy, jinsiy, yosh yoki fiziologik xususiyatlari bilan bog'liq bo'lishi mumkin. Don mahsulotlari va unda yashovchi mita kapalagining g'umbagi uchun kritik harorat — 70°C ni tashkil etsa, katta yoshdagilari uchun 22°C, tuxumlari uchun esa —

27°C. G‘umbakni 10°C harorat nobud qiladi, ammo imago davri va tuxumlariga ta’sir etmaydi.

Muhitning ayrim ekologik omillari organizmga bir vaqtida ta’sir etadi. Ushbu omillarning ta’siri boshqa omillarning miqdoriga bog‘liq bo‘ladi. Buni omillarning o‘zaro ta’sir etish qonuniyati deyiladi.

Organizmning meyorl hayoti uchun ma’lum darajada sharoit talab etiladi. Agar barcha shart-sharoitlar qulay bo‘lib, ulardan biri yetarli miqdorda bo‘lmasa, unga cheklovchi omil deb ataladi. Cheklovchi omil organizmni ushbu sharoitda yashashi yoki yashay olmasligini belgilab beradi.

1840 yilda agrokimyo asoschilaridan biri Yu.Libix o‘simliklarning mineral oziqlanish nazariyasini ilgari suradi. U shu narsani aniqladiki, o‘simliklarning rivojlanishi faqat organizm uchun yetarli miqdorda bo‘lgan kimyoviy elementlar yoki moddalarga bog‘liq bo‘lib qolmasdan, balki yetishmaydiganlarga ham bog‘liq bo‘ladi. Masalan: ortiqcha suv yoki azot – tuproqda mikromiqdorda uchraydigan temir va bor yetishmasligining o‘rnini bosa olmaydi. Libix o‘zining “minimum qonuni”ni shakllantirdi. Bunga asosan – tuproqdagI minimum miqdorda uchraydigan oziq moddalarning miqdorini, albatta oshirish kerak.

“Minimum qonuni” faqat o‘simlik uchungina xos bo‘lmasdan, balki insonga ham xosdir. Inson salomatligi o‘ziga xos moddalar bilan aniqlanadi, odatda bu moddalar organizmda judayam kam miqdorda uchraydi. Agarda bu moddalarning miqdori mumkin bo‘lgan minimum chegarasidan ham pastga tushib ketsa, inson uning yetishmasligini vitamin yoki mikroelement iste’mol qilishi bilan to‘ldiradi.

Amerikalik olim V.Shelfordning ko‘rsatishicha – faqat minimumdagina uchrovchi moddalar emas, balki ortiqcha element ham hosildorlik yoki organizmlarning hayotiyligini belgilashi mumkindir.

V.Shelford bo‘yicha – ortiqcha yoki yetishmaydigan omillar – chegaralovchi bo‘lib, bunga chegaralovchi omil, yoki “tolerantlik qonuni” deb ataladi.

Minimum va maksimum chegaradan tashqariga chiqadigan omillar – cheklovchi omillardir.

Turlarning shimalga tomon siljishiga harorat omilining yetishmasligi ta'sir etsa, qurg'oqchil rayonlarda (janubda) namlik yoki yuqori haroratning ta'siri cheklovchi hisoblanadi. Demak, cheklovchi omillar turlarning geografik tarqalishni ham belgilaydi. Cheklovchi omillar faqatgina abiotik omil bo'lib qolmasdan, balki biotik omillar ham bo'lishi mumkin. Gulli o'simliklar turlarini biror joyga iqlimlashtirishda ularni changlatuvchi hasharotlar cheklovchi omil bo'ladi. Cheklovchi omillarni aniqlash amaliy jihatdan muhim ahamiyatga ega.

### **Nazorat uchun savollar**

1. Muhitning inson organizmiga ta'siri nimalarda namoyon bo'ladi?
2. Insonning rivojlanishida ijtimoiy-ekologik omillarning ortib borishini tushuntirib bering.
3. Inson tabiat o'zaro munosabatlarning evolyutsiyasi haqida qisqacha tushuncha bering.
4. Fan-texnika inqilobi jamiyat va tabiatning o'zaro munosabatiga ta'siri qanday namoyon bo'ladi?
5. Atrof-muhit omillari aholi salomatligi va inson rivojini belgilovchi omil ekani haqida fikringizni bildiring.
6. Ekologik omillar nima, ularning qanday turlari bor?
7. O'simliklarning mineral oziqlanish nazariyasini tushuntiring.
8. Yu.Libixning minimum qonunini tushuntiring.
9. V.Shelfordning tolerantlik qonunini izohlab bering.

### **III-BOB. TABIIY RESURSLARDAN FOYDALANISH**

#### **3.1. Tabiiy resurs tushunchasi**

Jamiyat hayotini yashash vositasi bo‘lgan turli tabiiy resurslar-siz tasavvur qilib bo‘lmaydi.

Resurs so‘zi – fransuz tilidan olingan bo‘lib, “yashash vosita-si” degan ma’noni bildiradi.

Tabiiy resurs deb – tabiatda mavjud bo‘lgan, insonlar tomoni-dan yaratilmaydigan, insonning hayoti, xo‘jalik faoliyati uchun zarur bo‘lgan barcha tabiiy jismlar, sharoitlar va jarayonlarga aytildi.

Mamlakatning tabiiy resurslarga boyligi uning iqtisodini rivoj-lantirishning muhim sharoitlaridan biridir, aksincha zaxiralarning kamliyi yoki umuman yo‘qligi ishlab chiqarish kuchlarini rivojlantirish imkoniyatini bermaydi. Lekin bu qonuniyat har doim to‘g‘ri deb bo‘lmaydi. Dunyoda shunday mamlakatlar borki, ular joylashgan hududda mineral resurslar umuman yo‘q yoki bo‘lsa ham juda oz miqdorda, shunga qaramasdan, rivojlangan mamlakatlar qatoriga kiradi. Masalan, Yaponiya, Janubiy Koreya, Tayland va boshqalar. Bu mamlakatlarda ishchilar, muhandislar va texnik xodimlarning yuqori malakaga egaligi, fan-texnika tarraq-qiyoti uchun yaratilgan sharoitlar sanoatni rivojlatirishda eng muhim omillardan biri deb hisoblanadi.

Tabiiy resurslar klassifikatsiyasi uchta belgi asosida qabul qilingan: paydo bo‘lish manbasi asosida, ishlab chiqarish bo‘yicha va qayta tiklanish darajasi bo‘yicha.

Paydo bo‘lish bo‘yicha tabiiy resurslar biologik, mineral va enegretik resurslarga bo‘linadilar.

Biologik resurslar – biosferaning muhitini tashkil qiluvchi hamma jonivor komponentlari: produsentlar, konsumentlar va redusent-lardir. Ular inson tomonidan moddiy va ma’naviy qulayliklarni olish manbasidir. Biologik resurslarga quyidagilar kiradi: hayvonot, o’simlik olami, go‘zal manzaralar, uy hayvonlari, mikroorganizmlar. Alo-hida o‘rinni genetik resurslar egallaydi.

Mineral resurslar xo‘jalikda mineral xom-ashyo yoki ener-giya manbai shaklida litosferani ishlatish uchun yaraydigan moddiy komponentlardir. Mineral xom-ashyo rudali (undan metallar

ajratib olinadi) va rudamasli (metalmas komponentlar ajratib olinsa yoki qurilish material shaklida ishlatsa) bo'lishi mumkin.

Agarda mineral resurslar yoqilg'i shaklida ishlatsa (ko'mir, neft gaz, torf, yog'och, atom energiyasi) ular yoqilg'i-energetik resurslari turiga kiradilar.

Energetik resurslar – quyosh, koinot, atom – energetik temo va boshqa energiya manbalarini majmuasi.

Ishlab chiqarishda ishlatalishi bo'yicha tabiiy resurslar quyidagilarga bo'linadi:

– yer fondi – dunyo va mamlakat miqyosidagi hamma yellar, vazifalari bo'yicha quyidagi toifalarga bo'linadi: qishloq xo'jaligi, yashash punktlari, qishloq xo'jaligida emas (sanoat, transport, qazib olish sanoatida va h.k). Dunyo yer fondi 13,4 mlrd.gani tashkil qiladi;

– O'rmon fondi – alohida muhofaza qilinadigan hududlarni tashkil qilish uchun o'rmonlar o'sadigan yoki o'sish mumkin bo'lgan sayyoramizning yer fondining bir qismi;

– suv resurslari – xo'jalikda xilma-xil maqsadlarda ishlataligan yer osti va yer usti suvlari (alohida o'rinni chuchuk suv zaxirlari egallaydi)

– gidroenergetik resurslari – daryo, dengizning pasayish – ko'tarilish faoliyatini beradigan resurslar.

– fauna resurslari – inson ekologik muvozanatni buzmagan holda suv, o'rmon, cho'llardagi tirik mavjudotlarni ishlatalishi mumkin bo'lgan resurslar.

– qazilma boyliklar (rudali va rudamasli, yoqilgi – energetik resurslari) – xo'jalikda ishlatalishi mumkin bo'lgan yer qobig'ida-gi minerallarning tabiiy yig'indisi.

Atrof-muhitni asrash nuqtai nazaridan resurslarning uchinchi, ya'ni – qayta tiklanishi klassifikatsiyasi muhimdir.

## 3.2. Tabiiy resurslar tasnifi

Tabiiy resurslar xarakteristikasini bilish ulardan oqilona foydalananishda muhim ahamiyatga ega.

### Tabiiy resurslar tasnifi

Tugaydigan		Tugamaydigan		
Tiklanmaydigan	Tiklanadi-gan	Kosmik resurslar	Iqlim resurslari	Suv resurs-lari
Yer osti boyliklari	Tuproq qatlami	Quyosh radiatsiyasi	Atmosfera havosi	Okean suvlari
Daryo energiyasi	O'simliklar	Dengiz suvini ko'tarilishi va tushishi	Shamol energiyasi	Dengiz suvlari
	Hayvonot dunyosi		Yer osti energiyasi	Daryo suvlari
	Ba'zi mineral xom-ashyolar			Yer osti suvlari
				Muz tarkibi-dagi suvlar

Suv va havo sifat jihatdan tugaydigan resurs hisoblanadi. O'simlik va hayvonlarni faqatgina ma'lum populyatsiyasi saqlanib qolgan holdagina qayta tiklash mumkin. Yer osti qazilmalarining tiklanmasligini hisobga olib, ulardan oqilona foydalanish katta ahamiyatga ega. Ularni qayta tiklab bo'lmaydi. Chunki yer osti boyliklari million yillarda, ya'ni geologik davrlardagina, juda sekin-astalik bilan tiklanadi. Shuning uchun ularni qazib olishda, tashish va ishlatalishda isrofgarchilikga, atrof-muhitning ifloslanishiga yo'l qo'ymaslik kerak.

Dunyo okeani resurslari, atmosfera havosi, Antarktida tabiiy resurslari, kosmik fazo, ko'chib yuruvchi hayvonlar umumjahon resurslari hisoblandi. Ulardan foydalanish, muhofaza qilish faqatgina xalqaro kelishuvlar yordamida, turli mamlakatlar ishtirokida-gina muvaffaqiyatli amalga oshirilishi mumkin.

### **3.3. Tabiiy resurslaridan foydalanish holati va istiqbollari**

Jamiyatning ma'lum rivojlanish davri davomida tabiiy resurslaridan foydalanishda ularni real va potensial resurslarga ajratiladi.

**Real resurslar deb** — jamiyatning ayni holida rivojlanish bosqichida qidirib topilgan, zaxiralari aniqlangan va jamiyat tomonidan faol ishlatalayotgan resurslarga aytildi.

**Potensial tabiiy resurslar deb** — jamiyat tarraqqiyotining hozirgi bosqichida qidirib topilgan, qisman va miqdoran aniqlangan resurslarga aytildi. Ulardan foydalanish uchun texnik vositalar yetarli bo'Imagan, xom-ashyolarni qayta ishlash texnologiyalari ham ishlab chiqilmagan yoki umuman yaratilmagan bo'lishi mumkin.

Yer sayyorasining potensial yer resurslariga cho'l, tog'liklar, botqoqliklar, sho'rangan hududlar, doimiy muzliklar ham kiradi. Potensial resurslariga bir qator kosmik resurslar — quyosh energiyasi, dengiz suvlarning ko'tarilishi va qaytishi, shamol energiyasi va boshqalar ham kiradi.

**Tabiiy resurslardan samarali foydalanish deb** — ulardan shunday foydalanishni tushunmoq qoidalariga to'la rioxanasi qilgan holda jamiyatga faqat hozirgi kunda emas, balki tasavvur qilish mumkin bo'lgan uzoq kelajakda ham eng yuqori samara olish ta'minlangan bo'lsin.

**Tabiiy resurslarni muhofaza qilish deb** — ular hossalarini buzilishi va ifloslanishi, behuda sarflanishi, kamayib ketishini bartaraf qilishga yo'naltirilgan huquqiy, tashkiliy, texnik ijtimoiy va iqtisodiy tadbirlar majmuasiga aytildi.

Hozirgi kunda tabiiy resurslardan foydalanishning yangi usullari keng qo'llanib kelinmoqda:

- tabiiy resurslardan qazib olish jarayonida zamonaviy, tejamkor va atrof-muhitga imkoniyati bor darajada bezarar texnologiyalarning qo'llanish. Masalan, ko'mirni, boshqa qazilma boyliklarni qazib olishda ochiq usulga qaraganda ko'proq yopiq usullardan foydalanish;

- qazib olingan qayta tiklanmaydigan resurslardan kompleks ravishda foydalanib, chiqindiga chiqarmasdan ishlatalish. Qazib olin-gan rudadan nafaqat oltin yoki qimmatbaho metallar ajratib olib rudani oqova suvlarga yuvib borish, balki yangi texnologiyalarni

joriy etib rudadan to'liq foydalanib tarkibidagi boshqa metallarni ham ajratib olish. Neft mahsulotlarini qayta ishlash jarayonlarida qo'llanadigan texnologiyaga bog'langan holda neftdan 60 % dan 85-90%gacha benzin olish mumkin.

— tugaydigan resurslardan tugamaydigan resurslarga o'tish. Kelajakda quyosh radiatsiyasini quyosh energiyasiga to'g'ridan to'g'ri aylantirishning nisbatan arzon usullari yaratilsa bir qator mamlakatlarning isitish tizimlari uchun sarf etiladigan energiyaning 50% ni qoplashi mumkinligini hisoblab chiqilgan;

— qayta ishlash texnologiyalarni keng qo'llash va chiqindilarni boshqa ishlab chiqarishlarda xom-ashyo shaklida ishlatish. AQSh tajribasi shuni ko'rsatdiki, konserva bankalarni qayta ishlash jarayonida alyuminiy olish boksitlardan (tabiiy konlardan) ajratib olishga nisbatan 10 barobar arzonroq ekan. Shishalarni ham qayta ishlash jarayoni uni tabiiy resurslardan ajratib va qayta ishlash jarayoniga nisbatan ancha arzon ekan. Bundan tashqari, yuqorida misol qilib keltirilgan jarayonlarda suv sarfi tejaladi, atrof-muhitga, ayniqsa atmosfera havosiga salbiy ta'siri kamayadi. Makalaturadan qog'oz ishlab chiqarish jarayonida daraxtlardan olish jarayoniga nisbatan atmosfera havosining ifloslanishi 73%, suvning ifloslanishi – 25%, qattiq chiqindilarning hajmi 39% ga kamayadi. Bundan tashqari, makalaturadan 1 tonna qog'ozni ishlab chiqarilishida  $4.7\text{--}5.6 \text{ m}^3$  hajmdagi daraxtlar va  $165\text{--}200 \text{ m}^3$  suv saqlab qolinadi yoki tejaladi.

— chiqindilarni yoqilg'i sifatida ishlatish va h.k.

### 3.4. Energetik resurslar va ulardan foydalanish

Elektr stansiyalar va elektr korxonalarida elektr energiyasi ishlab chiqarish murakkab ekologik muammolar bilan bog'liqidir. Energiya zarurligi – insonning asosiy ehtiyojlaridan biridir. Energiya nafaqat hozirgi zamondagi murakkab inson jamoasining meyorl hayotiy faoliyatni uchun, balki har bir insonning yashashi uchun ham juda zarurdir. Hozirgi vaqtida elektr energiya asosan gidroelektrostansiyalar, issiqlik va atom elektr stansiyalarda olinadi.

Gidroelektrostansiyalar yuzaki qaralganda tabiatga zarar kelirmaydigan ekologik toza korxona hisoblanadi. Odamlar katta

daryolarda ko'plab yirik gidroelektrostansiyalar qurdi. Endilikda esa, bu yirik inshootlarning ham tabiat va insonga katta zarar kel-tirgani ma'lum bo'lib qoldi.

Birinchidan, daryoning katta tekisliklarida to'g'onlar qurish suv havzalari ostida katta hududlar — foydali yerlar qolib ketishiga olib keldi. Ko'plab odamlar o'z joylaridan ko'chirildi va yaylovlardan mahrum bo'ldilar.

Ikkinchidan, daryolar to'sib qo'yilib, to'g'onlar baliqlar migratsiyasi uchun xalaqit berdi.

Uchinchidan, havzalarda suv to'planib uzoq turib qoladi va sifati pasayadi. Suv havzalarining mustahkamligi kamayib borib, daryo va daryo yaqinida yashovchi organizmlarga xavf tug'diradi, ma'lum ta'sirlar ko'rsatadi.

To'rtinchidan, mahalliy suvning ko'payishi tuproq suviga ta'sir qiladi. Buning oqibatida esa yerlarni suv bosishi, qirg'oqlar ko'chiши, har xil eroziya sodir bo'lishi kuzatilmogda.

Issiqlik elektrostansiyalari (IES) ham mamlakatning elektr energiyaga bo'lgan ehtiyojlarini qondirishda muhim o'rinni tu'tadi. Ko'mirda ma'lum darajada radioaktivlik xususiyati mavjudligini hamma ham bilavermaydi.

IESda katta miqdorda yoqilg'i yonadi va ko'p miqdorda radioaktiv chiqindilar havoga chiqadi. Shuningdek, organik yoqilg'ilar yonishi tufayli ham tabiatga juda ko'p zarar keltiriladi.

IESda yonilg'i sifatida mazut va gazdan foydalilaniladi. Ekologik nuqtai nazardan suyuqlik va ayniqsa gaz bilan ishlaydigan energetik qurulmalar qattiq yoqilg'ilar bilan bilan ishlaydiganlariga qaraganda tozaroq hisoblanadi. IESlarni gaz bilan ishlashga o'tkazish energetik qurilmaning FIK ancha oshiradi va ekologik holatni yax-shilaydi.

Atom — energetik stansiyalari oddiy elektr stansiyalarga nis-batan ekologik jihatdan ancha toza. Ammo ular ancha xavflidir. Buni Chernobil va Fukusimadagi atom elektr stansiyasida ro'y bergen halokatlar isbotlaydi.

Shunday qilib, energetika, aftidan, insoniyat oldiga hal etili-shi lozim bo'lgan muammolar qo'yadi. Bu muammolarni hal etish borasida bir necha yo'nalishlarda ishlar olib borilmoqda.

**Ekologlar noananaviy**, qayta tiklanadigan energiya manbalardan foydalanishning istiqbolli ekanini ta'kidlaydilar. Bular, eng avvalo, quyosh va shamol energiyasi, yer bag'rining issiqligi, okeanning mexanik va issiqlik energiyasidir. Mamlakatimizda quyosh (issiqlik) energiyasidan foydalanish borasida katta ishlar qilinmoqda.

Radioaktiv ifloslanish boshqa ifloslanishlardan ancha farq qildi. Radioktiv nuklidlar – bu nobarqaror kimyoviy elementlarnig yadrosidir. Ular o'zlaridan zaryadli zararlar chiqaradi va qisqa to'lqinli elektromagnit nurlanishlar tarqatadi.

Aynan xuddi ana shu zarralar va nurlanishlar inson organizmda turli xastaliklar, xususan, nurlanish kasalligi keltirib chiqarishi mumkin.

Biosferada hamma joyda radioaktivlikning tabiiy manbalari mavjud. Inson ham boshqa tirik organizmlar singari hamisha tabiiy nurlanishlarga duchor bo'ladi. Tashqi nurlanish kosmosdan tarqalgan nurlar va atrof-muhitda mavjud bo'lgan radioaktiv nuklidlar hisobiga sodir bo'ladi. Ichki nurlanishni havo, suv va oziq moddalarli orqali inson organizmiga kirib qolgan radioaktiv elementlar keltirib chiqaradi.

Eng xatarlisi biosferaning anropogen radioaktiv, ya'ni inson faoliyati natijasida ifloslanishidir. Hozirgi vaqtida radioaktiv elementlardan turli sohalarda keng foydalaniladi. Ularning saqlashda va tashishdagi e'tiborsizliklar tufayli jiddiy radioaktiv ifloslanishlar yuz beradi.

Chernobil atom stansiyasidagi portlash tufayli yadro yoqilg'isining atigi 5 % atrof-muhitga tarqalgan edi. Bu ko'plab kishilarning nurlanishiga sabab bo'ldi. Katta hudud radiatsiya bilan shu darajada ifloslanadiki, u joylarda yashash salomatlik uchun xavfli bo'lib qoldi. Radiatsiya halokat joyidan yuzlab va minglab kilometr uzoqlikka tarqaldi.

Hozirgi vaqtida harbiy sanoat va atom elektrostansiyalari chiqindilarini to'plash va saqlash keskin muammo bo'lib bormoqda. Har yili ular borgan sari atrof-muhit uchun katta xavf-xatar tug'dirmoqda. Shunday qilib, yadro energiyasidan foydalanish insoniyat oldiga yangi jiddiy muammolar qo'ydi.

### **3.5. O'zbekiston Respublikasining mineral xom-ashyo resurslari**

Foydali qazilmalar guruhiga ma'danli va ma'dansiz metallar, neft, gaz, ko'mir, torf va yer osti suvlari kiradi. Ular insoniyat uchun yoqilg'i va energiya manbalari hisoblanadi. Ulardan foydalanish yildan-yilga ortib bormoqda. Agar so'nggi 25 yil mobaynida dunyoda ko'mirga bo'lган talab 2 marotaba, kaliy, marganets va fosfor tuzlariga 2-3 marotaba, temirga 3 marotaba, neft va gazga 6 marotaba oshgan bo'lsa, shu davr mobaynida aholining o'sishi 40% ni tashkil etdi.

Hozirgi paytda dunyo miqiyosida yiliga 150 mlrd tonna mineral xom-ashyo qazib olinmoqda.

Tabiiy nurash oqibatida dengiz va okeanlarga daryolar orqali yiliga 15 mlrd tonna tog' jinslari oqib qo'shilmoqda va 3-4 mlrd tonna tog' jinslari atmosfera havosiga ko'tarilmoqda. Inson o'z ehtiyojlarini qondirish maqsadida yiliga 1500-2000 mlrd tonna tog' jinslarini bir joydan ikkinchi joyga ko'chiradi.

Birlashgan millatlar tashkiloti (BMT) ning ma'lumotlariga qaraganda, yiliga dunyoda 2,6 mlrd tonna neft, 3,6 mlrd tonna xrom ma'dani, 3-4 mlrd tonna qo'rg'oshin ma'dani, 6 mlrd tonna temir ma'dani, 7,3 mlrd tonna mis ma'dani, 32 mlrd tonna ko'mir, 1,2 mln tonna uran, simob, molibden, nikel, kumush, oltin va platina ma'danlari, 120 mln. tonna fosfatlar va 159 mln tonna tuz qazib olinmoqda. Agar qazilma boyliklardan hozirgi tezlik bilan foydalanilsa, oltin zaxiralari 35 yilda, rux – 36 yilda, kaliy – 40 yilda, uran – 47 yilda, mis – 66 yilda, surma va simob zaxiralari 70 yilda neft, gaz va ko'mir zaxiralari esa 150 yilda tugab qolishi mumkin. Shuning uchun ko'pgina rivojlangan mamlakatlari (Yaponiya, Angliya, Germaniya, Italiya, Gollandiya, Belgiya va boshqa mamlakatlari) da xom-ashyo va yer osti boyliklarining yetishmasligi tufayli ikkilamchi chiqindilarni qayta ishlab, boshqa mamlakatlarning boyliklaridan foydalanmoqdalar.

Hozirgi paytda olimlar yangi-yangi konlarmi kashf qilishga majbur bo'lmoqdalar. Yaponiya olimlarining ma'lumotlariga qaraganda, okean tubidagi metallar konsentratsiyalari hisobiga dunyo sanoatini hozirgi

iste'mol darajasi mis bilan 2000 yil, marganets bilan 14000 yil, nikel bilan esa 70000 yil ta'minlash mumkin. Hozirgi paytda ushbu boyliklardan dunyo sanoati ehtiyojlari uchun 1% dan 20% gacha foydalanmoqdalar, xolos. Bundan tashqari, yer osti boyliklari ko'pchilik holatlarda 1-2 tur metallar hisobiga qazib olinib, qolgan qismi esa atrof-muhitga chiqindi sifatida tashlab yuboriladi. Masalan, 100 tonna granitdan 14 kg vanadiy, 17 kg nikel, 30 kg xrom, 80 kg marganets, 0,5 tonna titan, 5 tonna rux, 8 tonna alyuminiy ajratib olish mumkin.

Isrofgarchilik, ayniqla, neft, gaz, ko'mir, kaliy tuzlari, qurilish materiallari, qora va rangli metallar, tog' kimyoviy xom-ashyolarini qazib olishda ro'y bermoqda. Dunyodagi neft konlaridan 50-60% neft qazib olinmoqda. Har yili 150 mlrd tonna ma'danlar qazib olinadi va undan kerakli elementlar ajratib olib, qolgan 95-98% atrof-muhitga chiqarib tashlanadi.

Qazilma boyliklarni qidirib topish, ularni tashish va qayta ishlash jarayonida hosildor yerlar ko'lami qisqaradi, o'simliklar nobud bo'ladi, tuproq eroziyasi tezlashadi, natijada yaroqsiz yerlar maydoni oshadi. Bunday yaroqsiz yerlar maydoni XXI asrga kelib 5-6 marotabagacha oshgan. Bir tonna temir olish uchun 5-6 tonna ma'danlar, 1 tonna rux olish uchun 80-100 tonna ma'danlar, 1 tonna mis olish uchun esa 100-140 tonna ma'danlar ishlataladi.

O'zbekiston azaldan yer usti va yer osti boyliklarining ko'pligi va xilma-xilligi bilan ajralib turadi. Respublikamizda 94 mineral xom-ashyo turlarining 850 ta konlari topilgan. Yoqilg'i-energetika konlari, tog' ma'danlari, kimyoviy xom-ashyolar, qurilish materiallari va yer osti suv konlarining aniqlangan zaxiralari asosida 370 ta neft va gaz konlari, shaxtalar, karyerlar va 290 tadan ortiq yer osti chuchuk suv oluvchi inshootlar ishlab turibdi.

Ko'kdumaloq neftgaz kondensat konining tabiiy gaz zaxirasi 143,7 mlrd m<sup>3</sup>, neft zaxirasi 54,2 mln tonna, kondensat zaxirasi esa 67,4 mln tonnani tashkil etadi.

Shuni alohida ta'kidlash joizki, Buxoro va Farg'ona neftni qayta ishslash zavodlari yiliga mos ravishda 2,5 mln tonna va 3,5 mln tonna neftni qayta ishslash quvvatiga ega. Muborak gazni qayta ishslash zavodining quvvati 24 mlrd m<sup>3</sup>/yil bo'lib,

8-9 mln tonna neft (kondensat bilan birligida) va 55,5 mlrd m<sup>3</sup> tabiiy gaz qayta ishlanadi.

Respublikamizda uglevodorod xom-ashyolarining umumiy zaxiralari:

- gaz – 1828 mlrd m<sup>3</sup> (bashoratlar bo'yicha 2970 mlrd m<sup>3</sup>);
- kondensat – 136 mln tonna (bashoratlar bo'yicha 175 mln tonna);
- neft – 103 mln tonna (bashoratlar bo'yicha 145 mln tonna)

ni tashkil etadi.

Respublikamiz miqyosida 20 dan ortiq toshko'mir konlari aniqlangan bo'lib, ularning umumiy zaxiralari 3499 mln.t deb bashorat qilinmoqda. Ularning sanoat ahamiyatiga molik bo'lgan zaxiralari Angren, Shargun va Boysunda joylashgan. Angren toshko'mir konining zaxirasi 1885 mln. tonna bo'lib, undan yiliga ochiq holda 5 mln tonna toshko'mir qazib olinmoqda va kelgusida 10 mln tonnaga yetkazish chora-tadbirlari ko'rilmoxda. Shargun va Boysun toshko'mir konlarining zaxiralari mos ravishda 50 mln tonna 15,6 mln tonnani tashkil etadi.

Farg'ona viloyatidagi Gadnauz qo'ng'ir ko'mir konining zaxirasi 30-35 mln tonna deb bashorat qilinmoqda.

Respublikamizda 33 ta nodir metallar va 32 ta rangli metallar konlarining xom-ashyolari hisobiga 16 ta tog' metallurgiya korxonalarini faoliyat ko'rsatmoqda. Mamlakatimiz miqyosida 27 ta oltin va kumush konlari mavjud bo'lib, shundan 16 ta oltin va 3 ta kumush konlari aniqlangan. Hozirgi paytda Muruntov, Marjonbuloq va Kal-makir kabi 7 ta oltin konlari ishlatilib kelinmoqda. Sobiq Sho'rolar davrida yer qa'ridan olinadigan jami oltin miqdorining 25,2% O'zbekiston hissasiga to'g'ri kelardi. Faqat Muruntov oltin konidan yiliga 50-55 tonna sof oltin olinadi. Nodir metallarning aniqlangan zaxiralari ishlab turgan korxonalarining 20-30 yil ishlashini ta'minlanishi mumkin. Hozirgi paytda Qizilqum va Toshkent atrofidagi iqtisodiy mintaqalarda qidiruv ishlari olib borilmoqda.

Olmaliq tog' metallurgiya kombinatining asosiy xom-ashyo bazarini Kalmaqir, Saricheku, Uchquloch, Qo'rg'onshikan va boshqa mis – molibden va qo'rg'oshin – rux konlari tashkil etadi. Ushbu konlarning ma'danlari tarkibida misdan tashqari oltin, kumush, molibden, selen va boshqa nodir elementlar mavjudligi aniqlangan.

Hozirgi paytda 5 ta aniqlangan volfram konlaridan 2 tasi (Qo'ytosh va Ingichka konlari) ishlatalmoqda. 2 ta volfram konlari (Saritau va Sautboy konlari) va 2 ta qalay koni (Karnab va Zirabulq – Ziyoutdin konlari) ochilgan.

Respublikamizdagi tog' jinslarining kompleksi va yaratilgan mineral xom-ashyolari qurilish materiallari (marmar, granit, segment va boshqalar)ni ishlab chiqarish imkonini beradi.

Respublikada mineral issiq suv va sanoat suvlarining zaxiralari mavjud. Hozirgi paytda 32 ta mineral suv zaxiralari aniqlangan bo'lib, ularning 12 tasida dam olish maskanlari tashkil etilgan. Mineral suv zaxiralari 8208 ming m<sup>3</sup>/sutkani tashkil etmoqda. Yuqori haroratli issiq suv maskanlari Farg'ona vodiysida Buxoro, Samarcand va boshqa viloyatlarda topilgan.

Respublika miqyosida sanoat suvlarining yirik zaxiralari (Ustyurt, Janubiy Orol, Buxoro – Qarshi, Surxondaryo, Farg'ona, artezian xavzalari) ochilgan, ularning tarkibida yod, brom, bor, seziy, rubidiy, stronsiy kabi elementlar mavjudligi aniqlangan. Buxoro – Qarshi artezian havzasining sanoat suvleri eng istiqbolli hisoblanadi.

Oxirgi yillarda chop etilgan ma'lumotlarga qaraganda, hozirgi paytda dunyodagi neft zaxiralari 10<sup>5</sup> mln tonna deb baholanmoqda. Shundan Saudiya Arabiston 25,3%, Iroq 9,9%, Birlashgan Arab Amirligi 9,6%, Quvayt 9,4%, Venesuella 5,8, MDX 5,8 va Meksika 5,6% neft zaxiralariiga ega.

Olimlarimizning fikricha, Respublikamizning 60% hududi neft va gaz qazib olish uchun istiqbolli hisoblanadi va xom-ashyo zaxiralaringin qiymati 1 trillion Amerika dollariga teng deb baholanmoqda.

## **Nazorat uchun savollar:**

1. Tabiiy resurs deb nimaga aytildi?
2. Tabiiy resurslarni turlarini sanab o'ting.
3. Tabiiy resurslarning klassifikatsiyalarini izohlab bering.
4. O'zbekiston respublikasining qanday tabiiy resurslarini bilasiz?
5. Real tabiiy resurslar deb nimaga aytildi?
6. potensial tabiiy resurslar deb nimaga aytildi?
7. Energetik resurslarga nimalar kiradi va ularni izohlang.
8. Foydali qazilmalar guruhiga nimalar kiradi?
9. Respublikamizda nechta mineral xom-ashyo turlari va ularning konlari mavjud?
11. Respublikamizning uglevodorod xom-ashyolari va ularning umumiy zaxiralari haqida ma'lumot bering.
12. Respublikamizdagи toshko'mir konlari va ularni zaxiralari haqida ma'lumot bering.
13. Respublikamizdagи nodir metallar konlari haqida ma'lumot bering.
14. Respublikamizning mineral issiq suv va sanoat suvlari ning zaxiralari haqida ma'lumot bering.

## **IV-BOB. POPULYASTSIYALAR EKOLOGIYASI**

### **4.1. Populyastsiya haqida tushuncha**

Populyatsiya — (franstuzcha populations) xalq, aholi degan ma'nolarni bildiradi. Ekologik nuqtai nazardan populyatsiya deb uzoq muddat davomida muayyan bir joyda yashaydigan yoki o'sadigan va bir turga mansub bo'lgan individlar yig'indisiga aytildi. Populyatsiyaning asosiy xususiyati uning genetik birligidir. Yana bir xususiyati o'zini son jihatdan idora etishidir. Populyatsiyaning optimal sonini saqlab turilishi populyatsiya gomeostazi deyiladi.

Populyatsiyani guruqli birlashma deb atash mumkin. Individlarning ma'lum hududda tarqalishi, jinsi, yoshi hamda morfologik, fiziologik, xulqiy va genetik xususiyatlari populyatsiyaning tuzilmasini ifodalaydi.

Populyatsiyaning individlari bir-biridan yoshi, jinsi, hayot siklining turli fazalariga, beqaror guruhlarga mansubligi bilan farq qiladi.

Populyatsiyalar ekologiyasining asoschisi ingliz olimi Ch. Elton bo'lib, populyatsiyalar ekologiyasi fani 1930-yilda vujudga keldi. Ch. Elton o'zining "Hayvonlar ekologiyasi" kitobida ayrim organizmlarni o'rganishdan populyatsiyalarni o'rganishga o'tish kerakligini aytgan. Chunki bunday o'rganilganda populyatsiyadagi organizmlarning moslashishi va boshqarilishi yaqqol ko'rindi, bunda asosiy masala populyatsiya sonining dinamikasi hisoblanadi.

Populyatsiyalar to'g'risidagi ma'lumot populyastion genetikada paydo bo'ldi va turlar murakkab tizim deb qaralganidan keyin rivojlanma boshladi.

Amaliy ehtiyojlar ham populyatsiyalar ekologiyasining rivojlanishiga sabab bo'ldi.

Populyatsiyalar ekologiyasining rivojlanishiga S.A.Severstov, S.S.Shvarst, N.P.Naumov, G.A.Viktorov katta hissa qo'shdidi. O'simliklar populyatsiyasini o'rganishga E.N.Sinskaya (1948), T.A.Rabotnov, A.A.Uranov asos soldi. S.S.Shvarstning "Hozirgi ekologiyaning uslublari" nomli asarining birinchi qismida "Ekologiya – populyatsiyalar to'g'risidagi fan" deyilgan, populyatsiya esa hayvonlar uchun asosiy va bordan-bir yashash shaklsidir deyilgan.

Populyatsiyani o'rganishda ikkita metodologik yondashish mavjud: birinchisiga muvofiq, dastlab organizmlarning xususiyatlardan kelib chiqadi, keyin ular populyatsiyaning xususiyatlari bilan bog'lanadi. Ikkinchisiga binoan populyatsiyaning xususiyatlari, yashash muhiti bilan bog'lanadi deb ta'kidlanadi.

Populyatsiya bir butun tizim shaklida, tashqi omillar bilan bog'langan holda o'rganiladi. Hozirgi vaqtda biologiyada "populyatsiyalar biologiyasi" sohasi mavjud. Bunda, populyatsiyaning joydagi roli – konsument, produstent va redusentlar, har xil yoshdagi jinsiy guruh va ozuqa zanjirining biosenozdagi roli o'rganiladi. Ekologik yondashish populyatsiyalarning muhit fizik-geografik omillariga moslashishini o'rganish bilan birga, biotik bog'lanishlarga bog'liq, organizmlarning ko'payish va boshqa organizmlar bilan ekotizimda birga yashashini ham o'rganadi.

Populyastion ekologiya quyidagilarni o'rganadi:

- 1) populyatsiyaning ekologik strukturasini maxsus o'rganish;
- 2) populyatsiyalarning tur ichidagi bir-biroviga bog'liqligi, o'zaro munosabati va ta'sirini o'rganish;
- 3) tashqi muhit o'zgarishiga bog'liq, makon va zamonda populyatsiyadagi genotipik tarkibining o'zgarishini o'rganish.

Populyatsiyalar ekologiyasi katta ahamiyatga ega bo'lgan hayvon va o'simliklarni ko'paytirish yo'llarini topish maqsadida vujudga keldi. Bunda, har xil parazitlar, kasal tarqatuvchi organizmlar hisobga olinadi.

Populyatsiyalar ekologiyasi kam uchraydigan va yo'qolib ketayotgan turlarni qo'riqlashning ilmiy asoslarini ishlab chiqadi. Atrof-muhitdagi ko'p hayvon va o'simliklar tartibsiz iste'mol qilinishi natijasida yo'qolib ketadi. Uni tiklash choralar populyastion ekologiyaning vazifalari qatoriga kiradi. Buning uchun populyatsiyalarni tabiiy sharoitda o'rganish kerak, masalani o'rganishda va hal qilishda matematik – statistik usullar katta rol o'ynaydi. Populyatsiyani o'rganishda ayrim omillar orqali kuza-tuvlar olib boriladi. Populyatsiyalar esa doimiy o'zgarishda bo'ladi. Populyatsiya tarkibi uning zamon va makonda tarqalishi to'g'risidagi ma'lumotlar orqali aniqlanadi. Vaqt ichidagi o'zgarishlar esa populyatsiyalar sonining o'zgarishida bilinadi. Populyatsiyalar ekologiyasida o'sish tezligi, populyatsiya sonining o'zgarishi kabilarning matematik modellari ishlatiladi. Bu modellarni tu-zish, yashovchanlik va o'lish terminlari bilan bog'liq.

## 4.2. Populyatsiyalar dinamikasi

Populyastion ekologiyaning amaliy jihatlari yana shu bilan ahamiyatliki, zararkunandalarning ko'payishini oldindan aniqlaydi va unga qarshi kurash yo'llarini ishlab chiqadi. U turlarning kritik soni va yashovchanligini o'rganadi. Populyatsiyadagi organizmlar sonining dinamikasi uzoq muddat davomida kuzatishlar olib borib, uning tashqi muhit omillariga bog'liqligi aniqlanadi.

Populyatsiyalar ekologiyasining predmeti populyatsiyaning tuzilishi, dinamikasini, yoshi va jinsini o'rganishdan iborat. Chunki ular hosildorlik va ko'payish xarakterini ko'rsatadi, bu

esa yashash sharoitiga moslashish kriteriyasi bo'lib, o'lish bilan ko'payish o'rtasidagi nisbatni belgilaydi.

Populyatsiyaning muhim xususiyatlaridan biri, o'zini son jihatidan idora etishidir. Individlar o'rtasida aloqalar bo'lishi bilan birga, ularning yashab turgan joylari bilan ham aloqalari mavjud. Guruhli hayot tarzi, populyatsiya uchun o'ziga xos xususiyatlarni keltirib chiqaradi. Bunday xususiyatlar quyidagilardan iborat: populyatsiyaning soni, zichligi, tug'ilishi, o'lishi, populyatsiyaning o'sishi, o'sish sur'ati, biotik Potensiali va boshqalar.

Individlarning ma'lum hududda tarqalishi, jinsi va yosh bo'yicha nisbatlari, morfologik, fiziologik xulqi va genetik xususiyatlar populyatsiyaning tuzilmasini ifodalaydi.

Populyatsiyadagi individlar bir-biridan yoshi, jinsi, o'zaro chatishadigan avlodlariga hayot siklining turli fazalar va guruhchalarga (poda, koloniya va boshqalar) mansubligi bilan farq qiladi. Har qanday tur populyatsiyalar tizimidan tarkib topadi. Uning tuzilmasi esa individlarning harakatlanishi yoki ma'lum hududga bog'liqlik darjasи, tabiiy to'siqlarni yengib o'ta olish kabi biologik xususiyatlari bilan belgilanadi. Populyatsiyalar ichida organizmning o'sishi, tarqalishi va boshqa ko'pgina sabablarga ko'ra, ya'ni tashqi muhitning o'zgarishi, dushmanlar sonining o'zgarishi kabi qator omillarga bog'liq holda o'zgarish vujudga keldi.

**Populyatsiyaning jins tuzilmasi** turli yosh va guruhlardagi erkak va urg'ochi individlarning soni orqali ifodalanadigan nisbatidir. Populyatsiyadagi jinslar nisbati, birinchidan, jinsiy xromosomalarning qo'shilishiga, ya'ni genetik qonuniyatlarga bog'liq. Ikkinchidan, unga ma'lum darajada tashqi muhit ham ta'sir etishi mumkin. Populyatsiyaning evolyustiyasi uchun urg'ochi organizmlarning soni muhim ahamiyatga ega. Masalan, odamlar populyatsiyasining potensial o'sishi, o'smir va qariyalar emas, 15 yoshdan 35 yoshgacha bo'lgan ayollar hisobiga to'g'ri keladi.

Populyatsiyadagi individlarning nobud bo'lishi va jinslar nisbati amaliy ahamiyatga ega.

Populyatsiyaning yosh tuzilmasi qayta tiklanish jadalligi, nobud bo'lishi darjasи va nasllar gallanishining tezligi kabi muhim jarayonlarni ifodalaydi. U aniq sharoitga qarab, har bir

populyatsiya uchun turning genetik xususiyatiga bog'liq bo'la-di. Yosh tuzilmasi har xil usullarda ifodalanadi.

Populyatsiyani boshqarish foydalanish, monitoring va muhofaza vositasi bo'lib xizmat qiladi. Chunki populyatsiya sonining bos-hqarilishi tabiatda kuzatiladi, uning bir qismi olinganda u yana tiklanadi. Shuning uchun populyatsiyani boshqarish muhofaza vositasi bo'lib xizmat qiladi. U monitoring vositasi ham, chunki tur emas, ularning populyatsiyasini kuzatish kerak. Muhofaza qilganda esa populyatsiyalarni muhofaza qilish orqali o'simlik va hayvon turlarini saqlab qolish mumkin.

Hozirgi vaqtida antropogen omillar ta'sirida tabiiy o'simliklar jamoasida ba'zi bir ko'p iste'mol qilinadigan dorivor va yem-xashak o'simliklarining populyatsiyalaridagi organizmlar insonlar tomonidan me'yorsiz foydalanish natijasida yo'qolib ketmoqda. Masalan, mollar ko'p yeydigan yem-xashak o'tlari me'yorsiz foydalanish natijasida Angren adirlari va boshqa joylarda kamayib bormoqda, ularning joyini esa termopsisga o'xshagan mollar iste'mol qilmaydigan o'simliklar populyatsiyasi egallamoqda. Shuning uchun foydali o'simliklar populyatsiyasini saqlab qolishda populyatsiyalarni monitoring yo'li bilan kuzatish kerak va foydali o'simliklar populyatsiyasining tiklanishi uchun tabiatdan me'yorda foydalanish kerak.

**Populyatsiyaning fazoviy tuzilmasi.** Bunda ayrim individ va guruhchalarining tarqalish xarakteri ifodalanadi. Odatda tur va ayrim populyatsiyalar ichida individlar bir tekis tarqalmaydi, sababi yashash sharoiti, ya'ni ozuqa resurslari, boshpana kabilalar notejis taqsimlangandir. Har qanday populyatsiyadagi individlar-

Bir tekisda	Tasodifiy	Guruhli yoki dog'li
!! !! !!	!! !!	!! !! !!
!! !! !!	!! !!	!! !! !!
!! !! !!	!!	!! !! !!
!! !! !!	!! !!	!! !! !!
!! !!		!!! !! !! !!

ning ma'lum darajada bir joydan ikkinchi joyga ko'chib yurishi kuzatiladi. Ba'zi individlar tug'ilgan joyida umrining oxirigacha yashab qolsa, ba'zi birlari uzoq masofaga ko'chib ketadi. Individlarning uch turda tarqalishi ma'lum: bir tekis, tasodifiy va guruhli.

### **Bir tekisda tasodifiy, guruhli yoki dog'li**

Individlar bir tekis tarqalganda, mevali daraxtlar bog'da o'tkazilgandek, bir-biriga nisbatan bir xil masofada joylashadi. Tabiatda bunday tarqalish turi juda kam bo'ladi. Yetilgan o'rmonlarda baland daraxtlarning joylanishi bir tekis joylanishga misol bo'la oladi.

Tasodifiv tarqalishda individlar bir-biridan har xil masofada joylashadi. Bunday joylashish populyatsiyaning zichligi kam bo'lgan bir xil muhitda uchratiladi.

Tabiatda guruhli tarqalish turi ko'p uchraydi. Bunda individlar to'da hosil qilib bir-biridan turlicha masofada joylashadi. Guruhli tarqalish – notejis muhit ta'siri natijasida, ya'ni muhitning ayrim bo'limlarida qulay sharoit bo'lishi, shuningdek, noqulay omillar bilan birga uchraydigan joylar uchun xarakterlidir.

### **Hayvonlar populyatsiyasining etologik (xulqiv) xatti-harakati tuzilmasi.**

Hayvonlar xulqiy xatti-harakati qonuniyatlarini o'rganadigan fan – etologiya (yunoncha – "ethos" xarakter) deb ataladi.

Bitta populyatsiya a'zolari orasidagi o'zaro munosabat tizimiga – populyatsiyalarning etologik tuzilmasi deyiladi.

Organizmlarning butunlay yakka hayot kechirishi tabiatda uchramaydi. Ayrim turlar juda ham kuchsiz bo'lsa ham kontaktda (birga yashashda) bo'lishi mumkin. Masalan: xon qizi faqat urug'lanish oldidan erkak va urg'ochisi (qarama-qarshi jinslar) uchrashadi, boshqa vaqtlarda bir-biridan alohida yashaydi.

Hayvonlarning xulqi ularning hayot kechirish tarzi bilan bog'liq bo'ladi. Hayvonlarning birgalikda yashashining qator shakllari mavjuddir. Birgalikda yashash – qisqa, uzoq, umrining oxirigacha bo'lish mumkin.

Nasъ qoldirish uchun qayg'urish natijasida oila deb atalmish hayvonlarning birgalikda yashash shakli kelib chiqadi. Ularning birmuncha yirik birlashmalariga poda, gala va koloniya bo'lib yashash kiradi.

Koloniya – o'troq hayot kechiruvchi hayvonlarning birgalikda yashashidir. Ular uzoq vaqt yoki ko'payish oldidan birga yashashi mumkin. Koloniya bo'lib hayot kechirish – oilaviy guruhlarning kengayishi hisobiga kelib chiqadi va birgalikda ko'payish, himoya, o'zini va bolasini boqish va boshqa funksiyalarni bajaradilar.

Galalar – bir turga kiruvchi ba'zi guruh hayvonlarining biron-bir biologik jihatdan foydali harakatni amalga oshirish uchun vaqtinchalik birlashishi hisoblanadi. Galalar dushmanidan saqlanish, ozuqa topish, migrasiyalar kabi funkstiyalarni bajarishni yengillash tiradi. Gala bo'lib yashash baliqlarda, qushlarda va sut emizuvchilardan itsimonlarda uchraydi.

Baliqlar galasi dushmanidan saqlanishda, qushlarniki mavsumiy migrastiya vaqtida shakllanadi. O'troq holda yashovchi qushlar o'rta-sida doimo tovush chiqarib turish, ko'rish bilan bog'liq signallar mavjud.

Bo'rilar galasi qishda birgalikda ov qilish uchun tashkil topadi.

Podalar – galalarga nisbatan hayvonlardagi ancha uzoq muddat davomida doimiy birlashish shaklidir. Podalar odatda tur uchun xos bo'lган barcha funksiyalarni, ya'ni ozuqa topish, yirtqichdan saqlanish, migrasiya, ko'payish va bolalarni tarbiyalash kabilarni amalga oshiradi. Podalardagi hayvonlarning guruhi xulqiy xatti-harakatlari "hukmdor" va "itoatkor" asosidagi o'zaro munosabatlardan tashkil topadi. Podadagi har bir individ rahbarga itoat etgan holda harakat qiladi.

### Tug'ilish va mahsuldarlik.

Tug'ilish ko'payish tezligini miqdoriy jihatdan tavsiflovchi, ya'ni vegetativ yoki generativ yo'llar bilan ko'payishidan qat'iy nazar populyatsiyada yangi hosil bo'lган individlar sonini bildiradi. Populyatsiyada individlар sonining ortishi tug'ilish hisobiga ortib-gina qolmay, balki immigrastiya tufayli, ya'ni boshqa populyatsiyalardan individlarining kelib qo'shilishi hisobiga ham o'zgaradi.

Tug'ilish tushunchasi populyatsiyaga nisbatan ishlataladi. Individlarga nisbatan mahsuldarlik tushunchasi ishlataladi. U ma'lum vaqt oralig'ida paydo bo'lган yangi tug'ilgan individlar sonidir.

Hayoti davomida ko‘payish davri soniga qarab monosiklik va polisiklik turlar farqlanadi.

Monosiklik xususiyat, odatda – hayoti qisqa vaqt davom etadigan turlarga xosdir. (may qo‘ng‘izi, losos baliqlari, boshqa hasharotlar).

Polisiklik rivojlanishida esa, turlar bir mavsumda bir necha marta nasl beradi. Bu ko‘pincha umurtqali hayvonlarga va qator umurtqasizlarga, masalan qisqichbaqasimonlarga xosdir.

O‘simliklarda ko‘payish mono va polikarp turlarga bo‘linadi. Ular hayoti davomida bir marta va ko‘p marta ko‘payadi. Individlarning serpushtligi ham muhim ahamiyatga ega. Serpushtlilik ko‘pchilik hol-larda parvarish qilishga yoki tuxumning ozuqa moddalar bilan ta’millanganligiga bog‘liq bo‘ladi. Qushlarda tuxum qo‘yish baliqlardagi kabi mingtagacha o‘zgarmaydi. Ular bittadan 20-25 tagacha tuxum qo‘yishi mumkin. Ular bolalarini boqish uchun ko‘plab energiya yo‘qotadilar. Kichik qushlar uyasiga bir sutkada 100 marta ozuqa olib keladilar. Masalan: qizilqum chumchug‘i – 200 marotabidan ko‘p; katta chit-tak – 400, sayroqi qush – 600 marotabagacha uyasiga ozuqa olib keladi. Agar uyaga qo‘yilgan tuxumlar odatdagidan ko‘p bo‘lsa, jo‘jal-lar to‘yib ozuqlana olmaydilar, ya’ni ozuqa yetarli bo‘lmaydi va uning hayotchanligi past bo‘ladi. Agar populyatsiyalarda serpushtlik yuqori bo‘lsa, ularning nobud bo‘lishi ham yuqori bo‘ladi. Shuning uchun populyatsiyalarda serpushtlilik yuqori bo‘lsa, ularning umumiyl ko‘pa-yishi past bo‘ladi.

Nobud bo‘lish (o‘lish). Nobud bo‘lish populyatsiyada individlarning o‘lishini tavsiflaydi. Ekologik nobud bo‘lish deganda, ma’lum sharoitda individlarning nobud bo‘lishi tushuniladi. Bu ko‘rsatkich tashqi muhit va boshqa omillar ta’sirida o‘zgarib turadi.

Nobud bo‘lishdan tashqari populyatsiyada individlar sonining kamayishiga emigrasiya ta’sir qiladi. Emigrasiya muayyan bir populyatsiyalardagi individlarning boshqa populyatsiyaga chiqib ketib, jadal ko‘payishi va individlarning yuqori zichligi natijasida kelib chiqadi.

Populyatsiyadagi sonlarning umumiyl o‘zgarishi 4 ta holat hisobiiga amalga oshadi: tug‘ilish, o‘lish, turning emigrasiyasi, immigrasiya.

Populyatsiya sonining o'zgarishi “=” tug'ilish “+” immigrasiya “-” o'lish “+” emigratsiya.

Populyatsiyada individlarning o'lishi ko'pgina sabablar orqali sodir bo'ladi: turning genetik va fiziologik to'liqligi, muhit sharoiti, noqulay omillar ta'siri, yirtqichlar, parazitlar, kasalliklarning ta'siri. Tajribada populyatsiyalarda o'lishning qanday borishini bilish uchun yashab qolish jadvali tuziladi. Bu jadval asosida yashab qolish egri chizig'i chiziladi.

Tabiatdagi ko'pchilik turlar uchun o'lim — yosh organizmlarda ularning hayotining erta davrlarida — voyaga yetganlarga qaraganda doim yuqori bo'ladi. Ko'pgina baliqlarda voyaga yetgan fazagacha qo'yilgan ikraning 1-2 % gina yashab qoladi. Hasharotlar tomonidan qo'yilgan tuxumlarning — 0,3-0,5 % yashab qoladi.

Insonlarda ham uzoq vaqtgacha yosh bolalar o'limi yuqori bo'lgan — tibbiyot rivojlanishi bilan, o'lim biroz kamaygan. Bu esa avlodlar yashovchanlik egri chizig'i tipining o'zgarishiga olib keladi va yer yuzi aholi sonining ortishiga, ya'ni "demografik portlashga" olib keldi.

O'lim 3 ta turga ajratiladi:

1-turiga — butun hayot davomida bir xildagi o'lim kiradi, yoki bir tekis nobud bo'lishi kuzatiladi, u eksponensial egri chizig'i bilan ifodalanadi. Bunday tipdagи o'lim juda kam uchraydi, ya'ni butun hayoti davomida nisbatan kam nobud bo'lishi kuzatiladi. Bu grafikda boshlanish va generatsiyaning nol miqdoridan boshlab bir tekis to'g'ri chiziq hosil qiladi.

2-turi — rivojlanishning boshlang'ich bosqichida yuqori o'lim bilan xarakterlanadi. Ko'pchilik o'simliklarning maksimal halokati — urug'ning va o'simtaning unib chiqish bosqichida ro'y beradi. Hayvonlarda esa — lichinka fazasi va yosh holatida kuzatiladi. Bunday populyatsiyalarda o'lish egri chizig'i vertikal o'q bo'yicha boshidayoq keskin pastga tushib ketadi. Voyaga yetgan shakllari ancha himoyalangan va chidamli bo'ladi.

3-turi — katta yoshdagи, ayniqsa qari turlarda yuqori halokat bilan xarakterlanadi. Agarda bitta generasiyadan hosil bo'lgan individlar o'zlarining biologik yosh chegaratsigacha yashab, keyin

qisqa vaqt ichida o'ladigan bo'lsa, bu ideal holat hisoblanadi. Bu populyatsiyadagi eng kam nobud bo'lishga to'g'ri keladi. Avlodlar sonining vaqtga bog'liqligini ifodalaydigan bunday egri chiziq dastlab gorizontal o'qqa parallel holda boradi, keyin esa tez pastga egilib tushadi.

Tabiatda ayrim turlarning nobud bo'lishi unga ma'lum miqdorda yaqin bo'lishi mumkin: Masalan, ayrim hasharotlarda — qo'ng'iz, yirik sut emizuvchilarda kuzatiladi.

Bu tipga hozirgi inson populyatsiyalarini ham kirsh mumkin. Bunday populyatsiyalarda turning o'rtacha hayotining davom etishi yuqori bo'lib, maksimumiga yaqinlab qoladi.

Populyatsiyadagi individlarning tug'ilishi bilan nobud bo'lishi o'rtasidagi farq hayotchanlik deb qaraladi.

Yuqorida aytilgan o'limning 3-turi asosida yashovchanlik, hayotchanlik egri chizig'i chiziladi.

**Biotik Potensial.** Agar tashqi muhit omillari uni cheklab qo'ymasa, har qanday populyatsiya ilmiy jihatdan olganda tabiatda sonining cheksiz o'sishiga moslashgan. Bunday gipotetik holatda populyatsiya o'sish tezligi tur uchun xos bo'lgan faqat hayotiy potensial kattaligiga bog'liq bo'ladi. Bu tushuncha ekologiyaga 1928 yilda R. Chepmen tomonidan kiritilgan. Biotik potensial ma'lum vaqt birligi ichida bitta juftdan olinadigan avlodlarning nazariy maksimumini, masalan yil davomida yoki hamma hayotiy davr davomidagisini aks etiradi. Biotik potensial hisoblanganda u koeffisientlar bilan belgilanadi. Populyatsiyaning maksimal o'sishi  $\Delta N$ , ma'lum bir vaqtgagi populyatsiyalarning soni  $\Delta t$ , populyatsiyaning boshdag'i soni —  $N_0$ , bo'lsa,  $N$ -populyatsiya soni,  $N_0$ -populyatsiya sonining dastlabki davrlari, t-qandaydir bir vaqtgagi soni. Har xil turlarda biotik potensial kattagaligi har xildir. Masalan, hayoti davomida urg'ochi asalari — 50 ming tuxum, baliq (ayrim turlari) 3 milliardgacha ikra qo'yishi

$$\Delta N$$

$$U \text{ holda } ----- = r N_0 \quad \text{bundan } r = -----$$

$$\Delta t$$

$$N_0 \Delta t$$

mumkin. Bu turlarning biopotensiali aslida bundan ham yuqori. Agarda hamma avlodlari saqlanib qolsa, har qanday populyatsiyaning soni ma'lum bir vaqt intervalidan keyin geometrik progressiya bo'yicha oshishi mumkin edi. Mana bunday populyatsiyalarning o'sishini ko'rsatadigan egri chiziq cheksizlikka ketishi mumkin.

Bunday egri chiziq — eksponensial deyiladi.


Populyatsiya sonining cheklovchi omillar ta'sirisiz o'sishi eksponensial o'sish deb qaraladi.

Eksponensial o'sish organizmlar soni ortishining potensial imkoniyatini tavsiflaydi. R.N.Chepmann uni biotik potensial deb atagan.

Tabiatdagi populyatsiyalarning biotik Potensiali hech qachon to'liq o'zlashtirilmaydi. Uning kattaligi odatda populyatsiyada tug'ilish va o'lish orasidagi farq bilan ifodalanadi:  $r = v - d$

bu yerda, populyatsiyadagi bir vaqtning o'zida —  $v$  — tug'ilgan,  $d$  — o'lgan organizm soni.

Grafik arifmetik shaklida eksponensial j — simon egri chiziq bilan ifodalanadi. Logarism shaklga ega grafik to'g'ri chiziq shaklida bo'lib, uning egilishi populyatsiyaning potensial o'sish bilan bog'liq bo'ladi. Tabiiy populyatsiyalarda eksponensial o'sish juda qisqa vaqt davomida kuzatilishi mumkin. Bunda populyatsiya umuman juda katta tezlik bilan o'sadi. Fitoplanktonlarning yalpi ko'payishi natijasida yuqoridagi o'sish kuzatiladi. Cheklovchi tashqi muhit sharoitida ko'pchilik tirik organizmlar uchun populyatsiyalar sonining logistik o'sishi xosdir.



1845 yili Ferxyulst ko'rsatib bergenidek, uning grafik ifodasi S – simon, ya'ni  $j$  – simon egri chiziqqa nisbatan ancha siniq ko'rinishda bo'ladi. Populyatsiyaning logistik o'sishi dastlab sekin boradi, keyinchalik tezlashib ketadi. Tashqi muhit tayziqi, ya'ni noqulay ta'sir etuvchi omillar tufayli tug'ilishga nisbatan nobud bo'lish ortadi. Natijada populyatsiyaning o'sishi pasayadi. Ma'lum vaqtadan so'ng barqaror muvozanat qaror topdi. Populyatsiyaning zichligi bilan tashqi muhit resurslari nisbati to'g'ri kelganda muvozanat kuzatiladi.

#### *Populyatsivalar dinamikasining ba'zi turlari:*

A.-j – simon eksponensial o'sish egri chizig'i; B. S – simon logistik egri o'sish chizig'i.

M va K – soni o'zgarishning quyi va yuqori chegaralari.

Populyatsiyalarning o'sishini ikki omil boshqaradi:

1. Organizmlarning tug'ma qobiliyati, ya'ni maksimal tezlik bilan ko'payishi (biopotensial).

2. Muhitning tayz'iqi, ya'ni u biopotensial bilan amaldagi o'sish tezligi o'rtasidagi farqda ko'rindi. Muhitning tayziqi – o'z ichiga tiklanadigan (suv, yorug'lik, ozuqa) va tiklanmaydigan (fazo, uya qurish uchun joy va b.) resurslarni oladi.

#### **Nazorat savollari**

1. Populyatsiya nima?
2. Populyatsiyaning qanday xarakterli belgilarini bilasiz?
3. Qanday populyatsiya tiplari bor?
4. Populyatsiyalar dinamikasi, uning joyda tarqalish tiplari qanday?
5. Populyatsiyaning vaqtda o'sishi va model nima?
6. Nima uchun populyatsiya muhofaza vositasi hisoblanadi?

## V-BOB. BIOSENOZ HAQIDA TUSHUNCHА

Ma'lumki, har qanday tirik organizm bir qancha boshqa organizmlar orasida yashaydi va ular bilan turli munosabatlarda bo'ladı. Tirik organizmlarning birgalikda tashkil etgan tuzilmalari yoki hamjamoałari o'ziga xos tabiiy qonuniyatlar orasida vujudga keladi va boshqarib turiladi. Organizm darajasidan yuqori turadigan ana shunday tizimlardan biri – biosenozlardir. "Biosenoz" lotincha so'z bo'lib, bios – hayot, senoz – umum, jamoa demakdir.

Biosenoz deb ma'lum vaqt mobaynida bir-biri bilan uzviy bog'liqlikda shakllangan va birgalikda faoliyat ko'rsatadigan turli tirik organizmlarning to'plamiga aytildi. Ekologik jihatdan biosenozning quyidagi xususiyatlariga asosiy e'tiborni qaratish lozim:

- biosenoz turli tirik organizmlar guruhlaridan iborat murakkab tabiiy tizim sifatida faoliyat ko'rsatadi;
- uning shakllanishi ko'p hollarda uzoq vaqtni talab etadi;
- undagi tirik organizmlarning o'zaro munosabatlari muvozanatlashgan holda bo'ladı;
- biosenozdagi tirik organizmlar o'zaro va atrof-muhitga moslashib yashaydilar.

Biosenozlar xilma-xil tuzilmaga ega. Odatda uni tur, fazo va ekologik tuzilmalarga bo'lib o'rganiladi. Biosenozning tur tuzilmasi deyilganda undagi turlarning xilma-xilligi, miqdori, ularning ekologik holati va hokazolar e'tiborga olinadi.

Biosenoz odatda fitosenoz, zoosenoz va mikrobiyosenozlardan tashkil topadi. Fitosenoz hosil qilishda o'simliklar orasida son jihatdan ko'plikni tashkil etuvchi yoki ko'zga yaqqol tashlanuvchi tur ajratiladi va bu tur odatda hukmron (dominant) tur deyiladi. Dominant turlarga nisbatan ozroq miqdorda uchraydigan, ammo fitosenozda ma'lum ahamiyatga ega bo'lgan turlar subdominantlar deyiladi. Kamroq sonda uchraydigan turlar komponentlar deyiladi. Biosenozdagi bir turning boshqa turlarga nisbatan tutgan o'rni ekologik o'rni deyiladi. Ekologik o'rni trofik, topik, forik va fabrik kabi toifalarda namoyon bo'ladı. Trofik aloqa bir turning ikkinchi tur bilan oziqlanishida namoyon bo'ladı (o'simlik – o'txo'r-go'sht-

xor). Trofik bog'lanishlar bir tur ikkinchi tur bilan oziqlansa (bu tirik yoki o'lik organizmlar qoldig'i bo'lishi mumkin), hayoti davomida shu yo'l bilan tayyorlangan mahsulotlardan oziqlanishda foydalaniadi. Masalan: ninachilar har xil hashoratlar bilan ovqatlanadi, asalarilar o'simliklarning gullaridan nektar oladi (ular o'simliklar bilan bevosita munosabatda bo'ladi, chunki o'simliklar asalarilarga ovqat tayyorlab beradi).

Topik bog'lanishlar – bir organizm hayoti boshqa bir organizmning yashash sharoitida kelib chiqadigan fizikaviy va kimyoviy o'zgarishlarga sababchi bo'ladi, Masalan: o'simliklar boshqa organizmlarga ularning hayot muhitni o'zgartish orqali ta'sir ko'rsatadi.

O'simliklar jamoasi yer yuzida issiqlikning taqsimlanishi va mikroiqlim shakllanishida muhim rol o'ynaydi.

Topik va trofik bog'lanishlar biosenoz hayotida katta rol o'ynaydi va biosenoz hayotining asosini tashkil qiladi. Har xil organizmlar orasidagi bog'lanishlar mana shu topik va trofik bog'lanishlar orqali amalga oshadi va organizmlarning jamoada bog'lanishiga sabab bo'ladi.


Forik bog'lanishlar – bir turning tarqalishida boshqa bir turning qatnashuvидir. Bunda asosiy rolni hayvonlar o'ynaydi. Hayvonlar yordamida o'simliklarning urug'lari, sporalari va changlari tarqaladi.

Hayvonlar o'simliklar urug'larini passiv va aktiv yo'llar orqali tarqatishi mumkin. Passiv yo'l orqali tarqalishiga misol qilib hayvonlarning to'satdan o'simliklarga tegib ketishi va ularning urug'larini o'ziga yopishtirib olib beixtiyor tarqatishini olish mumkin. Masalan, sut emizuvchi hayvonlar, junlariga yopishgan tukchali urug'larning uzoq joylarga tarqalib ketishiga sababchi bo'ladi.

Aktiv yo'l bilan tarqatish – bu o'simlik urug'lari va mevalarning hayvonlar tomonidan eyilishi, hazm bo'limgan urug'larning chiqarishidir.

Fabrik bog'lanishlarda bir tur ba'zan o'z faoliyatlarida boshqa turlar qoldiqlarini ishlatadi. Masalan, qushlar o'ziga uya qurganda daraxtlarning mayinroq shoxchalarini, sut emizuvchilarning junisti, o'tlarni va barglarni ishlatadi.

## 5.1-rasm. Biosenoz tuzilmasi



Biosenozda organizmlar bir-biri bilan turlicha munosabatda, ya'ni biotik aloqada bo'ladilar (5.1-jadval). Bu aloqalarni quyidagi shakllarga ajratish mumkin:

- mutualizm yoki simbioz — o'zaro aloqaning har ikki tomoni uchun foydali bo'lishi;
- kommensalizm — o'zaro aloqaning organizmlarning biri uchun foydali, ikkinchisi uchun zararsiz bo'lishi;
- yirtqichlik — aloqaning organizmlarning biri uchun foydali, ikkinchisi uchun zararli bo'lishi;
- parazitizm — bir organizmni ikkinchi organizm hisobiga yashashi;

— neytralizm — organizmlarning bir-birlariga foyda-zararini yo‘qligi va boshqalar.

Biosenozning fazoviy tuzilmasi deyilganda organizmlarni relyef bo‘ylab tarqalish qonuniyati tushuniladi. Biosenozning ekologik tuzilmasi deganda ekologik omillarga bog‘liq ravishda shakllangan organizmlar guruhlarining bir-biriga nisbati tushuniladi. Masalan, organizmlarning cho‘l yoki ko‘l sharoitlari moslashgan turlar nisbati.

### Biosenozdagi organizmlarning o‘zaro munosabatlari

Mutualizm (simbioz)	O‘zaro aloqa har ikki tomon uchun foydalii
Kommensializm	O‘zaro aloqa biri uchun foydalii, ikinchisi uchun zararsiz
Yirtqichlik	O‘zaro aloqa biri uchun foydalii, ikkinchisi uchun zararli
Parazitizm	Bir organizmning ikkinchi organizm hisobiga yashashi
Neytralizm	O‘zaro aloqaning bir-biriga foyda-zararini yo‘qligi

Moddalarning aylanma harakatida qatnashishiga qarab, biosenoza kiruvchi organizmlar 3 guruhgaga bo‘linadi:

**I. Produsentlar** (hosil qiluvchilar), avtotrof organizmlar bo‘lib, anorganik moddalardan organik moddalar hosil qiladi. Bular yashil o’simliklardir.

**II. Konsumentlar** (iste’mol qiluvchilar), geterotrof organizmlar bo‘lib, avtotrof organizmlar hisobiga yashaydi. Ular uchga bo‘linadi:

1-darajali konsumentlar — o’simlikxo‘r hayvonlar, parazit bakteriyalar va zamburug‘lar;

2-darajali konsumenlar — o’simlikxo‘r hayvonlarni iste’mol qiladigan yirtqichlar;

3-darajali konsumentlar — superparazitlar.

**III. Redusentlar.** Bular tuproqdagi mikroorganizmlar bo‘lib, o’simlik va hayvon qoldiqlari bilan oziqlanib, uni parchalovchi organizmlardir. Biosenozni tashkil qiluvchi o’simlik, hayvon va mikroorganizmlar jamoasining birga yashashga moslashuvi ularning abiotik omillarga bo‘lgan o‘xshash ehtiyojlarida ifodalanadi.

“Biosenoz” atamasi hozirgi zamon ekologik adabiyotlarda, ma'lum hududlarni belgilash maqsadida ham ishlataladi. Masalan, bug'doy dalasi biosenozi, o'tloq biosenozi, o'rmon biosenozi va hokazolar. Bunda, birga yashashga moslashgan o'simlik, hayvon va mikroorganizmlar kompleksi hisobga olinadi.

Yer yuzidagi biosenozlar ko'p yarusli bo'lib, ular har xil balandliklarda, vertikal joylashgan qatlamlarga ega. Masalan, o'rmonlarda daraxtning ildizi va tanasining joylashishiga qarab bir necha yaruslar ajratish mumkin: 1) Daraxtlar; 2) Butasimon o'simliklar va yosh daraxtlar; 3) O'tsimon o'simliklar va butachalar; 4) Moxlar.

Hayvonlar ham o'rmonda har xil yaroslarni egallab, ya'ni har xil balandliklarda yashaydi. Ko'p qushlar o'z uyalarini yerda quradi. Olaqush, zag'izg'on va boshqalar esa daraxtlar tanasiga (qizilishton va boshqalar), uchinchi xillari esa daraxtlarning ustiga quradi.

Har bir yarusdagi o'simlik, umurtqali va umurtqasiz hayvonlar o'rtasida kuchli bog'lanish kuzatiladi.

Jamoalar strukturasida turlarning roli bir xil emas. Bir xil turlar asosiy rol o'ynaydi, son jihatidan ustun va ular dominant deyiladi. Biosenozdagi muhit sharoitini belgilovchi turlar edifikatorlar deb yuritiladi va ular dominantlarga kiradi.

1. Yirtqichlik va parazitlikning asosiy ekologik roli shundan iboratki, oziqlanish davrida hayvonlar bir-birlari bilan oziqlanib, moddalarning aylanma harakati uchun zarur sharoit yaratadi. Ma'lumki, tabiatda moddalarning aylanma harakatisiz hayot bo'lmaydi.

2. Yirtqich – o'lja munosabatlarining roli shundan iboratki, shu munosabat tufayli hayvonlarning soni ma'lum bir miqdorda saqlanadi. Masalan: Arizona shtatida bo'rilarни hammasi otib tashlanganda, kiyiklar ko'payib ketib, ovqat yetishmasligi natijasida kiyiklar ham qirilib ketgan.

Laboratoriya sharoitida, yirtqich va o'lja bir joyda, birgalikda yashaganda, ularning miqdori doimiy ravishda o'zgarib turadi.

Eksperimental ekologiya asoschisi Gauze tomonidan o'tkazilgan tajribalarning birida o'lja – tufelkalar ko'payishi bilan birga, bir vaqtning o'zida yirtqich – infuzoriyalar ham ko'payib boradi.

Yirtqich infuzoriyalar tez ko'payib, eng baland nuqtaga yetganda, ular o'lja — tufelkani yeb tamomlaydi. Shundan keyin ovqat yetishmasligi natijasida yirtqich infuzoriyalar ham o'la boshlaydi. Probirka tagida oz sonli tufelkalar qolgan qum orasida yashirinib, yirtqich infuzoriyalar o'lgandan keyin, yana ko'paya boshlaydi va hokazo.

Organizmlar orasidagi munosabatlar turlicha. **Kommensalizm**, deb shunday munosabatga aytildiği, bunda bir tur ikkinchisiga (kommensal uchun) ovqat tayyorlab beradi. Kommensalizm bu bir tomonlama foydalanish, ya'ni bunda bir tur ikkinchi tur tomonidan bir tomonlama foydalanadi, lekin unga zarar keltirmaydi. Kommensalizmga misol qilib daraxtlarning po'stlog'ida joylashgan epifitlarni ko'rsatish mumkin. Qushlarning uyasida, kemiruvchi hayvonlarning inlarida ko'plab bo'g'imoyoqlilar yashaydi. Bu inlarda hashoratlар uyaning mikroiqlimidan foydalanadi, organik moddalarning qoldiqlarini iste'mol qilish bilan kifoyalanadi.

Nepentens o'simligining ko'zachasidagi shira ichida ninachi va chivinlarning lichinkalari yashaydi. Ular o'simlik ko'zachasiga tu-shgan hasharotlarni yeb oziqlanadilar.

Kommensalizm tabiatda zichroq yashash, resurslardan to'liq foydalanishda yordam beradi.

**Mutualizm** – bu ikkala tur uchun ham foydali bo'lib, u parazitlikdan, yoki kommensalizmdan kelib chiqishi mumkin. Bunga azot to'plovchi bakteriyalar bilan dukkakli o'simliklar orasidagi simbioz misol bo'lishi mumkin. Tabiatda 20000 dan ortiq simbioz tarzida yashovchi turlar qayd etilgan.

**Neytralizm** bu ikki turning birga yashashidir, ular bir-biriga na salbiy va na ijobiy ta'sir ko'rsatadi.

**Ammensalizmda** ikki turning birga yashashi, bittasiga salbiy ta'sir ko'rsatadi, ikkinchisi esa bundan na foya va na zarar ko'radi.

**Raqobat** bir xil ekologik talabga ega guruhlari orasida kelib chiqadigan munosabatdir. Bu shunday ekologik bog'lanishki, uning natijasida ikkala tur ham salbiy ta'sirga yo'liqadi.

Bir xil ekologik talabga ega ikki tur bir jamoada uchrasa, ular dan bittasi ertami kechmi, siqib chiqariladi. Hayotda ko'p uchraydigan bunday holat konkurentlik deb ataladi. Bu qonun Gauze tomonidan aniqlangan.

Ch.Darvin konkurentsija — yashash uchun kurashning asosiy shakllaridan biri, deb ta'kidlab, uning turlar evolyutsiyasida katta rol o'ynashini isbotladi. Konkurentsiyada tashqi muhit sharoitiga yaxshi moslashgan turlargina yengib chiqadi.

**Tekinxo'rlik.** Bunda bir o'simlik boshqasining hisobiga yashaydi, ko'pgina zamburug' va bakteriyalar o'simliklar va hayvonlarda parazitlik qiladi.

O'simliklarning bir-biriga ko'rsatadigan ta'siri, ular chiqarib turadigan fiziologik aktiv moddalar orqali ham amalga oshadi. Bunday munosabat allelopatiya deyiladi (yunoncha "alleon" — o'zaro ikki taraflik va yana "patos" — qiynalish demakdir).

O'simliklar fitonsidlar chiqarib turadi. Mikroorganizmlar va zamburug'lar antibiotiklar chiqaradi.

Ba'zi o'simliklar moddalar chiqarib, atrofidagi kasallik tarqatuvchi mikroorganizmlarni o'ldiradi va o'z atrofida ochiq joy saqlaydi. Rabotnov bu joyni fitogen maydon deb atagan.

### Nazorat savollari

1. Biosenoz nima?
2. Biosenozga qanday guruh organizmlar kiradi?
3. Biosenozda qanday bog'lanishlar bo'ladi?
4. "Yirtqich — o'lja" va "parazit — xo'jayin" munosabatlari nima?
5. Jamoada organizmlar orasida qanday bog'lanishlar kuzatiladi?

## VI-BOB. EKOLOGIK TIZIMLAR HAQIDA TUSHUNCHА

Yashash sharoiti o'xshash va o'zaro munosabati natijasida bir-biriga ta'sir ko'rsatuvchi har xil turga mansub bo'lgan birgalikda yashovchi organizmlar yig'indisiga ekologik tizim deyiladi. O'rmon, cho'l, o'tloq va suv havzasi ekotizimga misol bo'la oladi.

Ekotizim tushunchasi fanga 1935 yili ingliz ekologi A.Tensli tomonidan kiritilgan. Ekotizim konsepsiyasining rivojlanishiga parallel holda biogeosenoz ta'limoti ham muvaffaqiyatli rivojlanib bordi. Biogeosenoz tushunchasini esa 1942 yilda rus botanik olimi,

akademik V.N. Sukachev taklif qilgan (“bios” – hayot, “geo” – Yer, “senoz” – umumiy yoki jamoa) ma’nosini beradi.

Ko’pincha ekotizim va biogeosenoz tushunchalari bir-birining sinonimi sifatida qo’llaniladi va deyarli bir xil ma’noni bildiradi, ammo ba’zi bir tomonlari bilan farqlanadi:

Biogeotsenoz	Ekotizim
<ol style="list-style-type: none"> <li>1. Tabiiy xodisa hisoblanadi</li> <li>2. Ma'lum tabiiy chegaraga ega bo'lgan fazoviy birlik</li> <li>3. Uning tarkibiga odam kirmaydi.</li> </ol>	<ol style="list-style-type: none"> <li>1. Tabiiy yoki sun'iy hodisa bo'lishi mumkin</li> <li>2. Yirik ekotizimlar odatda odam ta'sirida bo'ladi</li> <li>3. Funksional birlik bo'lgani uchun qo'shni ekotizimlardan ajralib turishi shart emas.</li> </ol>

Biogeosenozning asosiy komponentlari – atmosfera, tog' jinslari, suv, o'simlik va hayvonot dunyosi hisoblanadi. Uning organik dunyosi (o'simliklar, hayvonlar, zamburug'lar, mikroorganizmlar) – biosenoz deb atalib, muhit esa – ekotop deyiladi. Ekotop o'z navbatida klimatop (atmosfera) va edafatop (tuproq) kabi tarkibiy qismlardan iborat.

Biogeosenozlar har xil o'lchamda, ya'ni kichik va katta maydonda bo'lishi mumkin. Botqoqlikdagi do'nglik, o'rmondag'i to'nka, biror hayvon uyasi atrofi, akvarium kabilalar kichik biogeosenozga misol bo'lsa, o'rmon, dasht, cho'l, o'tloqzor va boshqa maydonlar yirik biogeosenozga misol bo'la oladi.

A.Tensli ta'rifica – ekotizim ichki va tashqi doiralarda moddalar va energiya almashinuviga ega bo'lgan tirik va jonsiz komponentlarning cheksiz barqaror tizimi hisoblanadi. Demak, ekotizim – mikroorganizmlarga ega bo'lgan bir tomchi suv, o'rmon, tuvakdag'i o'simlik, kosmik kema, biosfera va hokazolar.

Ekotizimlar biogeosenozga nisbatan kengroq tushuncha hisoblanadi. Har qanday biogeosenoz o'z navbatida ekotizim bo'la oladi, ammo har qanday ekotizimni biogeosenoz deb bo'lmaydi.

## **6.1. Ekotizimda moddalar aylanishini ta'minlashda ishtirok etuvchi organizmlar**

Ekotizimlarda moddalar aylanishini ta'minlash uchun ma'lum miqdorda zarur anorganik moddalar zaxirasi va bajarayotgan ishi jihatidan uch xil ekologik guruhni tashkil etuvchi organizmlar bo'lishi kerak.

Bular: produsent — hosil qiluvchilar konsumentlar — iste'mol qiluvchilar redusentlar — parchalovchilar.

1. Produsentlar — yashil o'simliklar — bo'lib, ular quruqlikdagi har qanday biosenozning asosiy tarkibi va energiya manbai sifatida xizmat qiladi. Ular assimilyatsiya jarayonida to'plangan energiyasini boshqa organizmlarga beruvchilardir.

Fotosintez qiluvchi organizmlar quyosh energiyasi ishtirokida organik moldalarni sintez qilib, yorug'lik energiyasini bog'langan kimyoviy energiya sifatida to'playdi.

2. Konsumentlar — bu guruhga hayvonlar kiradi. Ular o'simliklar tomonidan to'plangan organik moddani iste'mol qiluvchilar hisoblanadi.

Birinchi tartibdagagi konsumentlarga produsentlar bilan oziqlanuvchi o'txo'r hayvonlar kiradi. Quruqlikdagi keng tarqalgan birinchi tartibdagagi konsumentlar hasharotlarning ko'pchilik vakillari, sudralib yuruvchilar, qushlar, sut emizuvchilardir.

Eng muhim birinchi tartibdagagi konsumentlar sut emizuvchilarning o'txo'r guruhlari, kemiruvchilar va tuyoqlilar hisoblanaadi. Ularga ot, tuya, ko'y, echki va qoramollar kiradi.

Ikkinci va uchinchi tartibdagagi konsumentlar. Ikkinci tartibdagagi konsumentlar o'txo'r hayvonlar bilan oziqlanadi. Bular tartibdagagi hayvonlar bilan birga etxo'r hayvonlar deb qaraladi. Ikkinci va uchinchi tartibdagagi konsumentlar yirtqichlar bo'lishi mumkin. Shuningdek, o'laksa bilan oziqlanishi yoki parazit hayvon ham bo'lshi mumkin.

Zamburug'lar biosenozda turlicha rol o'ynaydi. Ular orasida o'simlik va hayvonlarda tekinxo'r holda yashovchi va ko'pchiligi organik moldalarni mineral moddalarga parchalovchilar bo'lib, ular redusentlar deyiladi. Ammo shu bilan birga ko'pchilik zamburug'larining meva tanalari jamoadagi hayvonlar uchun sevimli ozuqa bo'lishi ham mumkin. Bunda ular konsumentlar hisoblanaadi.

Bakteriyalar birinchi navbatda redusentlar hisoblanib, ular organik moddalarni mineral moddalarga parchalab beradi.

Demak, yuqorida aytib o'tilgan organizmlar guruhi o'rtasida keskin chegara qo'yib bo'lmaydi, chunki konsumentlar (hayvonlar, zamburug'lar, tekinoxor o'simliklar) ayni vaqtida redusentlar vazifasini ham bajarishi mumkin.

Epifitlar, asosan produsentlar hisoblansa ham, oziqlanish vaqtida daraxt tanasi po'stlog'idagi parchalangan o'simlik qoldiqlaridan foydalanadi, ya'ni bir vaqtida redusentlar vazifasini ham bajaradi.

3. Redusentlar. O'simlik qoldig'i va hayvon jasadi o'zida energiya saqlayli. Nobud bo'lgan o'simlik va hayvonlardagi organik modda mikroorganizmlar, ya'ni saprofit holda yashovchi bakteriya va zamburug'lar ta'sirida parchalanadi. Bunday organizmlar redusent deb ataladi.

Saprofitlar o'zidan maxsus fermentlar ajratib chiqaradi. Organik qoldiqlar sekin-asta bakteriyalar va zambrug'lar hayot faoliyatida parchalanib, hazm bo'ladi. Parchalanish tezligi ham har-xil bo'lishi mumkin. Hayvon jasadi, axlatlari bir necha haftalar talab etsa, qulab tushgan daraxt tanasi va moxlar bir necha yilda chirishi mumkin.

Biogeosenoz populyatsiyalari orasidagi bog'lanishlarni – turlarning oziqlanish xarakteri va energiya hosil qilish usullari belgilaydi. Organizmlar oziqlanish usuliga qarab ikki guruhg'a bo'linadi:

1. Avtotroflar (asosan yashil o'simliklar. Organik moddalarni sintezlash uchun atrofdagi anorganik birikmalardan foydalanadi).

2. Geterotroflar (hayvon, odam, zamburug', bakteriyalar. Avtotroflar hosil qilgan tayyor organik moddalar bilan oziqlanadi).

## 6.2. Biogeosenozlar mahsuldorligi

**Mahsuldorlik** deganda mahsulot ishlab chiqarish qobiliyati tushuniladi. Biosenoza birlamchi va ikkilamchi mahsulotlar ajratiladi. Birlamchi mahsuldorlik produsentlar tomonidan anorganik moddalardan hosil bo'lgan mahsulot hisoblansa, konsumentlar va redusentlar mahsuli ikkilamchi hisoblanadi. Shuningdek, yalpi bir-

lamchi mahsulot va sof birlamchi mahsulotlarga ajratiladi. Yalpi birlamchi mahsulot ma'lum vaqt oralig'ida o'simliklar tomonidan hosil qilingan hamda nafas olishda sarf bo'lgan va geterotroflar tomonidan o'zlashtirilgan mahsulotlardan iborat bo'ladi. Agarda yalpi mahsuldorlikdan nafas olishga sarf bo'lgani chiqarib tashlansa, birlamchi mahsuldorlik qoladi. Sof birlamchi mahsuldorlik esa nafas olishga sarf bo'lgandan so'ng geterotrof organizmlar hayotini o'tkazish uchun qolgan mahsulotdir.

Energiya oqimi. Ekotizimlardagi organizmlarning hayot va moddalarning aylanishi uchun energiya talab etiladi. Yashil o'simliklar hayot uchun zarur bo'lgan kimyoviy modddlarni olib, fotosintez jarayonida organik birikmalar to'playdi va quyosh energiyasi kimyoviy energiyaga aylanadi. Bunday organizmlar — avtotroflar deyiladi.

O'simliklar va boshqa jonivorlar bilan oziqlanib yashovchi geterotroflar esa oziqlanish jarayonida organik moddalarni karbonat angidrid, suv va mineral tuzlarga aylantiradi. Ular organik moddalarni o'simlik takror foydalanishi uchun yaroqli bo'lgan darajagacha parchalaydi. Shunday qilib, biogen moddalar tabiatda uzliksiz aylanib turadi.

Geterotroflar — ya'ni hayvonlar, zamburug' va bakteriyalar ikki guruhg'a bo'linadi. Bularidan birinchisi — iste'mol qiluvchilar, ya'ni konsumentlar bo'lib, ozuqa sifatida tirik organizmlardan foydalaniib, organik moddalarni o'zgartiruvchi, qisman parchalovchilar dir. Lekin bu organizmlarning biror turi ham o'simliklardi organik moddalarni oxirigacha parchalay olmaydi. Ular organik moddalarni muayyan darajagacha parchalay oladi. Bunday turlardan qolgan chiqindilar boshqa geterotrof organizmlarga yem bo'ladi. Bular — redusentlar, ya'ni parchalovchilar — zamburug'lar, bakteriyalar bo'lib, o'lgan organizmlardagi murakkab organik moddalarni parchalab oddiy mineral birikmalarga aylantirib beradi. Bu birikmalar yana tabiiy muhitga qaytadi va avtotrof organizmlar (yashil o'simliklar) tomonidan qaytadan o'zlashtiriladi.

Moddalarning bunday davriy aylanishi — hayotning davom etishi uchun zarur sharoit hisoblanadi, bu uzoq evolyutsiya jarayonida vujudga kelgandir.

Shunday qilib, uzoq evolyutsiya jarayonida vujudga kelgan bir-biriga bog'liq turlardan barqaror zanjirlar paydo bo'ladiki, bular boshlang'ich ozuqa moddalardan energiya va moddalarni birin-ketin olib, turli yo'llar bilan tabiatda moddalarning davriy aylanishini ta'minlab turadi. Organizmlar quyosh energiyasini kimyoviy, mexanik va issiqlik energiyalariga aylantiradi. Bunda boradigan hamma o'zgarishlar energiyani yo'qotish bilan bog'liq bo'lib, u oxirida issiqlikga aylanib tarqalib ketadi.

Organizmlar orasida oziq uchun o'zaro munosabatlар о'rnatiladi. Natijada oziqlanish zanjiri hosil bo'ladi. Oziqa zanjiri esa uchta asosiy bo'g'indan iborat bo'ladi, ya'ni produsentlar, konsumentlar, redusentlardan.

Har bir oziq zanjirida ma'lum bir trofik bosqich shakllanadi: yashil o'simliklar – organik moddalarni hosil qilib, birinchi trofik boskichni; fitofaglar ikkinchi, etxo'rlar uchinchi va hokazo bosqichlarni hosil qiladi. Oziqa zanjiridagi hamma bo'g'inlar o'zaro bog'liqidir. Bularning orasida birinchisidan to oxirigacha modda va energiya berilishi amalga oshiriladi.

### 6.3. Ekotizimlarning biologik mahsuldorligi

Jamoaning hayot faoliyati natijasida organik moddalar to'planadi va sarf bo'lib turadi. Demak, har bir ekotizim ma'lum daraja-da mahsuldorlikga ega. Biomassaning hosil bo'lish tezligi – biologik mahsuldorlik deyiladi.

Ekotizimning asosiy yoki birlamchi mahsuldorligi yashil o'simliklar tomonidan fotosintez jarayoni natijasida vaqt birligida to'plangan mahsulot hisoblanadi. Masalan, fotosintez natijasida o'rmondagi o'simliklar 1 ga maydonda 5 t. organik modda hosil qilsa, bu umumiyl yoki yalpi birlamchi mahsuldorlik deb qaraladi. Ammo o'simlikning hayoti uchun ham hosil bo'lgan moddalar sarf bo'ladi. Shuning uchun vaqt va maydon birligiga to'g'ri keluvchi biomassa bir oz kam bo'ladi.


Biomassa deganda – jamoadagi barcha tirik organizmlar umumiyl og'rligining yig'indisi tushuniladi.

Oziqa zanjiridagi hamma oziqalar o'sish uchun, ya'ni biomassa to'planishi uchun sarflanmaydi. Balki uning yarimi organizm energiya sarflanishini qoniqtirish uchun: nafas olishga, harakat qi-

lishga, ko'payishga, tana haroratini saqlab turishga sarflanadi. Bunda bitta bo'g'inning biomassasi keyingi bo'g'in tomonidan to'liq qayta ishlab chiqilmaydi.

Oziqa zanjirining har bir keyingi bo'g'insida – oldingisiga qaranga biomassaning kamayib borishi ro'y beradi. Masalan: 1 t. o'simlikdan o'rta hisobda 10 kg o'txo'r hayvon gavda massasi hosil bo'lishi mumkin.

### Ozuqa piramidasи.



Oziqa zanjirining asosi hisoblangan o'simlik massasi o'txo'r hayvonlarning umumiy massasidan doimo bir necha barobar ko'p bo'ladi. Shunday qilib, tabiatda ekologik piramida hosil bo'ladi.

Hosildorlik piramidasи – energiyaning ozuqa zanjirlarida sarflanish qonuniyatini ifodalaydi.

Yuqorida bayon etilgan oziqa zanjirida biomassaning kamayib borishi qoidasi grafik holida chizilsa, u piramidani eslatadi. Bunday holat birinchi marta 1927 yil Ch.Elton tomonidan o'rganilib, Elton piramidasи deyiladi.

#### **6.4. Quruqlik va suv ekotizimlari**

Evolyutsiya jarayonida quruqlikda yashovchilarda o‘ziga xos anatomo — morfologik, fiziologik, xulqiy va boshqa moslanishlar kelib chiqqan. Ularda nafas olish jarayonida kislorodni o‘zlashtirish chun organlar hosil bo‘lgan. Masalan: o‘simliklarda og‘izchaning bo‘lishi; hayvonlarda o‘pka va traxeya. Noqulay sharoitdan himoyalanish uchun murakkab moslanishlar ishlab chiqilgan (hayotiy sikllarning davriyili va maromi, to‘qimalarning tuzilishi); tuproq bilan aloqaning o‘rnatalishi (o‘simlik ildizi, hayvonlar qoldig‘i); ozuqa axtarish maqsadida hayvonlarda judayam kuchli harakatchanlikning ishlab chiqilishi; uchuvchi hayvonlarning paydo bo‘lishi — ular esa havo oqimi bilan o‘simliklarning meva, urug‘, changlarini bir joydan ikkinchi joyga tashiydi.

Yer yuzasidagi ekotizimlar ko‘p yarusli bo‘lib, ular har xil balandliklarda vertikal joylashgan qatlamlarga ega. Masalan, o‘rmonlarda bir necha yaroslarni ajratish mumkin:

1. Daraxtlar
2. Butalar
3. Butachalar
4. Ko‘p yillik o‘simliklar
5. Bir yillik o‘simliklar
6. Lianalar va hokazo

Hayvonlar ham o‘rmonda har xil yaroslarni egallab, ya’ni har xil balandlikda yashaydilar. Ko‘pgina qushlar o‘z inlarini yerda qursa, ayrimlari daraxtlarning ustiga quradi. Har bir yarusdagidan mavjud o‘simlik, umurtqali va umurtqasiz hayvonlar o‘rtasida kuchli bog‘lanishlar kuzatiladi.

Quruqlik muhitida suv muhiti kabi aniq ajratilgan iqlim zonallikni ko‘rishimiz mumkin.

O‘simlik va hayvonlar har qaysi zona uchun xos bo‘lgan sharoit bilan chambarchas bog‘liq bo‘ladi, chunki ular shu yerlarda yashaydilar va birinchi navbatda kompleks iqlim omillariga moslashadilar. Bu esa tuproq sharoitiga, relyefiga, geografik va joyning boshqa xususiyatlariha ham bog‘liq bo‘ladi. G. Valter asosan 6 ta iqlim zonasini ajratadi.

1. Ekvator
2. Tropik
3. Quruq subtropik
4. Almashinib turuvchi
5. Mo'tadil
6. Arktik

Har bir iqlim zonasi o'zining o'simlik va hayvonot olami bilan tavsiflanadi. Eng boy hayotiyligi va hosildorligi bilan tropik o'rmonlar, yirik daryolarning qirg'oqlari, subtropik o'rmonlar ajralib turadi. Cho'llarda, sahrolarda esa kam bo'ladi.

O'ziga xos o'simliklar dunyosi va landshaftiga ega bo'lgan biogeosenozlar geografik zonallik bilan ham chambarchas bog'liq bo'ladi. Geografik zonallik natijasida biomlar deb ataluvchi yirik regional ekotizimlar hosil bo'ladi. Bunday biomlarga tundra, tayga, o'rmon, cho'l, dasht va tropik o'rmonlar misol bo'ladi.

Markaziy Osiyo hududining ekologik tizimlari. Bu hududning fizik-geografik sharoiti va landshafti ham juda xilma-xildir. Shimoliy-g'arbiy hududlar cho'l va chala cho'llardan iborat bo'lib, yozi quruq issiq, qishi sovuq, yog'ingarchiliqning kam bo'lishi bilan ta'riflanadi.

Tog' oldi va tog' hududlarida chala cho'llar, quruq cho'llar, to'qaylar, aralash va archali o'rmonlar, alp o'tloqlari hamda sovuq tog' cho'llari kabi biomlar uchraydi.

O'rta Osiyo va Kavkaz atrofida dengiz sathidan ko'tarilgan sari iqlim hamda tuproq sharoiti o'zgarib boradi. Joyning absolyut balandligi qancha yuqori bo'lsa, iqlim shuncha salqin bo'ladi. Bunday holat faqat tuproqni emas, balki o'simliklar dunyosini ham o'zgartiradi. Natijada tekisliklarda o'sadigan, issiqsevar yoki kserofit o'simliklar o'rmini asta-sekin sovuqga chidamli yoki mezofil o'simliklar egallaydi. Tabiatdagi bu hodisa vertikal zonallik deyiladi.

Bundan tashqari, 1969 yili ota-bola K.Z.Zokirov va P.K.Zokirovlar tomonidan o'simliklarning ekologik klassifikatsiyasi taklif qilindi. Bunda O'rta Osiyo o'simliklari baland mintaqalar bo'yicha tarqalishiga asosan quyidagi zonallikga (poyasga) bo'linadi:

1. Cho'l zonasi – O'rta Osiyoning butun tekislik qismi. Dengiz sathidan 500-600 m. balandlikda joylashgan.

2. Adir zonası — Cho'l va tog' zonalari o'rtasida joylashgan. Dengiz sathidan 500-700m. ba'zi joylari esa 1200-1600 m balandlikda joylashgan.

3. Tog' zonası — bu zona dengiz sathidan 1200-1500 dan 2700-2800 m gacha bo'lgan balandliklarni egallaydi.

4. Yaylov zonası — Dengiz sathidan 2700-2800 m balandlikdan eng yuqori cho'qqilargacha bo'lgan joylar yaylov zonası hisoblanadi.

Yer-havo muhitida, ya'ni quruqlik ekotizimlari uchun quyidagi xususiyatlar tegishlidir yoki ular suv muhitidan quyidagi belgilari bilan farq qiladi:

1. Quruqlikda asosiy chegaralovchi omil — bu namlik hisoblanadi.

2. Harorat quruqlikda suv muhitiga nisbatan ko'proq o'zgarib turadi.

3. Tuproq organizmlar uchun asosiy tayanch vazifasini bajaradi.

4. Quruqlikda turli geografik to'siqlar (tog'lar, daryolar, cho'llar) organizmlarning erkin harakat qilishiga halaqtir beradi.

5. Substrat xarakteri — quruqlik ekotizimlari uchun muhimdir. Tuproq har xil biogen elementlarning manbai bo'lib, yuqori taraqqiy etgan ekologik muhitdir.

Quruqlikda yuqori taraqqiy etgan o'simlik va hayvon taksonomik guruhlari uchraydi, ularning eng murakkablari ustunlik (dominantlik) qiladi.

Suv ekotizimlarida baliqlar, boshqa suv hayvonlari va suv o'tlari har xil chuqurliklarda yashaydi. Suv bilan yerdagi ekotizimlar orasidagi farq ularni yaratuvchi muhitda qayd etiladi.

Suv havzalari 2 ta katta guruhga bo'linadi:

1. Tinch turib qolgan suv havzalari yoki lentik muhit.

Bunga — ko'llar, havzalar va botqoqliklar kiradi.

2. Oqar suvlar — lotik muhit — bunga daryolar va soylar kiradi.

Suvlar termodinamik xarakteristikasi, yorug'likni o'tkazish xususiyati, oqim tezligi, sho'rligi va unda erigan gazlarning miqdori bilan xarakterlanadi.

Yorug'likning suvning turli qatlamlariga bir xilda tushmasligi, bosimning har xil chuqurliklarda o'zgarishi va boshqalar suvdagi hay-

vonlarning turlicha joylashishiga sabab bo‘ladi. Ularning ba’zilari suvning chuqur joylarida, ikkinchilari suvning yuza qismida, uchin-chilari esa suv qatlamida yashaydi.

Tinch yoki lentik suv havzasida 3 zonani ajratish mumkin:

1. Litoral zona – suvning chuqur bo‘limgan qismi – yorug‘lik suv tubigacha yetib boradi.

Bu yerda yuksak o’simliklar va ba’zi bir suv o’tlari uchraydi.

2. Limnik zona – suvning undan pastroq qismi bo‘lib, bunga kam yorug‘lik tushib turadi. Bu zonadan keyin esa yorug‘lik tushmaydi. Natijada biomassa to‘planmaydi. Limnik zonaning pastki chegarasi kompensasiya gorizonti deyiladi.

3. Profundal zona – bu joyga yorug‘lik tushmaydi.

Yashash muhitiga bog‘liq holda suv organizmlari quyidagi hayot shakllariga bo‘linadi:

1) Bentos (grekcha “bentos” – chuqurlik) suvning tubida yerga yopishib yoki erkin holda hayot kechiruvchi hayvonlar va o’simliklar. Bunga, mollyuskalar, ba’zi bir suv o’tlari, hasharotlar lichinkasi misol bo‘ladi.

2) Perifiton (grekcha “peri” – atrofida, oldida) – bu yuksak o’simliklarning poyasiga yopishib, ko‘tariluvchi mollyuska, kolovratka, gidra va boshqalar.

3) Plankton (“planktos” – suzib yuruvchi organizmlar) – suvning vertikal va gorizontal oqimi bilan harakat qiluvchi organizmlar.

Plankton holda yashovchi organizmlarning o‘lchami kichik – mikroskopik bo‘lib, bularga mayda qisqichbaqasimonlar, lichinkalar, yashil, ko‘k yashil suv o’tlari, diatomalar kiradi.

4) Nekton (grekcha “nektos” – suzib yuruvchi) – erkin suzuvchi va aralashib yuruvchi organizmlar. Bu baliqlar, amfibiyalar, hasharotlar.

5) Neyston (grekcha “neystos” – suzuvchi) – suvning yuzida suzuvchi organizmlar. Bunga ba’zi bir chivinlar va ularning lichinkalarini, o’simliklardan ryaska misol bo‘lishi mumkin.

Quyidagi xususiyatlар yer-havo muhiti, ya’ni quruqlik ekotizimlari uchun xarakterlidir.

Ular suv muhitidan quyidagi belgilari bilan farq qiladi.

1) Quruqlikda asosiy chekllovchi omil namlik hisoblanadi.

2) Temperatura quruqlikda suv muhitiga nisbatan ko'proq o'zgarib turadi.

3) Tuproq – organizmlar uchun asosiy tayanch vazifasini bajaradi.

4) Quruqlikda turli geografik to'siqlar (tug'ilalar, daryolar, cho'llar) organizmlarning erkin harakat qilishiga xalaqit beradi.

5) Substrat xarakteri – quruqlik ekotizimlari uchun muhimdir. Tuproq har xil biogen elementlar manbai bo'lib, yuqori taraqqiy etgan ekologik muhitdir.

Quruqlikda yuqori taraqqiy etgan o'simlik va hayvon taksonomik guruhlari mavjud bo'lib, ularning murakkabлари dominantlik qiladi.

### **Nazorat uchun savollar**


1. Ekologik tizim nima?
2. Ekologik tizimga misollar keltiring?
3. Ekotizim va biogeosenoz tushunchalarining farqini aytинг?
4. Ekotizimlarda moddalar aylanishini ta'minlashda qanday organizmlar ishtirok etadi?
5. Biologik mahsuldarlik to'g'risida nima bilasiz?
6. Biologik hosildorlik piramidasi to'g'risida nima bilasiz?
7. Quruqlik va suv ekotizimlarining farqi nimadan iborat?
8. Edifikator va dominant turlar nima?
9. Yashash muhitiga bog'liq holda suv organizmlari qanday hayot shakllariga bo'linadi?

## VII-BOB. BIOSFERA TA'LIMOTI

### 7.1. Biosfera haqida tushuncha

Yerning tirik organizmlar tarqalgan va uning hayotiy faoliyati ro'y beradigan joy yoki qobiq — biosfera deyiladi. "Biosfera" grekcha so'z bo'lib — "bios" — hayot, "sfera" — shar degan ma'noni beradi.

Biosfera yerning qattiq qobig'i — litosferaning ustki qismi (3 km chuqurlikkacha), havo qobig'i atmosferaning quyisi, troposfera qismini (15 km gacha) va suv qobig'i — gidrosferani (11 km gacha) o'z ichiga oladi (7.1-rasm).



7.1-rasm. Biosferaning Yer geosferalari o'rtaqidagi o'rni

Hayotning yuqori chegarasi sayyorani ultrabinafsha nurlanishdan himoya qiladigan "ozon qatlami" (22 km) dan o'tkaziladi va biosferaning umumiy qalinligi 33-35 km deb belgilanadi.

Biosfera atamasi 1875 yilda paydo bo'lib, uni birinchi marta avstriyalik geolog Eduard Zyuss — Yerning alohida qobiqlari

— geosferalarini o'rganayotganida tirik organizmlar yashaydi-gan yer qobig'ini belgilash maqsadida qo'llagan.

Biosfera haqidagi ta'lilotning asoschisi rus olimi, akademik V.I.Vernadskiy (1863-1945) hisoblanadi. V.I.Vernadskiy birinchi bo'lib Yer sayyorasi evolyutsiyasida tirik organizmlarning roli va ahamiyatini ochib bergen, biosferani biogeoximik o'rganishni bosh-lagan.

Biosferaning hosil bo'lishida abiotik, biotik va noobiotik bos-qichlar ajratiladi. **Abiotik** bosqichda (4,5-3,5 mlrd. yil oldin) sayyo-rada hayotning vujudga kelishi va rivojlanishi uchun sharoitlar yu-zaga kelgan. **Biotik** bosqichda (3,5 mlrd. yil oldin) dastlabki tirik organizmlar suv muhitida paydo bo'lgan.

Arxey va Proterozoy eralarida hayot sodda ko'rinishda bo'lgan va okean o'simliklarida fotosintez amalga oshgan. 600 mln. yil ilgari, Paleozoy erasining Kembriy davriga kelib okeanda hayot turlana boshlaydi. Keyinchalik, hayot quruqlika chiqadi, butun biosferani egallaydi va gurkirab rivojlangan.

Organik evolyutsiya davomida tirik organizmlar atmosfera havosini, Dunyo okeanining suvini, tuproqlarning asosiy massasini, mineral birikmalarining katta massasini a'zolari, terilari, hujayra-lari, qonlari orqali minglab martalab o'tkazgan va butun yer muhi-tini o'zgartirgan (Akimova, 1998).

Biosferada hozirda 500 mingga yaqin o'simlik turlari va 1,7 mln.dan ortiq hayvon turlari mavjuddir.

Noobiotik bosqichining shakllanishi 40-50 ming yil oldin boshlangan deb hisoblanadi.

Buyuk olim V.I.Vernadskiy kuchli qobiliyat egasi bo'lib, o'ziga ma'lum bo'lgan bilimning rivojlanishini 10 yillab oldindan ko'ra bilgan. Uning ishlari XX-asrning ikkinchi yarmida yuksak bahola-nadi, ya'ni ekotizim konsepsiysi paydo bo'lgandan keyin. 30-yil-lardayoq u inson tomonidan yaqin kelajakda yadro energiyasi zaxira-lardan hamda koinotning o'zlashtirilishini oldindan aytib bergen. U mineralogiya, geokimyo, biogeokimyo, radiogeologiya fanlarini yaxshi bilgan.

V.I.Vernadskiy ijodining cho'qqisi bo'lib, 1926 yilda "Yerning biosfera ta'limoti"ni yaratilishi hisoblanadi. Shu yili uning Sankt-Peterburgda, 3 yildan keyin Parijda, keyinroq Berlinda "Biosfera v kosmose", "Oblast jizni" kabi ocherklari bitta umumiyl nom bilan "Biosfera" nomi bilan bosilib chiqadi. Bu ocherklar o'zining dolzarbligini hali ham yo'qotmagan.

U ilmiy ishlari bilan bir qatorda katta jamoat ishlarini olib borgan. U Ukraina Fanlar Akademiyasini tashkil qilgan va uning birinchi prezidenti bo'lgan.

Uning taklifi bilan Geografiya instituti, Mineralogiya va Geokimyo institatlari tashkil qilingan. Doimiy muzliklarni o'rganish komissiyasiyai tashkil qilishni ham birinchi bo'lib taklif qilganinson hisoblanadi.

Yerning tirik organizmlar va biogen cho'kindi tog' jinslari tarqal-gan qismini rus olimi akademik V.I.Vernadskiy – biosfera deb atagan.

Vernadskiy ta'limotiga asosan – biosferada tirik modda va ya-shash muhiti bir-biriga bog'liq bo'lib, bir-biriga ta'sir qilib, bir butun dinamik tizimni hosil qiladi.

Planetamizning taraqqiyot tarixida va hozirgi hayotida biosfera ning roli katta, chunki yer – geografik qobig'i taraqqiyotida biokimyoviy, geokimyoviy jarayonlarning ro'y berishida "tirik organizm" larning ishtiroki juda ham muhimdir. Organizmlar – tog' jinslarining nurashida, tuproq hosil bo'lishida, relyef shakllarini o'zgarishda, qazilma boyliklarining paydo bo'lishida va hokazo ishtirok etadi.

Biosfera sayyoramizdagi "hayot qobig'i" hisoblanib, tirik organizmlarning o'zaro chambarchas aloqa, munosabatlaridan iborat murakkab ekotizimlar majmuini tashkil qiladi, V.I.Vernadskiy tu-shunchasiga ko'ra, biosferaga hozirgi vaqtida faqatgina yerning qobig'iда tarqalgan tirik organizmlar kirib qolmay, balki uning tar-kibiga qadimgi davrlarda organizmlar ishtirokida hosil bo'lgan li-tosferaning qismi ham kiradi.

Biosfera tarkibiga tirik organizmlar va ularning yashash joylari kiradi. Bunda organizmlar o'rtasida murakkab o'zaro bog'lanishlar mavjud bo'lib, bir butun organik harakatdagi tizimni tashkil etadi.

Biosfera atmosferaning quyi qismi, gidrosferani va litosferaning yuqori qatlamlarini o‘z ichiga oladi.

Yer sharining tashqi qattiq qobig‘i – litosfera deb ataladi (“litos” – grekcha tosh degan ma’noni beradi). Gidrosfera – yerning suvli, suyuq qobig‘i (okean, dengiz, ko‘l va daryolar, muz va botqoqlik va 5 km. gacha chuqurlikda bo‘lgan yer osti suvlari kiradi). Lito va gidrosfera ustida 100 km balandlikgacha atmosfera davom etadi.

Litosferaning yuzasi, atmosferaning yerga yaqin qatlami, churqur bo‘lman suvlar hamda gidrosferaning yuzada qatlamida tirik moddalarning to‘planishini Vernadskiy “Hayot pardasi” deb ataydi. (tirik moddalar qatlami).

Umuman, biosfera – murakkab tizim bo‘lib, o‘lik va tirik tabiatni o‘z ichiga olgan murakkab komponentlardan iboratdir. Bunda doim modda va energiya almashinuvi sikllari boradi.


Yer yuzidagi barcha tirik organizmlar yig‘indisini V.I. Vernadskiy “tirik modda” deb ataydi. Hozirgi vaqtida bu tushuncha **biota** deb ham nomlanadi.

V.I. Vernadskiy bo‘yicha biosferaning quyidagi tarkibiy qismlari ajratiladi:

- tirik modda(biota) – barcha tirik organizmlarning yig‘indisi;
- o‘lik modda – hosil bo‘lishida tirik organizmlar qatnashmaydigan tog‘ jinslari, suv, minerallar va boshqalar;
- biogen moddalar – organizmlar hayot faoliyatiy mahsuli sifatida hosil bo‘lgan ko‘mir, torf, neft, gaz va boshqalar;
- oraliq modda – biogen moddalarning noobiogen kelib chiq-qan mineral jinslar bilan aralashmalari – tuproq, slaneslar va boshqalar.

Tarkibidagi energiya yoki uglerod miqdoriga asoslangan ma’lumotlar bo‘yicha biosferadagi tirik, biogen va oraliq moddalar miqdori nisbati 1:20:4000 ga to‘g‘ri keladi (Akimova, 1998).

Biota biomassasi eng kichik bo‘lishiga qaramay yuqori xilmayxilligika ega va o‘z tarkibini million marta tezroq yangilaydi. V.I. Vernadskiy tirik organizmlarning birgalikdagi faoliyatini yer yuzi tabiatini o‘zgartiradigan geologik kuchga qiyoslaydi. Evolyutsion taraqqiyoti davomida tirik organizmlar biosferadagi hozirgi sharoitlarni yuzaga keltirgan.



7.2-rasm. Biosferada tirik organizmlarning tarqalishi

Biosferdagi tirik moddalarning umumiy massasi biomassa deyiladi. Biosfera biomassasining asosiy qismi – 98,6 % i quruqlikdagi o'simliklarga (2-jadval) to'g'ri keladi va yalpi biomassaning kimyoviy tarkibini belgilaydi. Dunyo okeanining biomassasi biosfera biomassasining 0,57 % ini tashkil qiladi, lekin mahsulдорligi katta.

Biosfera biomassi (quruq modda hisobida) 1,4 trln. tonnaga teng kelsa, uning yillik mahsuldarligi o'n marta kamdir (Akimova, 1998).

Biosferada modda va energiyaning aylanma harakatlari to'xtovsiz amalga oshadi. **Moddalarning aylanma harakati** deganda kimyoviy elementlarning ko'chib yurishi, yoki migratsiyasi tushuniladi. Kichik biologik va katta geologik aylanma harakatlar ajratiladi. Biologik aylanma harakatda qatnashadigan organizmlarning produsent, konsument va redusent ekologik guruhlari ajratiladi. Produsentlar uglerod, quyosh energiyasi va suv ishtirokida organik mahsulotlarni yaratadi, konsumentlar birlamchi mahsulotni iste'mol qiladi va redusentlar organik moddalarni parchalaydi. Yashil o'simliklar quyosh energiyasidan foydalaniib, tirik moddalarning birlamchi mahsulotini hosil qiladi,  $\text{CO}_2$  ni o'zlashtirib  $\text{O}_2$  ni ajratadi. Hayvonlar o'simliklar bilan oziqlanadi, kislorodni o'zlashtirib  $\text{CO}_2$  ni ajratadi. O'lik hayvon va o'simlik qoldiqlarini hasharotlar, zamburug'lar, bakteriyalar va boshqalar parchalaydi, mineral yoki noorganik birikmalarga aylantiradi. Ular tuproqqa tuшиб, yana o'simliklar tomonidan o'zlashtiriladi. Katta aylanma harakatda ushbu jarayon quruqlik va okean o'rtaida amalga oshadi.

**7.2-jadval. Biosferadagi o'simlik va hayvonlar biomassasi  
(Akimova, 1998)**

	Biomassa	
	Mldr.t	%
<b>Quruqlik biotası</b>		
O'simliklar	1341,3	98,62
Hayvonlar	10,9	0,81
Jami	1352,2	99,43
<b>Okean biotası</b>		
O'simliklar	0,7	0,05
Hayvonlar	7,1	0,52
Jami	7,8	0,57
<b>Hammasi</b>	1360,0	100,0

V.I.Vernadskiy aylanma harakatda ishtirok etadigan tirik moddanning quyidagi besh asosiy funksiyasini ajratadi:

- gaz funksiyasi — atmosferadagi asosiy gazlar tirik organizmlar faoliyati natijasida vujudga kelgan va yangilanib turadi;
- biogen moddalarni to'plash funksiyasi — organizmlar tana-sida ko'plab kimyoviy elementlarni to'playdi;
- oksidlanish — qaytarilish funksiyasi temir, oltingugurt, marganets, azot va boshqa elementlarning biogen migratsiyasini ta'minlaydi. Tirik xujayralar ishtirokida oksidlanish — qaytarilish reaksiyalari millionlab marta katta tezlikda amalga oshadi;
- biokimyoviy funksiya — tirik moddaning ko'payishi, o'sishi va ko'chishi, o'lgan organizmlarning parchalanishi va chirishi bilan bog'liqdir;
- insonning biogeoximik faoliyati — oraliq moddalarni(ko'mir, neft, gaz va boshqalar) ko'plab chiqarish va ishlatish.Yer yuzida tirik moddaning asosiy sayyoraviy funksiyasi fotosintez jarayonida quyosh energiyasini bog'lash va uni zaxiraga o'tkazishdir.

Organizmlar tog' jinslarining nurashida, tuproq hosil bo'lishida, relyef shakllarini o'zgarishida, qazilma boyliklarning paydo bo'lishida va atmosferaning hozirgi tarkibini vujudga keltirishda katta rol o'ynaydi.

To'xtovsiz davom etadigan va tirik organizmlar faoliyati tu-fayli tartibga solinib turadigan moddalarning doimiy aylanishi biosferaning o'ziga xos belgisidir. Atmosferada sarf bo'ladigan kislород о'rnini fotosintez va boshqa jarayonlar natijasida to'ldirib turiladi. O'simliklar karbonat angidridni yutib, organik mahsulot yaratadi.

Biosferada suvning almashinuvida tirik moddalar katta rol o'ynaydi. Biosferadagi organizmlar azot, kaliy, kremniy, fosfor, oltingugurt va boshqalarni aylanib yurishida bevosita ishtirok etadi. Demak, moddalarning tabiatda to'xtovsiz aylanib yurishida tirik mavjudotlarning ahamiyati juda katta.

Biotik aylanishda million tonnalab fosfor va azot, katta miqdordagi kaliy, kalsiy, temir hamda juda ko'p miqdorda suv ishtirok etadi.

Suvning aylanishida bug'lanish, transpiratsiya jarayonlari mu-him rol o'ynaydi. O'simliklarning yer ustki qismlari tomonidan suvning bug'lantirilishi ko'tarish kuchini hosil qiladi, tuproqdan

eritmalarini oladi. Ular o'simlikni suv bilan birgalikda mineral tuzlar bilan ham ta'minlaydi. Suv tuproqdan bug' holatida atmosferaga ko'tarilib, soviydi, keyin kondensatsiyalanib, yomg'ir holida u yana quruqlikka yoki okeanlarga qaytib tushadi.

Biosferada  $\text{CO}_2$  ham davriy aylanadi. Atmosferada 0,03%  $\text{CO}_2$  bor. Fotosintez jarayonida o'simlik atmosferadan  $\text{CO}_2$  ni yutadi va organik modda hosil qiladi va oziq zanjirlari orqali hayvonlarga o'tadi. Uglerod o'simliklar va hayvonlarning nafas olishi va boshqa jarayonlarda ajralib chiqadi.

V.I. Vernadskiyning ko'rsatishicha, tirik organizmlar biosferada kimyoviy elementlar migratsiyasi (ko'chib yurishi)ning asosiy omillaridir. Bu migratsiyani ikkita qarama-qarshi, ammo, o'zaro bog'langan jarayon keltirib chiqaradi: 1) quyosh energiyasi hisobiga anorganik tabiat elementlaridan tirik moddaling tarkib topishi; 2) organik moddalarning energiya ajralib chiqishi bilan birga davom etadigan yemirilishi. Bunday yemirilish jarayonida organik moddalar mineral moddalarga aylanadi.

Turli moddalarning migratsiya qobiliyatini mutlaqo bir xil emas. Lekin davriy tizimdagagi kimyoviy elementlarning ko'pchiligi biosferada faol ravishda migratsiyalanish qobiliyatiga ega. Bunday faol migrantlarni ikki gruppaga bo'lish mumkin:

1. Havo migrantlari – ular migratsiya jarayonida gazsimon fazani bosib o'tadi (kislorod, azot, uglerod, vodorod).

2. Suv migrantlari – oddiy yoki kompleks ionlar yoki molekulalar tarzida migratsiyalanuvchi elementlar. Bular jumlasiga Na, F, S, Cl, K kabi elementlar kiradi.

Tabiatdagagi organik moddalarning paydo bo'lishida havodagi migratsiyalanuvchi elementlar muhim ahamiyatga egadir, ular orasida  $\text{CO}_2$ ,  $\text{O}_2$ ,  $\text{N}_2$  98,3 % ni tashkil qiladi.

Biosfera juda katta maktonni egallagani tufayli va sayyoraning turli xil mineral qobiqlariga kirib borish imkoniyatlariga ega bo'lganligi uchun organizmlar tarqalgan muhit, ya'ni yashaydigan sharoitlar nihoyatda har xil bo'ladi.

Shunday qilib, biosfera yerda hayot vujudga kelgandan keyin va uning bir necha milliard yillar davomida rivojlanishi hamda

evolyutsiyasi natijasida hosil bo‘lgan juda murakkab va bir-biri bilan uzviy bog‘liq strukturadan tashkil topgan tizim, Yer kurrasining noyob qobig‘idir. Global miqyosda biosferani ekotizimga qiyoslasa bo‘ladi. Bu ekotizimning har bir struktura elementi biror sabab bilan o‘z funksiyasini bajara olmay qolsa, u vaqtda biosferaning meyorl hayotiy jarayonlari buzilib, biogeokimyoviy muhitning buzilishiga va hatto ba’zi bir biologik turlarning mutlaqo yo‘q bo‘lib ketishiga sabab bo‘ladi.

Shuni alohida ta’kidlab o‘tish kerakki, hozirgi fan va texnika taraqqiyoti davrida insonning ta’siri birinchi navbatda biosferaning mahsuldorligiga, uning energiya balansiga qaratilgandir.

Biosfera mahsuldorligining kamayishiga asosan quyidagilar sabab bo‘ladi:

1) gidromelioratsiya ishlarini amalga oshirish;

2) oqova va sizot suvlari, shuningdek tuproqning turli mineral o‘g‘itlar, kimyoviy moddalar, har xil zaharli moddalar bilan ifloslanishi;

3) sanoat chiqindilari bilan muhitning ifloslanishi.

Biosferada hayotning taqsimlanishi nihoyatda murakkab va xilma-xildir. Tabiiy ekotizimlar qanchalik rang-barang bo‘lsa biosferaning barqarorligi yuqori bo‘ladi va aksincha. Biosfera uchun toza birlamchi mahsulotning mumkin bo‘lgan sarflanish ulushi 1% dan katta emas. Bu “1% qoidasi” deb yuritiladi va undan chetlashish biosferadagi tabiiy energetik jarayonlarning buzilishi va chuqr ekologik inqirozga olib keladi.

V.I.Vernadskiy ta’limoti bo‘yicha biosferada tirik modda yaxlitlik xususiyatiga egadir. Bu biosferaning yaxlitlilik prinsipi (tamoyili) deb yuritiladi. Ushbu prinsip tirik moddaning fizik-kimyoviy birligi qonunidan kelib chiqadi. Biogeokimyoviy farqlar bo‘lishi mumkin.

Biosferadagi tirik moddaning miqdori o‘zgarmas hisoblanadi. Atmosferadagi kislород miqdori tirik moddaning miqdoriga teng keladi ( $1,5 \times 10^{21}$ g va  $10^{20}10^{21}$ g). Tirik moddaning miqdori “Quyosh – Yer” tizimidagi energetik bog‘lanish bilan belgilanadi. Tirik organizmlar sekin-asta biosferani hozirgi chegaralarda egallagan va hayotning tarqalishi davom etayapti.

## 7.2. Noosfera. Biosfera va inson faoliyati.

Hozirgi vaqtida Yer yuzi aholisi uchun kuniga 2 mln. tonna oziq-ovqat, 10 mln. m<sup>3</sup> ichimlik suvi, nafas olish uchun 2 mlrd.m<sup>3</sup> kislorod zarur bo'ladi.

Ilmiy-texnika revolyutsiyasi haroitida biosferada amalga oshayotgan jarayonlar uning yangi sifat holati – noosferaga o'tishini taqazo qiladi.

Noosfera (yunoncha “noos” – idrok degani) – fikrlovchi qobiq degan lug‘aviy ma’noni beradi. Noosfera tushunchasini fransuz olimi E.Le-Rua (1927) kiritgan va P.Teyyar-de-Sharden tomonidan ishlab chiqilgan. Noosfera ta’limotini V.I.Vernadskiy rivojlan-tirgan. **Noosfera** deganda inson mehnati va ilmiy faoliyati ta’sirida o‘zgargan va uning yashashi uchun optimal bo‘lgan biosfera sharoitlari tushuniladi.

Biosfera o‘zining keyingi taraqqiyotida noosferaga o’tadi. U biosferaning eng yuqori taraqqiyot bosqichi bo‘lib, odam va tabiat o‘rtasidagi munosabatda asosiy kuch – aql – idrok hisoblanadi. Odamning aqliy faoliyati taraqqiyotning asosiy omili hisoblanadi.

V.I.Vernadskiy tasdiklashicha – noosfera planetamizda yangi geologik hodisa hisoblanadi. Odam tirik geologik kuchdir. Uning fikricha, noosfera biosferaning qonuniy rivojlanishi natijasida kelib chiqadigan bosqich bo‘lib, iison bilan tabiat o‘rtasidagi o‘zaro ongli aloqa munosabatlarini o‘z ichiga oladi. Biosferani – insonning o‘zi evolyutsion yo‘l bilan vujudga kelgan vaqt dagidek va biologik tur sifatida yashab bora oladigan hamda o‘z sog‘ligini ehtiyyotlab, mustah-kamlab, xo‘jaligini yurita oladigan holda saqlab qolishga harakat qilishi kerak. Bu shartlar tabiatni qayta o‘zgartirishga barham beradi.

Tabiat butun jonli mavjudotlarning rivojlanishiga imkon yaratib bergen asos va inson uchun hayot kechirish, uning moddiy, ma’naviy ehtiyojlarini qondiruvchi birlamchi manbadir. Inson tabiatning ajralmas bir qismi hisoblanadi, lekin u tabiatning boshqa elementlariдан o‘zining aql-zakovati, ongliligi bilan ajralib turadi.

XX asrnинг ikkinchi yarmida insonning biosferadagi jarayon-larga ta’siri umumsayyoraviy miqyosga yetdi va uning barqaror muvozanat holatiga kuchli ta’sir ko‘rsatdi. Yer yuzidagi mavjud

ekotizimlarning 63%dan ortig‘i o‘zlashtirildi, o‘zgartirildi yoki bузildi. Sayyoramizda 37% tabiiy holida saqlangan ekotizimlar mavjud va aynan shular biosferadagi barqaror muvozanat holatini ta’millab turibdi. Bunda ekotizimdagi o’simlik va hayvon turlari yig‘indiisi — biota biosferada hal qiluvchi, tartibga soluvchi rol o‘ynaydi. Ekotizimdagi tirik organizmlar o‘zaro oziq zanjiri, modda va energiya almashinuv orgali uzviy bog‘langan va undagi barqaror muvozanat holati — gomeostazni belgilaydi. Tabiatdagi o‘zgarish yoki salbiy ta’sir natijasida biror organizm nobud bo‘lsa, boshqa shunga yaqin organizm uning o‘rnini darhol egallaydi va muvozanatni saqlab turadi. Bu jarayon ichki barqaror muvozanat qonuni ta’sirini aks ettiradi. Unga muvofiq modda, energiya, axborot va alohida tabiat tizimlari va biosferaning sifati o‘zaro bog‘liq va bu ko‘rsatkichlari dan birining hohlagan o‘zgarishi boshqa barcha ko‘rsatkichlarning o‘zgarishiga olib keladi.

Le-Shatele-Braun prinsipiga muvofiq, ekotizimdagi o‘zgarishlar uni barqarorligini saqlab qolishni ta’minlaydigan yo‘nalishda amalga oshadi va turg‘unligini buzadigan ta’sirlarga qarshilik ko‘rsatadi.

Ekotizimda organizmlar qanchalik rang-barang bo‘lsa, oziq to‘rlari keng va turlarning ekologik o‘rnini bosish imkoniyatlari qanchalik keng bo‘lsa u shunchalik turg‘un, barqaror bo‘ladi.

Insoniyat tomonidan amalga oshirilayotgan tadbirlar hech qachon biosferaning o‘z-o‘zini tiklash qobiliyati o‘rnini bosolmaydi. Faqatgina tabiiy holida saqlanib qolgan biota biosferaning barqaror muvozanatini tiklab turishi mumkin. Insoniyatning bosh vazifasi atrof-muhit ifloslanishlarining oldini olishgina emas, balki tabiiy biotani saqlab qolish bo‘lishi kerak. Buning uchun tabiiy biota va ochiq okean biotasini o‘zlashtirishni to‘xtatish, shuningdek, o‘zlashtirilgan quruqlikdagi tabiiy biotani tiklash lozimdir.

Tabiiy muhit holatining inson ta’sirida o‘zgarishi, jonli va jonsiz komponentlarga kuchli antropogen ta’sir ekologik muammolarni keltirib chiqaradi. Inson xo‘jalik faoliyatining tabiat qonunlariga mos kelmasligi, biosferaning insonga aks ta’siri ekologik muammolar kelib chiqishining asosiy sababchisi hisoblanadi.

Tabiiy resurslardan noto‘g‘ri foydalanish, atrof-muhitning ifloslanishi, ekotizimlarga me’yoridan ortiqcha bosim oqibatida ekologik muammolarning keskinlashuvi, mahalliy, milliy, regional va global ekologik halokatga olib kelishi muqarrardir.

Inson hayoti uni o‘rab turgan atrof-muhit bilan chambarchas bog‘liq. Bizni o‘rab turgan tabiatni chindan ham ona desa bo‘ladi. Chunki u butun borliqni hayotbaxsh nafasi bilan ta’minlab turadi, to‘ydiradi, kiyintiradi. Ana shunday tabiatning ozor topishi u bilan bevosita bog‘liq odamzot va jonivorlarni zo‘r tahlikaga solib qo‘yishi mumkin.

Inson so‘nggi 100-150 yil davomida biosferani shunchalar o‘zgartirib yubordiki, natijada uning million yillar davomida tar-kib topgan barqaror muvozanatiga rahna solindi, noyob nabotot va jonivorlar turlari kamayib ketdi. Hozirgi energetikaning shiddat bilan o‘sishi natijasida butun yer kurrasi atrofidagi havo harorati ma’lum darajada ko‘tarilishi kuzatilmoxda. Bu esa abadiy muzliklarni eriy boshlashiga olib kelishi mumkin.

Atrof-muhitning, jumladan atmosfera havosi, suv, tuproqlarning ko‘pdan-ko‘p sanoat korxonalari, avtotransport vositalari, turli kimyoiy moddalar bilan ifloslanishi aholi salomatligiga katta zarar keltirmoqda.

Yer yuzida shaharlarning o‘sishi va rivojlanishi, aholisi salmog‘ining ortishi – urbanizatsiya jarayoni atrof-muhit ifloslanisining kuchayishiga sabab bo‘lmoqda.

Shaharlar aholisi salmog‘i dunyo bo‘yicha 40% dan ortiqni tashkil qiladi va hissasi katta tezlikda ortmoqda. Germaniyada aholining 90%, AQShda 80%, Yaponiyada 76% idan ortig‘i shaharlarda yashaydi. Millioner – shaharlarning soni tobora ortib bormoqda. Shaharlarni harakatdagi vulqonlarga o‘xshatsa bo‘ladi. Shaharlardagi sanoat korxonalari, transport vositalari, maishiy tashlandilar havoni, suv va tuproqlarni kuchli ifloslaydi.

Hozirgi vaqtida O‘zbekistonda ham inson qadami yetmagan birorta joy qolmagan. qayerga bormang, u yerda hayot qaynatotganini, odamlar mahalliy tabiat ne’matlaridan bahramand bo‘layotganini ko‘rasiz. Tabiat boyliklaridan rejasiz, isrofgarchilik bilan foydalanish, uning ehsonlarini suiste’mol qilish, qudratli texnika-

ning turmushga kirib kelishi, kimyoviy moddalardan keng foydalanish, o‘z navbatida atrof-muhitga zarar keltirmoqda.

## Nazorat uchun savollar

1. Biosfera deb nimaga aytamiz?
2. Biosfera va uning chegaralari aytинг.
3. Biosferaning hosil bo‘lishida abiotik, biotik va noobiotik bosqichlarni izohlab bering.
4. Biogen, oraliq va o‘lik modda nima?
5. Noosfera ta’limoti va uning asoschilarini.
6. Qanday global, regional va mahalliy ekologik muammolar mavjud?
7. Biosfera mahsuldorligining kamayishiga asosan qanday sabablar ta’sir qiladi?

## VIII-BOB. ATMOSFERA HAVOSI VA UNI MUHOFAZA QILISH.

### 8.1. Atmosferaning tuzilishi va chegaralari.

**Atmosfera** (yunoncha ἀτμός – “bug” va σφαῖρα – “sfera”) – yer sharini o‘rab turgan va u bilan birga aylanadigan havo qobig‘idir. Atmosferaning og‘irligi taxminan  $5,157 \cdot 10^{18}$  kg bo‘lib, yer shari og‘irligi ( $5,98 \cdot 10^{24}$  kg) ning taxminan milliondan bir bo‘lagiga teng. Yer yuzasidan balandlikka ko‘tarilgan sari atmosfera bosimi va zichligi kamayib boradi. Atmosferaning qalinligi bir necha o‘n ming km bo‘lishiga qaramay, uning asosiy og‘irligi yer yuzasiga yaqin bo‘lgan yupqa qatlamda joylashgan. Atmosfera og‘irligining taxminan 50% yer yuzasidan 5 km balandlikkacha bo‘lgan qatlamda, qolgan 50% esa 30-35 km balandlikkacha bo‘lgan qatlamda to‘plangan.


Atmosfera yuqori qatlamlarining zichligi sayyoralararo muhitdagi gazlarning zichligiga tenglashadi. Shuning uchun atmosferaning keskin chegarasi bo‘lmaydi, asta-sekin sayyoralararo fazoga

o'tadi. Atmosferaning yuqori qatlamlari Quyoshdan kelayotgan energiya ta'sirida issiqlik olganligi uchun u qatlamlarning zichligi vaqt va geografik kengliklarga bog'liq.

Atmosfera tarkibiga ko'ra, asosan gomosfera va geterosfera qatlamlariga bo'linadi. Yer sirtidan 90-95 km balandlikkacha bo'lган havo qatlamida yuqorida qayd etilgan asosiy gazlar (azot va kislород) ning nisbiy tarkibi o'zgarmaydi, buni **gomosfera** (bir jinsli) qatlam deb ataladi, bu qatlamdan yuqorida esa azot va kislород molekulalari zaryadli atomlarga ajraladi va atom og'irligi bo'yicha taqsimlanadi. Buni **geterosfera** qatlamni deb yuritiladi.

Atmosferada issiqlik ko'proq turbulent (uyurma) harakat, radiatsiya jarayonlari va suvning fazoviy o'zgarishlari orqali tarqaladi. Natijada atmosfera haroratning taqsimlanishi bo'yicha 5 ta asosiy qatlamga ajratiladi:

- 1) Troposfera – 0 – 12 km;
- 2) Stratosfera – 12 – 50 km;
- 3) Mezosfera – 50 – 90 km;
- 4) Termosfera – 90 – 500 km;
- 5) Ekzosfera – 500 – 2000 km;



Atmosferaning vertikal tuzilishi xususida:

- 1-kumulusiyal va cumulonimbus bulutlar; 2-madafimur buksalar; 3-qoy tonosferadagi qutb yog'dolari; 4-yugorek ionosferadagi qutb yog'dolari  
3-ozum mukofoti eng haj'g qazlam.

8.1-rasm. Atmosferaning vertikal tuzilishi (R.Ramade, 1998 y.).

**Troposfera** — atmosferaning eng pastki qismi bo'lib, uning yuqori chegarasi qutb kengliklarida 8-10 km, ekvatoria esa 16-18 km dan o'tadi. Atmosferaning asosiyligi, quyi qatlami bo'lgan troposfera at-

mosfera havosining 80% dan ko‘p qismini va atmosferadagi suv bug‘larining 90% ga yaqinini o‘zida saqlaydi. Troposferada turbulentlik va konveksiya hodisalari kuchli rivojlangan bo‘lib, bulutlar hosil bo‘ladi, siklon va antitsiklonlar shakllanadi. Yer yuzasidan yuqoriga ko‘tarilgan sari harorat pasayadi (har 100 metrda 0,65 °C ga) va havoning zichligi kamayib boradi. Troposferaning yuqorisida, stratosferaga o‘tish qismida harorat sovib – 50 dan -80°C gacha yetadi.

**Stratosferada** yer yuzasidan 25 km balandlikkacha sovuq harorat deyarli o‘zgarmay qoladi. Stratosfera bo‘ylab quyoshning ultrabinafsha nurlari ta’sirida ozon ( $O_3$ ) hosil bo‘ladi. Uning eng yuqori konsentratsiyasi yer yuzidan 22-25 km balandlikda kuzatiladi. Ozonning miqdori fasllarga qarab ham o‘zgarib turadi: bahorda ko‘payadi, kuzda esa kamayadi. Yerdan 50-55 km balandlikkacha harorat ortib, – 3-0 °C ga etadi.

Stratosferadan so‘ng **mezosfera** qatlami joylashgan bo‘lib, uning Yer yuzasidan balandligi 50 km dan 90 km gacha boradi. Bu qavatdan yuqori harorat asta-sekin pasayib 85-90 km balandlikda – 100-130 °C gacha sovuydi.

Bu qavatdan yuqorida **termosfera** joylashgan. Uning balandligi yer yuzasidan 800 km gacha boradi. Bu yerda harorat yana ko‘tarilib boradi va taxminan 200-300 km balandlikda harorat doimiy + 350-400°C atrofida bo‘ladi.

Ionosfera qavatidan keyin **ekzosfera keladi**. Uning eng yuqori chegarasi yer yuzasidan 2000 km balandlikda joylashgan. Bu qavatning yuqori qismida atmosferaning asosiy tarkibi neytral vodoroddan, proton va elektronlardan tashkil topgan.

## 8.2. Atmosferaning tarkibi.

Taxminan bir necha yuz million yil avval shakllanib bo‘lgan yer atmosferasi havosining tarkibi quyidagi asosiy gazlardan tashkil topgan (8.1-jadval).

## 8.1-jadval. Atmosfera havosining tarkibi (K.Saha, 2008 y).

Gazlar nomi	Hajm bo'yicha ulushi*, %	Og'irlilik bo'yicha ulushi, %
Azot ( $N_2$ )	78,084	75,51
Kislород ( $O_2$ )	20,946	23,14
Argon (Ar)	0,934	1,3
Karbonat angidrid ( $CO_2$ )	0,03 – 0,04	0,05
Neon (Ne)	$1,818 \cdot 10^{-3}$	$1,2 \cdot 10^{-3}$
Geliy (He)	$5,24 \cdot 10^{-4}$	$8 \cdot 10^{-4}$
Metan	$1,7 \cdot 10^{-4} - 2 \cdot 10^{-4}$	$9,41 \cdot 10^{-5}$
Kripton (Kr)	$1,14 \cdot 10^{-4}$	$2,9 \cdot 10^{-4}$
Vodorod ( $H_2$ )	$5 \cdot 10^{-5}$	$3,5 \cdot 10^{-6}$
Ksenon (Xe)	$8,7 \cdot 10^{-6}$	$3,6 \cdot 10^{-5}$

\* Hajm bo'yicha ulush – bir xil bosim va harorat sharoitida gaz egallagan hajmnинг aralashma umumiy hajmiga nisbatining foizdagi ifodasidir.

Atmosfera, asosan, azot (78,084 %), kislород (20,947 %) va argon (0,934 %) gazlari aralashmasidan iborat. Qolgan qismini karbonat angidrid, neon, geliy, kripton, vodorod va ksenon kabi inert gazlar tashkil qiladi. Atmosferada juda oz miqdorda metan, azot, oksid, uglerod (I) – oksid va boshqa tabiiy hamda sanoat gazlari bo'lib, miqdori o'zgarib turadi. Quruqlik va suv yuzidagi doimiy bug'lanish tufayli atmosferada suv bug'i ham bo'ladi. Bug'ning quyuqlashuvi bulut va yog'lnarni hosil qiladi. Havoda doimo har xil kattalikdagi chang zarrachalari ham mavjud. Ularning manbai Yer va kosmik fazodir.

Atmosferadagi  $N_2$  asosan mikroorganizmlar faoliyati natijasida to'plangan. Atmosferada azot kislород aralashmasi rolini o'ynab, oksidlanish tezligini va biologik jarayonlarni tartibga solib turadi.

Kislород ( $O_2$ ) yerdagi organik hayotning shakllanishida muhim o'rinni egallaydi. Kislород rangsiz gaz bo'lib, o'zi yonmaydi, lekin yonishga yordam beradi. Kislорodning yetishmasligi inson organizmidagi barcha a'zolarning meyorl ishlashiga salbiy ta'sir qiladi.

Atmosferadagi karbonad angidrid ( $\text{CO}_2$ ) rangsiz, hidsiz gaz bo'lib, inson undan bevosita foydalanmaydi. U o'simliklar uchun zarur gaz bo'lib, fotosintez jarayoni uchun muhim xom-ashyo hisoblanadi.

Atmosferada gazsimon moddalardan tashqari kattaligi, kimyo-viy tarkibi va fizik hossalariiga ko'ra farq qiladigan mayda zarrachalar – aerozollar (tutun, chang, to'zon va boshqalar) mavjud. Atmosfera tarkibidagi tabiiy changlar yer yuzasida sodir bo'ladigan jarayonlar uchun katta ahamiyatga ega. Chunki changlar suv bug'lari uchun kondensatsiya yadrosi hisoblanib, yog'inlarni vujudga keltiradi, quyoshning to'g'ri radiatsiyasini yutib, yerdagi tirik organizmlarni ortiqcha nurlanishdan saqlaydi.

Girdoblari, antisiklon va siklonlar harakati natijasida turli kengliklardagi havo massalarining almashinishi yuzaga keladi. Shuningdek, atmosferada havo vertikal va gorizontal yo'nalishlarda aralashib turadi. Troposferada suv bug'lari va changlar ko'p bo'lgani uchun tuman, bulut hosil bo'ladi, yog'in yog'adi, momaqaldiroq va turli-tuman ob-havo hodisalari ro'y beradi. Shamol tezligi har kilometr balandlikda 2 m/s orta boradi va yo'nalishi o'ngga burila boshlaydi. Tropopauza ostida shamolning eng yu-qori tezligi sekundiga 15-20 m ga, ba'zan soatiga 500-600 km gacha yetadi. Troposferada yer sirti bilan ishqalanadigan qatlarning qalinligi 1,0-1,5 km. Bu qatlamda meteorologik elementlar sutka davomida tez-tez o'zgarib turadi. Qatlarning 50-100 m balandlikkacha bo'lgan pastki qismida issiqlikning turbulent oqimlari, suv bug'i va turbulent ishqalanish kuchlari o'zgarmas deb hisoblanadi. Chegara qatlarning yuqorisida turbulent ishqalanish kuchlari juda kichik bo'lib, shu balandlikdan erkin atmosfera boshlana-di. Troposferadan stratosfera qatlamiga o'tishdagi oraliq qatlam tropopauza deb ataladi. Tropopauza balandligi 17 km dan (ekvator ustida) 9 km gacha (qutb ustida) o'zgaradi. Tropopauzadan yuqorida deyarli doimo bulutsiz va nisbatan tinch bo'lgan stratosfera qatlami bo'lib, ba'zi vaqtlarda 20-22 km balandlikda muz kristallaridan tarkib topgan.

Dunyo okeani ustidagi atmosfera eng toza hisoblanib, atmosfera havosining tozalashda muhim o'rinni egallaydi. Havoning aerozollar

(chang) bilan ifloslanishi asosan, yer yuzasidan 1,5-2 km balandlikkacha kuzatiladi va quyosh nurlarining yozda 20%, qishda 50% tutib qoladi. Yerda hayotning davom etishi, asosan, atmosfera havosining tozaligiga bog'liq. Masalan, inson ovqatsiz va suvsiz bir necha kun yashay olishi mumkin, lekin havosiz o'rtacha 5-7 minut yashaydi. Bir kishi kuniga 1 kg ovqat va 2 litr suv iste'mol qilib, 25 kg havoni nafas olish uchun sarflaydi.

Toza havo faqat inson uchungina emas, balki o'simlik va hayvonot dunyosi uchun, shuningdek, tibbiyotda turli dori vositalari, yarim o'tkazgichlar, yuqori aniqlikka ega bo'lgan o'lchov asboblari ishlab chiqaradigan sanoat tarmoqlari uchun ham zarurdir.

### 8.3. Atmosfera resurslari va ularning ifloslanishi

**Atmosfera resurslariga** shamol, quyosh radiatsiyasi, havo, yorug'lik, suv bug'lari, mineral va organik changlar kiradi.

1. Atmosfera havosining harakati natijasida **shamol** vujudga keladi va turli tezlikda harakat qilib juda katta kuchga ega. Shamol energiyasidan keng foydalanishga o'tilishi yoqilg'i-energetika resurslarni tejash imkonini beradi. Shamol energiyasi dunyo miqyosida gidroenergiyaga nisbatan 1000 barobar kuchli. Hozirgi kunda Daniyada 4000 elektrostansiya shamol energiyasida ishlamoqda va shu mamlakatning 3,7 % energiyaga bo'lgan talablarini qondirmoqda. Shamol elektrstansiyalarining bitta ekologik kamchiligi shuki ma'lum darajada bir tekisdagi shovqinni keltirib chiqaradi. Bu shovqin insonga salbiy ta'sir etishi mumkin.

2. **Quyosh radiatsiyasi** tugamaydigan "doimiy" energiya resursi hisoblanib, undan foydalanish natijasida tabiat umuman ifloslanmaydi. Yer yuzasiga tushayotgan energiya quvvati  $5,6 \cdot 10^6$  EDj yoki 17 mlrd kVt tashkil kiladi. Quyosh energiyasining kamchiliklari uning past zinchligi va kun, fasl davomida jadalligining o'zgarishidir. Hozirgi kunda Italiya va AQSHda quyosh elektrstansiyalarini qurilgan va energiyani ishlab chiqarmoqdalar. Quyosh elektrstansiyalarining kamchiligi — qurilishiga katta mablag' sarflanishi va quyosh batareyalari ostida ekologik muvozanatning buzilishi. Quyosh elektrstansiyalarini bir necha hektar hududni egallaydi. Bugungi kunda dunyoda eng katta quyosh elektrstansiyasi AQSH larining Ka-

liforniya shtatida joylashgan. Hozirgi kunda O'zbekistonda ham quyosh energiyasidan elektrenergiyasi olish masalalariga jiddiy e'tibor berilmoqda.

Yer yuzasidan qaytayotgan quyosh nurlanishi oqimining unga tushayotgan oqimga nisbati ***albedo*** deb ataladi. Masalan, yangi yoqqan qor 80-90 %, ifloslangani esa faqat 30-40%, qora tuproq 10-14 %, qum 25-35 %, nurlarning tushish burchagiga ko'ra suv 5 % dan 35% gacha quyosh nurini qaytaradi.

Quyosh nurining yer yuzasiga yetib kelishi va uning yer kurasni bo'yicha taqsimlanishi iqlimni shakllantiruvchi asosiy omillardan biri bo'lib, ular ta'sirida tabiiy landshaftlarning shakllanishi sodir bo'ladi. Inson faoliyati iqlim omillariga sezilarli ta'sir etadi. Jumladan, atmosferada aerozol zarrachalar miqdorining ortishi uning issiqlik tartibini o'zgarishiga olib keladi.

Quyosh nuri energiyasi bilan yana bir omil – yer yuzasining yoritilganligidir. Birinchidan, yerning o'z o'qi atrofida aylanishi natijasida sutkaning yorug' va qorong'i vaqtlarining davriy almashinishi sodir bo'ladi. Evolyutsiya (rivojlanish) jarayonida o'simliklar, hayvonlar va insonda yoritilganlik darajasiga fiziologik, morfologik va etologik moslashishlar (adaptatsiya) vujudga kelgan va ular faoliyning sutkahlik ritmlarida namoyon bo'ladi. Ikkinchidan, ko'pgina organizmlar hayot faoliyati uchiun zarur yoryg' va qorong'i vaqtning ma'lum vaqt davom etishida namoyon bo'luvchi yoritilganlikning mavsumiy o'zgarishlari muhim ahamiyatga ega.

O'zbekiston hudida quyosh energiyasidan xo'jalik maqsadlari da keng miqyosda: issiq suv ta'minotida, isitishda, meva va sabzavot quritishda va boshqalarda keng miqyosda foydalanish mumkin. O'zbekiston shimolida quyoshli kunlar bir yilda 2000 soatni, janubda 3000 soatni tashkil etadi. Bir kunda quyosh 8-10 soat nur sochib turadi.

**3. Havo harorati** – ob-havo va iqlim rejimini ifodalaydigan asosiy ko'rsatkichlar (o'rtacha yillik, oylik, kunlik harorat va x.k.) bilan tavsiflanadi.

**4. Havo namligi** – atmosferadagi suv bug'lari miqdori joyning fizik-geografik sharoitiga, yilning fasliga, atmosfera sirkulyasiyasiga va tuproq namligiga qarab keskin o'zgarib turadi. Havoning bug' bilan to'yin-

ganligi darajasini ifodalovchi ko'rsatkich nisbiy namlik bo'lib, u havoning ma'lum hajmida suv bug'ining haqiqiy miqdorining shu haroratda bo'lishi mumkin bo'lgan maksimal miqdoriga bo'lgan nisbatini ko'rsatadi va foizda o'lchanadi.

**5. Iqlim** – joyning geografik kengligi, uning dengiz sathidan balandligi, okeandan qanday masofada joylashganligi, relyefi, yuza qatlaming turi va havo sirkulyasiyasining o'zaro ta'sirida vujudga keluvchi ob-havoning ko'p yillik rejimidir.

**6. Atmosfera yog'inlari** – mintaqadagi barcha daryolarni suv bilan ta'minlab turadigan deyarli yagona manba hisoblanadi va ma'lum darajada tabiiy landshaftlar hamda qishloq xo'jaligi ishlab chiqarish jarayonini belgilaydigan hodisadir. O'zbekiston hududlarida yog'ingarchilikning taqsimlanishi ularning geografik joylashuvi, relyefi va atmosfera sirkulyasiyasini xususiyatlariiga bog'liqidir, ya'ni yog'in miqdorining huddiy qiymatlari 80-200 mm (tekisliklarda), 200-600 mm (tog' oldi va tog'liklarda) ga teng.

### Atmosfera resurslari tasnifi (N.F. Reymers bo'yicha)

Tasnif birligi	Izoh
Energetik resurslar	
Quyosh energiyasi	Quyosh nurlanishi va u bilan bog'liq energetik jarayonlar: shamol energiyasi, to'lgin energiyasi, dengiz oqimlari energiyasi, havo harorati, suvning yuza va chuqur qatlamlari haroratlari o'rtasidagi farq va boshqalar
Kosmik energiya	Kosmik nurlanishning barcha turlari
Atmosfera energetikasi	Analiyotda qo'llanilmaydi
Atmosferaning havo resurslari	
Atmosferadagi ba'zi gazlar resurslari	Ozon qatlami, kislород, azot va karbonat angidrid
Gidrosferaning gazli tarkibi	Suvda erigan gazlar.
Tuproq havosi tarkibi	O'simlik ildizlari nafas olishi uchun zarur
Havo namligi	Iqlim sharoitlarini yaxshilash uchun zarur
Iqlim resurslari	Qoshimcha energiya manbaalari
Atmosfera yog'inlari	Namlik zahiralari uchun muhim

**Atmosferaning ifloslanishi** deb, atmosfera havosi tarkibida yet modda va qo'shimchalarning me'yordan ortiq to'planishi hisobiga uning tarkibi va xususiyatlari barcha turdag'i o'zgarishlari tushu-niladi. Havoning ifloslanishi tabiiy (biologik) yoki sun'iy (antropogen) bo'lishi mumkin.

Atmosferaning ifloslanishi 3 turga ajratiladi: 1. Fizik; 2. Kimyo-viy; va 3. Biologik ifloslanish. Ifloslanish ko'lami va tarqalishiga ko'ra esa lokal, regional va global ifloslanish turlari mavjud.

Tabiiy muhitda vujudga keladigan vulqonlar, shamol va yog'in-garchilik, tabiiy ofatlar (suv toshqini, zilzila) hisobiga atmosfera havosi ifloslanadi. Bundan tashqari, atmosfera havosi tarkibigiga o'simliklar va hayvonot qoldiqlari, zaharli gazlar ( $\text{CO}_2$ ,  $\text{NO}_2$ ,  $\text{SO}_2$ ), uglevodorodlar (metan, etan, ammiak va boshqa gazlar va suyuqliklar), koinotdagi gazlar va chang zarrachalari tabiiy holda kelib qo'shiladi. Atmosfera havosining bunday ifloslanishiga **tabiiy (biologik) ifloslanishi** deyiladi.

Ilmiy adabiyotlar tahlili shuni ko'rsatmoqdaki, atmosfera havosiga koinotdan yiliga 1 mlrd t dan ortiq turli xil gaz va chang zarrachalari kelib qo'shiladi. Bundan tashqari, Yer yuzida 500 dan ortiq doimiy harakatdagi vulqonlar mavjud bo'lib, ularning har biridan yiliga 75 mln t gacha turli gaz va changlar atmosfera havosiga qo'shilib turadi. Yoki Orol dengizining qurishi hisobiga hosil bo'lgan 5,5 mln gektardan ziyodroq dengiz tubining tuzli maydonidan yiliga 100 mln t dan ortiq chang va tuz zarrachalari atmosfera havosiga qo'shilmoqda. Bularning barchasi tabiiy holda vujudga keladi va atmosferaning tabiiy ifloslanishigi sababchi bo'ladi. Ammo shu bilan birga atmosfera havosi tarkibidagi tabiiy changlarniig ma'lum bir miqdori Yerda sodir bo'ladigan fizik, kimyoviy va biologik jarayonlarning kechishi uchun katta ahamiyatga ega. Atmosfera havosi tarkibidagi changlar suv bug'lari uchun kondensasiya yadrosi hisoblanadi va atmosfera yog'inlariga sababchi bo'ladi. Ular Quyosh nurlarini yutib, tirik organizmlarni ortiqcha nurlanishidan saqlaydi. Shu bilan birga atmosfera havosi tarkibidagi changlar ma'lum darajada uning asosiy elementlaridan biri hisoblanadi va atmosferada kechadigan barcha hodisa va jarayonlarni tartibga solib turadi.

**Antropogen ifloslanish** deb inson faoliyati natijasida ifloslantiruvchi moddalarning atmosferaga tashlanishi tushuniladi. Atmosfera havosiga tashlanadigan ifloslantiruvchi moddalar agregat holati bo'yicha 3 toifaga bo'linadi:

- 1) gazsimon (oltingugurt oksidi, azot oksidlari, uglerod oksidlari, uglevodorodlar va h.k.)
- 2) suyuq (kislotalar, ishqorlar, tuz eritmalari va x.k.)
- 3) qattiq (kanserogen moddalar, qo'rg'oshin, organik va non-organik changlar va x.k.)

Atmosfera havosini asosiy ifloslantiruvchilar – bu oltingugurt oksidi ( $\text{SO}_3$ ), azot oksidlari ( $\text{NO}_x$ ), uglerod oksidi (CO) va qattiq moddalardir. Bular atmosfera havosining umumiy ifloslanishining 98% ini tashkil qiladi. Asosiy ifloslantiruvchilarining tashqarida yana 70 xil ifloslantiruvchilari mavjud. Atmosfera havosining eng xafqli ifloslanish turi – radioaktiv ifloslanish hisoblanadi.

Atmosferani ifloslantiruvchi asosiy manbalar quyidagilar hisoblanadi:

1. Avtotransport vositalari.
2. Markazlashgan issiqlik va elektr tarmoqlari.
3. Sanoat korxonalari.
4. Qishloq xo'jaligi tarmoqlari.
5. Maishiy xizmat ko'rsatish korxonalari.

Atmosfera havosining sun'iy (antropogen) usulda ifloslanishi inson faoliyati bilan chambarchas bog'liqidir. Sanoat korxonalari, qurilish, energetika tarmoqlari, qishloq xo'jaligi, konchilik va maishiy xizmat ko'rsatish korxonalaridan chiqadigan zararli gazlar, bug'lar, changlar, bakteriya va mikroblar atmosfera havosini sun'iy ifloslantiradi.

Atmosfera havosiga chiqariladigan iflos moddalarning asosiy qismini zaharli gazlar ( $\text{SO}_2$ ,  $\text{CO}_2$ ,  $\text{NO}_2$ ), uglevodorodlar, chang, qurum, metall birikmalari tashkil etadi. Ular ko'pincha organik moddalar va yoqilg'ilarni yondirish paytida vujudga keladi.

Dunyo bo'yicha har yili atmosferaga taxminan 2 mln t chang, 100 mln t  $\text{CO}_2$ , 50-60 mln. t azot oksidlari, 300 mln t qo'rg'oshin birikmalari va qurum, 700 mln t CO<sub>2</sub> chiqariladi. Qurum tarkibida 1,5-2,0% benzoprin va dioksin kabi konserogen modda-

lar mavjud bo‘lib, ular nafas olish yo‘llari orqali inson organizmiga kirib, saraton kasalligini keltirib chiqaradi.

Ma’lumotlarga ko‘ra, 1 tonna ko‘mir yoqilganda atmosferaga taxminan 35 tonna SO<sub>2</sub> va SO<sub>3</sub>, 6 – 7 tonna qattiq zarrachalar (chang va qurum), 10 tonnagacha NO<sub>2</sub> ni chiqarmoqda. O‘zbekistonda atmosfera havosini ifloslantiruvchi manbaalar chiqindilari ning tarkibi va salmog‘i quyidagicha: uglerod oksidi – 40 %, oltin-gugurt oksidi – 20 %, azot oksidi – 9%, uglevodorodlar – 20 %, qattiq moddalar – 6,5 % va boshqa moddalar – 4,5 % ni tashkil etadi. Toshkent shahrida bir sutkada 20 mln m<sup>3</sup> ishlangan, iflos va tarkibida 4% CO<sub>2</sub> bo‘lgan gazlar atmosfera havosiga chiqariladi.

Atmosfera ifloslanishida tog‘-kon sanoati, maishiy – komunal xo‘jaligi va qishloq xo‘jaligi tarmoqlarining ulushlari ham ni-hoyatda kattadir.

Shuni alohida ta’kidlash kerakki, sanoati taraqqiy etgan, transport va energetika tarmoqlari rivojlangan, qishloq xo‘jaligi kim-yolashtirilgan va zamonaviy mashinalar bilan ta’minlangan, aholining ko‘payishi va urbanizasiya jarayoni yuqori bo‘lgan hozirgi davrda atmosfera havosining sun‘iy ifloslanishi uning tabiiy ifloslanishidan ustunlik qilmoqda.

Avtomobil, samolyot, kosmik kema, teplovoz, qishloq xo‘jaligi mashinalari nihoyatda katta miqdorda kislorodni sarflab, atmosfera havosini is gazi, azot oksidi, uglevodorodlar, qo‘rg‘oshin birikmalari, chang va boshqa kanserogen moddalar bilan ifloslantirmoqda. AQSH da atmosfera havosining ifloslanishida avtotransport vositalarining hissasi 73 % ni, sanoat esa 17% ni tashkil etadi.

Atmosferaning sun‘iy ifloslanishida avtotransportning hissasi juda katta. Yer yuzasidagi barcha avtomobillar bir sutkada atmosferaga 0,7 mln. tonna SO<sub>2</sub>, 110 tonna CN, 30000 tonna NO<sub>2</sub> va benzin bug‘lari chiqaradi. Bundan tashqari ular havoga ko‘plab SO<sub>2</sub> va qo‘rg‘oshin birikmalari chiqaradi. Respublikamizda atmosfera ifloslanishida transport vositalarining ulushi 40 %, ayrim shaharlarda (Toshkent, Samarqand, Andijon, Buxoro) esa 80 % ga teng.

Sanoat korxonalarida ko‘mir, neft, gaz yoqilg‘ilari chala yonishi tufayli atmosferaga juda ko‘p chala yongan zarralar (qurum,

kul, chang) va zararli gazlar CO, CN, S birikmaları, SO, NO lari chiqadi. Ayniqsa kimyo, metallurgiya, neftni qayta ishlash va qurilish materiallari ishlab chiqarish korxonalarining tashlamalari juda xavfli. Ulardan chiqqan turli toksik moddalar inson organizmiga havo orqali o'tib qonga so'riladi. Qora va rangli metallurgiya korxonalari chang, S gazi, S va N oksidlarini chiqaradi. Alyuminiy sanoati esa atmosferani fтор moddasi bilan ifloslantiradi. Cement zavodlarida 1 tonna sement ishlab chiqarishda 100 kg segment changi havoga chiqadi. Bu changlar tuproqda yig'ilib texnogen qatlam hosil qiladi va o'simliklarga kuchli ta'sir qiladi.

#### **8.4. Atmosfera havosining ifloslanishi oqibatlari.**

Atmosferga tabiiy va antropogen omillar ta'sirida chiqarilayotgan turli gazlar va qattiq zarrachalar hisobiga quyidagi ekologik muammolar kelib chiqmoqda.

1. "Issiqxona samarasi" hodisasi;
2. Ozon qatlaming yemirilishi;
3. "Fotokimyoviy tutun" hodisasi;
4. Kislotali yomg'irlar.

Quyida ushbu ekologik muammolarga batafsил to'xtalib o'tamiz.

##### **8.4.1. "Issiqxona samarasi" hodisasi.**

Hozirgi kunda planetamizda iqlim o'zgarishi ho'latlari, ya'ni Yer yuzasida o'rtacha yillik haroratning ko'tarilib borayotganligini kuzatish mumkin. Ko'pgina olimlar bunga asosiy sabab sifatida atmosfera havosi tarkibida karbonat angidrid ( $\text{CO}_2$ ), metan  $\text{CN}_4$ , xlorftoruglevodorodlar (freon), ozon ( $\text{O}_3$ ), azot oksidlari ( $\text{NO}$ ) miqdorining ortib ketishini ko'rsatmoqda (8.2-jadval).


## 8.2-jadval. Atmosfera havosidagi issiqxona gazlari va ularning “Issiqxona samarasi” hodisasidagi ulushi

Gazlar	Formulasi	Ulushi, %
Suv bug'lari	$H_2O$	36 – 72
Karbonat angidrid	$CO_2$	9 – 26
Metan	$CH_4$	4 – 9
Ozon	$O_3$	3 – 7

Karbonat angidrid –  $CO_2$  o'simliklar oziqlanishining eng muhim komponentlaridan biridir. U atmosferaga yonish, nafas olish, chirish jarayonlarida chiqadi va o'simliklardagi fotosintez jarayonida sarflanadi. Keyingi bir asr davomida organik yoqilg'i turlari – ko'mir, neft, gazni qazib olish va ishlatalishining keskin ortishi natijasida atmosfera havosi tarkibidagi karbonat angidrid miqdorining uzlusiz ortishi kuzatilmoqda. Mavjud baholashlarga ko'ra karbonat angidridning miqdori shu davr mobaynida 1999 yildagi 0,033% dan va 2016 yilda 0,0394 % gacha ortdi.


### 8.2-rasm. Karbonat angidrid miqdorining o'zgarishi.

$CO_2$  концентрацияси



Atmosferadagi CO<sub>2</sub> ning absolyut miqdori 712 milliard tonnani, yillik ko'payishi esa 3 milliard tonnani tashkil etadi. Karbonat angidridning atmosfera jarayonlaridagi asosiy roli uning issiqxona samarasi deb ataluvchi hodisaning paydo bo'lishidagi ishtirokider. Karbonat angidrid yer yuzasining 12,9-17,1 mkm to'lqin uzunligidagi infraqizil nurlanishini yutadi. Bu to'lqinlar yer nurlanishi spektridagi maksimumga yaqin. Natijada atmosfera xuddi issiqxona qoplamasiga o'xshab quyosh nurlarini o'tkazib, yer yuzasidan infraqizil nurlanishning kosmosga chiqishiga qarshilik qiladi va bu bilan yerning tabiiy issiqlik muvozanati buziladi. Ba'zi olimlarning bashoratiga ko'ra, atmosferadagi CO<sub>2</sub> miqdori 0,042 % gacha ortganda qutblardagi muzliklar butunlay erib ketadi. Aksincha, uning miqdorini 0,015 % gacha kamayishi sayyoraning butunlay muzlab qolishiga olib kelishi mumkin. CO<sub>2</sub> miqdorining XX asr boshidagiga nisbatan ikki baravarga (0,060 % gacha) ortishi sayyoramizdagi haroratni 3°C ga ko'tarishi mumkin.

**"Issiqxona samarasi"** hodisasining mohiyati quyidagichadir. Atmosfera tiniq pylonkaga o'xshab quyoshning qisqa to'lqinli nurlar ( $\lambda = 0,4\text{-}1,5$  mkm) katta qismini yer yuzasiga o'tqazadi. Lekin, shu pylonka quyoshning uzun to'lqinli nurlari uchun kam o'tkazuvchidir. Atmosferada shunday yarim o'tkazuvchi pylonka rolini suv bug'lari va issiqxona gazlari o'taydi. Ular uglerod dioksid, azot oksidlari, ftorxloruglevodorodlar (freonlar), metan va boshqalardir. Bu gazlar miqdorining ortishi natijasida yer yuzasidan issiq nurlarning kosmosga qaytishi kamayadi va havoning harorati ko'tariladi. Hozirgi vaqtda karbonat angidridning havodagi miqdori 0,0394% ni tashkil kiladi. Agar uning miqdori 2025 yilda kutilayotgandek 0,04-0,045 % yetsa, havoning harorati 1,0-1,5 °C ga ko'tariladi. Bunday isish iqlimning global o'zgarishiga olib keladi, bu esa Arktika va Antarktikadagi muzliklarning erishiga, Dunyo okeani sathining ko'tarilishiga, iqlim poyaslarining mintaqaviy ko'chishiga olib kelishi mumkin. Bu o'zgarishlarning barchasi biosferaning tuzilishi va tarkibiga jiddiy ta'sir qiladi.



8.3-rasm. “Issiqxona samarasi” hodisasi

**8.4.2. Atmosferadagi ozon va uning yemirilishi.** Ozon ( $O_3$ ) juda kam miqdorda ekanligiga qaramasdan, atmosferaning yuqori qatlamlarida (ayniqsa stratosferada) boradigan fizikaviy jarayonlarda muhim rol o‘ynaydi. Ozon qobig‘i butun yer sharini qoplab, atmosferada 10 km dan 70 km balandlikkacha uchraydi, lekin ozon molekulalarining ( $O_3$ ) maksimal miqdori 20-25 km balandlikda joylashgan. Atmosferadagi ozonning umumiy massasi taxminan  $3,2 \cdot 10^9$  t ni tashqil qiladi.

Ozon atmosferaning yuqori chegarasiga tushadigan quyosh nurlanishining 3 % ga yaqinini yutadi. Yutilish spektrning 0,22 – 0,29 mkm to‘lqin uzunligidagi ultrabinafsha sohasida sodir bo‘ladi. Spektrning bu sohasini yutilishi shunchalik kattaki, quyosh nurlarining energiyasi ozon qatlaming eng yuqori qismlarida, 50-45 km balandlikda deyarli to‘liq yutiladi. Shu sababli bu balandlikdagi havoning harorati  $0^\circ$  gacha ko‘tariladi.

Ultrabinafsha nurlarning asosiy xususiyati ularning yuqori biologik faollikka ega ekanlidir. Ular bakteriyalarning ko‘pgina turlarini o‘ldiradi, badanni qoraytiradi, organizmda D vitamin hosil bo‘lishiga ko‘maklashadi. Biroq, ultrabinafsha nurlanishning ozgina miqdorigina foydali hisoblanadi. Katta miqdorlari inson teri kasalliklariga (eritema) va hatto kuyishga ham olib kelishi mumkin.

Agar ozon bo‘limganda biologik faol ultrabinafsha nurlar Yer-dagi barcha biologik jarayonlarni va balki butun organik hayotning sezilarli o‘zgartirgan bo‘lar edi. Demak, ozon himoya ekranini hosil qiladi. Atmosferaning ba’zi moddalar bilan global ifloslanishi ozon ekrani zichligini kamaytirishi va “ozon tuynuklari” ni paydo qilishi mumkin, deb hisoblanadi.


Atmosferada ozon paydo bo‘ladigan fizikaviy va kimyoviy jarayonlar murakkab tabiatga ega. Iffi atomli kislorod molekulalari quyoshning ultrabinafsha nurlarini yutganda qisman atomlarga parchalanadi. Kislorod atomlari qo‘zg‘algan holda bo‘ladi (ya’ni me’yoriy holatdagiga nisbatan katta energiya zaxirasiga ega bo‘ladi). Shu sababli ozon molekulasi uchlama to‘qnashuvda, ya’ni kislorod molekulasi, kislorodning atomi va ortiqcha energiyani qabul qilib oluvchi azot yoki boshka gaz molekulasi bir-biri bilan to‘qnashgandagina hosil bo‘ladi. Bir vaqtning o‘zida qarama-qarshi jarayon – ozonning kislorodga parchalanishi sodir bo‘ladi.

Atmosferadagi ozon miqdori sutkalik (kund $\lambda = 7,8-28$  mkm), kechasi – minimum) va mavsumiy (bahorda – maksimum, kuz va kishda – minimum) o‘zgarishlarga ega.

**Ozon qatlami yemirilishi.** Ozon qatlami yer atmosferasining qismini tashkil qiladi va yuqori konsentratsiyadagi ozonni ( $O_3$ ) saqlaydi. Ushbu qatlam taxminan 93 foizdan 99 foizgacha quyoshning o‘tkir ultrabinafsha nurlarini yutadi. Agar bu qatlamdan ultrabinafsha nurlari to‘liq o‘tsa, yerdagi hayotga yakun yasashi mumkin. Ozon qatlaming katta qisimi stratosferaning quyi ya’ni, Yer yuzasidan 10 dan 50 kmgacha bo‘lgan masofada joylashgan. Ozon yemiruvchi moddalarning atrof-muhitga ta’siri birinchi marta 1980 yilning o‘rtalarida Antarktida ustidagi stratosferadagi ozon qatlamining 1975 yildagi holatiga nisbatan 60-70 foiz kamayishining kuzatilishi bilan aniqlangan. Umumiy kenglikda ozon qatlamining taxminan 3-6 foizga siyraklashgan. Ozon qatlamining siyraklashishi natijasida, ultrabinafsha nurlarining ortishi oqibatida, yer yuzasiga bu nurlarning yetib kelishi, o‘z navbatida aholi salomatligi va ekologiya bilan bog‘liq muammolarning ortishiga olib keladi. Xususan: teri saratoni, o‘simliklarning shikastlanishi, shu jumladan o‘simlik mahsulotlarini yetishtirilishining kamayishi, fotosintez jarayonlarining

susayishini chaqiruvchi plankton va fitoplankton kabi okeanning xilma-xilligining muhim turlarining kamayishiga olib keladi. Fitoplanktonlarning qisqarishi global isishga ta'sir etadi. Ma'lumki, ular okeandagi uglerod zaxirasini tashkil etishda muhim rol o'ynaydi. Ozon qatlami yemirilishi inson salomatligi va qishloq xo'jaligi sohasidagi ishlab chiqarishga ta'siri tufayli hukumatlararo choralar 1985 yilda ozon qatlamini muhofaza qilish haqidagi Vena konvensiyasiga qabul qilindi, 1987 yil 16 sentyabrda esa, ozon qatlamini yemiruvchi moddalar bo'yicha Montreal protokoliga kiritilgan. Ushbu ikki hujjat ozon yemiruvchilarni ishlab chiqarilishi va ulardan foydalanishni bosqichma-bosqich qisqartirishga yo'naltirilgan. Shuningdek, sanab o'tilgan xalqaro kelishuvlarda belgilangan choralar o'ziga, ozon yemiruvchi moddalar va tarkibida ular mavjud bo'lgan mahsulotlarni importi va eksporti ustidan nazorat o'rnatilishini ham oladi.

Har yili 16-sentabr Montreal protokoli qabul qilingan kun *Xalqaro ozon qatlamini himoya qilish kuni* sifatida bayram qilinadi. Stratosferaning ozon qatlami buzilishi tahdidlarining global tavsifini his qilgan holda, O'zbekiston Respublikasi 1993 yilning mayida Vena konvensiyasi va Montreal protokolini ratifikatsiya qildi. Montreal protokolini bajarish uchun O'zbekiston 1994 yil yanvarida gallonlar importi (foydalanishi), 1996 yil yanvarida esa, xlorftoruglerod (keying o'rnlarda XFU) va boshqa turdag'i ozon yemiruvchi moddalarning importini to'xtatishi lozim edi. Gallonlarni oborotdan chiqarish o'z muddatida bajarildi. Biroq, XFU va boshqa moddalarning importi belgilangan muddatdan keyin ham davom etdi. Montreal protokoli mamlakatlari bu muammoni muhokama qildilar va 1998 yilda qaror qabul qildilar. Unga muvofiq, O'zbekiston o'ziga ozon yemiruvchi moddalardan foydalanishni to'xtatish bo'yicha milliy Dasturni qabul qilish majburiyatini oldi. Shu bilan bir qatorda, barcha mamlakatlar ustida ish olib borilishini nazarda tutuvchi umumiy hal bo'lmagan muammolar qolmoqda.



**8.4-rasm. Ozon qatlaming hozirgi holati (Levashov, 2015)**

Umuman olganda, ozon va “ozon tuynugi” muammolari hali yanada izlanishni, o’rganishni talab qiladi, biroq bir narsa muhim – bu muammoga e’tiborsiz bo’lmaslik lozim. Shu sababli jahon hamjamiyati ozonni parchalovchi moddalar, xususansovutgichlarda ishlatiladigan freonlarni ishlab chiqarish va foydalanishni kamaytirish uchun harakat qilmoqda.

#### **8.4.3. “Fotokimyoviy tutun (smog)” hodisasi.**

Ayrim hududlardagi havoning harakatsiz turib qolishi – inver-siya hodisasi tufayli kuzatiladigan zaharli tuman – smog (tutun va tuman aralashmasi) insonlar sog‘lig‘iga o‘ta salbiy ta’sir ko‘rsatadi. “Smog” so‘zi birinchi marta 1905 yilda doktor Genri Antuanom de Vo tomonidan “Tuman va tutun” maqolasida ishlatilgan bo‘lib, uning ingliz tildan tarjimasi “tutun” degan ma’noni anglatadi.

**Fotokimyoviy tutun (smog)** – bu ma’lum iqlim sharoitlarida sanoat korxonalari, transport vositalari va issiqlik energetikasi tarmoqlaridan chiqayotgan tutun hisobiga atmosfera havosining zararli moddalar bilan haddan tashqari ifloslanishidir. Dastlab “smog” deganda katta miqdoda ko‘mir yoqilganda hosil bo‘ladigan tutun tushunilgan. O‘tgan asrning 50-yillarida amerikalik olim Xaagen – Smit Kaliforniyada hosil bo‘lgan “smog” hodisasini “fotokimyoviy tutun (smog)” tipiga – “Fotokimyoviy tutun (smog)” hodisasi atmosfera havosi tarkibida azot oksidlari, ozon, azot birikmalari va uchuvchan organik moddalarning ko‘payishi natijasida hosil bo‘la-

di deb ta’rif bergen. Yuqorida nomlari keltirilgan modda va birikmalar yuqori kimyoviy faollikka ega va bugungi kunning eng dolzarb muammolaridan biri hisoblanadi. “Fotokimyoviy tutun (smog)” hosil bo‘lganda turli gazlar hisobiga havo og‘irlashib, sarg‘ayib tuman hosil bo‘ladi va juda yomon qo‘lansa hid paydo bo‘ladi.

Bunday hodisa birinchi marta Buyuk Britaniya poytaxti Londonda kuzatilgan. 1952 yili 5-9 dekabrda Londonda yuz bergen smog oqibatida 4000 dan ortiq kishi nobud bo‘lgan. Kuzatishlar shuni ko‘rsatmoqdaki, London smogining hosil bo‘lishida CO<sub>2</sub> gazi asosiy o‘rinni egallaydi. Bu hodisa vaqtida atmosferada turli zararli gazlarning miqdori 5-10 mg/m<sup>3</sup> va undan yuqori bo‘ladi. Keyingi yillarda dunyoning yirik shaharlarda London va Los – Anjeles tipidagi smoglar qayd qilingan. Fotokimyoviy tutun (smog) hodisasining oldini olish muhim ahamiyatiga ega. Yer yuzida atmosfera havosining ifloslanishini kamaytirish uchun tezlik bilan zarur choralar ko‘rilishi lozim. Amerikalik meteorolog Luis Battan aytganidek: “Yoki insonlar havodagi tutunni kamaytiradilar, aks holda tutun yer yuzidagi insonlarni kamaytiradi”.

Yirik sanoat shaharlari havosida inson uchun zararli bo‘lgan aerosol zarrachalar miqdori belgilangan me’yorlardan 10-20 marta ko‘p bo‘lib, kasallik tarqatuvchi bakteriyalar ham me’yordan 5-10 marta ortiq bo‘lishi aniqlangan. AQSH (Los-Anjelos, Donora, Pittsburg...), G‘arbiy Evropaning yirik sanoat shaharlari da (London, Afina, Nitssa, Milan...), Xitoyning yirik shaharlari va Mexiko, Tokio, Iokogama kabi megapolis shaharlarda zaharli gaz va changlar aralashmasidan vujudga kelgan achchiq tumantlik — smog yil davomida bir necha marta kuzatiladi. Tokioning sanoatlashgan hududlarida yashovchi aholi tibbiy ko‘rikdan o’tkazilganda aholining 35% i, AQSH ning Donora shahrida 65 yoshdan oshgan aholining 60% smog tufayli o‘pka va boshqa nafas yo‘li kasalliklariga chalinganligi aniqlangan.



8.5-rasm. Yirik shahardagi “Fotokimyoviy tutun (smog)” hodisasi

#### **8.4.3. Kislotali yomg'irlar.**

Yaqin o'tmishda ham biz bahor momaqaldirog'idan keyin shovullab quyadigan yomg'ir, yoz yomg'iri yoki qishdag'i laylakqordan quvonar edik. Ular har bir fasning o'z zavqi borligini bildirar edi. Endi esa ekologlar ehtiyyot bo'lishimizni va uydan bosh kiyimsiz va soyabonsiz chiqmasligimiz haqida ogohlantiradi!

Atmosferaga nima bo'ldi ekan, nima uchun oddiy hodisa bo'lgan yog'ingarchilikdan biz qo'rqib qoldik?

Ildam qadamlar bilan rivojlanib borayotgan sanoat yildan-yilga ko'proq yoqilg'i yoqishni talab qilmoqda. Yomg'ir kunlari soyabonlardan foydalanishning sababi ham shunda, yomg'irdan ivib ketishda emas.

Biz avtomobil dvigatellari va qozonxonalarda shunchalik ko'p yoqilg'i yoqib yuboramizki, havoni azot oksidlari va oltingugurt dioksidlari bilan ifloslantirib yuborganmiz. Oqibatda yog'ayotgan yomg'ir suvi taxir bo'lib qoladi. O'shangagina biz "kislotali" yomg'irlarning salbiy ta'siri haqida so'zlay boshladik.

Kislotali yomg'irlar o'rmonlarning yo'q boiib ketishi, hosilning nobud boiishi, tuproq unumdarligining pasayib ketishiga sabab bo'lmoqda.

Bundan tashqari, kislotali yomg'irlar binolar, madaniy yodgorliklar, quvurlami yemirmoqda, avtomobillarni ishdan chiqarmoqda, zaharli metallar yerning suv sizib o'tadigan qatlamlariga kirib borishi mumkin.

Kislotali yomg‘irlar yog‘ishining oqibatini AQSH, Germaniya, Chexiya, Shveytsariya, Avstraliya va sanoati rivojlangan boshqa ko‘plab mamlakatlarda kuzatish mumkin.

Kislotali yomg‘irlar ko‘l, daryo va boshqa suv havzalariga salbiy ta’sir ko‘rsatadi, ulardagi taxirlilik darajasi ko‘tarilib, suvdagi o‘simplik va hayvonlar nobud bo‘ladi. Suv tubida organik moddalar ko‘payib, ulardan zaharli metallar – alyumin, simob, qo‘rg‘oshin, kadmiy ajralib chiqadi. Ushbu zaharli metallar suvgaga o‘tib, inson salomatligi uchun jiddiy xavf tug‘diradi.

Kislotali yomg‘irlar nafaqat suvning o‘simplik va hayvonot olami uchun zarar yetkazadi, balki ular yerdagi o‘simpliklarni ham nobud qiladi.

### **8.5. Atmosferaga ajratmalar manbalari.**

Bir necha yillar avval “kislotali yog‘inlar” va “kislotali yomg‘irlar” iborasi faqat ekolog olimlargagina ma’lum edi. Afsuski, so‘nggi 25-30 yil davomida bu iboralar kundalik hayotimizga krib keldi hamda havotirlik va tashvish tug‘dirmoqda.

“Kislotali yomg‘ir” tushunchasi 130 yil avval paydo bo‘lgan edi. Ingliz kimyogari Robert Anges Smit sanoat shahri Manchester va uning atrofida “uch xil havo” borligini aniqladi. Bular: uzoq dalalaragi ammoniy karbonatli  $(\text{NH}_4)_2\text{CO}_3$  havo; shahar atrofida ammoniy sulfatli  $(\text{NH}_4)_2\text{SO}_4$  havo; shaharning o‘zida sulfat kislotali  $\text{H}_2\text{SO}_4$  yoki ammoniy bisulfatli  $\text{NH}_4\text{HSO}_4$  havo. 1872 yilda “Havo va yomg‘ir” kitobida u “kislotali yomg‘ir” haqida yozdi va unda bir qator hodisalarni (ko‘mirni yoqish, organik materiallarni chirishi, shamollar yo‘nalishi, dengizga yaqinlik, joydagi yog‘inlar miqdorini) ko‘rib chiqdi. Smit ko‘rsatdiki, shahardagi kislotali (nordon) havo matolaragi bo‘yoqlarni rangsizlantiradi va metallar yuzasini yemiradi; kislotali yomg‘ir suvi o‘simpliklar va materiallarga ziyon yetkazadi; mish-yak, mis va boshqa metallar sanoat hududlarida yomg‘irlar bilan yer yuziga tushadi.

XX asrning 50-yillarigacha ifloslantiruvchi moddalarning atmosferadagi ko‘chishi mahalliy masshtabdagi ko‘chish va tarqalish bilan bog‘liqligi uchun e’tiborni tortar edi. Shved olimlari Karl Gustav va Erik Erikson shuni tasdiqladilariki, havo uzoq va yaqin

masofalarga tashuvchi sifatida xizmat qiladi, uning “yuki” turli kimyoviy moddalardan iborat bo‘lishi mumkin va ular hosil bo‘lgan joyidan uzoq-uzoqlarda joylarga yetib boradi.

O‘tgan asrning 2-yarmidan boshlab atmosferaga chiqarilayotgan zararli gazlar miqdori keskin ortdi. Bu hodisa 1960 yillarga kelib Yevropa va Shimoliy Amerikaning bir qator mamlakatlari uchun katta muammo bo‘lib qoldi. Xuddi shu vaqtda atrof-muhit ifloslanishi bo‘yicha birinchi maqolalar chiqdi, ularda asosiy ifloslantiruvchilar oltinguturt oksidlari ( $\text{SO}_2$ ) va azot oksidlari ( $\text{NO}_2$ ) deb hisoblanib, bu oksidlarning hosil bo‘lishini foydali qazilmalarni qazib olish va qayta ishlash bilan bog‘lashgan. Bu moddalar hosil bo‘lgan joyidan shamol orqali yuzlab kilometrlarga tarqaladi, so‘ngra ular atmosferadan yomg‘irlar, tumanlar va qorlar bilan yuviladi. 1968 yilda olimlar Skandinaviya mamlakatlari ustidagi yog‘inlar yanada kislotali bo‘lib borayotganini, oltingugurt birikmalarining katta miqdori Markaziy Yevropa va Buyuk Britaniyaning sanoat hududlari ajratmalari sifatida atmosferaga chiqayotganini isbot qildilar. Ko‘rinadigan va seziladigan zarrachalarni, masalan qurum va qum changini shamollar uzoq masofalarga olib ketishi o‘sha vaqtda yangilik emas edi. 1755 yoldayoq Sahroi Kabirning qizil qum changi mamlakatlar va qit’alar ustidan uzoq masofani shamol yordamida bosib o‘tib Buyuk Britaniyaga yetganligi kuzatilgan. 1881 yilda Norvegiyalik olimlar mamlakatning ba’zi hududlaridagi qorning kul rang tusga kirganligi sababini Buyuk Britaniyadan shamollar olib kelgan havoda ifloslantiruvchi moddalarning mavjudligi bilan tushuntirishdi. Bundan tashqari, 1950 yilda Atlantika okeanining narigi tomonida, Kanadaning Alberta provinsiyasida sodir bo‘lgan ulkan o‘rmon yong‘mining tutunini Yevropada sezishgan.

Kislotali yomg‘irlar oqibatida so‘nggi 40 yil ichida qadimgi Gretsiyaning Akropol yodgorligi qurilgan davri – 2,5 ming yilda qidanda ko‘proq yemirilgan. Xitoyning 40 foizga yaqin hududi kislotali yomg‘irlarning doimiy ta’siri ostida ekanligi g‘oyatda achinarlidir.

Kislotali yomg‘irlarga, asosan, sanoat korxonalarining zararli moddalarni atmosferaga chiqarishi sabab bo‘lmoqda. Bunday yomg‘irlar nafaqat odamlarga, balki binolar, o‘simgiliklar va baliqlarga, umuman mavjudtlarning barchasiga zarar etkazadi. Norvegiyada

kislotali yomg'irlar oqibatida o'rmonlarning 80%ga yaqini butunlay yo'q bo'lib ketish arafasida.

Ma'lumot uchun shuni aytish joizki, har yili sanoat korxonalari atmosferaga 200 million tonnadan ziyod uglerod oksidini va taxminan 150 million tonna oltingugurt dioksidini chiqararkan.

Atmosfera havosining ifloslanish darajasi butun dunyo sog'liqni saqlash tashkiloti tomonidan 4 guruhlarga bo'lingan:

1. Atmosfera havosining zararsiz tarkibi.
2. Kasallik qo'zg'atuvchi darajasi.
3. Surunkali kasalliklarni keltirib chiqaruvchi darajasi.
4. O'tkir kasalliklarni ketirib chiqaruvchi darajasi.

Atmosfera havosi tarkibidaga zararli moddalarning RECHKsi 2 o'lchamda beriladi: 1) Birdaniga maksimal RECHK. 2) O'rtacha sutkalik RECHK.

Birdaniga maksimal RECHK zararli moddalarning inson uchun xavfliligini ifodalovchi asosiy ko'rsatgich bo'lib, qisqa vaqt davomida atmosferadagi ifloslanuvchi moddalar ta'siridan hidni sezish, nurlarni sezish va bosh miyaning biologik faoliyatini o'zgarishidan ogohlantiradi.

Shuni alohida ta'kidlash joizki, birdaniga maksimal RECHK texnologik jarayonlarning izdan chiqishi yoki shikastlanishi paytida atmosfera havosiga qo'shiladigan tashlamalar miqdorini ifodalaydi.

O'rtacha sutkalik RECHK esa, bir sutka vaqt davomida atmosfera havosida mavjud bo'lgan zararli moddalarning eng kichik konsentrasiyalarini ifodalaydi. O'rtacha sutkalik RECHK inson organizmiga ta'sir yetadigan zaharli moddalardan, ya'ni mutagen, kanserogen va umumiylar zaharlanish xususiyatiga ega bo'lgan moddalardan ogohlantiradi.

Dunyoda ifloslanish darajasi eng yuqori shahar qaysi? Internetdagi ma'lumotda keltirilishicha, bu Xitoyning Benxi deb nomlangan shahri ekan. Aerofoto tasvirda hatto shahar bilinar-bilinmas ko'ringan. Ya'ni 400 dan ziyod fabrika va zavodning atmosferaga chiqarayotgan turli gazlaridan hosil bo'lgan tumanga shahar o'ralib qolgan.

Qaysi daryo eng ifloslangan hisoblanadi? Hindistonning Gang daryosi dunyodagi eng ifloslangan suv havzalaridan biri.

Dengiz toshbaqalari nega halok bo‘lmoqda? Sababi – meduza deb o‘ylab, inson uloqtirgan polietilen paketlarni yutib yubora-yotgani uchun.

Eng toza mamlakat qaysi? Bu – Shveysariya.

Eng ifloslangan mamlakatchi? Bu – Iroq. 2012 yilda Yel va Kolumbiya universiteti olimlari shunday ekologik indeksni belgilashgan.

2013 yilda atrof-muhiti eng ko‘p ifloslangan dunyodagi 10 joyni bilasizmi?

1. Argentinadagi Matansa – Riachuelo, havosida uchib yuradigan organik birikma, xususan toluol bor.

2. Bangladeshdagi Xozoribog‘, havosida xrom ko‘pligi bilan ajralib turadi.

3. Ganadagi Agbogboshi havosida qo‘rg‘oshin, kadmiy, simob moddalari ko‘p.

4. Indoneziyadagi Chitarum daryosi suvi kimyoviy vositalari, xususan qo‘rg‘oshin, kadmiy, xrom va pestitsidlar bilan ko‘p miqdorda zaharlangan.

5. Indoneziyadagi Kalimantan degan joyning havosi kadmiy, simob miqdori yuqoriligi hisobiga ifloslangan.

6. Nigeriyadagi Niger daryosi deltasi neft bilan zaharlangan.

7. Rossiyadagi Dzerjinsk degan joy esa kimyoviy moddalar, xususan zarin, qo‘rg‘oshin va fenol, shuningdek toksik chiqindilar ko‘p.

8. Rossiyaning Norilsk degan joyi esa havosidagi og‘ir metallar ko‘pligi bilan ifloslanganlik darajasi yuqori.

9. Zambiyaning Kabve degan joyi havosida qo‘rg‘oshin miqdori ko‘p.

10. Ukrainianing Chernobili havosida radionuklidlar ko‘p.

Bu reytingni “Shveysariya ko‘k xochi” nomli atrof-muhitni muhofaza qilish mustaqil tashkiloti AQSHning Bleksmit instituti bilan hamkorlikda tuzgan.

## **8.6. Atmosferani muhofaza qilish tadbirlari.**

Atmosfera havosining ifloslanish darajasi butun dunyo sog‘liqni saqlash tashkiloti tomonidan 4 guruhlarga bo‘lingan:

1. Atmosfera havosining zararsiz tarkibi.

2. Kasallik qo‘zg‘atuvchi darajasi.

3. Surunkali kasalliklarni keltirib chiqaruvchi darajasi.

4. O'tkir kasalliklarni ketirib chiqaruvchi darajasi.

Birdaniga maksimal RECHK zararli moddalarning inson uchun xavfliligini ifodalovchi asosiy ko'rsatgich bo'lib, qisqa vaqt davomida atmosferadagi ifloslanuvchi moddalar ta'siridan hidni sezish. nurlarni sezish va bosh miyaning biologik faoliyatini o'zgarishidan ogohlantiradi.

Shuni alohida ta'kidlash joizki, birdaniga maksimal RECHK texnologik jarayonlarning izdan chiqishi yoki shikastlanishi paytida atmosfera havosiga ko'shiladigan tashlamalar miqdorini ifodalaydi.

O'rtacha sutkalik RECHK esa, bir sutka vaqt davomida atmosfera havosida mavjud bo'lgan zararli moddalarning eng kichik konsentrasiyalarini ifodalaydi. O'rtacha sutkalik RECHK inson organizmiga ta'sir yetadigan zaharli moddalardan, ya'ni mutagen, kanserogen va umumiy zaharlanish xususiyatiga ega bo'lgan modalardan ogohlantiradi.

O'zbekistondagi ifloslantiruvchi manbalardan yiliga atmosferaga 4 mln. t yaqin zararli moddalar chiqmoqda. Ulardan 50% SO<sub>2</sub>, 15 % CN<sub>4</sub>, 14 % CO<sub>2</sub>, 9 % NO<sub>2</sub>, 8 % qattiq moddalar, 4% o'tkir zaharli moddalardir. Qoraqum va Qizilqum sahrolari chang bo'ronlari tufayli atmosferani chang to'zon bilan ifloslantiradi. Orol dengizini qurigan qismidan chang va tuz atmosferani ifloslantiradi. Olmalik, Ohangaron, Andijon, Buxoro, Qo'qon, Navoiy, Samarqand, Farg'ona va Chirchiq kabi sanoatlashgan shaharlarda ftoridlar, qo'rg'oshin, SO<sub>2</sub>, CO, NO, Cl va F li vodorodlar, NO<sub>2</sub>, NH<sub>3</sub> va chang miqdori RECHK dan yuqori. Havo tarkibidagi zararli gazlar to'g'ridan-to'g'ri nafas yo'llariga kirib, o'pkaga va qonga o'tadi. Bu hodisa ayniqsa yoshi o'tgan kishilarga, yosh bolalarga ko'proq ta'sir etadi va turli xil surunkali kasalliklarga sabab bo'ladi.

Atmosferaga chiqarilayotgan har qanday modda ifloslantiruvchi hisoblanadi, faqatgina suvning tabiatda aylanishida ishtiroq etuvchi suv bundan mustasno. Atrof-muhit komponentlari bir-biriga dialetik bog'langanligi tufayli insonning xo'jalik faoliyati natijasida ifloslangan atmosfera o'z navbatida tabiatning boshqa komponentlariga ham ta'sir etib, inson, hayvonlar va o'simliklar organizmida salbiy o'zgarishlarni keltirib chiqarmoqda. Shu

sababli biz atmosfera ifloslanishini inson organizmiga, hayvonlar va o'simliklarga salbiy ta'sirini ko'rib chiqamiz.

1. Havoning ifloslanishi kishi organizmga salbiy ta'sir etib, ular salomatligining yomonlashishiga sabab bo'lmoqda. Ayniqsa, oltingugurt oksidi, uglerod oksidi, uglerod sulfid, vodorod sulfid, fтор brik-malari, azot oksidlari, har xil sanoat chiqindilari, radioaktiv mod-dalar va qishloq xo'jalik pestitsidlari kishi organizmida har xil kasa-lliklarni keltirib chiqaradi.

2. Atmosfera ifloslanishi o'simliklarning va qishloq xo'jalik ekinlarining meyorl o'sishiga ham salbiy ta'sir etadi. Sanoat mar-kazlaridan ko'tarilgan har xil zaharli chang va gazlar yana qaytib qishloq xo'jalik ekinlariga tushadi, ular modda almashinishini buzadi, natijada ekinlar, o'simliklar kasallanib kam hosil beradi yoki quriy boshlaydi.

3. Atmosferaning ifloslanishi hayvonlarga ham salbiy ta'sir etadi. Hayvonlar atmosferadagi havodan nafas olganda hamda o'simliklar bilan ovqatlanganda uning organizmi zaharli chang (fтор, qo'rg'o-shin, surma va boshqa) va har xil gazlar bilan zaharlanadi. Hozir hayvonlar orasida "sanoat flyufoz" kasali keng tarqalib, o'simlik suv va yem-xashak to'planib qolgan fтор moddasi tufayli vujudga kelgan.

4. Atmosferaning ifloslanishi tunuka tomlar zanglashini, binalar va boshqa inshootlarning nurashini, korroziyaga uchrashini ham tezlashtiradi. Shu sababli havo ko'proq ifloslangan shaharlarda korroziya jarayoni qishloqlarga nisbatan 100 marta ortiqdir.

Atmosferaning ifloslanishini oldini olish tadbirlari: avtomobilarni gaz yoqilg'isiga o'tkazish, yoqilg'i sarfini kamaytirish, neftni qayta ishlash zavodida neftni qo'shimcha ravishda oltingugurtdan tozalash, chiqindisiz va kamchiqindili texnologiyalarni tadbiq qilish, rudalardan kompleks foydalanish, mazutni oltingugurtdan tozalashni takomillashtirish, kauchuk ishlab chiqarish zavodlarida qo'shimcha sulfat kislotosi, spirtni ajratib olish, mazut va ko'mir o'rniga gaz yoqilg'isini ishlatish, shaharlarga yaqin joylardagi sanoat korxonalarini joylashtirishni optimallashtirish, sanitariya himoya min-taqalarini tashkil etish, ko'kalamzorlashtirish, changlarni, zararli mod-dalarni yutuvchi filtrlardan foydalanish, adsorbsiya usullari yordamida zaharli gazlarni tozalash va boshqalar.

Atmosferani muhofaza qilishda oldini olish tadbirlaridan tashqari havo ifloslanishinining zararli ta'sirini kamaytiruvchi tadbirlar ham muhim ahamiyatga ega. Bu tadbirlar 3 ta katta guruhga bo'linadi: 1. Atmosfera havosini muhofaza qilishning huquqiy chora-tadbirlari; 2. Texnologik tadbirlar; 3. Loyihalashga asoslangan tadbirlar.

**1. Atmosfera havosini muhofaza qilishning huquqiy chora-tadbirlari.** Atmosfera havosining huquqiy holati O'zbekiston Respublikasining "Tabiatni muhofaza qilish to'g'risida"gi va "Atmosfera havosini muhofaza qilish to'g'risida"gi qonunlariga muvofiq belgilanadi. Atmosfera havosi atrof tabiiy muhitning asosiy ob'ektlaridan biri bo'lib, u ekologik va iqtisodiy vazifalarni bajaradi. Atmosferaga kiruvchi har xil moddalar inson, hayvonot va o'simlik dunyosining hayotiy manbasi hisoblanadi.

1996 yil 27 dekabrda qabul qilingan O'zbekiston Respublikasining "Atmosfera havosini muhofaza qilish to'g'risida"gi Qonunida atmosfera havosini muhofaza qilish bo'yicha ogohlantiruvchi, man qiluvchi, ruxsat etuvchi meyor va tashkiliy chora-tadbirlar belgilangan.

Atmosfera havosini muhofaza etishda davlat organlarining faoliyati katta ahamiyatga ega. Atmosfera havosini muhofaza qilish sohasida davlat boshqaruvini O'zbekiston Respublikasi Vazirlar Mahkamasi, Ekologiya va atrofni muhofaza qilish davlat qo'mitasi, Sog'lijni saqlash vazirligi va mahalliy hokimiyyat organlari amalga oshiradilar.

**Texnologik tadbirlar.** Atmosfera havosini muhofaza qilishda texnologik tadbirlar muhim ahamiyatga ega. Ko'rildigan tadbirlar asosida tashqi muhit obyektlariga, jumladan, havoga tashlanadigan chiqindilar miqdorini kamaytirish yoki umuman to'xtatish zarur. Buning uchun sanoat korxonalaridagi texnologik jarayonlarni takomillashtirish, hatto chiqindisiz yoki kam chiqindili texnologiyalarni joriy etish mumkin. Bunday texnologiyalar mutloq berk jarayonlar bo'lib, unda chiqindilar umuman bo'lmaydi. Chiqindi moddalar boshqa mahsulotlar ishlab chiqarish uchun xomashyo vazifasini bajaradi. Chiqindisiz yoki kam chiqindili ishlab chiqarish jarayonlarini tashkil etishda xomashyo tayyorlash,

mayjud materiallardan to‘la foydalanish, ularni chiqindi sifatida tashqi muhitga tashlamaslik chora tadbirdari ko‘riladi.

Birlashgan Millatlar Tashkiloti tomonidan kam chiqindili hamda chiqindisiz sanoat korxonalarini tashkil qilish to‘g‘risida maxsus deklaratsiya qabul qilingan. Bu hujjat asosida BMT Yevropa iqtisodiy hay‘atining chiqindisiz va kam chiqindili korxonalar tashkil qilish faoliyatida ko‘p mamlakatlar qatnashmoqda.

**Loyihalashga asoslangan tadbirlar.** Loyihalashga asoslangan tadbirlar quyidagilami o ‘z ichiga oladi:

- 1) shahar hududini mintaqalarga bo‘lish;
- 2) tabiiy changlarga qarshi kurashish;
- 3) sanitariya himoya chegaralarini tashkil qilish;
- 4) turar joylar loyihamalarini takomillashtirish;
- 5) turar joylarni ko‘kalamzorlashtirish.

Loyihalashga asoslangan tadbirlami amalga oshirishdan maqsad zararli moddalarning atmosfera havosiga tarqalishini kamaytirishdir. Sanoat korxonalarini shahar hududida oqilona joylashtirishni tashkil qilish shahar bosh loyihasi va tumanlar loyihamalariga hamda sanitariya me’yorlariga asoslanishgan bo‘lishi kerak. Sanoat korxonalarini qurish uchun yer maydonlari ajratishda joylarning relyefi, iqlim sharoiti, shamollar yo‘nalishi va sanoat korxonalaridan ajralib chiqadigan chiqindilarni atmosferada tarqalish qonuniyatlari inobatga olinadi. Shahar hududini mintaqalarga bo‘layotganda shamol yo‘nalishini hisobga olish muhim ahamiyatga ega. Odatta sanoat korxonalarini yaxshi shamollatiladigan joylarga qurish turar joylar havosining musaffo bo‘lishini ta‘minlaydi. Shamol yo‘nalishini hisobga olganda o‘rtacha yillik shamol yo‘nalishi – uning yil fasllaridagi o‘zgarishlari ham hisobga olish maqsadga muvofiqdir. Odatta sanoat korxonalarini joylashgan yerlarda noxush holatlar, ayniqsa, qish faslida qattiq sovuq yoki yuqori darajadagi namlik sharoitlarida atmosferaning yer yuzasiga yaqin qatlaming yuqori darajada ifloslanishi kuzatiladi. Shahar hududining changlar bilan ifloslanishiga qarshi kurash choralaridan biri, uni obodonlashtirishdir. Shu bilan birga, shahar hududida maishiy chiqindilarning yig‘ilib qolishiga yo‘l qo‘ymaslik, sanitariya nazorati organlarining tadbirdorlik bilan faoliyat olib borishlari ham muhim ahamiyat kasb etadi. Yig‘ilib qoladi-

gan chiqindilar yuqumli kasalliklar manbai hisoblanadi. Bu borada turar joylar bilan sanoat korxonalari joylashgan mintaqqa oralig'ida himoya masofalari bo'lishi kerak. Bunday himoya masofalarining katta-kichikligi, sanoat korxonalaridan atmosferaga tashlanadigan chiqindi moddalarning zaharlilik darajasiga, miqdoriga va texnologik jarayonlarning zamонавиyligiga bogliq. MDH mamlakatlarida sanitariya himoya mintaqalari beshta sinfga bo'linadi:

I sinfga tegishli sanoat korxonalarining sanitariya himoya masofasi ifloslanuvchi manbadan aholi turarjoylari chegarasigacha 1000 m;

II sinf sanoat korxonalari uchun 500 m;

III sinf sanoat korxonalari uchun 300 m;

IV sinf sanoat korxonalari uchun 100 m;

V sinf sanoat korxonalari uchun 50 m.

Ayrim hollarda ushbu himoya masofalarini qisqartirish zarur bo'lganda sanitar gigiyena muassasalari mutaxassislari va tegishli davlat idoralari qarorlariga asosan ularni uch martagacha kengaytirishi yoki qisqartirishi mumkin.

#### **Nazorat savollari:**

1. Atmosferani tarkibini ayting.
2. Atmosferaning tuzilishi va gaz tarkibini ayting.
3. Atmosfera havosining ekotizimdag'i va inson hayotidagi ahamiyatini tushuntiring.
4. Atmosfera havosiga ekologik omillarning ta'sirlarini ayting.
5. Atmosferaning ifloslanishi deganda nima tushuniladi?
6. Atmosfera havosini ifoslantiruvchi asosiy manbalarni ko'rsating.
7. Antropogen ifloslanish nima?
8. "Issiqxona samarası" qanday hodisa hisoblanadi?
9. Ozon qatlami va uning yemirilish sabablarini aytib bering.
10. "Fotokimyoiy tutun (smog)" hodisasi qaysi gazlar ta'siri-da ro'y beradi?
11. Kislotali yomg'irlarning paydo bo'lish sabablarini ko'rsating.
12. Atmosfera havosining ifloslanishining oqibatlari insonlarga qanday ta'sir qiladi?
13. Atmosfera ifloslanishining olidini olish tadbirlariga nimalar kiradi?
14. Atmosfera havosini muhofaza qilish tadbirlarini tushuntiring.
15. Sanitar – himoya mintaqalari nima maqsadda tashkil etiladi?

## **IX-BOB. GIDROSFERA VA SUV RESURSLARINI MUHOFAZA QILISH**

### **9.1. Suv resurslari va ularning jamiyat hayotidagi ahamiyati. Gidrosfera**

—Yer sharning suvli qobig'i. Uni dunyo okeani, quruqlikdagи suvlar va yer osti suvlariga bo'lish tavsiya qilingan. Planetamizdagи suvning umumiy hajmi ta'minan 1458,4 mln km<sup>3</sup> ni tashkil etib, uning asosiy qismi Dunyo okeanida to'plangan. Dunyo okeani say-yoramiz umumiy maydonining (510 mln<sup>2</sup> km) 361 mln km<sup>2</sup> ni yoki 71 % ini egallagan, quruqliklar yuzasi esa 149 mln<sup>2</sup> km yoki uning 29 % ini tashkil etadi (9,1-jadval).

**9.1-jadval. Gidrosferaning tarkibi va undagi suv hajmi**

Gidrosfera qismlari	Undagi suv hajmi, mln.km <sup>3</sup>	Ulushi, %
Dunyo okeani	1370	93,96
Yer osti suvlari	64	4,38
Qutb muzlişlan	24	1,65
Ko'llar va suv omborlari	0,28	0,02
Tuproqning suv	0,085	0,01
Atmosferadagi suv bug'lan	0,014	0,001
Daryo suvlari	0,0012	0,0001
Jami suvlar:	1458,38	100

Yer sharning suv zaxiralaring 98 % dan ko'pi – okean, dengiz va ko'llarning sho'r suvlari. Chuchuk suv zaxiralari 28,25 mln km<sup>3</sup> ga teng, bu gidrosferaning 2 % ga yaqinini tashkil qiladi. Chuchuk suvlarning asosiy qismi muzliklarda joylashgan. Bu suvlardan juda kichik miqdorda foydalanadi. Ist'emol uchun yaroqli suvlarning miqdori 4,2 mln km<sup>3</sup> yoki umumiy gidrosfera zaxiralarning 0,3% ini tashkil qiladi.

**Suv balansi** bu tabiatdagи suvlar aylanma harakatining va uni alohida qismlarining miqdoriy ifodasidir.

Okean suvlarining yangilanish faolligi 3000 yil tashkil qiladi. Yer-ning chuqr qatlamlaridagi sho'r suvlarning o'ta sekin faolligi hisobiga yer osti suvlarining yangilanishi bir muncha sekin. Lekin yerning faol yangilanish mintaqadagi er osti suvlari har 300 yilda yangilanib turadi. Qutb qoplama muzliklari va baland tog'lardagi muzliklarning yangilanishi o'ta sekin yuz beradi. Suv resurslari ichida eng faol yangilanadigan suv resursi – bu atmosferadagi suv bug'laridir. U har 10 kunda yangilanadi. Daryo suv resurslari atmosferadagi suv bug'larini yangilanish tezligidan keyin yuqori yangilanish faolligiga egadir. Daryo suvlari o'rtacha har 11 sutkada yangilanib turadi. Shuning uchun u tabiatda bu suvlar amaliy jihatdan doimo chuchuk bo'lib, chuchuk suv resurslarining asosiy manbai hisoblanadi (9.2-jadval).

### 9.2-jadval. Suv yangilanishining faolligi jadvali

Gidrosferaning qismi	Hajmi, mln.km <sup>3</sup>	Chuchuk suv hajmi, mln.km <sup>3</sup>	Yangilanish faolligi, yil
Okean	1370		3000
Yer osti suvlari	64		5000*)
Shu jumladan faol yangilanish zonasasi	4000		300**)
Quruqlikni yer usti suvlari	0,28		7
Qutb muzliklari	24	3	8000
Daryolar suvi	0,0012	40	0,03
Tuproq namligi	0,085	80	1
Atmosferadagi suv bug'lari	0,014	525	0,027
<b>Jami gidrosfera:</b>	<b>1454000</b>	<b>525</b>	<b>2800</b>

Yangilanishi qanchalik sekin bo'lsa bunday suvlarni tarkibidagi tuzlar miqdori shunchalik yuqori bo'lib ular sho'r suvlar deyiladi. Unga qarama qarshi yangilanish faolligi qanchalik yuqori bo'lsa bunday suvlar chuchuk bo'ladi.

Chuchuk suvlar zaxirasi uncha ko'p bo'lmay, uning umumiy hajmi 28,25 km<sup>3</sup> ga teng. Bu gidrosferaning atigi 2 % ga yaqinini tashkil qiladi (9.3-jadval).


### 9.3-jadval. Dunyodagi chuchuk suv hajmi

Gidrosferaning qismlari	Chuchuk suvning hajmi, mln. km <sup>3</sup>	Chuchuk suvning umumiy hajmiga nisbati, %
Muzliklar	24	85
Yer osti suvlari	4	14
Ko'llar va suv omborlari	0,155	0,6
Tuproqdag'i namlik	0,083	0,3
Atmosferadagi suv bug'lari	0,014	0,05
Daryo suvlari	0,0012	0,04
<b>Jami:</b>	<b>28,25</b>	<b>100,0</b>

Orol dengizi havzasining suv resurslari tabiiy holda shakllanadigan va qayta tiklanib turadigan yer usti va yer osti suv resurslari hamda qaytariladigan suvlardan tashkil topgan. Barcha suv resurslari Sirdaryo va Amudaryo havzalariga tegishlidir. Mustaqil suv havzalarini (suvi oqib chiqib ketmaydigan, lekin Amudaryoga yaqin) Qashqadaryo, Zarafshon, Murg'ob. Tedjen daryolari tashkil qiladi (9.4-jadval).

#### 9.4-jadval. Orol dengizi havzasidagi davlatlar hududida shakllanadigan va iste'mol qilinadigan suv resurslari

Davlatlar	Amudaryo havzasi		Sirdaryo havzasi		Orol dengizi havzasi bo'yicha jami
	Shaklla-nadigan	Iste'mol qilinadigan	Shaklla-nadigan	Ist'mol qilina-digan	Iste'mol qilina-digan
O'zbekiston	38,91	6,39	17,28	11,53	56,19
Qirg'iziston	4,04	0,38	4,3	30,83	4,41
Tojikiston	44,18	9,88	0,38	2,46 44,56	12,34
Qozog'iston	-	-	2,5	12,29 2,5	12,29
Turkmaniston	2,9	21,73	-	- 2,79	21,73
Afg'oniston	22,19	7,44	-	- 22,19	7,44
<b>Jami:</b>	<b>78,34</b>	<b>78,34</b>	<b>36,06</b>	<b>36,06 114,4</b>	<b>114,4</b>



9.1-rasm. Tabiatda suvning aylanishi

Suv ekologik tizimning ajralmas tarkibiy qismi bo'lib, tabiatdagi moddalarning katta (geologik) va kichik (biologik) aylanma harakatlarida faol ishtirok etadi. Ekologik tizimda suvning o'rni va

ahamiyati nihoyatda muhim bo'lib, biosferadagi hayotning mayjudligini hamda biosferaning evolyutsion rivojlanishi ta'minlaydi.

Suv harakatchan bo'lganligi sababli muhim geomorfologik omil sifatida yer yuzasi relyefini o'zgartirishda ishtirok etadi, ya'ni ma'lum yerdagi parchalangan tog' jinslarini yuvib ularni suv havzalarining quyi qismiga olib borib yotqizadi. Natijada yer yuzasida ichki kuchlar ta'sirida paydo bo'lgan balandliklarning tekislanishi yuz beradi

Suv kundalik hayotimizning barcha sohalarida qo'llanilishi bilan boshqa tabiiy resurslardan katta farq qiladi. Chunki jamiyatda suvning o'rnnini bosa oladigan boshqa resurs yo'q. Masalan, agar ko'mir, neft, gaz kabi yoqilg'ilarni olsak, ularni o'rnni bosa oladigan atom, termoyadro, quyosh yoki gidroenergiyalar mayjuddir. Lekin hozirgacha suvning o'rnni bosa oladigan boshqa resurs yo'q. Bu esa suvni juda muhim bebaaho tabiiy resurs ekanligidan dalolat beradi. Suv geografik qobiqdagi barcha jarayonlarda ishtirok etadi. U yer yuzidagi modda va energiya aylanishida faol ishtirok etadi. Fotosintez jarayonida yiliga  $4,6 \cdot 10^{11}$  tonna kislorod ajralib chiqishi uchun  $2,25 \cdot 10^{11}$  tonna suv zarur.

Planetamizdagi suv qoplami uning issiqlik tartibini belgilab beradi. Okean va dengizdagi suvlar quyoshdan kelayotgan issiqlikning qariyib 55 % ni to'plab, qishda uning atrofini juda ham sovib ketishdan saqlab turadi. Atmosferadagi suv bug'lari esa quyosh radiatsiyasining filtri hisoblanadi.

Suv yuqori issiqlik sig'imiga va past issiqlik o'tkazuvchanlik xususiyatiga egaligi bilan fasllar va ob-havoning o'zgarishiga katta ta'sir ko'rsatadi. Quyoshdan keladigan issiqliknki o'ziga yutib, yillik va sutkalik harorat o'zgarishlarini tartibga solib turadi.

Suv – eng arzon elektr energiya manbaidir. Dengizlar, daryolar va boshqa bir qator suv havzalari suv yo'llari vazifasini bajaradi, aholini baliq va boshqa mahsulotlar bilan ta'minlaydi. Sanoatning turli sohalarida katta miqdorda suv ishlataladi. Jumladan, 1 tonna po'lat ishlab chiqarish uchun 4000, qog'oz ishlab chiqarish uchun 1000, tabiiy nitrotellyulozalar ishlab chiqarish uchun 750, shoyi ishlab chiqarish uchun 400, sodalar olish uchun 300, sirka ishlab chiqarish uchun 100, sintetik benzin olish uchun  $50-90\text{ m}^3$  suv sarflanadi.

Suv ayniqsa organizmlarning yashashi uchun juda muhim ahamiyatga ega. Yer yuzidagi tirik organizm suvsiz yashay olmaydi. Chunki yer yuzidagi barcha tirik organizm tanasi va to‘qimalarida ma’lum miqdorda suv mayjud. Suv tirik organizmlar uchun birlamchi hayot muhiti hisoblanadi. Inson organizmining 65 % dan ortig‘i, o‘simliklarning 85–90%, hayvonlar organizmining 75% suvdan iboratdir. Inson organizmi uchun suv o‘ta muhim. Agar inson tanasidagi suvning 12 % ni qandaydir sabablarga ko‘ra birdaniga yo‘qotsa, u holda u halok bo‘ladi. Suv tufayli organizmda hayotiy muhim mineral tuzlar eritma holatida mayuddir. Suv ishtirokida qon turli moddalarni so‘rib oladi va boshqa to‘qimalar oralig‘ida sintez yuz beradi. Organizmnинг turli organlaridagi va to‘qimalari-dagi suvning miqdori deyarli bir xil bo‘lib, ular quyidagi raqamlarda ifodalanadi: bosh miya yarim shari qobig‘ida 83,3 %, bog‘lovchi to‘qimada – 80 %, buyrakda – 82 %, terida – 72 %, suyakda – 22 %, tish emalida – 0,2 %.

Shu bilan birga, suv organizm uchun termoregulyator vazifasini ham bajaradi. Shu sababli har bir inson sutka davomida havo haroratiga qarab 2–4 litrdan (past haroratda) 6–6,5 litrgacha (harorat + 40°C bo‘lganda) suv iste’mol qiladi. Inson organizmiga ko‘p moddalar, albatta tarkibiy qismida suv bo‘lgan ovqat bilan birga kiradi. Inson organizmida (Mendeleev kimyoviy elementlari davriy tizimsidagi) 40 ta kimyoviy elementlar borligi aniqlangan, ya’ni birinchi navbatda nisbatan katta miqdorda O<sub>2</sub>, S, N, H lar borligi qayd etilgan. Inson organizmiga uning tanasi to‘qimalari tarkibidagi Ca, Mg, Na, K, P va boshqa elementlari bo‘lgan mineral tuzlarning 80 % i suv bilan birga kiradi. Tananing tirik to‘qimasida bu elementlar asosan kimyoviy birikma ko‘rinishida bo‘ladi.

Suv insonning shaxsiy gigienasi uchun ham juda zarur omillardan hisoblanadi. Har bir inson sutkada shaxsiy gigienasi va maishiy – kommunal zaruriyatları uchun o‘rtacha 150–200 litr suv sarflaydi.

Planetamizning ko‘plab tumanlarida toza ichimlik suvi yetishmovchiligi muammosi asosiy muammoga aylanib bormoqda. Olin-gan ma’lumotlardan ko‘rinib turibdiki, chuchuk suv zaxiralari gi-drosferadagi umumiy suv hajmining 2%ga yaqinini tashkil qiladi. Yerdagi chuchuk suv zaxiralari yer osti suvlari bilan qo‘sib hisob-

langanda 47 mln.km<sup>3</sup> atrofida. Bu suvlarning kattagina qismi (24 mln km<sup>3</sup>) Antarktida, Grenlandiya, qutb orollari va tog'liklardagi muzliklarga to'g'ri keladi.

Quruqlikning taxminan 60% ni arid va yarim arid yerlar egallagan. Bu hududlarda yashovchi aholi oddiy ichimlik suvi yetishmovchiligidan aziyat chekmoqdalar. Bunday kam suvli hududlarga Afrika qit'asining katta qismi, Meksika, Pokiston, Eron, AQSHning o'nlab shtatlari va O'rta Osiyoning arid iqlimli mintaqalari kiradi. Chuchuk suv yetishmovchiligi nam iqlimli gumid mintaqalarda ham sezilmoqda. AQSHning bir qator shtatlarida, Kanada, Janubiy Amerikaning tropik mintaqalalarda, Osiyo va Afrikada tabiiy suv yetarli bo'lsada, ularga bo'lgan ehtiyoj keskin ortgan. Bu yerlardagi eng muhim suv manbalarining ifloslanishi chuchuk suv yetishmovchiligiga olib kelmoqda. AQSH aholisining 1/7 qismi suv yetishmovchiligini boshidan kechirmoqda. Kelajakda Germaniya, Fransiya, Buyuk Britaniya va G'arbiy Yevropa ning boshqa davlatlarida suv yetishmovchiligi sodir bo'lishi mumkin. Bu hol tobora o'sib borayotgan insonlarning suvgaga bo'lgan ehtiyojini ta'minlashning boshqa yo'llarini qidirib topishga majbur qiladi. Shu maqsadda yer osti suvlar har tomonlama o'rganilmoqda va ishlatilmoqda. Aysberg muzlaridan foydalanish loyihalari ishlab chiqilmoqda. Sho'r suvlarni chuchuklashtirishga katta e'tibor qaratilmoqda. Buning uchun ko'plab mamlakatlarda chuchuklashtirish stansiyalari qurilmoqda. Dunyo bo'yicha hozirgi kunda 800 dan ortiq chuchuklashtiruvchi stansiyalar ishlab turibdi. Ularda sutkasiga 1,7 mln. m<sup>3</sup> chuchuk suv ishlab chiqilmoqda. Chuchuklashgan suvlarning 90% ichimlik suvi sifatida ishlatilmoqda.

Qishloq xo'jalik ekinlarini sug'orish davomida juda ko'p miqdorda suv yo'qotiladi. AQSH da sug'orish uchun ishlatiladigan suvning yo'qolish koeffitsiyenti 0,6 ga teng, hamdo'stlik mamlakatlarida 0,4 dan 0,7 gacha, Qozog'istonning janubida esa 0,25-0,35 gacha o'zgarib turadi. Bu esa kelajakda ekinlarni sug'orishda suvtejamkor sug'orish texnologiyalarini yanada kengroq joriy qilishni talab qilmoqda.

## 9.2. Suv resurslarining ifloslanishi

Biosferadagi turli jarayonlar va ularga ta'sir etuvchi ekologik omillar uning asosiy tarkibiy qismlari bo'lgan havoga, suvgaga tuproqqa, o'simlik va hayvonot dunyosiga turli darajadagi salbiy ta'sir ko'rsatiladi. Suv tarkibida zararli modda va birikmalarning konentratsiyasi haddan ziyod ko'payganda suv va tuproqning o'zini o'zi tozalash imkoniyati ularning zararsizlanishni ta'minlay olmaydi. Chunki suv va tuproqning o'zini tozalash imkoniyati chegaralangan bo'lib, ularni me'yorsiz va nazoratsiz ifoslantirish mumkin emas. 1 m<sup>3</sup> tozalanmagan oqova suvni aralashtirib yaroqli suvgaga aylantirish uchun 20-30 m<sup>3</sup> toza suv zarur bo'ladi.

Suv muhitiga doimo yerni ichki va tashqi kuchlar harakati bilan bog'liq tabiiy ekologik omillar (turli tezlikdagi shamollar, vulqonlar, magmaning yer po'stlog'iga yorib kirishi, tektonik — ya'ni tog' hosil qiluvchi harakatlar, tabiiy yong'inlar, suv toshqini va boshqalar) ta'sir etib uning ifloslanishiga, bulg'alanishiga va miqdorining kamayib ketishiga sabab bo'ladi.

Sun'iy ekologik omillar, asosan, xalq xo'jaligi sohalarida shakllanayotgan oqova suvlar, turli axlatlar, chiqindilar va inson faoliyati bilan bog'liq hodisalar natijasida suv muhitiga turli jismlarning (mineral, organik va biologik) kelib tushishi oqibatida yuz beradi. **Suv manbalarining ifloslanishi** deb ularning zaharli moddalar bilan ifloslanishi natijasida suv manbalari biologik xususiyatlarining yo'qolib yoki pasayib ketishi tushuniladi.

Suvlarning ifloslanishi uning fizikaviy, organoleptik xususiyatlarining o'zgarishida (tiniqligining yo'qolishi, hidni, rangi, mazasining o'zgarishi), tarkibida sulfatlar, xloridlar, nitratlar, toksik og'ir metallar, havoning eritilgan kislородни miqdorining pasa-yishi, radioaktiv elementlar, kasalik qo'zg'atuvchi bakteriyalarning paydo bo'lishida namoyon bo'ladi.

Yer osti va yer osti suvlari ifloslanishining quyidagi tiplari mavjud:

**1. Mexanik ifloslanish** — suv tarkibida mexanik zarrachalar miqdorining ortishi, asosan, yer osti suvlarda kuzatiladi. Mexanik aralashmalar suvning organoleptik xussuiyatlarini keskin pasaytiradi.

**2. Kimyoiy ifloslanish** — suv tarkibida organik va noorganik mod-

dalarning mavjudligi. Bunday ifloslanish *organik* (fenollar, pestitsidlar, nest mahsulotlari), *noorganik* (tuzlar, kislotalar, ishqorlar), *toksik* (mish-yak, simob, kadmiy birikmalar) va *notoksik* bo'lishi mumkin.

**3. Bakteriologik va biologik ifloslanish** — suv tarkibida turli patogen mikroorganizmlar, zamburug' va suv o'tlarining mavjudligi. Ifloslanishning bu turi qisqa muddatli xarakterga ega.

**4. Radioaktiv ifloslanish** — yer usti va yer osti suvlarida radioaktiv moddalarning mavjudligi. Ifloslanishning bu turi o'ta xavfli hisoblanadi.

**5. Issiqlik ifloslanish** — suv havzalariga issiqlik va atom elektr stansiylarida ishlatalgan suvlarning tashlanishi hisobiga yuzaga keladi. Bu ifloslanish natijasida suvning kimyoviy va havo tarkibi o'zgaradi, natijada suvning tarkibida anaerob bakteriyalar ko'payishib, zaharli gazlar paydo bo'ladi.

Oqava suv — bu sanoat ishlab chiqarishi va xo'jalik faoliyatining ikkilamchi mahsuloti bo'lib, suvning birlamchi tarkibi va fizik xususiyatlarini yomonlashtirgan qo'shimcha birikmalarga ega bo'lgan suvdir. Hozirgi vaqtda dunyo bo'yicha yiliga suv havzalariga  $500 \text{ km}^3$  dan ortiq oqava suvlar tashlanadi, shundan  $200 \text{ km}^3$  ni sanoat oqavalari tashkil etadi. Oqava suvlarning katta qismi kimyo sanoati hissasiga to'g'ri keladi.

Oqava suvlar kelib chiqishiga ko'ra 4 ta kategoriya bo'linadi:  
1) maishiy oqava suvlar; 2) sanoat ishlab chiqarishi oqava suvlar; 3) qishloq xo'jaligi oqava suvlar; 4) atmosfera oqava suvlar.

Bundan tashqari, ifloslanish xarakteriga ko'ra ham guruqlarga ajratiladi: 1) issiqlik ta'sirida ifloslangan; 2) mineral tuzlar bilan ifloslangan; 3) qattiq zarrachalar bilan ifloslangan; 4) og'ir metallar bilan ifloslangan; 5) organik moddalar bilan ifloslangan; 6) biogen moddalar bilan ifloslangan; 7) nest mahsulotlari bilan ifloslangan oqava suvlar.

### **9.3. Suvlarni tozalash.**

Oqava suvlarni tozalashning bir necha usullari mavjud va ular turlicha tavsiflanadi. Oqava suvlarni tozalash usullarini destruktiv va regenerativ tozalash uslublariga bo‘lish mumkin.

Destruktiv uslubda oqava suvlarni tozalashda oksidlash va cho‘ktirish yordamida oqava suvlari tozalanadi.

Regenerativ uslubda tozalanganda esa oqava suv tarkibidagi modda va birikmalar ajratib olinadi va utilizatsiya qilinadi.

Oqava suvlarni turli xil chiqindilardan tozalashda qo‘llaniladigan usul, ishlatiladigan jihoz va qurilmalarni tanlashda tozalash qurilmasining zamonaviy texnologiyaga mutanosibligini va tozalash qurilmasining foydali ish ko‘rsatkichi darajasini e’tiborga olish muhimdir. Chunki suvni chiqindilardan tozalashda uning fizik-kimyoviy xossalarni, sifat va miqdor ko‘rsatkichlarini va tozalash qurilmasi ishlaganada oqava suvlari sarfini bilish muhim ahamiyatga ega.

Oqava suvlarni tozalashning 3 xil usuli mavjud:

1. Mexanik tozalash;
2. Kimyoviy tozalash;
3. Biologik tozalash.

**Mexanik tozalash.** Aksariyat korxonalardan chiqqan oqava suvlarda qattiq zarrachali moddalar ko‘p bo‘ladi. Ular filtrlash, tindirish va to‘rlardan o‘tkazish usulida tozalanadi. O‘lchamlari 25 mm gacha bo‘lgan zarrachalar bilan ifloslangan oqava suvlarni tozalash uchun ular suzgichdan o‘tkaziladi. Suzgichlar metall simlardan tayyorlanadi. Ularning teshiklari 25 mm ga teng bo‘lib, kollektorlarga vertikal yoki  $60-70^\circ$  gorizontal holatda joylashtiriladi. Bunda oqava suvlarning tezligi  $0,8-1,0$  m/sekunddan oshmasligi kerak. **Tindirish usuli.** Bu usul bir-biriga yopishmaydigan, o‘z shakli va ol‘chamlarini o‘zgartirmaydigan zarrachalaming erkin cho‘kishiga asoslangan. Erkin cho‘kish qoidasi  $1\text{ m}^3$  oqava suv tarkibida  $2,6$  kilogramgacha qattiq zarrachalar bo‘lganda qo‘llaniladi. Agar oqava suvlarning tarkibida mayda qattiq zarrachalar miqdori uncha ko‘p bo‘lmasa, ular **filtrlash** yo‘li bilan tozalanadi

**Kimyoviy** tozalash — kimyoviy birikmalar yordamida oqava suvlari tarkibidagi erigan moddalarning turiga qarab ekstraksiya, sorbsiya, neytrallash, koagulyasiya, elektrokoagulyasiya va flokulyasiya kabi usullarda tozalanadi.

**Biologik** tozalash usullari — suv o'tlari va mikroorganizmlar hamda boshqa sun'iy inshoatlar vositasida hosil qilinadigan kislород yordamida oqava suvlari tarkibidagi organik moddalarni parchalab mineral moddalarga aylantirish va zararsizlantirish yo'li bilan tozalashga asoslangan.

Suv resurslarining sanoat chiqindi suvlari bilan ifloslanishini bartaraf qilish uchun sanoatni suv bilan ta'minlash tizimida suvdan yopiq tizimda foydalanishni va "qoldiqlarni" zararsizlantirish tadbirlarini maksimal tadbiq qilishni amalga oshirishni ko'zda tutiladi. Oziqa-ovqat sanoatini ifloslangan suvlar mahalliy tozalash inshoatlaridan o'tkazilgandan keyin aholi joylarini kanalizatsiya shahobchasiga tashlanishi kerak va kommunal — xo'jalik chiqindi suvlari bilan tozalash inshootlaridan o'tkazilgandan keyin sug'orishda yoki sanoatni suv bilan ta'minlashda foydalanish kerak.

Kommunal — xo'jalik va chorvachilik komplekslari chiqindi suvlarini tashqariga chiqarish uchun quyidagierni tavsiya qilish mumkin.

1. Aholi yashash joylarida va chorvachilik komplekslarida yangi kanalizatsiya shaxobchasini qurish yoki borlarini qayta tiklash;

2. Kanalizatsion chiqindi suvlarini (mexanik, kimyoviy biologik va boshqa tozalash usullari) tozalash va ulardan qayta foydalanish.

Sug'orish dalalaridan chiqayotgan zovur suvlari daryo va yer osti suvlarini ifloslantiruvchi asosiy manbadir. Ularni sug'orish dalalari tashqarisiga chiqarib yuborish hududda qaytmas suv sarfi miqdorini oshirishga olib keladi. Shuning uchun ularni saqlash va qayta foydalanish tadbirlarini ishlab chiqish zarur. Chiqindi va zovur suvlarining sifati, maydonning tabiiy zovurlashtirilganligi va hududning tuproq — meliorativ sharoiti bilan bog'liq holda bu suvlardan sug'orishda va texnik suv bilan ta'minlashda foydalanish bo'yicha tavsiyalar beriladi yoki ularni tozalashda qayta foydalanish va bartaraf qilishning boshqa usullari beriladi.

Qishloq xo'jaligida o'g'itlardan va kasallik, zararkunanda va begona o'tlarga qarshi zaharli kimyoviy preparatlardan foydalanish suv resurslarining sifatiga salbiy ta'sir qiladi. Shuning uchun qishloq xo'jalik ekinlaridagi kasallik, zararkunanda va begona o'tlarga qarshi uchun biologik kurash masalasiga jiddiy e'tibor berish lozim. Shu bilan birga ularni qo'llashda me'yorlashga va xavfsizlik talablariga qat'iy rioya qilish zarur.

Xo'jalikning maydoni va unda omborlarini noto'g'ri joylashtirish, jihozlash, qishloq xo'jalik texnikasini saqlash va ishlatish suv resurslari sifatiga salbiy ta'sir ko'rsatadi. Shuning uchun bu sharoitlarda suvlarning ifloslanishining oldini oluvchi tadbirlar (ishlatilgan YoMM ni topshirish, avtobazaning va MTP maydonini gidroizolatsiya qilish, neft mahsulotlarini yig'uvchi uskuna o'matilgan holda suv bilan ta'minlash tizimini tashkil qilish) tavsiya qilinishi kerak.

#### **9.4. Ichimlik suviga qo'yilgan talablar**

Hozirgi kunda aholini gigiena talablariga javob beradigan toza ichimlik suvi bilan ta'minlash, insonlar salomatligini muhofaza qilishning asosiy omillaridan biri bo'lib qolmoqda. Aholini toza ichimlik suvi bilan ta'minlash, suv orqali tarqaladigan yuqumli kasalliklardan asrash va suvning kimyoviy tarkibini o'zgarishidan kelib chiqadigan zaharlanishlarni oldini olish muhim ahamiyat kasb etadi. **Suv sifatini** standartlash suv iste'mol qilish tufayli kelib chiqadigan kasalliklarning oldini olish imkonini beradi. Hozirgi kunda turli o'zgartirishlar bilan to'ldirilgan O'zDavSt 950/2011 "Ichimlik suvi" va 28-74-82 "Markazlashgan xo'jalik ichimlik suvi ta'minoti

<b>№</b>	<b>Ko'rstakichlar</b>	<b>Me'yorlar</b>
1.	1 ml suv tarkibidagi mikroblar soni	100 dan oshmaslik kerak
2.	1 litr suvdagi "Ichak tayoqchalari" guruxiga kiruvchi bakteriyalar soni	3 dan oshmasligi kerak

manbalari" deb nomlanadigan Davlat standartlari qabul qilingan. Ushbu standartlar bo'yicha ichimlik suvning kimyoviy, bakterio-

## **Ichimlik suvining bakteriologik tarkibi bo'yicha me'yorlari**

Nº	Ko'rsatkichlar	Me'yorlar
1.	20°C va 60°C isitilgandagi suv hidi, ball	2 gacha
2.	20°C da suvning mazasi, ball	2 gacha
3.	Suvning rangi, gradus	20 gacha
4.	Suvning loyqaligi, standart bo'yicha, mg/l	1,5 gacha

## **Ichimlik suvining organoleptik xususiyatlari bo'yicha me'yorlari**

### **Ichimlik suvining organoleptik xossalariiga ta'sir etuvchi ko'rsatkichlar bo'yicha me'yorlari**

Nº	Ko'rsatkichlar	Me'yorlar
1.	rN Ko'rsatkichi	6,0-9,0
2.	Temir, mg/l	0,3 gacha
3.	Suvning umumiy qattiqligi mg/l	7 gacha
4.	Marganeli, mg/l	0,1 gacha
5.	Mis, mg/l	0,1 gacha
6.	Ooldiq polifosfatlar, mg/l	0,5 gacha
7.	Sulfatlar, mg/l	500 gacha
8.	Xloridlar mg/l	350 gacha
9.	Quruq qoldiq, mg/l	1000 gacha
10.	Rux, mg/l	5,0 gacha

logik, organoleptik tarkibi hamda uning xususiyatlariiga ta'sir etuvchi me'yorlar ishlab chiqilgan.

Ichimlik suvining jadvallarda keltirilgan ko'rsatkichlaridan tashqari, sanoat korxonalaridan, qishloq xo'jalik yerlarini sug'orishdan va kommunal xo'jaliklardan chiqadigan oqava suvlari tarkibidagi moddalarning ham ruxsat etilgan me'yorlari ishlab chiqilgan va ro'yxatga olingan. Hozirgi kunda bunday kimyoviy moddalar soni 80 dan ortiq hisoblanadi.

## **9.5. Orol dengizi va Orolbo'yи hududining ekologik muammolari**

Bugungi kunga kelib tabiatning noyob tuhfasi bo'lgan Orol dengizining qurib borayotganligi global ekologik muammoga aylandi.

**Orol dengizi** – O'rta Osiyodagi eng katta berk sho'r ko'l bo'lib, ma'muriy jihatdan Orol dengizining yarmidan ko'proq janubiy-g'arbiy qismi O'zbekiston (Qoraqalpog'iston), shimoliy-sharqi qismi Qozog'iston hududida joylashgan. O'tgan asrning 60-yillarigacha Orol dengizi maydoni orollari bilan o'rtacha 68 ming km<sup>2</sup> ni tashkil etgan. Kattaligi jihatidan dunyoda to'rtinchi (Kaspiy dengizi, Amerikadagi Yuqori ko'l va Afrikadagi Viktoriya ko'lidan keyin), Yevrosiyo matrigida (Kaspiydan keyin) ikkinchi o'rinda edi. Dengiz shimoliy-sharqdan janubi-g'arbga cho'zilgan, uzunligi 428 km, eng keng joyi 235 km ( $45^{\circ}$  sh.k.) bo'lgan. Havzasining maydoni 690 ming km<sup>2</sup>, suvining hajmi 1000 km<sup>3</sup>, o'rtacha chuqurligi 16,5 m atrofida o'zgarib turgan. Havzasining kattaligi uchun dengiz deb atalgan. Orol dengizi yuqori pliotsenda yer po'stining egilgan yeridagi botiqda hosil bo'lgan. Tubining relyefi (g'arbiy qismini hisobga olmaganda) tekis. Orol dengizida juda ko'p yarim orol va qo'ltiqlar bo'lgan. Shimoliy qirg'oqlarida eng katta qo'ltiqlaridan Chernishev, Paskevich, Sarichig'anoq, Perovskiy, janubiy-sharqi va sharqi qirg'oqlarida Tushbas, Ashshibas, Oqsag'a, Suluv va b., Amudaryo bilan Sirdaryo quyiladigan joylarida Ajiboy, Tolliq, Jiltirbas qo'ltiqlari, Qulonli va Mo'ynoq yirik yarim orollari bo'lgan. Orol dengizida qadimdan suv sathi goh ko'tarilib, goh pasayib turgan. Keyingi geologik davrda Sariqamish va O'zbo'y orqali Orol dengizi suvi vaqt-vaqt bilan Kaspiyga quyilgan, suv sathi ancha baland bo'lib, janub va janubiy-sharqidagi bir necha ming km<sup>2</sup> maydonli sohil suv ostida bo'lgan. Orol dengizi unchalik chuqur emas. Chuqur joylari g'arbiy qismida. Qoraqalpog'iston Ustyurti yonida chuququrlik 69 m gacha yetgan. Ko'lning sayoz joylari uning janubiy, janubiy-sharqi va sharqi qismlariga to'g'ri kelgan.

Orol dengizi qirg'oqlarining morfologik tuzilishi juda murakkab. Ular bir-biridan ba'zi xususiyatlari bilan farqlanadi. Shimoliy qirg'og'i baland, ayrim yerlari past, chuqur qo'ltiqlar bor. Sharqi qirg'og'i past: qumli, juda ko'p mayda qo'ltiq va orollar bo'lgan. Janubiy qirg'og'i Amudaryo deltasidan hosil bo'lgan.

G‘arbiy qirg‘og‘i kam qirqilgan va Ustyurt chinkidan iborat. Orol dengizida 300 dan ortiq orol bo‘lgan. Ularning 80% dengizning janubiy-sharqi qismida. Eng kattalari *Ko‘korol* (273 km<sup>2</sup>), *Vozrojdenie* (216 km<sup>2</sup>) va *Borsakelmas* (133 km<sup>2</sup>) edi. Dengizga Amudaryo bilan Sirdaryo quyiladi. 60-yillargacha yiliga Amudaryo Orol dengiziga 38,6 km<sup>3</sup>, Sirdaryo esa 14,5 km<sup>3</sup> suv olib borgan. Suv balansida yog‘inlar ham muhim o‘rin egallagan. Dengiz akvatoriyasiga yiliga 82-176 mm yog‘in yog‘adi. Atrofdan dengizga yiliga 5,5 km<sup>3</sup> yer osti suvlari qo‘silib turgan.

Dengiz cho‘l zonasida joylashganidan uning yuzasidan har yili 1 m qalinlikdagi suv bug‘lanadi. Bu esa keyingi davrda dengizga daryolar olib kelgan suv, yog‘in va yer osti suvlardan ortiqdir. SHuning uchun iqlimiyl o‘zgarishlar natijasida Orol dengizi suvining sathi yillar davomida o‘zgarib turgan. Masalan, 1785 yildan dengizda suv sathi ko‘tarila boshlagan bo‘lsa, 1825 yildan pasaygan, 1835-50 yillarda yana ko‘tarilgan, 1862 yil kamaygan. Ko‘korol 1880 yilda yarim orolga aylanib qolgan. 1881 yil suv sathi pasaygan. 1885 yildan Orol dengizida suv sathi yana ko‘tarila boshlagan. 1899 yilga kelib Ko‘korol yarim oroli orol bo‘lib qolgan. 1919 yil dengiz maydoni 67300 km<sup>2</sup>, suv miqdori 1087 km<sup>3</sup> bo‘lgan bo‘lsa, 1935 yilga kelib maydoni 69670 km<sup>2</sup>, suvning miqdori 1153 km<sup>3</sup> ga ko‘paydi. Keyingi bir yarim asr mobaynida dengiz suvi sathi ancha o‘zgargan.

Orol dengizida suv sathining yil davomida o‘zgarib turishi Amudaryo va Sirdaryoning bahor-yoz paytlarida toshishi bilan bog‘liq. Bahorgi yomg‘irdan ham dengiz sathi ko‘tariladi. Suvi sathining yil davomida o‘zgarish amplitudasi o‘rtacha 25 sm ga teng bo‘lgan. Suvining sho‘rligi o‘rtacha 10-11 %. Suvdagagi tuzlarning ko‘p qismini osh tuzi va sulfatli magniy tuzi tashkil etgan. Kimyo-viy tarkibiga ko‘ra, suvi Kaspiy dengizi suviga o‘xshash. Orol dengizi suvining tarkibidagi tuz 11 mlrd. t. ga yaqin deb baholangan. Bu tuzlar sanoat ahamiyatiga ega. Dengiz suvi, ayniqsa, markaziy qismida juda tiniq. Suvi, xususan, qishda tiniq bo‘ladi. Yoz oylarida ham 24 m chuqurlikkacha dengizning tubi ko‘rinadi. Suvining rangi ko‘pgina qismida ko‘k, qirg‘oqlariga yaqini ko‘kintir tusda. Amudaryo bilan Sirdaryoning quyilish joyi-

da suvi loyqa. Dengiz dekabr o‘rtalaridan mart oxirigacha muzlaydi. Yozda suvning yuqori qismidagi harorat  $27^{\circ}$  ga etadi. Chuqurlik ortishi bilan harorat tez pasayadi. Yozda 1 m chuqurlikda harorat  $8^{\circ}$ ga o‘zgaradi. Dengiz ustida havoning o‘rtacha harorati yozda  $24\text{--}26^{\circ}$ , qishda  $-7^{\circ}, -13,5^{\circ}$ . Orol dengizi sazan, cho‘rtan, sudak, oqchavoq, laqqa, taran (leshch), pilmay (ship) va boshqa tur baliklarga boy bo‘lgan. Dengizda navigatsiya mavsumi 7 oy davom etgan. Aralsk va Mo‘ynoq kabi yirik portlari faoliyat ko‘rsatgan.

Orol dengizi atrofida aholi kam bo‘lgan. Aholi, asosan, baliqchilik bilan va qisman, chorvachilik, ondatra urchitish va sabzavot-polizchilik bilan shug‘ullangan. O‘tgan asrning 90-yillariga dengizdan baliq ovlangan. Aralsk va Mo‘ynoq shaharlari va bu shaharlar atrofida ko‘p sonli baliq ovlash xo‘jaliklari faoliyat ko‘rsatgan. Amudaryo deltasida, Avan posyolkasida (Ko‘korol o.), Bugun posyolkasida (sharqiy sohil), Uyali va Uzunqir orollarida baliq tuzlash zavodlari ishlab turgan.


Orol dengizini birinchi marta A. I. Butakov 1848-49 yillarda tadqiq etgan va xaritaga tushirgan. Orol dengizi suvining sathi Amudaryo va Sirdaryo suvining rejimi bilan bog‘liqligidan, bu ikki daryo suvi sug‘orishga qancha ko‘p sarflansa, dengizda suv shuncha kamaya borgan. Ayniqsa, o‘tgan asrning 60-yillaridan sug‘oriladigan ekin maydonlarining kengaytirilishi natijasida dengizga Amudaryo va Sirdaryodan quyiladigan suv miqdori yildan-yilga kamaya bordi. Oqibatda dengizda suv sathi jadal sur’atlarda pasaya boshladi. Orol dengizida suv sathi pasayishining uning suv yuzasi va suv sig‘imiga ta’sir qilgan.

**Orol dengizi suv yuzasi maydoni o‘zgarishi dinamikasi.** Orol dengizi da suv sathining pasayishi suv balansi elementlarining qiymatlari ham keskin ta’sir ko‘rsatdi: 1911-60 yillarda dengiz sathi o‘rtacha  $53,04$  m ni tashkil etib (Boltiq tizimsida), daryolar dengizga quyadigan suv miqdori  $56 \text{ km}^3$ , dengiz yuzasiga yog‘gan atmosfera yog‘inlari mikdori esa  $9,1 \text{ km}^3$  ga teng bo‘lgan. Sarflanish, ya’ni chiqim esa, asosan, bug‘lanishdan iborat bo‘lib, shu davrda o‘rtacha  $66,1 \text{ km}^3$  ni tashkil etgan. Shu davr ichida suv balansida salbiy farq qayd etilgan: dengiz har yili  $1 \text{ km}^3$  dan, 1911-60 yillar davomida  $50 \text{ km}^3$  hajmdagi suvni yo‘qotgan (9.5-jadval).

**9.5-jadval. Orol dengizining turli hisob davrlari uchun suv balansi ( $\text{km}^3/\text{yil}$ ).**

Hisob davri (yillar)	Amudaryo va Sirdaryoning umumiy quyilish oqimi	Atmosfera yog'inlari va boshqa manbalardan kirim	Chiqim (infiltratsiya va bug'lanish)	Farq
1911-1960	56,00	9,10	66,10	-1,00
1961-1970	43,30	8,00	65,40	-14,10
1971-1980	16,70	6,30	55,20	-32,20
1981-1990	3,90	6,20	43,70	-33,60
1991-1994	21,00	4,60	33,60	-8,00
1996-2000	13,66	4,27	22,7	-4,77

2014 yilgacha Orol dengizi 3 bo'lakka bo'lingan: birinchisi – kichik va sayoz shimoliy qismi (sho'rligi – 8-13 g/l); ikkinchisi – nisbatan kattaroq maydonga ega bo'lgan va sayoz sharqiy qismi (sho'rligi – 69-72 g/l); uchinchisi – eng chuqur hisoblangan g'arbiy qismi (sho'rligi – 68-69 g/l). Bugungi kunda Orol dengizining sharqiy qismidagi bo'lak ham yo'qolib, uning o'rnida quruqlik hosil bo'ldi (9.2-rasm).



**9.2-rasm. Orol dengizi suvining kamayish dinamikasi**

Keyingi 10 yilliklar mobaynida qishloq xo'jalik yerlarini sug'orish va sanoat korxonalarini rivojlantirish uchun qaytarilmas suv iste'molining o'sishi, shuningdek, ko'p yillik qurg'oqchilik Orol dengiziga daryo suvlari quyilishini asta-sekin kamayishiga olib keldi. O'zbekistonda XX asr boshlarida 400 ming hektar sug'oriladigan yerlar bo'lgan bo'lsa, 2017 yilga kelib 4 million 300 ming hektarga yetdi. O'zbekiston sobiq ittifoqning asosiy paxta xom-ashyosi yetkazib beradigan agrar respublikasiga aylantirildi. Paxta ekiladigan maydonlaming ko'paytirilishi bilan Orol dengizi sathining pasayib borishi o'rtasida o'zaro bog'liqlik yuzaga keldi.

Orol dengizi muammosining kelib chiqishiga sabab bo'lgan ikkinchi omil 1959-67 yillarda qurilgan Qoraqum kanalidir. Uning uzunligi 1445 km bo'lib, dastlabki 450 km qismida kema qatnovi yo'lga qo'yilgan. Ushbu kanal Amudaryoning 45 % suvini oladi. Kanal o'zaniga uchta yirik suv omborlari qurilgan. Kanal tubining beton qilinmaganligi unda suv isrosgarchiligini ko'payishiga sabab bo'lmoqda. Qoraqum kanalining ishga tushirilishi bilan Orol sathi keskin pasaya borgan.

Umuman olganda, Orol suvining quriy boshlashi va shu bilan bog'liq bo'lgan Orol fojiasining asosiy sababi ulkan hududlarda xalq xo'jaligini rivojlantirish rejasining noto'g'ri ishlab chiqilgani, suv resurslaridan foydalanishda yo'l qo'yilgan xatoliklar hisoblanadi. Bu esa o'z navbatida Orol havzasida sifat jihatidan ekologik holatning butunlay yomonlashishiga va turli muammolarni vujudga keliishiha sabab bo'ldi.

### **Orol dengizi qurishining iqlimga, o'simlik hayvonot dunyosiga va inson organizmiga ta'siri.**

Orol dengizi atrofida iqlim o'zgarishi ham ro'y bermoqda va yog'in sochin tarkibida zararli tuzlar ko'paymoqda. Qishda havo harorati 5-6 gradusga past bo'lmoqda. Katta maydonda (5 mln. ga) dengiz tagining ochilib qolishi, chang bo'ronlarning ko'payishiga sabab bo'ldi. Ayniqsa bu may-iyun oylarida avjiga chiqadi. Uchib borgan zararli tuzlar tarkibida asosan xloridlar va sulfatlar tashkil etadi. Shamol uchirib ketgan tuzlar landshaftlar va insonlarga salbiy ta'sir qilmoqda.

1960 yilda Amudaryo va Sirdaryo quyilish yerlarida ko'plab mayda ko'llar, to'qayzorlar mavjud edi. Aksariyat maydonni qamish-

zorlar egallagan edi. Qamishzorlar Amudaryo deltasida 800 ming, Sirdaryo deltasida esa 250 ming gektarni egallagan bo'lib, u yerlar turli hayvonlar baliq, ondatra, nutriya, qushlarining makoni edi.

Birgina Sirdaryoning quyilish yerlarida va uning yon bag'ridagi vodiyya 2 mln. ga teng maydon pichanzor va yaylovlar bo'lib, bu maydonlarda har yili bir necha yuz minglab qoramol, yilqi, quy, echki boqilar edi. Bu joylarda 576 tur o'simliklar bo'lib, shulardan 29 turiga mansub bo'lganlari faqat Markaziy Osiyo xududida uchraydigan noyob o'simliklar hisoblanadi. Orol dengizida suv sathini pasayib ketishi, ulkan maydondagi yerlarning sahrolanishiga, sho'rلانib ketishga olib keldi. Natijada qamishzorning umumiyligi maydoni 10 barobarga qisqardi. Ko'p yillik to'qay o'simliklari o'rmini bir yillik sho'ra efemerlar egalladi.

Amudaryo va Sirdaryolarning quiyi qismida 150 dan ortiq o'simliklar va hayvon turlari yo'qolib ketdi. Orol dengizining qurishi hayvonot dunyosiga ham zarar keltirdi. Ilgari Orol dengizida ko'pgina noyob baliqlarning 20 dan ortiq turlari yashar edi. Bular: rao'ylovli baliq, zog'ora baliq, sudak, Lesh, mashhur Orol vobla balig'i va boshqalar. Dengizdan har yili o'rtacha 450-500 ming sentner baliq ovlanar edi. Dengiz suvi sho'rligining ortib ketishi va boshqa salbiy omillar tufayli baliqlarning soni keskin kamaydi va 1990 yilga kelib dengizdan baliq tutish umuman to'xtatildi. Umuman olganda Orol va uning havzasida ekologik sharoitning keskin o'zgarisi hayvonot olamining yashash imkoniyatlarini murakkablashtirdi va ularning ko'pchiligi qirilib ketishiga sabab bo'ldi. Masalan, bu yerda ondatra xo'jaliklari (ilgari yiliga 300 ming dan ondatra terisi tayyorlanar edi) yo'q bo'lib ketdi. Hayvonlardan Turon yo'lbarasi, gepard, laylak va boshqalar qirilib ketgan. Orol bo'yi tumanlariga har gektar yerga bir yilda o'rtacha 550-570 kilogramm tuz va qum tushmoqda. Shuni ham alohida ta'kidlash lozimki, Orol dengizi qurishining ekologik zararli oqibatlaridan tashqari juda katta iqtisodiy va ijtimoiy oqibatlari ham mavjud. Masalan, Qizil O'rda sellyuloza kombinatning (qog'oz tayyorlar edi) asosiy xom-ashyosi qamish edi. Bugungi kun-da qamishning keskin kamayishi kombinat ishini to'xtatishga olib keldi. Orol dengizi atrofida 2 ta baliq konserva kombinat, 17 ta baliqchilik

xo'jaliklari va zavodlari bor edi. Bundan tashqari Orolda mavjud bo'lgan baliq ovlovchi flotning va transport flotining yo'qolishi, qishloq xo'jalik ekinlari va yaylovlar hosildorligining keskin pasayishi va boshqa shu xildagi zararlarning chegarasi yo'q.

Ekologik, sanitariya va gigiyena sharoitlarning yomonlashuvi Orol bo'yи aholisi o'rtaida har xil yuqumli kasalliklarning ko'payishiga sabab bo'ldi. Shunday qilib, Orol dengizining qurishi Markaziy Osiyo va Qozog'istonda sifat jihatidan yangi ekologik vaziyatlarni vujudga keltirdi. Endilikda Orol bo'yidagi ekologik vaziyat kulfatli va o'ta murakkab muammoga aylandi. Bir avlodning ko'z o'ngida juda qisqa tarixiy muddatda butun bir dengizning halok bo'lishi hali ro'y bergan emas edi.

Orol fojiasi insoniyat tarixidagi eng yirik ekologik va gumanitar fojialardan biridir. Orolning asosini dengiz sifatida saqlab qolish, ekologik inqirozning oldini olish demakdir.

Umuman olganda bu masalaga ilmiy jihatdan yangicha tarzda hamda mutaxasislarning fikrlarini e'tiborga olgan holda yondashish zarur. Bugungi kundagi asosiy maqsad nafaqat qurib borayotgan Orol dengizini saqlab qolish, uning atrof-muhitga xavfini kamaytirish emas, balki o'sha hududlarda yashovchi insonlarning ijtimoiy hayotini yaxshilash hamdir.

## Orol fojiasi: yer va suv kurashi

Chetga azolgenas dengizni qanday qutuvish mungkin?

### VORO OROL DENGIZI MAYDANI

1930-1960 yillarda  
MOLDOVADA KASALLAR  
GUVORISHI

1960 y.  
MOLDOVADAN YER  
MUVOSHLASHELI

1960-  
MOLDOVADAN YER  
MUVOSHLASHELI

→ 4,5 min ga  
→ 60 km'

→ 7 min ga

120 km'



AZOLGA KUTUVISH MUVOSHLASI

OROL DENGIZIGACHA TEKSHIR KUTUDAGAN DAHQOZIY SIZLARI 1920-1970 MP'GA QISQALGAN

## HAYVONOT OLAMINING KAMAYISHI

319	—	70	—	32	—	40 000
QASHAQ	—	KU BIRUMBEKAI	—	BALSYKAI BALSYKAI BALSYKAI	—	—
160	—	32	—	6	—	200

### OROL QURUPPING MOLASHE TATI

#### CHANDLI NO MONTAJ

Чандлы 15-75 км/тун.  
Компания Чанчылай  
Балыкчылар Ашынчылар

Чандлы  
Балыкчылар  
Ашынчылар

56 км. Орталык  
Балыкчылар 10 км.  
Балыкчылар  
Ашынчылар  
Балыкчылар  
Ашынчылар  
Балыкчылар  
Ашынчылар

Ашынчылар  
Балыкчылар  
Балыкчылар  
Балыкчылар  
Балыкчылар  
Балыкчылар

3 км.  
Чандлы  
Балыкчылар  
Ашынчылар  
Балыкчылар  
Ашынчылар  
Балыкчылар  
Ашынчылар

#### ОРОЛ МОНГИНИН ГАЛАТЫ ТЕЛЭШЛҮҮЛҮКИ

Орол монгийн галаты  
ишикчилүүлүк  
ишикчилүүлүк  
ишикчилүүлүк

Орол монгийн галаты  
ишикчилүүлүк  
ишикчилүүлүк

Орол монгийн галаты  
ишикчилүүлүк  
ишикчилүүлүк  
ишикчилүүлүк  
ишикчилүүлүк

Ажыл жана Орол  
монгийн галаты  
ишикчилүүлүк  
ишикчилүүлүк

Орол монгийн галаты  
ишикчилүүлүк  
ишикчилүүлүк  
ишикчилүүлүк  
ишикчилүүлүк  
ишикчилүүлүк

1993	2003	2008	2013	2018
------	------	------	------	------

2017

2020

Орол монгийн галаты  
ишикчилүүлүк  
ишикчилүүлүк

Орол монгийн галаты  
ишикчилүүлүк  
ишикчилүүлүк

## OROL DENGIZINI NIMA QIYQARIB QOLISHI MUMKIN

### DUYUSHIMIZ TIZIMINI ZAMOVARIVLASHIMIZ

92%

Aksiyalarni ta'sirlaydi  
xalqda qoldi  
resurslarning

50%

Dipotensialni  
yaytishda  
mehmonlar uchun

12%

Savdo kanalini  
menzilchilik  
resurslarning

Resurslarning  
yaytishda  
mehmonlar  
uchun

Jaxi va hozirlikni  
suv resurslari  
yaytishda. Lang'iz qiziqar

### DUYUSHIMIZ TIZIMINING SAVOLLARI QURGU

6-7%

Kurashchi tizimini tez o'satish  
xalqda qoldi. Savdo kanalini  
menzilchilik resurslarning  
yaytishda. Xalq resurslari

Qurashchi tizimini  
menzilchilik  
resurslarning  
yaytishda. Savdo kanalini  
menzilchilik resurslarning  
yaytishda. Lang'iz qiziqar

### "TUVYNSK" SAVOLCHILIGI MAMLUKAT

#### DAM QOLISH TUTULASI



**ASAN ONTY PAOL HONDIO:**  
Orol dengizi qoldi.  
Buz-zamindan urin qiziqar



**TURGENEV TULUSHI:**  
Tashkentning  
yaytishda qiziqar



**SHUJAH EKONOMISTALAR:**  
"Konservativ" -  
suv resurslari



**DUYUSHIMIZ TIZIMI:**  
Suv resurslari  
yaytishda  
menzilchilik  
resurslarning



**DUYUSHIMIZ TIZIMI:**  
Suv resurslari  
yaytishda  
menzilchilik  
resurslarning



**DUYUSHIMIZ TIZIMI:**  
Suv resurslari  
yaytishda  
menzilchilik  
resurslarning


## Nazorat savollari:

1. Gidrosfera deganda nimani tushuniladi?
2. Gidrosfera qanday suv resurslaridan tashkil topgan?
3. Orol dengizi havzasini suv resurslari qanday suvlardan tashkil topgan?
4. Suvning ekotizimdagi va inson hayotidagi o'rni va ahamiyati nimadan iborat?
5. Suv resurslariga ekologik omillarning ta'sirlarini ko'rsating.
6. Suv resurslarini ifloslantiruvchi asosiy manbalarni ko'rsating.
7. Suvning ifloslanish turlarini aytинг.
8. Oqava suvlari haqida tushuncha bering.
9. Oqava suvlarni tozalash usullari sanab o'ting.
10. Orolbo'yini hududidagi ekologik holatni yaxshilash uchun qanday ishlar amalga oshirilmoqda?

# X-BOB. TUPROQ RESURSLARI VA ULARNI MUHOFAZA QILISH TADBIRLARI

### **10.1. Litosferaning tuzilishi va yer resurslari.**

Litosfera (grekcha λιθος “tosh” + σφαιρα “shar, qobiq”) deganda yerning qattiq qobig‘i tushuniladi. Litosferaning qalinligi okean tubida 5-7 km, quruqlikdagi 30-40 km va tog‘li o‘lkalarda 70-80 km gacha boradi. U cho‘kindi, metamorfik va magmatik tog‘ jinslaridan tashkil topgan. Yer sathi, asosan, cho‘kindi tog‘ jinslaridan tashkil tarqalgan bo‘lib, ularning qalinligi 20 km gacha, okean tublarida esa bir necha yuz metrga yetadi. Cho‘kindilar os-tida 10-40 km qalinlikdagi granit qobig‘i joylashgan bo‘ladi, okean tubida ular uchramaydi. Okean tubi bazalt qatlamdan iborat bo‘lib, uning qalinligi okean tubida 5-10 km ga boradi (10.1-rasm).



#### **10.1-rasm. Litosferaning tuzilishi.**

Planetamizning atigi 149 mln km<sup>2</sup> maydoni quruqligidan iborat bo‘lib, jami yer fondi 13,4 mlrd. ga (Antarktika hisobga olinmagan) ni tashkil etadi. Shundan atigi 34 foizingiga insonlarni oziq-ovqat mahsulotlari bilan ta’minlash uchun yaroqli yerlar hisoblanadi. Ushbu yerlar inson ehtiyojlarining 98% ni ta’minlaydi. Bu yerlarning asosiy qismi o’rmon, o’rmon-dasht va dasht mintaqalarida

jamlangan bo‘lib, qolgan yerlar qishloq xo‘jaligi uchun yaroqsiz yerdadir. Haydaladigan yerkarning asosiy qismi Shimoliy yarim sharda – Yevropa, Janubiy Sibir, Janubiy-sharqiy, Sharqiy va janubiy Osiyo, AQSH va Kanada tekisliklari joylashgan bo‘lsa, o‘tloq va yaylovlarning asosiy qismi Janubiy Amerika, Avstraliya, Afrika, Yevropa va Osiyoning qolgan qismlarida joylashgan (10.1-jadval).

### 10.1-jadval. Sayyoramizning yer resurslari

Nº	Resurs turlari	Ulushi, %
1	Haydaladigan yerlar	11
2	O‘tloq va yaylovlar	23
3	O‘rmon va butazorlar	30
4	Antropogen landshaftlar (aholi punktlari, sanoat markazilari),	3
5	Samaradorligi past yerlar (cho‘llar, botqoqliklar, muzliklar)	33

Bugungi kunda dunyo bo‘yicha jami 250 mln. ga dan ortiq haydaladigan yerlar mayjud. XX asr davomida haydaladigan yer maydonlari botqoqliklarni quritish, cho‘llar va dashtlarni o‘zlashtirish, o‘rmonlarni kesish hisobiga 2 barobar ko‘paydi. Shu bilan birga yangi yerkarning o‘zlashtirilishi bilan bir qatorda haydaladigan yerkarning meliorativ holati buzilmoqda, yaylovlarning holati yomonlashib, degradatsiya jarayonlari kuchaymoqda. Eroziya, sho‘rlanish va botqoqlanish jarayonlari ta’sirida dunyo bo‘yicha yiliga 6-7,5 mln. ga yerlar yaroqsiz holga kelib qolmoqda. Bundan tashqari, yer yuzining qurg‘oqchil mintaqalarida cho‘llanish jarayoni ham kuchayib bormoqda. Hozirgi kunga kelib cho‘llanishning salbiy ta’siri yer yuzida 9 mln. km<sup>2</sup> maydonni qamrab oldi, yana 30 mln. km<sup>2</sup> maydonda cho‘llanish alomatlari kuchayib bormoqda. Cho‘llanish jarayoni, asosan, Afrika, Avstraliya va Janubig‘arbiy Osiyo davlatlarida kuzatilmoxda. Cho‘llanish jarayoni bugungi kunga kelib global ekologik muammolardan biriga aylandi va unga qarshi butun dunyo davlatlari birgalikda harakat qilishlari loziim.

Rivojlangan davlatlarda yerlar degradatsiyasiga boshqa omillar, jumladan aholi sonining ortishi va sanoatning rivojlanishi ham jiddiy ta'sir ko'rsatmoqda. Bu davlatlarda haydaladigan yerlarning maydoni qisqarib bormoqda. Masalan, davlatlarning jami yer maydoniga nisbatan Yaponiyada 5,7 %, Avstriyada 3,6 %, AQSH da 2,8 %, Italiyada, 2,5 %, Fransiyada 1 % yerlar uy-joy va sanoat korxonalarini qurish hisobiga kamaygan. Quruqlikning 0,3 % shaharlar joylashgan. Shaharlar maydoni Buyuk Britaniyaning 13 % ini, Germaniya hududining 11 %, O'zbekistonning esa 2,3 % ini ega-laydi. Shunday qilib, aholi sonining ortib borishi va sanoatning jadal sur'atlar bilan rivojlanishi yer resurslari balansiga jiddiy ta'sir qiladi, yerlarning ekologik holati yomonlashishiga olib keladi.

O'zbekiston Respublikasida yer fondi va uning toifalar bo'yicha taqsimlanishi quyidagi jadvalda o'z aksini topgan (10.2-jadval)

### 10.2-jadval. O'zbekiston Respublikasi yer fondining taqsimlanishi

*(ming ga hisobida, 01.01.2017 y. holatiga)*

1	Yer fondi toifalari	Umumiylar		Shu jumladan, sug'oriladigan yerlar	
		jami	%	jami	%
1	Qishloq xo'jaligi yerlari	20174	44,94	4205,8	9,37
2	Aholi punktlari yerlari	220,8	0,49	51,1	0,11
3	Sanoat, transport, aloqa, mudofaa va boshqalarga mo'ljallangan yerlar	905,3	2,02	12,1	0,03
4	Tabiatni muhofaza qilish, sog'lomlashtirish va rekratsiya maqsadlariga mo'ljallangan yerlar	704,3	1,57	0,9	0,002
5	Tarixiy-madaniy ahamiyatga molik yerlari	14,1	0,03		
6	Ormon fondi yerlari	11191,9	24,93	36	0,08
7	Suv fondi yerlari	833,6		4,8	
8	Zaxira yerlari	10848,4	24,16	2,2	0,005
	Jami yerlar:	44892,4	100	4312,9	9,6

## 10.2. Tuproq va uning ekologik tizimdagagi o'rni.

Tuproq tog' jinslarining nurashi mahsulidir. Lekin tuproq o'zining bir qancha xususiyatlari bilan tog' jinslaridan keskin farq qiladi. O'ziga xos xususiyatlarga ega bo'lgan tabiiy jins hisoblangan tuproqning hosil bo'lishida nurash ua tuproq hosil qiluvchi jarayonlarning o'zaro munosabati muhim ahamiyatga ega.

*Tuproq* deb, yerning ustki qismida joylashgan, g'ovak va o'simliklarning rivojlanishi uchun sharoit mavjud bo'lgan *unumdor qatlamiga* aytildi.

Tuproqning asosiy xususiyati — uning unumdorligi. Tuproq unumdorligi deb tuproqning o'simlik va tirik organizmlarni suv, havo, oziq elementlar va zarur sharoitlar bilan ta'minlay olish xususiyatiga aytildi.

Tuproq unumdorligi 6 xil ko'rinishda bo'ladi: 1) Tabiiy unumdorlik; 2) Sun'iy unumdorlik; 3) potensial yoki yashirin unumdorlik; 4) Effektiv yoki samarali unumdorlik; 5) Nisbiy unumdorlik; 6) Iqtisodiy unumdorlik.

Tuproq unumdorligini doim yaxshi va yuqori holatda saqlab turish maqsadida, insonlar tomonidan tuproq tabiiy xossalaring o'zgartirish jarayonlariga **tuproqni madaniylashtirish** deyiladi.

Tuproqlar biosferadagi jarayonlarda va inson hayotida muhim o'rinni egallaydi. U quyosh nurlarini potensial energiyaga aylantirish, namlikni, oziq moddalarni toplash, o'simliklar va boshqa ko'plab organizmlarni zarur hayotiy sharoitlar bilan ta'minlash kabi muhim xususiyatlarga ega. Yer yuzasiga yetib keladigan  $10^{20}$ - $10^{21}$  *kkal* miqdordagi energiyaning  $10^{17}$ - $10^{18}$  *kkal* si tuproqda to'plana-di. Bundan tashqari, u qariyb barcha elementlarning geokimyoiy akkumulyatori bo'lib, ularni suv va boshqa omillar ta'sirida yuvilib ketishidan saqlaydi. Tuproq juda ko'plab organizmlar uchun o'ziga xos yashash muhiti vazifasini bajaradi. Ayniqsa, quiyi darajadagi mavjudotlar va hasharotlar hamda ko'plab hayvonlarning hayoti tuproq bilan chambarchas bog'liqdir. Bir gramm tuproqda 1,5 *mln* gacha amyoba, infuzoriya, suv utlari kabi sodda organizmlar va 3 *mlrd* donagacha mikrob va bakteriyalar yashashi mumkin.

Tuproq biosferada kechadigan qariyib barcha jarayonlarda muhim komponent sifatida ishtirot etadi. U biologik modda aylanishida, ekotizim va biosferaning barqarorligini ta'minlashda yetakchi o'rinni tutadi. Uning ekologik ahamiyatlaridan biri shuki, u biosferadagi o'z-o'zini tozalash jarayonida muhim ahamiyatga ega, atrof-muhitni ifloslantiruvchi ko'plab moddalarga nisbatan tabiiy, universal, biologik adsorbent va neytralizator hisoblanadi. Tuproq iqtisodiy, hayotiy va ekologik ahamiyatiga ko'ra hech narsaga tenglashtirib bo'lmaydigan tabiiy resursdir.

**FAO** tashkiloti ma'lumotlariga ko'ra, hozirgi kunda sayyoramizning har bir kishisiga (jon boshiga) o'rtacha hisobda 0,27 hektar haydalma yer to'g'ri kelmoqda, mutaxassislarning fikricha esa hozirgi taraqqiyot darajasida bir kishiga oziq-ovqat yetishtirish uchun o'rtacha 0,4-0,5 hektar va uy-joy, kommunikatsiyalar uchun yana 0,1 hektar yer maydoni zarur.

Bugungi kunda respublikamizda bir kishisiga o'rtacha 0,15 hektar sug'oriladigan yer maydoni to'g'ri keladi. Bu o'rtacha dunyo ko'rsatkichidan salkam ikki marta kamdir. Jumladan, bu ko'rsatkich Kandada – 1,83; AQSH – 0,78; Fransiyada – 0,31; Xitoyda – 0,08; Yaponiyada – 0,04 hektarni tashkil etadi.

Yuqorida yer resurslariga oid ma'lumotlardan ko'rinish turibdiki, respublikamiz sharoitida yerlarni muhofazalash va ulardan oqilonan foydalanish muhim ijtimoiy-iqtisodiy va ekologik ahamiyatga ega masalalardan biri hisoblanadi.

### **10.3. Tuproqqa ekologik omillarning ta'siri.**

Tuproq ma'lum darajada barqaror o'ziga xos tizim hisoblanada, unga turli ekologik va antropogen omillar ta'sir qilganda uning holati o'zgaradi. Inson tuproqdan foydalanishda, ya'ni yerni haydash, ekin ekish, sug'orish, chorva mollarini boqish, turli texnikalarni qo'llash, mineral o'g'itlar va pestitsidlarni qo'llash jarayonlarida unga salbiy ta'sir qilishi mumkin. Hozirgi kundagi tuproq resurslari bilan bog'liq ekologik muammolaming negizida oziq-ovqat mahsulotlari va qishloq xo'jaligi xom-ashyolari miqdorining aholi jon boshiga nisbatan kamayib ketayotganligi va tuproqlaning ekologik holati yomonlashib borayotganligi yotadi. Bunday salbiy

jarayonlaming bosh sababchisi tuproqlar degradatsiyasining kuchayishi va dehqonchilikka yaroqli maydonlarning qisqarib borishidir.

Umuman olganda, tuproq resurslarining ifloslanish manbalari quyidagicha tavsiflanadi:

- 1) Maishiy – xo‘jalik va uy-joy xo‘jaligi;
- 2) Sanoat korxonalari;
- 3) Transport vositalari;
- 4) Qishloq xo‘jaligi.

Tuproqqa ekologik omillarning ta’siri natijasida tuproqning sho‘rlanishi, yemirilishi (eroziysi), botqoqlanishi, ifloslanishi, unumdorligining pasayishi va boshqa hodisalar yuz beradi. Bu jarayonlarga umumiyl holda **tuproqlar degradatsiyasi** deyiladi. Yuqorida ta’kidlanganidek, tuproq degradatsiyasi natijasida dunyo bo‘yicha 7 mln. ga dan ortiq haydaladigan yerlar ishlab chiqarish jarayonidan chiqmoqda.

Quyida tuproq holatining yomonlashishi bilan bog‘liq jarayonlarni alohida – alohida ko‘rib chiqamiz.

**Tuproq sho‘rlanishi.** Tarkibida suvda oson eriydigan va osimliklarga salbiy ta’sir qiladigan tuzlarning miqdori 0,3 % dan ko‘p bo‘lgan tuproqlarga **sho‘rlangan tuproqlar** deyiladi. Sho‘rlangan tuproqlar, asosan chalacho‘l va cho‘l mintaqasida, daryolarning quyi oqimida joylashgan allyuvial tekisliklarda tarqalgan. Sho‘rlangan tuproqlar asosan  $\text{Cl}^-$ ,  $\text{SO}_4^{2-}$ ,  $\text{CO}_3^{2-}$ ,  $\text{HCO}_3^-$  anionlari va

$\text{Ca}^{2+}$ ,  $\text{Mg}^{2+}$ ,  $\text{Na}^+$  kationlarining o‘zaro ekvivalent miqdorda reaksiyaga kirishishi natijasida hosil bo‘lgan tuzlar asosida shakllangan. Ularga quyidagi tuzlar kiradi:

$\text{CaCl}_2$	$\text{MgCl}_2$	$\text{NaCl}$
$\text{CaSO}_4$	$\text{MgSO}_4$	$\text{Na}_2\text{SO}_4$
$\text{CaCO}_3$	$\text{MgCO}_3$	$\text{Na}_2\text{CO}_3$
$\text{Ca}(\text{HCO}_3)_2$	$\text{Mg}(\text{HCO}_3)_2$	$\text{NaHCO}_3$

Bu tuzlarning o‘simlikka zararli ta’siri ularning suvda eruvchanlik darajasiga bog‘liq. Shuni nazarda tutgan holda eng zararli tuzlarga  $\text{NaCl}$  (osh tuzi),  $\text{CaCl}_2$  (xlorli kalsiy) va  $\text{MgCl}_2$  (xlorli

magniy) kiritilgan. Kam zararli tuzlarga  $MgSO_4$  (taxir tuz),  $CaSO_4 \cdot 2H_2O$  (gips) mansubdir. Sho'rlangan tuproqlar quyidagi saba-blarga ko'ra paydo bo'ladi:

1. Tuproq hosil bo'lish jarayonida vulqonlar otilishi, tog' jins-larining yemirilishi natijasida ularning tarkibidagi birlamchi minerallar parchalanadi. Hosil bo'lgan ikkilamchi minerallar muhitning ta'siri va o'zgarishi natijasida o'zaro reaksiyaga kirib, bir, ikki va ko'p valentli tuzlar hosil qiladi.

2. Sug'oriladigan maydonlarga berilayotgan suv tarkibida ma'lum miqdorda tuzlar bo'lib, vaqt o'tishi bilan ular tuproqning ustki qismida yig'iladi.

3. Har xil darajada sho'rlangan yer osti suvlarining kapillyar naychalar orqali tuproqning ustki qatlamiga ko'tarilishi va bug'lanishi natijasida ularning tarkibidagi tuzlar o'simlik ildizi tarqalgan qatlamda yig'iladi.

4. Qurib qolgan ko'l va suv havzalaridagi tuzlar shamol ta'sirida atrofdagi hududlarga tarqaladi, tuproqning ustki qatlamini sho'rlantiradi.

5. Tuzga chidamli o'simliklarning vegetatsiya davri tugagach, uning qoldiqlari (poyasi, bargi, ildizi) chirishi natijasida ularning tarkibidagi tuz tuproqning ustki qatlamida yig'iladi.

Yuqoridagi omillar ta'sirida tuproqda ikki xil sho'rlanishi shakllanadi: **birlamchi sho'rlanish**, ya'ni tuproq hosil qiluvchi tog' jinsi tarkibidagi tuzlar hisobiga va **ikkilamchi sho'rlanish** – qishloq xo'jalik ekinlarini sug'orish jarayonida sizot suvleri sathining ko'tarilishi va uni bug'lanishi natijasida hamda minerallashganlik darajasi yuqori suv bilan sug'orish natijasida yuz beradi.

Tuproqlarning sho'rlanishi sug'oriladigan dehqonchilikning rivojlanishiga salbiy ta'sir qiladi. Qadimdan sug'oriladigan dehqonchilik rivojlangan hududlarda tuproqlar turli darajada sho'rlangan. Masalan, Iroqda sug'oriladigan maydonlarning 50 % ga yaqini, AQSH da 27 % dan ortig'i, O'zbekistonda 50 % ga yaqini turli darajada sho'rlangan.

O'zbekistonda sug'oriladigan dehqonchilik o'tgan asrning 1955-1990 yillarda jadal rivojlandi. Shu davr mobaynida 2 million gektardan ortiq yangi yerlar o'zlashtirildi. Bunda unumdor yerlar

bilan bir qatorda sho'rlangan va qiyin o'zlashtiriladigan yerlar ham o'zlashtirildi. Bu davrda gidromeliorativ tizimlardan noto'g'ri foydalanilganligi, meliorativ tadbirlarning sifatsiz o'tkazilishi hisobiga sug'oriladigan yerlarning deyarli yarmining meliorativ holati yomonlashdi. Qoraqalpog'iston Respublikasi, Buxoro, Sirdaryo, Qashqdaryo va Xorazm viloyatlarida sho'rlangan yerlar maydoni ortib bormoqda.

Tuproq tarkibidagi tuzni kamaytirishga oid tadbirlar me'yорини va amalga oshirish davrlarini belgilash tuproqning sho'rlanish darajasiga asoslanadi. Tuproqlarni sho'rlanish darajasiga qarab guruhlarga ajratish **sho'rlanish tasnifi** (klassifikatsiyasi) deyiladi. O'zbekiston hududida tarqalgan tuproqlar sho'rlanish darajasiga qarab quyidagilarga bo'linadi (10.3-jadval).

### 10.3-jadval. Sho'rlanish darajasi bo'yicha tuproqlar tasnifi

Sho'rlanish darjasи	Sulfatl-i-xlorli sho'rlangan tuproq		Xlorli-sulfatl sho'rlangan tuproq	
	Xlor-ion	Jami tuzlar	Xlor-ion	Jami tuzlar
Sho'rlanmagan	0,01 dan kam	0,25 dan kam	0,01 dan kam	0,3 dan kam
Kam sho'rlangan	0,01-0,04	0,25-0,050	0,01-0,04	0,30-1,0
O'rtacha sho'rlangan	0,04-0,20	0,50-1,0	0,04-0,20	1,0-2,0
Kuchli sho'rlangan va sho'rxok	>0,20	> 1,0	> 0,20	> 2,0

Tuproq yuzasi ua uning qatlamlarida suvda oson eruvchi tuzlarning miqdori ko'p 1-2% dan ortiq bo'lган tuproqlarga **shro'rxoklar** deyiladi.

Sho'rlangan tuproqlar unumdorligini oshirish o'simlik ildizi tarqalgan qatlamda zararli tuzlar miqdorining maqbul darajaga kamaytirishdan iborat.

Sho'rlanish tufayli tuproqning bir qator xususiyatiari yomonlashdi, jumladan, ekinlarning hosildorligi keskin kamayadi. Ma-

salan, hatto kuchsiz sho‘rlangan tuproqlarda makkajo‘xori hosili 40-50%, bug‘doy – 50-60% ga kamayib, hosil sifati yomonlas-hadi. Tuproqning bino va inshootlarga zararli ta’siri kuchayadi. Ichimlik suvlari, oziq-ovqat mahsulotlari va havo tarkibida tuzlar miqdori ko‘payib, inson va boshqa organizmlarga salbiy ta’sir ko‘rsatadi. Bularning hammasi oxir-oqibatda hududning umumiyligini ekologik holati og‘irlashuviga olib keladi. Dunyoning ko‘plab mamlakatlarda, ayniqsa Osiyo va Afrikaning arid iqlimli mintaqalarida tuproq sho‘rlanishi asosiy agroekologik muammolardan biri hisoblanadi. Sayyoramizda sho‘rlanish tufayli yiliga 200-300 ming hektar sug‘orma yerlar ishdan chiqib, atrof-muhitni ifloslovchi manbara aylanib qolmoqda.

**Tuproq eroziysi.** Tuproq unumdarligiga kuchli salbiy ta’sir ko‘rsatuvchi omillardan biri eroziya jarayonlaridir. **Eroziya** deganda tog‘ jinslari va tuproqning suv va shamol ta’sirida yemirilishi tus-huniladi. Yer yuzida yemirilish doimo yig‘ilish (akkumulyasiya) bilan bog‘liq bo‘ladi.

Tuproq eroziyasi tabiiy va antropogen omillag ta’sirida yemirilish, yuvilish va uchirib ketish jarayonlarga qarab **suv va shamol eroziyasiga** bo‘linadi.

Eroziya va deflyasiya inson ishtirokisiz sodir bo‘lsa, “**tabiiy**” yoki “**geologik**” **eroziya** deyiladi. Inson ta’siri natijasida (yerga noto‘g’ri ishlov berish, sug‘orish va boshqalar) sodir bo‘ladigan eroziyaga “**antropogen**” **eroziya** deyiladi.

Tuproqda suv va shamol eroziyasining paydo bo‘lishi, rivojlanishiga ta’sir qiluvchi asosiy sabablarga iqlim sharoiti, yer yuzasining notekisligi, yerning geologik tuzilishi, o‘simgilik dunyosining tarkibiga, tuproq sharoitlari kabi tabiiy omillar bilan birgalikda inson tomonidan yerdan foydalanish tartibi va usullaridan, suv manbalaridan noto‘g’ri foydalanishni keltirish mumkin.

Tuproq qoplaming atmosfera yog‘inlari va sug‘orish suvlari ta’sirida yemirilish jarayoniga **suv eroziyasi** deyiladi. Sug‘orish eroziyasining sodir bo‘lishiga tuproqdagagi chirindi miqdori, tuproqning mexanik tarkibi, donadorligi, egatga berilayotgan suv miqdori, tezligi va boshqa omillar ta’sir qiladi.

Suv eroziyasining asosiy mohiyati ma'lum sathga kelayotgan (yomg'ir, sug'orish) suv miqdorining shimalayotgan suvdan ortiq bo'lishidir. Natijada suv nishablik bo'yicha harakatlanadi va tuproq zarrachalarini bir yerdan ikkinchi yerga ko'chiradi. Suv harakati odatda nishablik 1<sup>o</sup> dan ortiq bo'lgan maydonlarda boshlanadi. Suv eroziyasining jadalligi rel'yesga, iqlimga, tuproq va jinslarning tarkibi va tuzilishga, o'simliklarning tarkibi va qalinligiga bog'liq bo'ladi. Sug'oriladigan dehqonchilik mintaqasida suv eroziyasi inson faoliyati bilan bog'liq bo'ladi.

Suv eroziyasining shakllanishida yuza oqimi mavjud bo'lishi shart. Suv eroziyasida yuza oqimining 3 turi – yomg'ir suvi oqimi, erigan qor suvi oqimi, sug'orishda beriladigan suv oqimi ishtirot etadi. Shunga qarab yomg'ir eroziyasi, qor erigan vaqt dagi eroziya va sug'orish (irrigatsiya) eroziyasi sodir bo'ladi.

Shamol kuchi ta'sirida tuproq zarrachalarining ko'chishi natijasida **shamol eroziysi** – **deflyasiya** yuz beradi. Shamol deflyasiyaning vujudga kelishida asosiy omil hisoblanadi. Shamol eroziysi shamolning tezligi, yo'nalishi, yog'inning miqdori, mavsumiyligi, harorati ua takroriyligiga bog'liq. Bu omillar ta'sirida yer yuzasidagi tuproq zarrachalari chang-to'zonga aylanadi va shamol eroziyasi vujudga keltiradi.

U tashqi ko'rinishga qarab *kundalik deflyasiya* va *chang to'zonli bo'ronga* ajraladi. Kundalik deflyasiya barcha haydaladigan tuproqlarda tarqalgan. Chang to'zonli bo'ron shamolning tezligi va yo'nalishiga bog'liq bo'ladi.

Deflyasiya jarayoni dunyoning issiq, quruq (arid) iqlimli hududlari: Afrika, Avstraliya va Osiyo qit'asidagi sahrolarda, Amerikaning cho'l-dasht mintaqalarida keng tarqalgan bo'lib, shu hududlarning ekologik holatini og'irlashtiruvchi asosiy omillaridan biri deb hisoblanadi. Respublikamizning Qizilqum, Ustyurt, Qarshi va Markaziy Farg'onaning dasht-cho'llarida joylashgan 26,5 mln ga yaylovli yerlar va 600 ming hektar sug'oriladigan yerlar turli darajada deflyasiyaga uchragan.

Eroziya jarayonining sodir bo'lishi, asosan, iqlimga, yog'ingarchilikning umumiyligiga, turiga, davomiyligiga, jadalliga bog'liq bo'ladi.

**Irrigatsion eroziysi** – nishablik maydonlarda yerlarni noto'g'ri sug'orish tufayli yuz beradi. Respublikamizdagi sug'orma

yerlarning 700 ming hektarida irrigatsion eroziya keng tarqalgan. Bunday yerlarda paxta, g'alla va boshqa ekinlarning hosildorligi 10 % dan 60 % gacha pasayib ketishi kuzatiladi. Irrigatsion eroziya tog'lik, tog'oldi adirliklari va tog' etaklaridagi nishablik tekisliklarda, ya'ni bo'z tuproqli sug'orma mintaqalarda ko'proq uchraydi. Bunday eroziyaga yerlar Farg'ona vodiysi viloyatlari, Toshkent, Samarqand, Qashqadaryo va Surxondaryo viloyatlarining tog'oldi hududlarida keng tarqalgan bo'lib, mamlakatimiz iqtisodiyoti va ekologiyasiga katta zarar etkazmoqda.

**Tuproqning botqoqlanishi**, asosan, agrotexnika qoidalariga to'liq rivoj qilinmasligi va zovurlarning yuqori samaradorlik bilan ishlamasligi natijasida yuz beradi. Botqoqlashgan tuproq, botqoqlangan yer – haddan tashqari namiqqan tuproq. Suvning uzoq vaqt ushlanib qolishi, yerning qurimaganligi sabab bo'lib, tuproq strukturasi buziladi. Dunyo bo'yicha botqoqlangan yerlar, asosan, Shimoliy Evropa, Rossiyaning shimoliy hududlari, Kanda dada katta maydonlarni band qilgan. Bu yerlarning meliorativ holatini yaxshilash uchun yangi zovurlar qurish, eskilarini qayta tiklash, daryo va kanallardan suvning filtratsiyaga sarfini keskin kamaytirish lozim.

**Tuproqlarning ifloslanishi (zaharlanishi)**. Atrof-muhitning ekologik holatini yomonlashtiruvchi omillardan yana biri tuproqlarning ifloslanishidir. Ekologik nuqtai nazardan, **tuproqlarning ifloslanishini** – tuproqqa antropogen faoliyatlar tufayli turli yot modda va jinslarning, patogen organizmlar va oqava suvlarning qo'shilishi natijasida tuproq xususiyatlarining yomonlashishi, sifatining buzilishi va unumdoorigining pasayishi kabi kompleks salbiy jarayonlar tushuniladi. Bu jarayonlarning ekologik jihat shundaki, ifloslanish oqibatida tuproqlarning biosferadagi asosiy funksiyalari izdan chiqadi va bunday tuproqlar o'z navbatida atrof-muhitni ifoslantiruvchi manbaga aylanadi. Fanda tuproqlar ifloslanishi, ifoslantiruvchi moddalar turiga (og'ir metallar, pestitsidlar, gelmintlar bilan) ko'ra, ifoslantiruvchi tarmoq xususiyatiga (sanoatda, qishloq xo'jaligida, maishiy sohada) ko'ra, ifoslantiruvchi birikmalarining xossalariiga (kimyoviy, radioaktiv) ko'ra, ifloslanishning hududiy ko'lamiga ko'ra (global,

regional, lokal) turlarga bo‘linadi. Tuproqlar odatda sanoat, energetika, agrar, qurilish, maishiy va boshqa sohalarning turli chiqindilari hamda mineral o‘g‘itlar, pestitsidlarning qoldiqlari bilan ko‘proq ifloslanadi.

Hozirgi vaqtida havoga antropogen yo‘l bilan yiliga o‘rtacha  $10^{12}$  tonna tashlamalar chiqariladi, ular tarkibida Pb, Cd, Se, As, Ni, Hg, Cu, F kabi zaharli moddalar va zararli changlar mavjud. Ular tuproqqa tushib, uning xususiyatlarini yomonlashtiradi. Bunday ifloslangan tuproqlar o‘simlik va chorva mahsulotlarini hamda suvlarni ifloslovchi, oxir-oqibatda esa insonlar salomatligiga kuchli zarar yetkazuvchi manbara aylanib qoladi.

Hozirgi vaqtida dunyoning ko‘p mamlakatlarida dehqonchilikdan olinayotgan hosilning 40-60% ba’zi hollarda 70 % gachasi turli kimyoviy vositalarni, ya’ni mineral o‘g‘itlar va pestitsidlarni qo‘llash hisobiga olinmoqda. Bu, albatta, insoniyat taraqqiyotining zarur omillaridan biri hisoblansa-da, ulardan nooqilona foydalanish tuproq, suv, o‘simlik va chorva mahsulotlarining ifloslanishi bilan bog‘liq bo‘lgan og‘ir ekologik muammolarni keltirib chiqarmoqda.

Mineral o‘g‘itlardan noto‘g‘ri foydalanish tuproqda azot, fosfor birikmalarini va ba’zi ( $\text{Sr}^{90}$ ,  $\text{Cr}^{137}$ ,  $\text{F}^{40}$ ) radioaktiv moddalarning ortiqcha to‘planishiga olib keladi. Bunday tuproqlarda yetishtirilgan o‘simlik mahsulotlari va chorva ozuqalari inson hamda hayvonlar uchun xavfli miqdordagi azot, fosfor va radioaktiv moddalar bilan ifloslanadilar. Ortiqcha azot, fosfor va kaliy o‘g‘itlari yuvilib suvga tushishi oqibatida esa suvlarning zaharlanishi va suv havzalaridan foydalanishni og‘irlashtiruvchi evtrofikatsiya (ko‘k-yashil suv o‘tlarining ko‘payishi) jarayonining kuchayishi yuz beradi. Noto‘g‘ri foydalanilgan mineral o‘g‘itlar tuproqning muhim fizik va biologik xususiyatlarini yomonlashtiradi.

Qishloq xo‘jaligida keng qo‘llaniladigan kimyoviy vositalardan katta bir guruhi pestitsidlardir. Dehqonchilik va chorvachilikda kasalliklar, zararkunandalar va begona o‘tlarga qarshi, defoliatsiya (bargni to‘kish), desikatsiya (quritish), biostimulyatsiya kabi maqsadlarda foydalaniladigan turli kimyoviy moddalarga **pestitsidlar** deyiladi.

Pestitsidlarning gerbitsidlar (begona o‘tlarga qarshi); inseksidlar (zararli hasharotlarga qarshi); fungitsidlar (zamburuglarga

qarshi); nematotsidlar (nematodalarga qarshi); fumigantlar (ombor va binolarga kimyoviy ishlov berishda qollanuvchi); defoliant va desikantlar (o'simliklar bargini to'kish va quritishda qo'llanuvchi); akaritsidlar (zararli kanalarga qarshi); biostimulyatorlar (ekinlar va chorva hayvonlarining o'sishini boshqarishda qo'llanuvchi) kabi bir necha turlari mavjud. Bu turlarning har biri bir necha o'nlab xildagi preparatlarni o'z ichiga oladi.

### **3.4. Tuproqni muhofaza qilish tadbirlari.**

Hozirgi davrda yer yuzida tarqalgan tuproqlarning meliorativ va ekologik holatining yomonlashishining oldini olish va ularning salbiy ta'sirlarini kamaytirish ekologiya fanining oldida turgan asosiy masalalardan biri hisoblanadi. Tuproqlarni muhofaza qilish tadbirlari quyidagi 4 ta guruhga ajratiladi:

**1. Tashkiliy – xo'jalik tadbirlar** – yerdan foydalanish huddularini to'g'ri tashkil etish, ya'ni yerlarning tuproq – iqlim sharoitlari, o'simlik turlari, ularning biologik xususiyatlarini hisobga olgan holda yerdan foydalanishning tabaqalashtirilgan rejalarni tuzish va ular asosida tuproq holati yomonlashishining oldini olish va qarshi kurash usullarini belgilash chora-tadbirlaridir. Bu tadbirlarga yer maydonlaridan foydalanish maqsadlarini aniqlash, ekinlar turi va ularning o'zaro nisbatini belgilash, sug'orish, o'g'itlash qoidalarini belgilash, ishlov berish va ekin yetishtirish bo'yicha texnologik xaritalar tuzish, chorva mollarni boqishni tartibga solish, dehqonchilik mashinalarini tanlash kabi bir qator tashkiliy-xo'jalik ishlarini o'z ichiga oladi.

**2. Agrotexnik tadbirlar.** Bu guruh tadbirlariga yer yuzasining tuzilishi (relyefi) va tuproqlarning boshqa xususiyatlariga mos ravishda qo'llanadigan agrotexnik tadbirlar kiradi. Yerlarni nishablikka nisbatan ko'ndalangiga haydash va ishlov berish, tuproqlarni chuqur yumshatib, ag'darmasdan haydash, ko'ndalang nam tutuvchi egatlar barpo etish, ko'p yillik yoki serildiz o'simliklardan ko'ndalang himoya mintaqalari barpo etish, tuproqni optimal g'ovakligi va suv o'tkazuvchanligini ta'minlash, sug'orishda egatlar uzunligi, suv sarfi va sug'orish usullarini to'g'ri belgilash, yomg'irlatib va tomchilatib sug'orish usullarini ko'llash, o'g'itlash

me'yorlari va muddatlarini to'g'ri belgilash, organik o'g'itlardan ko'proq foydalanish, tuproq yuzasini mustahkamlovchi kimyoviy vositalarni qo'llash, ekinlarni plynoka ostiga ekish, o'simlik qoldiqlari bilan mulchalash, bo'ychan, zich o'sadigan ekinlardan shamolga qarshi ixota polosalari hosil qilish, kuchli shamollar davrida tuproq yuzasini nam saqlash, ekin qatorlarini shamolga ko'ndalang joylashtirish va boshqa yuqori unumli agrotexnik tadbirlarni o'z vaqtida qo'llash orqali eroziya va deflyasiyaga, sho'rланish, botqoqlanish va ifloslanishga qarshi yuqori samaraga erishish mumkin.

**3. O'rmon – meliorativ tadbirlar.** Bu guruhga tuproqlarni eroziya va deflyasiyadan himoyalovchi o'rmonzorlarni saqlab qolish va yangidan barpo etish, jarliklarning kengayishini oldini oluvchi daraxtzorlarni vujudga keltirish, shamolga qarshi ixotazorlar barpo etish, qumliklarni ko'chishdan saqlovchi va mustahkamlovchi o'simlik qoplamenti shakllantirish, suv havzalarini himoyalovchi daraxtzorlarni barpo etish va boshqa shu kabi tadbirlar kiradi. Tuproqlarni deflyasiyadan himoyalashda ixota daraxtlarning ahamiyati kattadir. Ularning shamoldan himoyalovchi ta'siri daraxt turi va balandligi, zichligi hamda tuproqning xususiyatlariga qarab 400 metrgacha yetishi mumkin. O'zbekiston sharoitida balandligi 6–8 metrga yetgan ixotazor 60–250 metrgacha masofadagi tuproqni shamoldan saqlay oladi.

Qumliklarni shamol ta'sirida ko'chishidan saqlashda fitomelioratsiya, ya'ni selen, shuvoq, yulg'un, qum qiyog'i va boshqa cho'l o'simliklardan tashkil topgan mustahkam o'simlik qoplamenti vujudga keltirish hamda saksovul, qandim, quyonsuyak kabi cho'l butalaridan o'rmonzorlar barpo etish yaxshi samara beradi.

**4. Gidrotexnik tadbirlar.** Bu qiyalik yerlarda suv tezligini tartibga soluvchi gidrotexnik qurilma va inshootlarni barpo etishga qaratilgan tadbirlar bo'lib, o'z ichiga suv oqimini yo'naltiruvchi dambalar, mustahkam qoplamenti sharsharalar, selxonalar, zinapoyasimon ariqlar qurish, sug'orish tarmoqlarini qattiq qoplamlar bilan qoplash, beton ariqlar, quvurlar, turli plastik shlanglardan foydalanish, nishabligi yuqori ( $>10^\circ$ ) bo'lgan qiyaliklarda ekinlar uchun terrasalar barpo etish kabi usullarni o'z ichiga oladi. Bu guruhdagagi chora-tadbirlar asosan suv eroziyasingning oldini olishda ko'proq qo'llaniladi.

Sho'rangan va botqoqlangan tuproqlarning meliorativ hola-tini yaxshilash uchun quyidagi tadbirlar amalga oshiriladi:

a) *gidrotexnik tadbirlar* – *maxsus qurilgan zovurlar yordamida yer osti suvlari sathini maqbul chuqurlikda boshqarish.* Zovurlar tuzilishi bo'yicha yotiq va tik tipda bo'lib, ularning chuqurligi, oralaridagi masofa tuproq qatlaming mexanik tarkibiga, hududning geologik, gidrogeologik sharoitlari va boshqalariga bog'liq bo'ladi. Yer osti suvlari sathini zovurlar yordamida boshqarish hisobiga tuproq qatlamidagi tuzlarning ildiz tarqalgan qatlamiga ko'tarilishi keskin kamayadi.

b) *agromeliorativ tadbirlar* – *kuzda yoki erta bahorda amalga oshiriladigan sho'r yuvish.* Sho'r yuvishdan oldin dalalar shudgor qilinadi, maydoni 0,02-0,03 ga teng bo'lgan pollarga ajratiladi va suv bostiriladi. Suv tuproq qatlamanidan shimilib o'tganda uning tarkibidagi tuzlarni yuvib pastki qatlamga olib tushadi va yer osti suvlari tarkibida zovurlarga yig'iladi va daladan tashqariga chiqarib tashlanadi. Agromeliorativ tadbirlarga tuproqqa meliorativ ishlov berish turlari ham kiradi. Meliorativ ishlov berishdan maqsad tuproq qatlaming g'ovakligini oshirishdan iborat. Bu tadbirlar maxsus pluglar, moslamalar, yumshatgichlar yordamida amalga oshiriladi. Mexanik tarkibi og'ir, sho'rланган, gipslashgan, taqir, "sho'x" qatlamlili tuproqlarda sho'r yuvish uchun berilgan suv juda ham sekin shimiladi, ildiz tarqalgan qatlamdagi tuzlarning yuvilish darajasi nihoyatda past bo'ladi. Natijada sho'r yuvish samadorligi past bo'ladi. Bunday dalalarga sho'r yuvishdan oldin meliorativ ishlov berilsa tuzlarning yuvilishi tezlashadi. Sho'rланган yoki sho'rланishga moyil bo'lgan (o'rtacha, kam sho'rланган) dalalarda o'simlik talabiga nisbatan 10-30 % ortiqcha suv berib sug'orish ham yaxshi natija beradi. Ortiqcha berilgan suv ildiz tarqalgan qatlamdan pastga shimilishi natijasida sug'orishlar orasidagi davrda yuqori qatlamga yig'ilgan tuzlar yuvilib ketadi.

Agromeliorativ tadbirlar qatoriga tuproqqa ishlov berish (kuzgi shudgor, ekishdan oldin tuproqqa ishlov berish, qator oralarini yumshatish), ekinlarni o'z vaqtida va kerakli me'yorda sug'orish ham kiradi. Ular o'z vaqtida va sifatli o'tkazilsa, pastki qatlamdan, yer osti suvlari tarkibida kapillyar bo'shliqlar orqali tuproq yuzasiga tuzlarning ko'tarilishi keskin kamayadi.

s) *biologik tadbirlar* – sho'rланган yoki sho'rланishga moyil bo'lgan dalalarda (o'rtacha va kam sho'rланган) 2-3

yl davomida ko‘p yillik o‘tlar (beda, sudan o‘ti va boshqalar) ekiladi. Dalaning ustki o‘simlik bilan qoplangan tuprog‘ida bug‘lanish keskin kamayadi va ustki qatlamda tuz yig‘ilmaydi. Undan tashqari, ko‘p yillik o‘tlar ildizi yaxshi rivojlanganligi sababli yer osti suvlarini iste’mol qilishi hisobiga ular tuproq sathiga nisbatan ko‘tarilmaydi, tuproqning sho‘rlanish darajasi susayadi. Sho‘rlangan yerlarda qizilmiya o‘simligi yetishtirilganda ham tuzlar tuproqning ustki qatlamida yig‘ilihi sezilarli darajada kamayadi.

Tuproqlarni ifloslanishdan himoyalash yerlarni muhofazalashga qaratilgan chora-tadbirlar orasida muhim o‘rinlardan birini egallaydi. Tuproqlarni mineral o‘g‘itlar ta’sirida ifloslanishini oldini olish uchun mineral o‘g‘itlarni tuproq iqlim sharoitlari va ekinning xususiyatlaridan kelib chiqib qo’llash zarur, ya’ni o‘g‘itning yillik miqdorini, bir martalik solish me’yonini hamda muddatini ilmiy asosda to‘g‘ri belgilash va unga amal qilish lozim.

### **Nazorat savollari:**

1. Litosfera qanday tuzilishga ega?
2. Planetamizning yer resurslari qanday taqsimlangan?
3. O‘zbekistonda yer resurslari qanday toifalarga bo‘linadi?
4. Tuproq deganda nima tushuniladi?
5. Tuproqlar biosfera va inson hayotida qanday ahamiyatega?
6. Tuproqlar degradatsiyasi deganda nima tushuniladi?
7. Tuproqlarning sho‘rlanishi va uning ekologik oqibatlarini tushuntiring.
8. Tuproqlarning yemirilishi deganda nima tushuniladi?
9. Tuproqlar ifloslanishining asosiy sabablarini ko‘rsating.
10. Tuproq unumdorligini tiklash yo‘llarini aytинг.

## XI-BOB. CHIQINDILARNI QAYTA ISHLASH VA ULARDAN FOYDALANISH

### 11.1. Chiqindisiz va kam chiqindili texnologiyalar haqida tushuncha

“Chiqindisiz texnologiya” atamasi birinchi marotaba akad. N.N.Semyonov va I.V.Petryanovlar tomonidan fanga kiritilgan edi. Ushbu atama bizda va xorijiy mamlakatlarda keng tarqalib ketdi. Lekin ba’zan “kam chiqindili va chiqindisiz texnologiyalar” atamasi o‘rnida “toza” yoki “birmuncha toza texnologiya” atamalari ham qo’llaniladi. Chunki “chiqindisiz texnologiya” atamasi shartlidir. Buni isbotlash uchun termodinamikaning I va II qonunlarini ko‘rib chiqamiz.

“Umumiy fizika” kursidan ma’lumki, yonilg‘i yonganda chiqadigan issiqlik miqdori  $dQ$  gazni (yoki tizimni) ichki energiyasini  $dU$  miqdorda oshiradi va porshenni dh masofada siljитib,  $dA$  miqdorda ish bajaradi. Demak,  $dQ$  kattalik  $dU$  va  $dA$  yig‘indisiga teng bo‘ladi:

$$dQ=dU+dA \quad (1)$$

Berilgan issiqlik miqdori hisobiga bajarilgan ish qancha katta bo‘lsa, bunday mashinaning samaradorligi shuncha yuqori bo‘ladi. Mana shu berilgan yoki sarf qilingan issiqlik miqdoridan qancha qismi ish bajarishiga sarf etilgani katta iqtisodiy ahamiyatga ega.

Termodinamikaning birinchi qonuni quyidagicha ta’riflanadi: tizimga berilgan issiqlik miqdori shu tizimning ichki energiyasini o‘zgarishi bilan tizimda bajarilgan ishning yig‘indisiga teng.

Agar silindr ichidagi gaz kengayib ish bajarsa  $dA=R(V_2 - V_1)$  bunda  $V_2 > V_1$  va  $V_1 - V_2 > 0$  bo‘ladi. Bu holatda  $dA > 0$ , ya’ni musbat ish bajariladi. Agar tashqi kuch tizim ustidan ish bajarsa, manfiy ish bajariladi va (1) ifoda quyidagicha yoziladi:

$$dQ=dU - dA \quad (2)$$

$$\text{bu yerdan } dU=dQ+dA \quad (3)$$

(3) ifoda quyidagicha ta’riflanadi: tizimning ichki energiyasini o‘zgarishi tizimdagi issiqlik miqdorini o‘zgarishi bilan tizimning tashqi kuchlarni yengish uchun bajargan ishini yig‘indisiga teng.

Agar  $dU=0$  bo‘lsa, unda (1) ifodadan hosil qilamiz:

$dQ=dA$  (4) ya'ni tizimga berilgan issiqlik miqdorining hammasi to'liq ishga aylanadi. Ammo muhandislik amaliyotida (real sharoitda) bunday bo'lmaydi. Lekin  $dU=0$  bo'lishi mumkin, agar jarayon izotermik bo'lsa, ya'ni  $T=\text{const}$  va  $dT=0$ . Izotermik jarayon bo'lishi uchun silindr ichidagi porshen nihoyatda kichik tezlik bilan harakat qilishi kerak. Agar porshen cheksiz kichik tezlik bilan harakat qilsa, unda silindr ichidagi gazning harorati tashqi muhitdagi haroratga teng bo'ladi va jarayon izotermik bo'ladi. Bunday cheksiz kichik tezlik bilan porsheni harakatlanib ishlaydigan dvigatelni yasab bo'lmaydi. Shuning uchun (4) ifoda (shart) bajarilmaydi, energiyaning bir qismi, albatta, ichki energiyani o'zgartirishiga sarf bo'ladi. Mana shu bois berilgan issiqlik miqdorini to'liq ishga aylantira oladigan mashinani yasab bo'lmaydi. Boshqacha qilib aytganda, energiya sarflanmasdan ishlaydigan mashinani yasab bo'lmaydi.

Energiya sarf qilmasdan ishlaydigan mashinalarga perpetium mobilning birinchi turi deb aytildi. Demak, termodinamikaning I qonuni, perpetium mobilni birinchi turini yasash mumkin emasligini isbotlaydi.

Termodinamikaning II qonuni quyidagicha ta'riflanadi: har qanday issiqlik jarayonlarida issiqlik miqdori harorati katta bo'lgan jismdan, o'z-o'zidan, harorati kichik bo'lgan jismga o'tadi. Boshqacha qilib aytganda, issiqlik miqdori kamroq isitilgan jismdan ko'proq isitilgan jismga, o'z-o'zidan o'tishi mumkin emas.

Davriy (uzluksiz) ishlaydigan mashinalarning foydali ish ko-effitsiyenti (FIK) quyidagi ifodalar yordamida aniqlanadi:

$$\eta = \frac{Q_1 - Q_2}{Q_1} \cdot 100\% \quad (5) \quad \eta = \frac{T_1 - T_2}{T_1} \cdot 100\% \quad (6)$$

bu yerda  $Q_1$  – isitgichdan olinadigan issiqlik miqdori (J);  
 $Q_2$  – tashqi muhitga beriladigan issiqlik miqdori (J);  
 $T_1$  – isitgichning harorati (K);  
 $T_2$  – sovtgichning harorati (K).

(6) ifodadan ma'lumki, agar sovutgichning harorati  $T_2 = 0$  bo'lsa,  $= 100\%$  ga tenglashadi. Lekin Nernst ko'rsatganidek, mutloq nol haroratni olish mumkin emas. Demak, real muhandislik amaliyotida hamma vaqt  $< 100\%$  bo'ladi. Shuning uchun FIK 100% ga teng bo'lgan mashinani yasab bo'lmaydi. Boshqacha qilib aytganda, isitgichdan Q<sub>i</sub> issiqlikni olib bu issiqlikni to'liq ishga aylantiruvchi mashinani yasash mumkin emas. Bu xulosa termodinamikaning II qonunini ifodalaydi. Faqat bitta issiqlik manbai bilan ishlaydigan mashinani yasab bo'lmaydi. FIK 100% ga teng bo'lgan mashinalarga perpetium mobilning ikkinchi turini yasash mumkin emasligini isbotlaydi.

Yuqoridagi qonunlarga asoslanib aytish mumkinki, "chiqindisiz texnologiya" atamasi shartli bo'lib, uning o'rnila "toza" yoki "ekologik toza texnologiya" atamalarini qo'llash maqsadga muvofiqdir. Chunki muhandislik amaliyotida 100% chiqindisiz texnologiyalarni amalda joriy etish katta mablag'ni talab qiladi: loyihalash ishlari, murakkab texnologik jarayonlar va zamonaviy asbob uskunalarni yaratishni taqozo etadi.

"Chiqindisiz texnologiya" inson ehtiyojlarini qondirish, bilim, usullar va vositalarni amalda tadbiq etish, tabiiy resurslardan va energiyadan unumli foydalanishni ta'minlash va atrof-muhitni muhofazalash qilishni bildiradi. "Chiqindisiz texnologiya" – bu mahsulotning shunday ishlab chiqarish usuliki, unda xom-ashyo – ishlab chiqarish – iste'mol qilish – ikkilamchi xom-ashyo resurslari siklida energiya va xom-ashyolardan unumli va kompleks ravishda qo'llaniladi va tabiiy muhitga yetkazilgan har qanday ta'sir uning meyorl holatidan chiqara olmaydi.

Ushbu ta'rifda 3 holatni ajratish mumkin:

1. Chiqindisiz ishlab chiqarish negizini inson tomonidan ongli ravishda tashkil etilgan va rostlangan texnogen moddalarning aylanib turishi tashkil etadi.

2. Xom-ashyo tarkibidagi barcha komponentlardan unumli foydalanish, iloji boricha energiya resurslari potensialidan to'la-roq foydalanishning majburiyligi.

3. Chiqindisiz texnologiya tabiiy muhitga ta'sir qilib uning meyorl ishlashiga ta'sir etmaslik.

Kam chiqindili texnologiya mahsulot ishlab chiqarishning shunday usuliki, unda tabiiy muhitga yetkazilgan zararli ta'sir ruxsat etilgan sanitar-gigiyenik me'yorlardan oshmaydi. Ishlab chiqarish korxonalarida texnik, tashkiliy va iqtisodiy sabablar tufayli xom-ashyoning ma'lum bir kichik qismi chiqindi bo'lib qolishi mumkin va ular ekologik xavfsiz joylarda saqlanadi yoki ko'miladi.

Shuni alohida ta'kidlash joizki, kam chiqindili ishlab chiqarishni tashkil etishning asosiy sharti – korxonada foydalanishga yaroqsiz chiqindilar va xususan, zaharli moddalarni zararsizlantirish tizimsining mavjudligidir. Chiqindilarning miqdori yoki atrof-muhitga yetkazadigan ta'siri ularning ruxsat etilgan chegaraviy konsentratsiyalaridan ortmasligi kerak.

Shuni ham yodda tutish kerakki, "chiqindisiz va kam chiqindili texnologiyalar" atamasi tabiiy resurslar, xom-ashyolarga kompleks (hamma tomonlama) ishlov berish, resurslardan unumli foydalanish, qo'shimcha (ikkinchi darajali) mahsulotlar, ishlab chiqarish chiqindilari, iste'mol ga yaroqsiz bo'lib qolgan chiqindilar, ikkilamchi materiallar resurslari, ikkilamchi energiya resurslari, iqtisodiy zarar kabi atamalar bilan uzviy bog'liqdir.

**Tabiiy resurslar** – bu quyosh energiyasi, yer bag'ridagi energiyalar, suv, yer, minerallar, hayvonot va o'simliklar resurslaridir.

**Mineral resurslar** – yer bag'ridagi geologik mineral xom-ashyo zaxiralarining majmuasi hisoblanadi.

**Xom-ashyolardan hamma tomonlama foydalanish** – xom-ashyo va ishlab chiqarish chiqindilari tarkibidagi foydali komponentlardan foydalanishni nazarda tutadi.

Xom-ashyo tarkibidagi qimmatbaho komponentlarni ajratib olish darajasi va ulardan oqilona foydalanish jamiyatning ularga bo'lgan ehtiyojiga va texnikaning taraqqiyotiga bog'liq. Xom-ashyolardan unumli foydalanish ishlab chiqarish samaradorligini oshiradi, mahsulot turlari va hajmini ko'payishini ta'minlaydi, mahsulot narxini pasaytiradi, xom-ashyo bazalarini yaratishga sarflanadigan mablag'larni kamaytiradi va ishlab chiqarish chiqindalari bilan atrof-muhit ifloslanishini oldini olishga imkon beradi.

Xom-ashyolarga fizik-kimyoviy ishlov berish paytida asosiy ishlab chiqarish mahsuloti bilan birga qo'shimcha mahsulotlar ham paydo bo'ladi. Masalan, neft ishlab chiqarishda qoldiq modda ma-zut hisoblanadi. Uning tarkibida vanadiy, nikel, magniy va kremniy kabi elementlardan tashqari 70-90 % oltingugurt mavjud. Ishlov berish paytida ularning paydo bo'lishi ishlab chiqarish jarayoni-ning asosiy maqsadi emas, lekin ularni tayyor mahsulot sifatida qo'llash mumkin. Hozirgi paytida mazut tarkibidan oltingugurt ajratib olish texnologik jarayonlari ishlab chiqilgan.

Shuni ham yodda tutish kerakki, agar qo'shimcha mahsulotlarni ajratib olish yoki ularga qayta ishlov berish iqtisodiy nuqtai nazardan maqsadga muvofiq deb topilmasa, unda bunday mahsulotlarni yonilg'i sifatida qo'llash mumkin.

**Ishlab chiqarish chiqindilari** – xom-ashyo qoldiqlari, materiallar va yarimmahsulotlar (polufabrikatlar), sifat ko'rsatgichlarini qisman yoki to'la yo'qotgan va davlat andozalariga mos kelmaydi-gan chiqindilardir. Ularga dastlabki ishlov berilib, undan keyin ishlab chiqarish sohasida qo'llash mumkin.

**Iste'molga yaroqsiz chiqindilar** – qo'llash muddatini o'tab bo'lgan materiallar, eskirgan buyumlar va ularning dastlabki xos-salarini qayta tiklash iqtisodiy nuqtai nazardan maqsadga muvofiq bo'lmagan chiqindilar hisoblanadi. Masalan, plastmassadan tay-yorlangan buyumlar, stol-stullar, quti va quvurlar va hokazo. Bun-day chiqindilar xom-ashyo sifatida ham, boshqa materiallar uchun qo'shimcha sifatida ham ishlatalishi mumkin.

**Ikkilamchi materiallar resurslari** – bu ishlab chiqarish chiqindilari va iste'mol ga yaroqsiz chiqindilarning majmuasi bo'lib, ularni mahsulot ishlab chiqarishda asosiy yoki yordamchi material sifatida qo'llash mumkin. Bundan tashqari, bu guruhg'a shartli ravishda qo'shimcha yoki aloqador mahsulotlarni ham qo'shish mumkin. Ular sanoat uchun materiallar resursining potensial re-zervlari hisoblanadi. Hozirgi paytada bunday resurslardan to'liq foydalanilmayapti.

**Ikkilamchi energetik resurslar** – texnologik jarayonlar nati-jasida qurilmalarda paydo bo'ladigan chiqindilar, qo'shimcha va oraliq mahsulotlarning energetik potensiali bo'lib, ulardan kor-

xonaning o'zida yoki qo'shni korxonalarini energiya bilan ta'minlashda qisman yoki to'liq qo'llash mumkin.

Ikkilamchi energetik resurslarni 3 guruhga bo'lish mumkin:

1. Yonilg'i ikkilamchi energetik resurslari.
2. Issiqlik ikkilamchi energetik resurslari.
3. Mexanik ikkilamchi energetik resurslari.

Yonilg'i ikkilamchi energetik resurslari guruhiga texnologik o'choqlardan chiqadigan tutunli gazlarning fizik issiqliklari, materiallar oqimining issiqliklari, issiqlik almashinuvi qurilmalaridan keyin sovutuvchi suvlarning issiqliklari va boshqalar kiradi.

Mexanik ikkilamchi energetik resurslari guruhiga texnologik jarayonlarda paydo bo'ladigan yoki qo'llaniladigan siqilgan gazlarning energiyasi kiradi.

## 11.2. Chiqindisiz texnologiyalarning asosiy prinsiplari

Ishlab chiqarish korxonasida chiqindisiz texnologiyalarni joriy etish uchun quyidagi 5 ta asosiy prinsiplarga amal qilish kerak:

1. Sistemalilik, ya'ni tabiiy, ijtimoiy va ishlab chiqarish jarayonlarning o'zaro aloqadorligi va bir-biriga bog'liqligini ta'minlash.

2. Xom-ashyo va energetik resurslardan hamma tomonlama foydalinish, ya'ni hududiy ishlab chiqarish kompleksi miqyosidagi korxonaning chiqindisini boshqa korxonalarda qo'llash imkonini yaratish.

3. Materiallar oqimining davriyligi, ya'ni yopiq suv va gaz ayلانма ta'minotini yaratish va ishlab chiqarishni tabiiy muhitga ta'sirini cheklash. Bu chuchuk suv, toza havo, hayvonot va o'simliklar dunyosini muhofaza qilishga katta yordam beradi.

4. Tabiiy muhitga ishlab chiqarish ta'sirini cheklash, ya'ni tabiiy muhitga yetkaziladigan ta'sir, uning sifat ko'rsatkichlariga ta'sir ko'rsatmasligini yoki tabiiy muhitning sifat ko'rsatkichlari o'zgarsa ham ruxsat etilgan chegaralardan oshmasligini ta'minlash.

5. Chiqindisiz ishlab chiqarishni tashkil etish samaradorligi, ya'ni energetik, texnologik, iqtisodiy, ijtimoiy va ekologik omillarni inobatga olish, tabiiy resurslardan hamma tomonlama foydalinish, ishlab chiqarish hajmlarini o'sishini ta'minlash va iqtisodiy zararlarni oldini olish.

Ma'lumki, ishlab chiqarish korxonalarida tozalash inshootlari va chiqindilar sexlari mavjud bo'lib, paydo bo'ladigan chiqindilar atrof-muhitdan izolyatsiya qilinadi (chetlashtiriladi yoki ko'mib tashlanadi). Shuni ham inobatga olish kerakki, filtrlar va boshqa tozalash qurilmalari yordamida ushlab qolingan tashlamalar chiqindilardan to'la-to'kis foydalanish muammosini yecholmaydi. Yuqori tozalash darajasiga yetish uchun katta mablag' sarflanadi. Bundan tashqari, tabiatni muhofaza qilish chora-tadbirlari uchun ajratiladigan mablag'larning ortishi ishlab chiqarish iqtisodiy ko'rsatkichlariga salbiy ta'sir ko'rsatishi mumkin. Shuning uchun xom-ashyolar va energiya sarfini kamaytirish va ulardan to'la-to'kis foydalanish uchun kam chiqindili texnologiyalarga o'tish katta iqtisodiy daromad garovidir.

Oxirgi yillarda jahonda xom-ashyo o'rnida chiqindilardan foydalanish katta tezlik bilan o'sib bormoqda. Masalan, Yaponiyada 96 % dan ko'proq ishlab chiqarish chiqindilari xom-ashyo o'rnida qayta qo'llaniladi. Ikkilamchi xom-ashyolarga qayta ishlov berish tajribalari Germaniya, Bolgariya va Polshada keng rivojlanib bormoqda. MDX da 85% domna pechi shlaklari, 25 % cho'yan va 50 % temir qotishmalari qayta ishlanadi.

Chiqindisiz ishlab chiqarishni yaratish uchun prinsipial yangi texnologiyalarni ishlab chiqish kerak bo'ladi. Bu esa, o'z navbatida, katta iqtisodiy mablag'larni ajratishni taqozo etadi. Chiqindisiz texnologiyada nafaqat ishlab chiqarish chiqindilari, balki iste'mol ga yaroqsiz bo'lib qolgan chiqindilarni tiklash kerak bo'laadi, ya'ni xom-ashyo resurslari — ishlab chiqarish — iste'mol qilish — ikkilamchi xom-ashyo resurslari siklini yaratishni taqozo etadi. Bunda dastlabki xom-ashyo bir necha marotaba qayta qo'llaniladi. Masalan, agar 1 tonna surtuvchi moylarning dastlabki xossalari tiklansa, bu 6 tonna neftni tejaydi. Bir tonna moyni qayta tiklashga sarflanadigan mablag' moy va neft ishlab chiqarishga sarflanadigan mablag'ning yarmini tashkil etadi. Qo'llanish muddatini o'tab bo'lgan, eskirgan avtomobil va traktor shinalarining 1mln tonnasidan qayta foydalanilganda 700 ming tonna rezinani, 130-150 ming tonna to'qimachilik tolalarini va 30-40 ming tonna po'latni tejash mumkin.

Ma'lumki, 1 tonna taxtadan 320-340 kg tola olinadi. Ammo mana shu 340 kg toladan 3500 m<sup>2</sup> gazlama yoki 140 ming dona g'altak ip tayyorlash mumkin. 580 kg chigitdan esa, 112 kg paxta yog'i, 270 kg kunjara, 170 kg sheluxa, 10 kg sovun va 8 kg lint olinadi. Agar paxtazorlarda to'kilib yotadigan 1 tonna paxtani terib topshirsalar, 3600 metr gazlamani, 260 kg kunjarani 180 kg sheluxani va 16 kg sovunni tejab qolgan bo'ladilar.

Kimyoviy usullar bilan 1m<sup>3</sup> yog'och qayta ishlansa, undan 200 kg sellyuloza (yozuv kog'ozi), 220 kg ovqatga ishlatiladigan glyukoza yoki 6000 m<sup>2</sup> tselofan (gidratsellyuloza), 5-6 l yog'och spirti, 20 l sirka kislotasi yoki 70 litr vino spirti, 4000 juft ipak paypoq yoki 180 juft kalish va 2 dona avtomobil shinasi olish mumkin.

1 m<sup>3</sup> terak yog'ochidan 1 mln donadan ziyodroq gugurt cho'pi yoki 300 kg karton olish mumkin.

Ma'lumotlarga qaraganda, 1999 yilda Namangan viloyati paxta tozalash korxonalarida jami 223 ming tonna tola qayta ishlanib, undan 2384 tonna paxta lenti (~10,7%) olingan. Viloyat miqyosida yiliga 2676 tonna siklon momig'i hosil bo'lar ekan. Xolbuki, ulardan qog'oz ishlab chiqarish mumkin.

"Boylik ushoqdan yig'ilar!" deydi dono xalqimiz. "Tejab sarflagan kambag'al bo'lmaydi!" deyiladi hadisda. Buyuk rus olimi D.I. Mendeleyevning obrazli ta'biri bilan aytganda, "Kimyoda chiqindilar yo'q balki foydalanilmagan xom-ashyo bor, xolos!"

Hozirgi kunda ko'pgina metallurgiya sanoati ishlab chiqarish korxonalari chiqindisiz texnologiyalarni amalga joriy etib, ma'danlarini kokssiz va domna o'chog'larisiz eritishning yangi usullaridan foydalanib kelmoqdalar. Ma'danlar tarkibidagi metallar tabiiy gaz yoki vodorod yordamida eritib olinmoqda. Natijada domna o'choqlaridan ajralib chiqadigan kul, koks va boshqa chiqindilar hosil bo'lmaydi, atmosfera havosiga chiqarib tashlanadigan zaharli gaz, chang, qurum va boshqa chiqindilar o'z-o'zidan yo'qoladi. Metallarni bu usul yordamida eritib olish korxonadagi chiqindilardan to'la-to'kis foydalanish imkonini beradi.

Rangli metallurgiya sanoati ishlab chiqarish korxonalarida nikel, volfram va boshqa rangli va nodir metallarni ishlab chiqarishda ham chiqindilar miqdori tobora kamayib bormoqda. Agar 80 yil ilgari

rangli metallurgiya sanoati ishlab chiqarish korxonalarida xom-as-hyolardan hammasi bo'lib 15 element ajratib olingan bo'lsa, hozirgi paytda 25 element (mis, rux, qo'rg'oshin, nikel, oltin, kumush, molibden, kobalt, kadmiy, selen, tellur, germaniy, reniy va ularning birikmalari oltingugurt, vismut, surma, bariy, temir va boshqa elementlar) ajratib olinmoqda.

Shuni alohida ta'kidlash kerakki, xom-ashyolarni zararli moddalaridan tozalash katta iqtisodiy va ekologik ahamiyatga ega. Masalan, gaz tarkibidan va ko'mirdan oltingugurtni ajratib olish jarayonlari ishlab chiqildi. Rangli, qimmatbaho, nodir, asl va ko'p tarqalgan metallarni ishlab chiqarish metallurgik jarayonlarida oltingugurt muhim o'rinni tutadi. Mis, nikel, kobalt, rux va boshqa qimmatbaho metallarni ajratib olishda, tabiiy gaz va neftni qayta ishslash paytida oltingugurt ajralib chiqadi. 1 tonna oltingugurtdan qariyb 3 tonna sulfat kislota, oltingugurt qo'sh oksidi ( $\text{SO}_3$ ) va boshqa mahsulotlar ishlab chiqariladi. Olin-gugurt mineral o'g'itlar, qog'oz,  $\text{SO}_2$ , rezina, kir yuvish kukunlari, qurilish materiallari ishlab chiqarishda keng qo'llaniladi. Ammo uning tarkibida margimush, tellur, selen kabi elementlar ham mavjud. Bu esa, ba'zi sohalarda oltingugurtdan keng qo'llash imkoniyatlarini cheklab qo'yadi. Masalan, oltingugurt tarkibida 0,6% margimush mavjud. Bu esa, uning ruxsat etilgan chegaraviy konsentratsiyasidan 10 marotaba ortiqdir. Oltingugurt tarkibidagi tellur va selen yuzdan bir % ni tashkil etishi ham maqsadga muvofiq emas. Chunki oltingugurt tarkibidagi selen, kir yuvish kukunlari ishlab chiqarishda va xususan qog'ozni oqartirish uchun qo'llash imkoniyatini berolmaydi. Selen esa, o'z navbatida, qog'oz va gazlamalarga sariq rang bag'ishlaydi, bu hamma vaqt ham maqsadga muvofiq bo'la olmaydi.

Kimyo sanoatida va xususan, azotli mineral o'g'itlar ishlab chiqarish korxonalarida ham xom-ashyolar to'la-to'kis, chiqindisiz ishlatilmoqda. Sintetik kauchuk, rezina va plastmassa ishlab chiqarish korxonalarida paydo bo'ladigan suyuq va qattiq chiqindilardan spirt, stirol va sulfat kislota olishda foydalanilmoqda.

Umuman olganda, hozirgi paytda chiqindilar ajratmaydigan ishlab chiqarish korxonalarining soni juda kam. Ko'pgina mahsulotlar sifatsiz, davlat andozalariga mos kelmasligi tufayli chiqindi sifatida chiqarilib tashlanadi va ular atrof-muhitni ifloslan-

tiruvchi manbalariga aylanib qolishi mumkin. Sanoat korxonalaridagi texnologik jarayonlarni takomillashtirish yo'li bilan chiqindisiz va kam chiqindili texnologik jarayonlarni amalga tadbiq qilish mumkin. Olmaliq, Bekobod, Navoiy va Toshkent shaharlari singari sanoati nisbatan rivojlangan va korxonalar zinch joylashgan hududlarda chiqindisiz va kam chiqindili ishlab chiqarish texnologik jarayonlarga o'tish katta iqtisodiy va ekologik ahamiyat kasb etadi. Bunday mintaqalarda zaharli moddalarni kam zaharli moddalarga aylantirish yoki umuman zararsizlantirish muammmosi dolzarbligicha qolmoqda. Masalan, qozonlarni ko'mir yoki mazut yoqib emas, balki chiqindi gazlar bilan qizdirilsa atmosfera havosiga chiqarib tashlanadigan zararli moddalar 70-90% ga kamayadi. Avtomobilлarda zaharli benzin yoki kerosin emas, balki gaz ishlatilsa, atrof-muhit ozorlanishi ma'lum darajada pasayardi.

### **11.3. Qattiq chiqindilar manbai va turlari**

Kimyo sanoati korxonalaridagi qattiq chiqindilar fizikaviy va kimyoviy xossalari va atrof-muhitga ta'siri yuzasidan nihoyatda xilmoxildir. Bu chiqindilar faol moddalardan tarkib toptan bo'lib, tuproqda, yer osti va yer usti suvlarida, hamda atmosfera havosiga qo'shilib ularni ifoslantiradi va ko'ngilsiz hodisalami keltirib chiqaradi.

Kimyo sanoatida qattiq chiqindilarining quyidagi 3 manbali ma'lum:

1. Xom-ashyolarning qoldiqlari, yarim mahsulotlar, material va buyumlar, xom-ashyolarga fizikaviy va kimyoviy ishlov berish paytida paydo bo'ladigan mahsulotlar, shuningdek qazib olish va foydali qazilmalarni boyitish paytida paydo bo'ladigan chiqindilar.

2. Tabiiy va oqava suvlar tarkibida va iflos gazlarni tozalashda ushlab qolinadigan moddalar.

3. Uy-ro'zg'or chiqindilari

Birinchi guruhdagagi chiqindilar ishlab chiqarish jarayonida hosil bo'ladi. Material yoki mahsulot fizikaviy va kimyoviy xossalarni to'la yoki qisman yo'qotgan bo'ladi. Ma'danlarlarga ishlov berish jarayonida (masalan, apatito – nefelin ma'danlari,

kaliyli, sulfatli, fosfatli va boshqa ma'danlarga ishlov berishda) hammasi bo'lib 30-40% mahsulot olinadi, xolos. Materialning qolgan qismi chuqurliklar, xandaklar va kukun yig'gichlarda shlak va quyqum shaklida qolib ketadi.

Ikkinci guruhdagi chiqindilar, asosan, gazlarni mexanik usulda tozalash paytida chang ushlagich qurilmalarida paydo bo'ladi. Bu chiqindilarning miqdori nisbatan kamroq bo'lib, ular ishlab chiqarish jarayoniga qaytariladi. Filtrlarda yopishib qolgan changlar filtrga profilaktik xizmat ko'rsatish paytida filtrlovchi material bilan birga chiqarib tashlanadi.

Ma'lumki, oqava suvlarni mexanik usulda tozalash paytida cho'kma va loyqalar paydo bo'ladi. Ular mineral va organik moddalarning suvli suspenziyalaridan tashkil topgan bo'ladi. Cho'kmalarning oqava suvlaridagi konsentratsiyalari 20-100 g/l gacha bo'lishi mumkin, ularning hajmi esa, sanoat va uy-ro'zg'or oqava suvlarni birgalikda tozalash stansiyalarida 0,5 % dan 5 % gacha, mahalliy tozalash inshootlarda esa 10 % dan 30 % gacha bo'ladi. Cho'kmalarning tarkibi hamda fizikaviy va kimyoviy xossalari har xil bo'lishi mumkin. Shuning uchun ularni uch guruhga bo'lish mumkin:

1. Mineral cho'kmalar.
2. Organik cho'kmalar.
3. Ortiqcha faol loyqalar.

Ma'lumki, aeratsiya stansiyalarida oqava suvlarni biologik usulda tozalash paytida panjaralardan va birinchi tindirgichdan nam (xom) cho'kmalar olinadi, ikkinchi tindirgichdan esa faol loyqa olinadi. Bu cho'kmalar tarkibi va fizikaviy hamda kimyoviy xossalari jihatidan biri ikkinchisidan farq qiladi. Nam (xom) cho'kma – bu 6-7 xil moddalardan tarkib topgan suvli suspenziya bo'lib, 75% ni organik moddalar tashkil etadi. Faol loyqa esa 99% namlikdan va 1m<sup>3</sup> suvda 160 g biomassadan iboratdir.

Oqava suvlarni tozalash paytida hosil bo'lgan cho'kmalarni zararsizlantirish maqsadida ularni maxsus o'choqlarda kuydirib kukunga aylantiriladi. Ko'pgina holatlarda ushbu chiqindilardan organomineral o'g'itlar olinadi va qishloq xo'jaligida ishlatiladi.

Uchinchi guruhdagi chiqindilarga ishlatish muhlatini o'tab bo'lgan, eskirgan, qo'llashga yaroqsiz holatga kelib qolgan plast-

massalar, rezinalar va ulardan tayyorlangan plyonkalar, tolalar, uy-ro'zg'or buyumlari, metallar va ularning qotishmalari va boshqa shunga o'xhash materiallar kiradi. Ularni qayta ishlab turli xil mahsulotlar olish mumkin.

Ushbu muammoning ekologik va iqtisodiy tomonlarini inobatga olib, unga batafsilroq to'xtalib o'tamiz.

Hozirgi paytda yer aholisi, ishlab chiqarish mahsulotlari va sanoat chiqindilari eksponensial qonun yuzasidan ko'payib bormoqda. Inson faoliyati bilan bog'liq atrof-muhitni iflosantiruvchi chiqindilar Yer aholisinint o'sishiga nisbatan tezroq ko'payib bormoqda. Masalan, yiliga Yaponiya 75 mln t., Rossiya 70 mln t. va AQSh 210 mln t. chiqindilarni chiqarib tashlamoqda. Jahon bo'yicha uy-ro'zg'or chiqindilarining miqdori qariyb 3% ni, ba'zi bir mamlakatlarda esa bu raqam 10% ni tashkil etmoqda. Axlatxonalarda yig'ilayotgan chiqindilarning 10% ni qog'oz va karton, 3% ni esa shisha chiqindilari tashkil etmoqda. Moskvada yiliga Z mln t. qattiq chiqindilar to'planib, ularning 80% ni uy-ro'zg'or chiqindilari tashkil etadi. Demak, har bir moskvalik fuqaroga yiliga 270 kg uy-ro'zg'or axlatlari to'g'ri keladi. Moskvadan kuniga qariyb 8500 t. axlat chiqariladi, bu esa Nyu-Yorkka nisbatan 3 marotaba kamroqdir.

Uchinchchi guruhdagi chiqindilar qatoriga eskirgan, ishlatish muhlatlari o'tab bo'lgan, qo'llashga yaroqsiz holatga kelib qolgan avtovositalari va shunga o'xhash qurilmalar hamda asbob-uskunalar ham kiradi. Hozirgi paytda rivojlangan mamlakatlarda 286 va 386 tamg'ali kompyuterlarni qayta tiklash o'rninga, ularni rivojlanayotgan mamlakatlarga sotib, katta foyda ko'rmoqdalar. Chunki ularni qayta tiklash yoki ishlov berish jarayoni katta energiya va mablag'ni talab etadi.

Uy-ro'zg'or chiqindilari guruhiga karton, qog'oz, o'rash qog'ozlari, qishloq xo'jalik chiqindilari, kommunal va oziq-ovqat chiqindilari kiradi. Shaharlardan chiqariladigan qattiq chiqindilarining asosiy qismi (37%) ni qog'oz va karton tashkil etmoqda. Hozirgi paytda shunday bir noto'g'ri g'oya mavjudki, go'yo "qog'oz mahsulotlari tez parchalanadigan mahsulot" ekan. Qog'ozning parchalanishini tezlashtiradigan omillardan biri – bu suvdir. Ammo amalda axlatxonalarda suv quyilmaydi, chunki suv metan ( $\text{CH}_4$ )

gazini hosil bo‘lishiga sabab bo‘ladi. Qog‘oz esa yillar davomida axlatxonalarida chirib yotadi.

Miqdor jihatidan ikkinchi o‘rinda oshxona chiqindilari turadi.

Qattiq uy-ro‘zg‘or chiqindilarining 5% ni sun‘iy va sintetik materiallar (polietilen, polipropilen, polivinilxlorid, organik shisha va ulardan tayyorlangan plynokalar, tolalar, o‘rash plynokalari va boshqa buyumlar) tashkil etadi. Plastiklarning ko‘pgina turlari resirkulyatsiya qilinmaydi va mikroorganizmlar ta’sirida parchalanmaydi.

Uy-ro‘zg‘or chiqindilarining 3% ni metallar va shisha mahsulotlari tashkil etadi. Yog‘och parchalari, suyak va toshlar 1-2% ni tashkil etadi, ammo sintetik mato va gazlamalar 5% ni tashkil etadi.

Bundan tashqari, xom-ashyoni qazib olishda hosil bo‘ladigan chiqindi alohida guruhni tashkil etsa, ishlatish muhlatlari o‘tab bo‘lgan yadroviy yoqilg‘ilar chiqindisi alohida guruhni tashkil etadi. Ma’lumki, elektr-energiyasini ishlab chiqarish uchun xom-ashyolar (gaz, neft, ko‘mir va b.) ni qazib olish va ularni qayta ishlashdan chiqindilar paydo bo‘ladi. Ularning tarkibida radioaktiv va zaharli chiqindilar bo‘lishi tabiiy. Ular esa inson sog‘ligi va atrof-muhit uchun nihoyatda xavfli hisoblanadi.

Shuni ham alohida ta’kidlash joizki, oxirgi 5-10 yil ichida ilmiy jurnallarda axlatlarning yangi bir turi – kosmik axlatlar haqida fikrlar aytilmoqda. Darhaqiqat, fazoga chiqqan astronavtlar u yoki bu materialni bexosdan qo‘ldan tushirib yuborishlari mumkin. Bu materiallar (ombir, qo‘lqop, o‘tkazgichlar, bolt, gayka, shurup va b.) katta tezlik bilan uchayotgan kosmik stansiyaga urilib, kosmik kemani halokatga uchratishi mumkin. Shuning uchun yaqinda Xalqaro kosmik stansiyasi o‘z orbitasidan boshqa orbitaga ko‘chirildi. Jahon miqyosida bunday falokatlar 4 marotaba kuzatilgan. Bundan tashqari, oxirgi yillarda nafaqat fazo, balki okeanlar ham “Xalqaro axlatxona” ga aylantirildi. Masalan, yaqinda og‘irligi 150 tonna bo‘lgan “Mir” kosmik stansiyasi ishlash muhlatini o‘tab bo‘lgandan keyin Tinch okeanida cho‘ktirildi. Ma’lumotlarga qaraganda, yer orbitasidagi barcha chiqindilarning 95% ni ishdan chiqqan sun‘iy yo‘ldoshlar, astronavtlarning qo‘lqoplari va shunga

o‘xshagan axlatlar tashkil etmoqda. “Kosmik axlatlar” ning 75% Rossiya ulushiga to‘g’ri keladi. Bunday axlatlar nafaqat yer aholisi uchun, balki fazoda ishlayotgan barcha kosmik kemalar, sun’iy yo‘ldoshlar hamda shatllar uchun ham katta xavf tug‘diradi.

Taniqli olim va fantast — yozuvchi Artur Klark so‘zлari bilan aytganda “qattiq chiqindilar — bu shunday xom-ashyoki, biz nuqul nodonligimiz tufayli ishlatmaymiz!”.

Sanoat korxonalaridan chiqadigan chiqindilar va axlatlarning zararsizlantirish eng katta ekologik muammo bo‘lib qolmoqda. Ularni zararsizlantirishning yagona, ammo uncha samarali bo‘lmagan usullaridan biri — ularni ko‘mib tashlash hisoblanadi. Bu usul nihoyatda eski va keng tarqalgan bo‘lib, dunyo mamlakatlari aynan mana shu usuldan foydalanib kelmoqdalar. Masalan, Buyuk Britaniyada 90%, AQSh da 84%, Yaponiya da esa 57% axlatlar axlatxonalarda samarasiz chirib yotadi. Umuman olganda jahon miqyosida chiqindilarning o‘rtacha 74% axlatxonalarda chiriydi.

Ideal axlatxona — bu murakkab muhandislik inshootlari ning majmuasi bo‘lib, uning tubi polietilen bilan qoplanadi. Axlatlarning har bir qavati bosim ostida zichlantiriladi, uning ustida 1 qavat tuproq, keyin loy yotqizilib, yana pylonka bilan usti yopiladi. Axlatxonaning tagidan oqib keladigan suyuqliklarni yig‘ib olib, qayta ishlab chiqarishga yuboriladi. Axlatxona maydoni axlatlar bilan to‘lganda uni tuproq bilan yopib, loy yotqiziladi va unda o‘simliklar o‘stiriladi. Hatto AQSh va Angliyada bunday joylarda golf o‘ynaydigan maydonchalar yaratilgan. Faqat Moskva shahrining o‘zida 90 ta umuman jihozlanmagan axlatxonalar mavjud bo‘lib, ularning umumiy maydoni 300 gektarni tashkil etadi.

Sanoat korxonalaridan chiqadigan chiqindilar va axlatlarning zararsizlantirishning ikkinchi usuli — ularni kuydirish hisoblanadi. Hozirgi paytda Fransiyada 35% va Yaponiyada 40% axlatlar kuydiriladi.

Shuni alohida ta’kidlash kerakki, axlatlarni kuydirish usulining ikkita afzalligi mavjud: birinchidan, kuydirilganda axlatlarning hajmi 2-10 marotabagacha kichiklashadi; ikkinchidan, axlatlarni kuydirish paytida ajralib chiqqan issiqlikdan foydalanish

mumkin. Ammo bu usulning kamchiligi shundan iboratki, kuydirishdan keyin paydo bo'lgan kukun tarkibida zaharli moddalar ham bo'ladi. Xususan sintetik materialarni kuydirish paytida kuchli mutagenlar va kanserogenlar hisoblangan dioksinlar va kuchli zaharli moddalar ajralib chiqadi. Mutaxassislarning ma'lumotlari qaraganda, 6-10 g dioksin insoning halokatga uchratish qobiliyatiga ega.

Yuqorida bayon etilgan har ikkala usul (axlatlarni ko'mish va kuydirish yo'li bilan zararsizlantirish), 80-yillarda AQSh da sinab ko'rildi. Ma'lum bo'lishicha, axlat yondiruvchi zavodni qurish uchun alohida maydonni topish, axlatxona maydonini topishdan oson emas ekan. Bundan tashqari, axlatlarning yondirish tannarxi ularning ko'mishga sarflanadigan xarajatlardan kam emas.

Shuni alohida ta'kidlash kerakki, oxirgi yillarda uy-ro'zg'or axlatlarini zararsizlantirish va ulardan unumli foydalanish maqsadida nisbatan yangi va samarali hisoblangan biotexnologik ishlab chiqarish usuli qo'llanilmoqda. Lekin ushbu usul nihoyatda kam tarqalgandir. Chunki axlatlarga ishlov berishdan oldin, ularni navlarga ajratish lozim bo'ladi. Bu esa katta mablag'ni talab qiladi.

Biotexnologiyaning mohiyati shundan iboratki, chiqindilar mikroorganizmlar ta'sirida parchalanadi. Natijada hosil bo'lgan kompost yengil o'g'it sifatida qo'llaniladi. Ammo uning tarkibida tuproqni ifloslantiruvchi qalay va mis mavjud. Bu usul katta mablag'ni talab qiladi.

Shuni alohida ta'kidlash joizki, chiqindilarga ikinchi marotaba ishlov berish va ulardan samarali foydalanish – "yashillar" ning eng xush ko'radigan ishlaridir, chunki chiqindilardan yoqilg'i yoki dastlabki xom-ashyo sifatida qo'llash mumkin. Masalan, plastmassa idishlardan qayta qo'llash natijasida organik xom-ashyo hisoblanadigan polimer mahsulotini tejash mumkin, elektr energiyasi kam sarf bo'ladi, demak bunday "chiqindilar" dan katta iqtisodiy foyda ko'rish mumkin. Ma'lumotlarga qaraganda, 1 mln t. qog'oz chiqindilari (makalaturasi) 60 hektar daraxtzorlarni kesishdan saqlaydi, ishlatilgan plastmassa esa panjara yoki devor yasashda nihoyatda kerakli xom-ashyo bo'ladi. Hozirgi vaqtida Yaponiyada

faqat ikkilamchi xom ashyo hisobiga 65% davriy matbuot (ro'znama va oynomalar) nashr qilinyapti.

Ko'pgina rivojlangan mamlakatlarda chiqindilar va axlatlar bilan shug'ullanish ularning iqtisodiyotini yangi tarmog'iga aylanib qoldi. Chunki, birinchidan, chiqindilardan ikkinchi marotaba qo'llash natijasida xom-ashyo tejaladi, ikkinchidan, katta iqtisodiy foyda ko'rish mumkin. Shuning uchun chiqindilardan qayta foydalanish bozori nihoyatda kengayib, hatto xususiy transmilliy kompaniyalarni o'ziga jalg etmoqda. Bu kompaniyalar yirik aholi punktlaridan uzoqqa joylashgan bo'sh va arzon joylarga yirik zavodlarni qurib, chiqindilarga ishlov berib, yangi mahsulotlar ishlab chiqarayaptilar va katta iqtisodiy daromadga ega bo'layaptilar. Faqat Germaniyada yiliga 40 mlrd dollar chiqindilar hisobiga daromad qilinadi. Mahsulotlarni o'rash sanoatida tovar ayirboshlash yiliga 48 mlrd nemis markasini tashkil etadi. Bir marotaba ishlatiladigan mahsulotlarning bozori kun sayin kengayib bormoqda. Bir tonna chiqindilarni yondirib 5 ming m<sup>3</sup> dan ko'proq gazsimon chiqindilar hosil bo'ladi. Ularning tarkibida zaharli moddalar (masalan, dioksinlar) nihoyatda ko'p bo'ladi. Germaniya sanoatida yiliga 15 mln t. xavfiflik darajasi yuqori bo'lgan zaharli chiqindilar (lok quykumlari, kimyoviy moddalar, bo'yoq chiqindilari, changlar, erituvchi moddalar, filtrlardan chiqadigan chiqindilar va boshqalar ) paydo bo'ladi.

Mutaxassislarning hisob-kitoblariga qaraganda, yiliga yer aholisining odam boshiga 1 tonna ishlab chiqarish va uy-ro'zg'or chiqindilari to'g'ri keladi. Toshkent viloyatida esa bu ko'rsatkich 2 barobar ko'pdir. Hozirgi paytda faqat Olmaliq kimyo zavodida 60 mln tonnadan ko'proq chiqindilar yig'ilib qolgan. Ulardan qayta ishlashga hammasi bo'lib 1% sarflanadi, xolos.

Respublikamiz ishlab chiqarish korxonalarida fosfogipsdan toza gips olish uchun yangi texnologiyalar joriy etildi. Angrendagi "Uzkartontara" XJ da qog'oz chiqindilari (makalatura), bug'doy poxoli, sholi poxoli, g'o'za poyasi qayta ishlanib, ulardan qog'oz, karton, yog'och – qirindi plitalari ishlab chiqarmoqda.

Yangiyo'ldagi "Mehnat" korxonasi axlatlar va chiqindilarni navlarga ajratib, ularga ishlov berishga kirishdi. Hozirgi paytda ushbu korxona plastmassa chiqindilaridan tugma, cutti va boshqa mahsulotlar ishlab chiqarmoqda.

Shuni ham alohida ta'kidlash joizki, respublikamiz miqyosidagi yagona uy-ro'zg'or chiqindilariga ishlov berish zavodi loyi-hadagi kamchiliklarni tuzatilmaganligi tufayli to'la quvvat bilan ishlamayapti.

Ma'lumki, Asaka avtomobil zavodining yillik ishlab chiqariladigan avtomobillari miqdori 200 ming donani tashkil etadi. Zavodning asosiy ishlab chiqarish ob'ektlari – instrumental sexi, presslash sexi, payvanlash sexi, yig'ish sexi va bo'yash sexi hisoblanadi. Zaharli chiqindilarning asosiy miqdori bo'yash sexida va zavoddagi har ikkala qozonxonalarda paydo bo'ladi. Bo'yash sexidagi quritish o'choqlarida yong'inni avtomatik boshqarish tizimlari mavjud bo'lib, ular yoqilg'i sarfini va chiqindilar miqdorini kamaytirish imkonini beradi. Zavod korxonalarida toluol va bo'yoq zarrachalarini yondirib yuborish qurilmalari mavjud bo'lib, ularda quruq siklonlar va Venturi skrubberlari o'rnatilgan.

Payvandlash sexida elektrokontakt payvandlash usuli keng qo'llaniladi va bu usul zaharli chiqindilarning miqdorini kamaytirish imkonini beradi. Qozonxonalarda esa azot achimalarini o'chog'larda o'chirish usuli bilan zaharli chiqindilarning miqdori minimumga yetkaziladi.

Qaytarma suv ta'minoti tizimsini qo'llash natijasida "Uzavto" korxonalarida sutkasida 2,6 ming m<sup>3</sup> suv tejab qolimmoqda.

Asaka avtomobil zavodidagi sanoat chiqindilari quyidagi 4 guruhga bo'linadi:

1. Foydalanishga qayta tiklanadigan qattiq materiallar. Bu guruhga metall chiqindilari, arralangan yog'och va karton mahsulotlari, polietilen plenkalar va boshqalar kiradi.

2. Foydalanishga qayta tiklanmaydigan qattiq materiallar. Ular poligonlarda ko'miladi.

3. Foydalanishga qayta tiklanadigan suyuqliklar. Ular filtrlandi, tozalab qayta ishlov beriladi.

4. Foydalanishga qayta tiklanadigan gazlar.

Ular zararsizlantiriladi va tozalanadi.

Hozirgi paytda avtozavod chiqindilarini zararsizlantirish va ko'mib tashlash maqsadida Niyoziy Botir posyolkasida poligonlar qurilgan.

## **11.4. Chorvachilik va parrandachilik komplekslari chiqindilarini qayta ishlashning ekologik ilmiy asoslari**

Ma'lumki, respublikamizning umumiy maydoni 448,9 ming km<sup>2</sup> bo'lib, shundan qishloq xo'jaligi maqsadlari uchun foydalaniладиган yerlar 269,2 ming km<sup>2</sup> va sug'ориладиган yerlar 43 ming km<sup>2</sup> ni tashkil etadi.

Eng muhim qishloq xo'jalik mahsulotlarini 2010 yilda ishlab chiqarish ko'rsatgichlari quyidagi jadvalga keltirilgan (11.1-jadval).

Hozirgi paytda respublikaning yirik chorvachilik komplekslariда yiliga 19 mln m<sup>3</sup> suyuq go'ng yig'ilib qolmoqda. Faqt Buxoro viloyatida 5,7 mln m<sup>3</sup> suyuq go'ng chiqindi sifatida to'planib qol-yapti.

Ma'lumki, chorvachilik va parrandachilik komplekslarida yig'ilib qolgan go'ng va chiqindilarni xandaklarga 1,5-2 yil davomida saqlab, so'ngra mineral o'g'it sifatida ishlatiladi. Ammo ushbu muddat davomida chiqindilar tarkibidagi kerakli ovqatbop komponentlarining 60%, azotni 50% va fosforning 40% samarasiz nobud bo'ladi. Bundan tashqari, go'ng tarkibidagi begona o'simliklar urug'i yo'qolmaydi. Natijada g'o'zani yoki sabzavot va poliz ekinzorlarini o'toq qilish kerak bo'ladi. Mo'l-ko'l hosil yetishtirish maqsadida har gektar yerga kamiga 140 kg azot, 120 kg kaliy va 30 kg fosforli o'g'itlar sepiladi. Natijada har gektar yerdan mo'l-ko'l hosil olishga sarflangan xaratjatlar qariyib 3-4 mln. so'mni tashkil etayapti.

**11.1-jadval. Qishloq xo'jalik mahsulotlarini ishlab chiqarish ko'rsatkichlari**

Mahsulot turlari	1990	1995	1997	2000	2005	2010
Paxta, ming tonna	5058	3934,2	3641	4000	4000	4000
Bug'doy, ming tonna	553,5	2346,9	3073	4800	5400	6000
Kartoshka, ming tonna	336,4	440	691,9	750	950	1000
Sabzavotlar, ming tonna	2842,5	2724,2	2384,2	2720	3200	3500
Poliz mahsulotlari, ming tonna	1000	472	376,2	550	770	850
Mevalar, ming tonna	660,4	602,3	547,7	550	850	950
Uzum, ming tonna	744,7	621	511,5	500	850	950
Chorva va parranda (tirik vaznda), ming tonna	789,1	853	800,7	845	875	930
Sut, ming tonna	3034,2	3665,4	3406,1	3710	4155	4680
Tuxum, ming tonna	2452,9	1231,8	1075,4	1390	1640	2030
Mineral o'g'itlar, ming tonna	1762	943	955	1000	1556	1892

Go'ng tarkibida kasallik tarqatuvchi mikroorganizmlar, viruslar, oddiy xujayrali jonivorlar, gjija tuxumlari, bakteriya va gelmintlar mavjud. Go'ngni handaklarga 1,5-2 yil saqlash paytidagi ham ushbu mikroorganizm va bakteriyalar o'z hayotini saqlaydi. Bunday chiqindilar va go'nglar bilan oziqlantirilgan maydonlardan olingan ozuqalar va ular bilan parvarishlangan chorvalar infektion va invazion kasalliklarga uchrashishi mumkin. Bundan tashqari, gelmintlar urug'i shamolning tezligi 3-4 m/s ga yetganda 400-600 metrgacha ko'chishi mumkin. Bunda nafaqat hayvonot, balki ferma yoki kompleks atrofida yashovchi aholi cassallik qo'zgatuvchi mikroblar va bakteriyalar bilan zararlanishi mumkin.

Ferma atrofidagi atmosfera havosi mikroorganizmlar, ammiak, chang, va organik moddalarning parchalanishi jarayonida hosil bo'lgan gaz va islar bilan ifloslanadi. Chiqindilarning parchalanishi

paytida metonal, butanol, izobutanol, shaklldegid, merkaptan va boshqa organik birikmalar paydo bo‘ladi. Anaerob jarayonida parchalanayotgan organik moddalar o‘zlaridan juda sassiq gazlar: ammiak, serovodorod, merkaptan moddalari bilan tashqi atmosfera havosini ifloslantiradi. Fermadan 1 km uzoq masofada ammiakinning konsentratsiyasi  $0,5 \text{ mg/m}^3$  ga teng bo‘lib, 2-2,5 km ga uzoqlashgan sari uning konsentratsiyasi pasayib  $0,44 \text{ mg/m}^3$  ni tashkil etadi. Ferma yoki kompleks miqyosida organik moddalarning atmosfera havosidagi konsentratsiyasi  $22,4 \text{ mg/m}^3$  ni tashkil etadi. Organoleptik hidrlarni kompleks yoki fermadan uzoq masofalarda ham bemalol sezish mumkin.

Tabiiy ifloslangan suvlar tarkibida biogen moddalar mavjud bo‘ladi. Suvda azot mineral va organik moddalar ( $\text{NH}_3$ ,  $\text{NO}_2$ ,  $\text{NO}_3$ ) tarkibida bo‘ladi. Amoniyli azot yoz paytida ko‘proq bo‘ladi, qish paytida esa sizot suvlari bilan aralashganda nitrat ionlari ko‘payib ketadi.

Quyidagi 11.2-jadvalga Buxoro mintaqasidagi suv manbalari ning tahlil natijalari keltirilgan.

### 11.2-jadval. Suv manbalarining tahlil natijalari

Suv manbalari	Suvlarning fizik-kimyoviy tarkibi, %		
	$\text{NH}_3$	$\text{NO}_2$	$\text{NO}_3$
Vodorod suvi	-	yo‘q/1,2	yo‘q/1,5
Ariq suvi	yo‘q/0,5	yo‘q/1,6	2,0/3,3
Zovur suvi	0,5/1,4	0,3/4,8	1,2/5,2

Izoh: Suratda yoz paytida, maxrajda esa qish paytida suv tarkibidagi moddalar miqdori kursatilgan.

Chorvachilik va parrandachilik komplekslaridagi oqova suvlarни zovurlarga oqizilishi suvning sanitar holatini keskin yomonlashtiradi. Natijada zovur suvlarining hidi yomonlashadi, suvning kislородга bo‘lgan ehtiyoji esa  $70-80 \text{ mg/l}$  gacha yetadi. Bunday zovurlarda baliqlar bo‘lmasligining boisi ham shundadir.

Yer osti suvlari 1,5 metrdan 15 km gacha bo'lgan chuqurliklarda joylashgan bo'lib, ular bosimsiz va bosimli bo'ladi. Yer ostidagi bosimli suvlarni artezian suvlari deb ataladi. XII asrda Fransiyaning Art viloyati aholisi yer ostida joylashgan chuqur yer qatlamlari oralig'idagi suvlardan foydalangan va bunday suvlar hozirgacha fanda mazkur viloyat nomi bilan chuqur artezian suvlari deb nomlanib kelinmoqda.

Shuni alohida ta'kidlash kerakki, sizot suvlari, shuningdek artezian suvlarini ifloslanishi nitratlar miqdoriga bog'liqidir. Sizot suvlarida nitratlar konsentratsiyasi 400-500 mg/l gacha yetadi. Sizot (artezian) suvlari ifloslanishining oldini olishning birdan-bir yo'li chorva mollarini qo'tonlarda saqlashdir. Bu esa, oqova suvlarini yig'ish va tozalash imkonini beradi. Natijada nitratlarning konsentratsiyasi 57mg/l dan 20 mg/l gacha pasayishi mumkin.

Bizning mintaqamizda sizot suvlarining ifloslanish darajasi va jadalligi o'z xususiyatlariga ega: birinchidan, qumoloq yermaming singdiruvchanligi nihoyatda katta; ikkinchidan, sizot suvlarining sathi yozda 2 metrni, qishda yerning tuzlari yuvilganda 70 sm gacha yetishi mumkin; uchinchidan, suvning yiliga 0,15-0,5 metrgacha yerga singib borishini inobatga olsak, unda nitratlar, fosfatlar va boshqa mineral va organik moddalar bir-ikki yil davomida sizot suvlariga yetib borib qo'shilishi mumkin, holbuki, chorvachilik komplekslari 30-50 yildan buyon ishlab turibdi.

Ma'lumki, yerni nafaqt go'ng bilan, balki mineral o'g'itlar (azot, fosfor, kaliy) bilan ham oziqlantiriladi. Ammo o'simliklar ulardan 30-70% ni o'zlashtiradi, xolos. Qolgan qismi tuz komplekslari shaklida yerda isrof bo'lib, vaqt o'tishi bilan sizot suvlariga aralashib ketadi va ma'lum darajada suvni ifloslantiradi. Parrandachilik va chorvachilik komplekslari yaqinida joylashgan aholi punktlarida yashovchi aholining tif, disteriya, dizenteriya, sariq kasalliklari va boshqa kasalliklarga chalinishi ko'pincha ichimlik suvining sifatiga bog'liq bo'ladi. Bu kasalliklarni oldini olish katta mablag'lar ajratishni taqozo etadi.

Tabiiyki, go'ngdag'i organik birikmalarning parchalanishi jarayonida metan ( $\text{CH}_4$ ) ajralib chiqadi va fтор gazi bilan birga ozon qobig'ini yemirtiruvchi birikmalar hosil qiladi.

Shuni alohida ta'kidlash kerakki, hozirgi paytda qishloq xo'jaligi sohasida o'z yechimini kutayotgan bir qator muammolar to'planib qolganligi ko'pchilikka ma'lum. Bular orasida ichimlik va sizot suvlarini ifloslanishdan muhofazalash, tuproqning sho'rlik darajasini kamaytirish, tabiiy zaxiralaridan unumli foydalanib ekologik toza mo'l-ko'l mahsulotlar yetishtirish, ekologik toza va arzon energiya va issiqlik manbalarini yaratish va ulardan samarali foydalanish, ozon qobig'ini yemirilishidan saqlash kabi muammolar birinchi o'rinda turadi. Bu borada batafsilroq to'xtalib o'tamiz.

Mintaqamizda bir yilda 8 oy quyoshli kunlar bo'lib turishi quyosh nurlaridan samarali foydalanish imkonini beradi. Natijada issiqlik energiyasidan unumli foydalanish, suv tayyorlash va mikrobiologik bazalarni yaratish ishlari minimumga yetkaziladi.

Dastlabki hisob-kitoblar shuni ko'rsatadiki, chiqindilarni uzlucksiz biostimulyatorlar bilan metanli achitish mezofil rejimini avrupoliklar darajasida texnologik jarayonlarni avtomatlashtirish va mexanizatsiyalash – biogaz va biogumus kompleksini yaratish narxini 8 marotabagacha oshirib yuboradi.

Yuqoridagi muammolarni yechish uchun, Buxoro oziq-ovqat va yengil sanoat texnologiya institutida chorvachilik va parrandachilik chiqindilari metanli achitish texnologiyasi yaratildi. Bunda termofil usuli (yuqori haroratli usuli, 50-55°C) qo'llaniladi.

Chiqindilarni metanli achitish texnologiyasi quyidagilardan iborat:

– chiqindilarni achitish kamerasi (reaktor yoki reaktorlar majmui).

- quyosh yoki elektr qizdirgichlar tizimi;
- quruq yoki xo'l filtrlash tizimi;
- biomassani aralashtirish tizimi;
- gazni haydash tizimi;
- o'lchash nazorat tizimi;
- metantanka.

Ushbu texnologiyani sanoat miqiyosida keng joriy etish uchun quyidagi tizimlar ilova qilinadi:


- chiqindilarni yig'ish va ularni navlarga ajratish vositalari;
- chiqindilarni aralashtirgichga yuborib, dastlabki xomashyonni reaktorlarga taqsimlash tizimi;

- achitilgan biomassani to‘qish va saqlash tizimi;
- biomassani quritish tizimi (tsentrafugalash, quritish, o‘lchab o‘rash, saqlash, metanol olish uchun metantanka yoki bir nechta metantaka qurilmalari).

Shuni alohida ta’kidlash joizki, quritish qurilmasi, o‘rab o‘lchash va metanol olish qurilmalari standart qurilmalar bo‘lib, ular sotib olinadi. Bitta ramaga ikkita achitish kamerasi va filtrlash kompleksi o‘rnatilgan bo‘lib, u barbataj (suvga bug‘ aralashtirish) kamerasidan va quruq tseolit filtridan iboratdir. Achitish kameralari aralashtirgich qurilmasi, termometrlar, yuklash va to‘qish lyuklaridan iborat.

Harorat tushgan paytlarida biomassani quyosh energiyasi yoki elektr energiyasi bilan ma‘lum darajada qizitish mumkin. (11.1-rasm).

### 11.1-rasm. Biogaz va biogumus olish qurilmasining prinsipial sxemasi.



1. Reaktor (go‘ngni achitish kamerasi).
2. Aralashtirgich.
3. Quyosh radiatori.
4. Gaz yondirgich.
5. Gazni haydovchi vakuum kompressor.
6. Gazgolder (gazni tozalash tseolit filtri).
7. Suvni qizituvchi qozon.
8. Teplitsa (issiqxona)
9. Tayyor biomassani to‘qish joyi.

Biomassa achiganda undan chiqadigan biogazni kompressorlar yordamida gaz golderrga haydaladi. Biogaz seolit filtridan alohida

yoki navbat bilan o'tib serovodorod, azot va boshqa gazlardan tozalanadi. Qurilmada tozalangan va tozalanmagan gazlarni tahlil qilish uchun namunalar olish joyi mavjud. Bundan tashqarida yoz paytlarida achitish kamerasidagi suvni quyosh isitkichlari isitilib, kerakli harorat ta'minlanadi. Markaziy Osiyo sharoitida bir yilda 8 oy quyoshli kunlar bo'lib turishi va ushbu arzon quyosh energiyasini qo'llash natijasida olinadigan biogazning tannarxi boshqa mintaqalarda olingan biogazlarga nisbatan ancha arzonga tushadi. Qish paytlarida esa, kerakli harorat elektr isitkichlari yoki gaz yondirgichi yordamida ta'minlanadi. Ishlov berilgan biomassa yer tubida joylashtirilgan maxsus idishga to'kiladi. Achitish kamerasidan ajralib chiqadigan biogazni issiqxona (teplitsa) qozoniga yuborish mumkin va u yerda ekologik toza qishloq xo'jalik mahsulotlari yetishtirish mumkin. Biogaz olish uchun quyosh energiyasidan foydalanish xarajatlarni 30-70 % ga kamaytiradi.

Qurilmaning ishslash prinsipi quyidagilardan iborat: toza go'ng yoki parranda chiqindilarini achitish kamerasiga yuklab, 1:4 nisbatida suv qo'shiladi (80% namlik), kamera zich yopiladi, kerakli 50-55°C harorat qizitkichlar yordamida ta'minlanadi. Biomassa tez-tez aralashtirilib turiladi, harorat, bosim va muhit kislotaliligi (<sub>p</sub>H) nazorat qilib turiladi. Biomassadan biogaz olish uchun ushbu texnologik jarayon 10-12 sutka davom etadi. Olingan gazning tarkibida serovodorod bo'lganligi uchun u nihoyatda hidli bo'ladi. Tozalangan (filtrlangan) gaz esa hidsiz bo'ladi. Tozalangan gazda metanning miqdori 82% gacha bo'lishi mumkin. <sub>p</sub>H qiymati esa 7,0-7,8 atrofida bo'ladi. Chiqindilarni dastlabki achitishda CO<sub>2</sub> ning miqdori 36% ni tashkil etadi, keyinchalik u kamayib, metan miqdori oshadi. Ajralib chiqish davriga qarab azotning miqdori 16% gacha yetadi.

Shuni alohida ta'kidlash joizki, biogazning chiqish miqdori qo'llaniladigan suvning tabiatiga bog'liqdir. Masalan, oddiy vodoprovod suvi qo'llaganda achitish kamerasining har 1 m<sup>3</sup> hajmidan 0,7-1,2 m<sup>3</sup> biogaz olish mumkin. Termofil (50-55°C) rejimida distillangan toza suv qo'llaganda achitish kamerasining har 1 m<sup>3</sup> hajmidan 4 m<sup>3</sup> gacha biogaz olish mumkin. Yuqori unumdorli organik o'g'itlarda fosfor, kaliy va azot birikmalari 96% gacha saqlana-

di. Ozuqa potensiali bo'yicha 1 kg biogumus 7 kg ko'milgan go'ngga yoki 3,5 kg toza go'ngga tengdir. 1m<sup>3</sup> biogaz olish uchun takriban 1,2 kg quruq biomassa kerak bo'ladi.

Xorijiy mamlakatlardagi tajribalar shuni ko'rsatadiki, biogaz qaysi joyda hosil qilingan bo'lsa, o'sha yerda ishlatalishi kerak. Chunki biogazni suyuqlikka aylantirish yoki uni katta bosimlar ostida quvurlarda yuborish mahsulot tannarxini oshishiga sabab bo'ladi.

Ukraina gaz ilmiy-tadqiqot institutida yaratilgan metanni metanolga aylantirish yangi texnologiyasi bir sutkada 100 litrdan o'nlab tonnagacha metanol olish qurilmasining yaratish imkonini beradi. Buxoro OO va YeSTI da yaratilgan qurilma metantankasining hajmi 2x50 m<sup>3</sup> bo'lib, uni 150 bosh qoramolga mo'ljallangan fermalarda ko'rish mumkin, fermani va ferma atrofidagi aholi punktini elektr energiyasi, issiqqliq va suv bilan ta'minlash imkoniyatiga ega. Fermadagi chiqindilardan 420 tonna biogumus olish mumkin, metan miqdori 85% bo'lganda 7 ming m<sup>3</sup> biogaz yoki 55 ming litr metanol olish mumkin. Qurilmaning narxi 16 mln so'm bo'lib, unga sarflangan xarajatlar bir yilda qoplanadi. Bunday kompleksning narxi 7 mln. so'mni tashkil etadi va qurilmada sarflangan xarajatlar bir yilda qoplanadi.

Shuni alohida ta'kidlash kerakki, biogaz qurilmalarini 500 dan 5 ming bosh chorva mollariga mo'ljallangan fermalarda, semirtirish bazalarida qurish eng samarali hisoblanadi. Chunki hosil bo'lgan biogazni yoki metanolni maxsus avtomobilarga yoki idishlarga quyish oson bo'ladi, hosil bo'lgan o'g'itni granulaga aylantirish mumkin. Natijada ko'p mablag' sarflashga xojat qolmaydi.

Davriy ishlaydigan biogaz – biogumus komplekslarini 50 ming dan 500 ming parrandaga mo'ljallangan fermalarda, jamoa va fermer xo'jaliklarida qurish maqsadga muvofiqdir. Reaktor yoki reaktorlarning hajmi Zx50m<sup>3</sup> dan Zx200m<sup>3</sup> gacha bo'lishi mumkin.

Olib borilgan ilmiy – tadqiqot ishlari va rivojlangan mamlakatlar tajribalaridan kelib chiqqan holda quyidagi xulosalar chiqarish mumkin.

1. Chorvachilik, cho'chqachilik va parrandachilik fermalarda kundalik chiqindilarga qayta ishlov berish va fiziologik sha-

roitlarni yaratish yo‘li bilan chorva mollari va parrandalar-ning kundalik og‘irligini 40% ga oshirish mumkin.

2. Biogumus bilan ishlov berilgan har bir gektar yer sabzavot va poliz mahsulotlari unumdorligini 3 – 4 marotaba oshiradi.

3. Ishlov berilgan suyuq yoki yarim quruq go‘ngdan sug‘orish paytida foydalanylinda tuproqdagagi g‘ovakliklar kolemenatsiya bo‘lib, tuproq singdiruvchanligi keskin kamayadi. Suv ta’sirida mineral moddalarning yuvilib ketishi oldi olinadi, tuproq eroziyasi to‘xtatiladi, o‘g‘itning ko‘p qismi o‘simgiliklar tomonidan o‘zlashtiriladi.

4. Go‘ng tarkibidagi kerakli ozuqabop moddalar (protein, klechatkalar va b.) tuproqning unumdor qatlamini boyitadi, chunki ular tuproqdagagi mikroorganizmlar uchun ham yashash joyi va ham ozuqa rolini o‘ynaydi. Mikroorganizmlar nafaqat tuproqda, balki biosferada global jarayonlarning kechishiga katta hissa qo‘shadi.

5. Go‘ng bilan ishlov berilgan yerdan o‘strib olingan yashil o‘simgiliklar tarkibida xo‘l proteinning miqdori nihoyatda ko‘p (1,5 – 2% atrofida) bo‘ladi. Yerning sug‘orilgandan keyin azot va oqsilli azotning miqdori 1,5 marotabagacha oshadi. Go‘ng tarkibidagi biogen moddalar mineral o‘g‘itlarni sarflash imkonini yaratadi, tuproqning eroziyaga uchrashishi va sizot suvlarini ifloslanishi oldi olinadi.

6. Ishlov berilgan go‘ng bilan yerni o‘g‘itlash tuproqning yumshashiga, yoqilg‘ini sarflashiga va yerkarni haydash (kultivatsiya qilish, shudgorlash) paytida sarflanadigan energiyalarni tejashga imkon beradi. Natijada agregatlarni iste’mol quvvati 2 barobar kamayadi.

7. Tuproq eroziyaga uchraganda suv tuproqdagagi eng kerakli moddalarni — qumus va mineral hamda organik o‘g‘itlarni yuvib ketadi. Qumus bilan o‘g‘itlangan yerkarning shurlanish darajasi keskin pasayib, sho‘r yuvish ishlari kamayadi.

8. Qishloq xo‘jalik sohasida biogaz (metanol) qayta tiklanuvchi yoqilg‘i hisoblanadi. Ammo biogaz texnologiyasining amalga joriy etish birdaniga iqtisodiy daromad keltirmaydi. Yer unumdorligini oshirish, atrof-muhit ekologiyasini yaxshilash, arzon va yetarli bo‘lgan chorvachilik va parrandachilik chiqindilariga qayta ishlov berish hisobiga katta iqtisodiy daromad ko‘rish mumkin.

## **11.5. Biogaz va biogumus ishlab chiqarish texnologiyasi va uning istiqbollari**

Jahon amaliyotida chorvachilik, parrandachilik, uy-ro'zg'or va o'simliklar chiqindilariga ishlov berish texnologiyasi yangi emas. Ko'pgina mamlakatlar (Gollandiya, Daniya, Shvetsiya, Germaniya, AQSh, Angliya)dagи fermer xo'jaliklari biogaz, biogumus, issiqlik energiyasi va yoqilg'iga bo'lgan o'z ehtiyojlarini go'nglarga va chiqindilarga kichik zavodlarga ishlov berish yo'li bilan qondirib kelmoqdalar.

Biogaz qurilmalarida go'ngni metanli achitish unda 97 % gacha azot saqlash imkonini beradi, go'ngni kompost to'dasi esa 40% dan 50% gacha azotni saqlaydi.

Qishloq xo'jalik chiqindilaridan biogazning chiqish miqdori quyidagi 11.3-jadvalda keltirilgan.

**11.3-jadval. Qishloq xo'jalik chiqindilaridan biogazning chiqish miqdori**

Organik moddalar	1 kg quruq moddadan ajralib chiqadigan biogazning miqdori,%	Metan gazining miqdori,%
O't ko'katlar	0,63	70
Yog'och barglari	0,21-0,29	59
Kartoshka palaki	0,42	60
Bug'doy poxoli	0,34	58
Makkajo'xori moyasi	0,42	53
Yirik shoxdor qoramollarning qattiq chiqindilari	0,2-0,3	60
Uy-ro'zg'or chiqindilari	0,6	60
Oqova suvlaringin qattiq qoldiqlari	0,57	70

Bundan tashqari, go'ngni biogaz qurilmalarida achitganda kasslik qo'zg'atuvchi bakteriya va mikroblar hamda begona o'simliklarning urug'i yo'q bo'ladi. Ajralib chiqqan biogazdan esa turli maqsadlarga ishlatish mumkin.

Sobiq ittifoqning barcha organik chiqindilarni fermentatsiya-lash paytida ajralib chiqadigan biogazdagi energiya potensiali yili-ga 33 mln tonna shartli yoqilg‘iga teng edi.

Eslatib o‘tamiz: 250 l benzin – 1 tonna shartli yoqilg‘iga teng.

Hozirgi paytda organik chiqindilarning 25% qayta ishlansa (buni amalga oshirish mumkin), unda qariyib 8-10 mln tonna shartli yo-qilg‘ini suyuq yoki gaz shaklida ajratib olish mumkin. Ekologik sa-maradorlik esa 5 yil ichida sarflangan dastlabki 7-8 mlrd. rubl hiso-biga 25 mlrd rublni tashkil etadi.

Yuqorida aytib o‘tganimizdek, agar O‘zbekistonning yirik chor-vachilik komplekslarida yiliga 19 mln m<sup>3</sup> suyuq go‘ng yig‘ilib qolgudek bo‘lsa, undan 1900 mln m<sup>3</sup> biogaz olish mumkin. Bun-dan 5,7 mln m<sup>3</sup> suyuq go‘ng, 570 mln m<sup>3</sup> biogaz va 2,5mln tonna organik o‘g‘itlar Buxoro viloyati ulushiga to‘g‘ri keladi.

Hozirgi paytda chorvachilik va parrandachilik komplekslarida-gi chiqindilarga ishlov berish va ulardan biogaz hamda biogumus olishning 4 ta usuli mavjud:

1. Mezofil usuli.
2. Termofil usuli.
3. Sof biologik usuli.
4. Qo‘shma usul.

Hozirgi paytda chiqindilar tarkibiga biostimulyator kirdizib, uni 15-20°C da mezofil usuli bilan achitish texnologiyasi keng tar-qalgandir. Mezofil usuli (past haroratli usuli) ning texnologik jarayonlari uzlusiz kechadi, chiqindilarni yig‘ishdan boshlab, bio-gaz va biogomus olishgacha bo‘lgan barcha jarayonlar avtomatlash-tirilgan va kompyuterlashtirilgandir. Gumus suyuq holatda qo‘llanilib, biogaz hosil qilish ancha samarali hisoblanadi.

Ammo bizning sharoitimidza biostimulyatorlar qo‘sib go‘ngni mezofill usulida achitib biogaz va biogomus olish uncha samarali emas, chunki bu usul qo‘sishimcha mablag‘ni talab qiladi, mikroorganizmlarni o‘stirish va ularni saqlab qolish uchun maxsus laborato-riyalar ochishni taqozo etadi. Lekin mezofil usuli termofil (yuqori haroratli) usuliga nisbatan arzonroqdir. Chunki termofil usuli qo‘sishimcha issiqlik energiyasini talab qiladi, holbuki, yoqilg‘i narxi kundan-kunga ortib bormoqda. Sanoati rivojlangan mamlakatlar-

da texnologik jarayonlarning samarali kechishi uchun qo'llaniladigan suvning sifati ular uchun qo'shimcha muammolarni tug'dirmaydi.

Agar Markaziy Osiyoning quruq mintaqasi, tabiiy iqlimi, suvi, tuproq xususiyatlarini inobatga olsak, chiqindilarni qayta ishslash muammosini Yevro'padagi texnologiyalar va vositalarni takomil-lashtirmasdan, suv bilan ta'minlanmasdan va qo'shimcha mikrobiologik ta'minoti xizmatlarini yo'lga qo'ymasdan yechib bo'lmaydi. Agar ushbu chora-tadbirlarni amalga oshirmoqchi bo'lsak, unda faqatgina bitta kompleksning narxi 2,5-3 barobarga oshib ketadi.

### **Nazorat uchun savollar**

1. "Chiqindisiz texnologiya" deb nimaga ataladi?
2. Kam chiqindili texnologiya deb nimaga aytildi va uning tashkil etishning asosiy sharti nimadan iborat?
3. Chiqindisiz texnologiyalarni amalda joriy etish uchun qaysi prinsiplarga amal qilish kerak?
4. Xom-ashyo o'mnida chiqindilardan foydalanish usulining ekologik va iqtisodiy ahamiyatini izohlab bering.
5. Chiqindisiz va kam chiqindili texnologiyalarga o'tish uchun nimalarga e'tibor berish kerak?
6. Kimyo sanoatida qattiq chiqindilarning asosiy manbalari haqida ma'lumot bering?
7. Cho'kma va loyqalar hamda ularning turlari, zararsizlantirish usullari yoki qo'llanish sohalari haqida ma'lumot bering?
8. Uy-ro'zg'or chiqindilari, turlari, hajmi va zararsizlantirish yo'llarini tushuntiring?
9. Respublikamiz miqyosida chiqindilardan qaysi mahsulotlar ishlab chiqarilayapti?
10. Chorvachilik va parrandachilik komplekslari chiqindilari va ularning zaxiralari haqida ma'lumot bering?
11. Ushbu sohalarda vujudga kelgan ekologik muammolar nimalardan iborat?
12. Artezian suv deb nimaga aytildi?
13. Sizot (artezian) suvlarining ifloslanishi nimalarga bog'liq?
14. Biogaz va biogumus ishlab chiqarish texnologiyasi va ularning ekologik ahamiyati haqida ma'lumot bering?

15. Biogaz va biogumus ishlab chiqarish usullari haqida ma'lumot bering?
16. Termofil usulining afzalliklari nimalardan iborat?
17. Biogaz va biogumus ishlab chiqarish texnologiyasini istiqbollari nimalardan iborat?
18. Davriy ishlaydigan biogaz – biogumus komplekslarini kurish imkoniyatlari va undan ko'zlangan iqtisodiy va ekologik maqsadlar haqida ma'lumot bering?
19. Metan gazidan metanol olish texnologiyasining afzalliklari nimalardan iborat?

## **XII-BOB. BIOLOGIK XILMA-XILLIK**

Yer kurrasining biosfera qobig'ida yashovchi o'simlik va hayvonot dunyosining turli shakllari, ko'rinishlari va turlari ekotizimlarda rang-barangligidan ko'ra, xilma-xilligi bilan ajralib turadi. Chunki ekologik tizimda organizmlar nafaqat rang-barangligi, balki katta-kichikligi, ma'lum bir ishlarni, funksiyalarni bajara olishi, muayyan tabiiy jarayonlarda qatnashishi bilan ham ishtirok etadi. Ularning har biri, rangidan qat'iy nazar, biosferada ma'lum bir ekologik funksiya bajaradi. Hech qachon tuproqda azotli birikmalarini (nitratlarni) parchalovchi mikroorganizm – bakteriyalarning funksiyasini boshqa tuproqda yashovchi mikroorganizmlar bajara olmaydi. Shu singari o'txo'r hayvonlarning oziqa zanjirdagi o'rnnini yirtqich hayvonlar bosa olmaydilar.

Yer kurrasida 500 mingdan ortiq o'simlik turlari mavjud bo'lib, insonlar kundalik hayotiy faoliyatlarida ularning 6000 turidan foydalananadilar, xolos. O'simliklarning 1500 turi dorivor o'simliklar turkumiga kiradi. O'zbekistonda 4500 ga yaqin o'simlik dunyosi turidan 577 tasi dorivor, 103-bo'yoqdir va 560-esfir moylidir. O'rmonlar respublikamiz umumiyligi maydonining 5,1 foizini tashkil etadi, lekin ularning yer yuzini qoplaganlik darajasi 0,3-0,4% ga tengdir. Keyingi 20 yil ichida ekologik vaziyatning yomonlashuvi sababi O'zbekiston Respublikasi Qizil kitobiga o'simlik dunyosining 147 turi kiritildi.

Yer kurrasida hayvonot dunyosining 2 milliondan ortiq turi mavjud bo'lib, ularning har birini ekotizimlarda o'z o'rni va foydali ekologik xususiyatlari bor. Yer yuzida yashovchi va o'suvchi noyob va yo'qolib ketayotgan tirik organizmlarning kuniga bir turi mammalatlar yoki dunyo Qizil kitoblariga kiritilmoqda. Shuning uchun ham insonlar ularning xilma-xilligini saqlab qolishlari zarur.

Garchi, atrof-muhitga bo'lgan xavotirlik tarixan mavjud bo'lsada, faqatgina o'tgan asrning 60 yillaridan boshlab ekologik degradatsiya va turlarning hamda ekotizimlarning yo'qolib ketishiga aloqador xavotirlik xalqaro kuchli birlashuviga olib keldi. Atrof-muhitni muhofaza qilishga tegishli xalqaro huquqiy xujjatlar qatorida asosiy o'ringa ega bo'lgan Birlashgan Millatlar Tashkilotining Bosh Assambleya (BMT BA) rezolyusiyasi hisoblanadi. 1962 yilning 18 dekabrida BMT BA tomonidan Birlashgan Millatlar Tashkiloti ta'lim, fan va madaniyat masalalari bo'yicha (YUNESKO) maqullangan tashabbus va tavsiyanomalari "Iqtisodiy rivojlanish va tabiatni qo'riqlash" bo'yicha rezolyusiya qabul qildi.

Bu rezolyusiya birinchi bor atrof-muhitni muhofaza qilish va rivojlanishga aloqador uchta asosiy nizomni ajratib berdi:

1) atrof-muhit majmuini, flora va faunaning tabiiy resurslarini yaxlit muhokama qilish;

2) "tabiatni muhofaza qilish" terminini bundan ham kengroq, ya'ni "atrof-muhitni muhofaza qilish" terminiga integratsiya qilish;

3) tabiatni muhofaza qilish va iqtisodiy rivojlanish manfaatlarini organik mujassamlashtirish konsepsiysi. Keyinroq, 1968 yilning 3 dekabrida BMT BA qabul qilgan rezolyusiyasida atrof-muhitning qulay sharoiti asosiy inson huquqlarini himoya qilish va iqtisodiy hamda ijtimoiy rivojlanish uchun muhim rol o'ynashi qayd etib o'tiladi.

Insoniyatni o'rabi turgan atrof-muhit bo'yicha Stokgolmda (5-16.06.1972 y). bo'lib o'tgan BMT konferensiyasida atrof-muhit degradatsiya muammolarini yechish uchun tezkor choralar qabul qilish zarurligi bildirildi.

Aynan shu tabiatni saqlashning umumiyligi muammolariga dunyo hamjamiyati e'tiborini jalb qilishga nufuzli qadam bo'ldi. Yaponiya va Senegal delegatsiyalari taklifiga ko'ra 5 iyun — Xalqaro atrof-

muhitni muhofaza qilish kuni deb ta'sis etish haqidagi tashabbusni Konferensiya qabul qildi, bu ham o'z navbatida BMT BA rezolyusiysi tomonidan 15.12.1972 y. da ta'sis etilgan edi. Stokgolmdagi konferensiya hamma davlatlar tabiatni muhofaza qilish va tabiiy resurslardan ratsional foydalanishga yo'naltirilgan o'z faoliyatlarida amal qilishi shart bo'lган 26 prinsipni o'z ichiga olgan deklaratsiyani ("Stokgolm deklaratsiyasi") ni qabul qildi. Ushbu deklaratsiyada ilk bora atrof-muhitni muhofaza qilish va sog'lomlashtirish hozirgi va kelajak avlod uchun insoniyatning eng ahamiyatli masalalaridan ekanligi e'lon qilingan. Asosan har bir davlat o'z tabiiy boyliklariga ishlov berish huquqi, ushbu faoliyat boshqa mamlakat va rayonlarning atrof-muhitiga zarar yetkazmasligini ta'minlashdagi ma'suliyatni his etishi alohida ta'kidlab o'tildi. Stokgolm konferensiyasidagi yana bir muhim voqeа BMT ning atrof-muhit bo'yicha (UNEP) dasturini tashkil topishi bo'ldi. 1970-yillarning oxirlarida UNEP "buzmasdan rivojlanish" ga o'tish kerakligiga chaqirdi.

1980 yil sentabr oyida BMT BA "Yerning tabiatini hozirgi va kelajak avlodga saqlab qolish uchun davlatlarning tarixiy ma'suliyati to'g'risida"gi rezolyusiyani qabul qiladi. Bu rezolyusiya butun mamlakat va xalqlar tomonidan qurollarni kamaytirish va atrof-muhitni muhofaza qilishdagi tadbirlarni tashkillashtirish bo'yicha muayyan choralar ko'rlishiga chaqiradi.

Atrof-muhitni muhofaza qilish xalqaro — huquqiy prinsiplarini tizimlashtirish va tabiatdan foydalanishni tartibga solish bo'yicha 1982 y. 28 oktabrdagi BMT BA rezolyusiyasida ma'qullangan Butunjahon tabiat xartiyasi keyingi qadam bo'ldi va Stokgolm deklaratsiyasidan farqli o'laroq, ovoz berish orqali tantanali ravishda e'lon qilindi.

1987 yilda BMT ning atrof-muhitni muhofaza qilish va rivojlantirish Xalqaro komissiyasi (WCED, yoki "Brundtland komissiyasi", shu komissiya raisi Gru Xarlem Brundtland xonim nomiga atalgan) "Bizning umumiy kelajak" dokladi asosiy e'tiborni "bugungi kun muammolari kelajak avlod manfaatlariga ziyon yetkazmasdan hal qilinayotgan barqaror rivojlanish" zaruriyatiga qaratildi. Gap bu yerda shu haqda boradiki, "hozirgi zamon ehtiyojlarini

qondirish kelajak avlodning o‘z ehtiyojini qondirishdagi xususiyatiga putur etkazmaydi”. Amaliy ma’noda “barqaror rivojlanish – o‘tkazilayotgan tadbirlar iqtisodiy va ijtimoiy jihatlarni, shuningdek, atrof-muhitni muhofaza qilishni to‘g‘ri taqsimlashi lozim”. Shu nuqtai nazardan, “barqaror rivojlanish” tushunchasi Brundtland komissiyasi tomonidan belgilab berilgan “barqaror boshqarish” tushunchasiga yetarli darajada yaqindir, ya’ni “tabiiy resurslarni boshqarishda hozir yashayotgan foydalanuvchilar kelajak avlod potensialiga zarar yetkazmagan holda foyda ko‘rish”.

Atrof-muhitga ta’sirni baholashning ikkinchi tahriri “Yer haqida o‘ylash – barqaror borliq strategiyasi” degan nom oldi va 1991 yilning oktyabrida chop etilgan. Bu tahrir o‘zi bilan birga tahlil hamda harakatlar rejasini kasb etadi. Ushbu narsa bir paytning o‘zida siyosat sohasida ham umumiy, ham amaliy boshqaruvdir. “Yer haqida o‘ylash” uch qismidan iborat. I-qismda “barqaror jamiyatning” tuzilishi bo‘yicha 9 ta prinsip belgilangan va shunday tuzilishga erishadigan 59 harakat bo‘yicha tavsiyanomalar berilgan. II-qismda I-qismda ko‘rsatilgan prinsiplarni qo‘llashdagi 62 ta qo‘srimcha o‘ta muhim tabiatdan foydalanish va siyosat sohalarida harakatlar keltirilgan. III qismda esa, gap mana shu rejalgarda muvofiq tadbirlar orqali hayotga tadbiq etish haqida boradi. Strategiyada shuningdek, rivojlanishdagi “barqarorlik” bilan bog‘liq asosiy tushunchalarga ta’riflar berilgan. Aslida “barqaror rivojlanish” tushunchasi ostida “ekotizimlarning potensial imkoniyatlarini oshirmagan holda inson hayoti sifatini yaxshilash” tushuniladi.

“Barqaror foydalanish” termini faqatgina yangilangan resurslardan foydalanishga ishlataladi. “Barqaror iqtisodiyot” barqaror rivojlanishning natijasi hisoblanadi. Bunday iqtisodiyot “asosiy tabiiy resurslarga zarar yetkazmaydi, atrof-muhitga moslashgan holda rivojlanadi, yangi ilmiy tadqiqotlar va texnik takomillashtirishlardan foydalanadi”. “Barqaror jamiyat” rivojlanish sohasida va atrof-muhitdagi barqarorlik prinsiplari asosida yashaydi.

Konferensiya biologik xilma-xilligi to‘g‘risidagi Konvensiya (YUNEP, Nayrobi 22.05.1992 y.) ni muvofiqlashtirilgan tekstini qabul qilishga binoan “barqaror foydalanish” tushunchasini bio-

logik resurslarga ko'ra shunday belgilab berdi: "biologik xilma-xilligi komponentlaridan uzoq muddatli istiqbolda biologik xilma-xilligining kamayib ketishiga olib kelmaydigan tarzda va shunday sur'atlarda, shu bilan birga hozirgi va kelajak avlod ehtiyojlarini qondirish xususiyatni saqlagan holda foydalanish va ularning orzu-umidlariga javob berish".

Barqaror rivojlanish dunyoviy jarayonining katta hissasi Butunjahon yuqori darajadagi ("Yer sammiti") uchrashuvida BMT ning atrof-muhit va rivojlanishga bag'ishlangan Konferensiya-si (Rio-de-Janeyro, 3-14.06.1992 y) da qabul qilingan qarorlari bo'ldi. Bu konferensiya atrof-muhitni muhofaza qilish va ijtimoiy-iqtisodiy rivojlanish barqaror rivojlanish uchun katta ahamiyat kasb etishini ta'kidladi. Rio-de-Janeyroda BMTning atrof-muhit va rivojlanish deklaratsiyasi ("Rio-de-Janeyro Deklaratsiyasi") rivojlanish va atrof-muhit sohasida umumiy xarakterga ega bo'lgan 27 prinsipni ilgari surdi. 1992 yil Rio-de-Janeyro (Braziliya)da 156 mamlakat rahbarlari tomonidan imzolangan "Biologik xilma-xilligi to'g'risida"gi Konvensiyaga qo'shilgan O'zbekiston Respublikasida (1995 yil Oliy Majlisi tomonidan ratifikatsiya qilingan. Vazirlar Mahkamasining 1998 yil 1 apreldagi 139-sonli qarori bilan "Biologik rang-baranglikni saqlanishning milliy strategiyasi va harakatlar rejasি" ishlab chiqilgan.

Biologik xilma-xilligi to'g'risidagi xalqaro Konvensiyaning maqsadi sifatida quyidagilar belgilandi: Yer kurrasida biologik resurslarning xilma-xilligini saqlash; xalq xo'jaligi sohalari (qishloq xo'jaligi, o'rmon va baliq xo'jaligi) da biologik resurslardan foydalanishda davlatlar resurslarga va xalq xo'jaligi sohalariga zarar yetkazmaydigan usullarni qo'llash; genetik resurslarni ishlatish va ulardan foya olishda adolatli va teng huquqli usullarning qo'llanilishini rag'batlantirish.

Shuning bilan birga Yer sammiti va BMT birgalikda Rio-de-Janeyroda qabul qilingan "XXI asr kun tartibi" harakat dasturi mamlakatlarni barqaror rivojlanish yo'lini tezlatishni aniqlaydi. Yer sammitida tarixiy kelishuvlar hujjalarda ikkita bajarilishi lozim bo'lgan bitim qabul qilingan: Iqlimni o'zgarishi to'g'risida Parij konvensiyasi va BMT ning atrof-muhit dasturi bo'yicha tay-

yorlangan biologik xilma-xilligi to‘g‘risidagi konvensiya. Yer sammitiga kiritilgan uchinchi xalqaro bitim BMT – cho‘llanishga qarshi kurash konvensiyasi.

Planetamizdagи tiriklikning asosiy xususiyatlaridan biri xilma-xilligi hisoblanadi. Bu esa evolyusiya jarayonida tirik organizmlarning adaptagenezi natijasida yuzaga kelgan. Hozirgi vaqtда olimlarimiz tomonidan hayvonlarning **2 millionga yaqin turi, 500 ming o‘simlik turi, 100 mingdan ortiq zamburug‘ turi va 40 mingdan ortiq** sodda hayvonlar turi qayd qilingan. Bu raqamlar doimiy emas, chunki har yili yangi turlar kashf etiladi.

Xilma-xillilik nafaqat tirik mavjudotlarda, balki ekotizimlar va biomlarda ham uchraydi. Shunday qilib, biologik xilma-xillik deganda tirik organizmlarning xilma-xilligi, shuningdek ekotizimlar, ekologik komplekslar va ular mavjud bo‘lgan bo‘g‘inlar tushuniladi. **Mutaxassislarning taxmini fikriga ko‘ra, tabiatda hayot kechiruvchi barcha organizmlarning soni 30-70 million,** deb hisoblanadi.

Biologik xilma-xillikni bir necha jihatlar bo‘yicha tasvirlash mumkin:

- 1) Genetik xilma-xillik,
- 2) Turlar xilma-xilligi,
- 3) Ekotizimlar xilma-xilligi.

Genetik xilma-xillik bitta tur organizmlari o‘rtasidagi genotiplarning turli-tumanligini nazarda tutadi. Hozirgi kunda mavjud bo‘lgan har bir tur yig‘ilgan genetik axborotni o‘zida mujassamlaydi, bu esa turning atrof-muhit o‘zgarishlariga va tabiatda o‘z o‘rnini topishi uchun takomillashishi va moslashishiga yordam beradi.

Yerda yashovchi hamma turlardagi genotiplar xilma-xilligi gefofonddan iborat bo‘ladi. Genofond planetamizdagи mavjudlikni zaruriy shartlar bilan kelgusiga saqlab berishni amalga oshiradi.

Populyasiyaning mavjud bo‘lishi uchun uning to‘g‘ridan-to‘g‘ri atrof-muhitga moslanishi zarur bo‘ladi. Ushbu sharoitlarda uning mavjudligi genotip va fenotiplarga ega bo‘lishi bilan ta‘minlanadi. Populyasiya kelajakda mavjud bo‘lishi uchun muhitga o‘zining moslanishini saqlash imkoniyatiga ega bo‘lishi kerak, ya’ni muhitning muqarrar o‘zgarishlarida o‘zining genetik strukturasini o‘zgartiradi

(L.Mettler, T.Gregg, 1972). Bu populyasiyada o'zgaruvchan sharoitlarga moslanuvchi yangi genotip va fenotiplarning paydo bo'lishi va takror ishlab chiqarilishi, demakdir. Populyasiyaga adaptiv siljishni amalga oshirishga imkoniyat beruvchi genetik mutanosiblik turli organizmlarda turli yo'llar bilan erishiladi. Mikroorganizmlarda uning ko'p sonli populyasiyasining katta tezlikda ko'payishi bilan har bir vaqt birligida to'liq etarli yangi mutantlarning soniga erishiladi, shu bilan birga ular orasida odatda yangi sharoitlarga moslanuvchanlari topiladi; bu mutantlarning tez ko'payishi populyasiyani saqlashni ta'minlaydi. Populyasiya miqdori (o'lchami) va ko'payish tezligi ko'p xujayrali ayrim jinsli organizmlarda odatda ancha kichik. Bu organizmlarda genetik mutanosiblik yashirin genetik o'zgaruvchanlik hisobiga ta'minlanadi.

Tur xilma-xillik – bu qandaydir organizmlar jamoasi, ekotizimlar, regionlar ichidagi har xil turlar sonidir. Agar ekotizimda qanchalik tur xilma-xilligi yuqori bo'lsa, har xil noqulay sharoitlarga uning barqarorligi shuncha yuqori bo'ladi.

Ekotizimlar xilma-xilligi (landshaftlar xilma-xilligi) yashash joy xilma-xilligi, biosferadagi biotik jamoalar va ekologik jarayonlarni o'z ichiga oladi.

Yer yuzidagi barcha tirik mavjudotlar nafaqat umumiy kelib chiqish jihatdan bog'langan, balki bir zum ham to'xtamaydigan o'zaro qo'llab-quvvatlash bilan tiriklikni saqlab qolishda ishtirok etishadi. Har bir tur o'zining maxsus funksiyasini bajaradi va boshqasining o'rnidida bo'la olmaydi. Turli-tuman turlarning barcha majmui yer yuzasida tiriklikni ta'minlab turish uchun xizmat qiladi.

Biologik xilma-xilligi muammolari ancha keng va murakkab. Biologik xilma-xilligini o'rganishning asosiy **maqsadi** bu genofondni saqlab qolishdir. Masalan, funksional jihatdan o'simlik genofondini o'rganish va saqlash bo'yicha 3 ta asosiy qarash mavjud:

1) tur chegarasida shakliy xilma-xilligini, ya'ni polimorf turlarni, qaysiki turning paydo bo'lishiga sabab bo'luvchi geografik va ekologik areallarning kengayishini baholash orqali o'rganish; polimorf turlar past ixtisoslashgan, ularning funksiyasi beqaror, ular ancha kengroq

ekologik diapazonda rivojlanishga moslanishgan, shuningdek seleksiya uchun donor sifatida istiqbollidir.

2) Genom xilma-xilligini, allel chegarasidagi xilma-xilligini, ularning mutatsiyalarini aniqlab beradigan xromosom apparatini o'rganish. Xususan, genofondni evolyusionistlar aniqlashicha, bu populyasiyadagi genlar xilma-xilligidir (Seversev, 1987). Poliploid turlar shakl va tur hosil bo'lishi uchun potensial sanaladi.

3) Tabiiy va antropogen sharoitlar o'zgarishiga turlarning xulqiy javobini bashorat qiluvchi adaptiv reaksiyalarni o'rganish.

Ma'lumki, yer planetasida hayot 3 milliard yildan ortiq vaqt ichida paydo bo'lgan; bu vaqt ichida to'xtovsiz evolyusiya jarayonida organik shakllar g'aroyib xilma-xillikka erishgan. Naturalist va tizimtiklar tomonidan XIX va XX asrlardan hayvonlarning milliondan ortiq shakllari va chorak milliondan ortiq o'simlik turlari mavjudligi aniqlangan. Taxminlarga ko'ra, yer yuzida organizm turlarining doimo mavjud bo'lib turishi bo'yicha ularning umumiyligi soni milliarddan oshadi. Ulardan 415 milliondan kam bo'limgan turi hozirgi vaqtda yerda hayot kechiradi. Har bir tur o'z populyasiyasiga ega. Genetik jihatdan tahlil qiladigan bo'lsak, populyasiya – bu bir tur organizmlari o'rtasida chatishuvchi makon va zamon birligidagi guruhdir. Populyasiya soni organizmlarning populyasiyaga migratsiyasi, shuningdek tug'ilish va o'lim o'zgarishi natijasida o'sishi yoki kamayishi mumkin. Populyasiya boshqa populyasiyalar bilan qo'shilishi mumkin yoki uning barcha a'zolari emigratsiya yoki ommaviy halokat natijasida yo'qolishi mumkin. Erkin chatishuvchi organizmlar guruhi o'rtasida taqsimlangan butun genetik inshakitsiyaning jamini genofond tashkil etadi.

Ma'lumki, ekologik nuqtai nazardan xilma-xilligi haqida gapiradigan bo'lsak, ekotizimli va populyasion yondoshuvlarga to'xtalishimiz kerak bo'ladi (A.M.Gilyarov, 1990). Ekotizimga notirik komponentlar bilan birga o'simliklar (produsentlar), hayvonlar (konsumentlar), bakteriya va zamburug'lar (redusentlar), ya'ni o'zida to'liq uglerod va boshqa asosiy biogen elementlar (azot, fosfor va boshq.) aylanishini amalga oshirishga qodir organizmlar to'plami kiradi. Organizmlarning hayot faoliyati jarayonlarini o'rganishga qaratiladigan asosiy e'tiborni ekotizimli yondoshish deb yuritamiz.

Ekotizim haqidagi oddiygina tushuncha – bu unga kiruvchi turlar soni, deb qaraladi. Yerda organizm guruhlarining turlari soni bo‘yicha eng boy turlar – hashoratlardir. Ularning umumiy soni noma’lumligicha qolmoqda, chunki tropik o‘lkalarda yashovchi ko‘pchilik hashorot turlari ro‘yxatga olinmagan. Ma’lumotlarga ko‘ra (May, 1988), Yer yuzidagi hashoratlar turlari soni 30 mln. dan kam emasligi ko‘rsatilgan.

Ekologiyada populyasion qarash alohida turlarga yo‘naltiriladi. Hammasidan qizig‘i shuki, bu turlar muhim xo‘jalik ahamiyatiga ega (qishloq va o‘rmon xo‘jaligi zarakunandalari yoki xavfli kasallik chaqiruvchilar bo‘lishi mumkin), biroq ba’zan bular oddiygina ommaviy yoki noyob turlar bo‘lib, himoyaga muhtoj sanaladi.

**Biologik xilma-xillik** – bu jamiyat ehtiyojini iqtisodiy, ekologik va madaniy-estetik jihatdan qondirishning zaruriy potensial zaxirasidir. Hozirgi kunda biologik resurslarga inson ta’siri oshmoqda. Bunga asosiy sabab, aholining o‘sishi, qishloq xo‘jaligi va sanoat rivojlanishi, savdo, ishlab chiqarish, dunyo bo‘yicha ehtiyojlarning turli-tumanligidir.

Inson faoliyatining rivojlanishi natijasida o‘rmonlarni kesish, cho‘llarni haydash, botqoqlarni quritish, sahroga suv chiqarish kabi tabiiy ekotizimlarning buzilishi ro‘y bermoqda. O’simlik, hayvon yoki biron bir bakteriyaning yo‘qotilishi oziq zanjirning uzilishiga olib keladi. Bu holatni esa yuqori rivojlangan texnologiya ham to‘xtata olmaydi. Tabiiy ekotizimdagи turlarning yo‘qolishi va notirik komponentlarning o‘zgarishiga qarshi 1992 yil Braziliyaning Rio-de-Janeyro shahrida biologik xilma-xillikni asrash bo‘yicha Xalqaro Konvensiyaga imzo chekildi. Konvensiyada biologik xilma-xillikni saqlash, biologik xilma-xillik komponentlaridan oqilona foydalanish, davlatlararo genetik resurslar va moddiy resurslardan, xalqaro savdoda teng huquqlilik, hamma qonun doirasiga mos keluvchi texnologiyalardan foydalanib ish yuritish ko‘zda tutilgan edi. Hozirgi kunda 170 dan ortiq mamlakat Konvensiyani tasdiqlashdi. O‘zbekiston 1995 yil iyun oyida Konvensiyani tasdiqlash to‘g‘risida imzo chekdi. Respublikamizda “Biologik xilma-xillikni saqlash. Milliy strategiya va harakat rejasi” dasturi 1998 yilda qabul qilingan bo‘lib, o’simlik va hayvonot dunyosining tur tarkibi tahlilini, zaruriy xilma-xilligini baho-

lash va ekotizimdagи zamonaviy asosiy sinflar statusini ko'rib chiqishni vazifa qilib qo'yadi. Shuni aytish joizki, hozirgi paytda respublikamизda 15 ming turdagи hayvonlar, 4500 ga yaqin o'simliklar turlarining ro'yxati olingan. Shulardan 184 turdagи hayvonlar, 301 turdagи o'simliklar respublikamиз "Qizil kitobi"ning keyingi nashriga kiritilgan. Respublikamизda biologik xilma-xillikni saqlash bo'yicha 8 ta qo'riq xona, 2 ta milliy bog' faoliyat ko'rsatmoqda.

O'zbekiston bioxilma-xilligi asosini yovvoyi umurtqali hayvonlarning 702 turi va umurtqasiz hayvonlarning 14900 ga yaqin turi (shulardan sute Mizuvchilar 107 tur, qushlar – 448, repteliyalar – 60, suvda va quriqlikda yashovchila – 3, baliqlar – 84, hashoratlar – 11000, mollyuskalar – 223, xalqali chuvalchanglar – 61, yumoloq chuvalchanglar – 1179, yassi chuvalchanglar – 533, eng sodda hayvonlar – 850), yovvoyi holda o'sadi-gan o'tkazuvchi to'qimali o'simliklarning 4500 ga yaqin turi (yo'sinlar – 150 ga yaqin, qirqbo'g'imlar – 2, qirqquloqlar – 19, ochiq urug'lilar – 18, yopiq urug'lilar – 4320), suv o'tlarning 2548 turi, zamburug'larning 2102 turi, lishaniklarning 500 ga yaqin turi, bakteriyalarning 2000 ga yaqin turi (keng ma'noda), sianobakteriyalarning 822 turi va viruslarning 300 ga yaqin turi) tashkil etadi.

Xulosa qilib shuni aytish mumkinki, biologik xilma-xilligi yer yuzidagi barcha ekotizimlarda mavjud. Biron bir turning yo'qolishi yoki kamayib ketishi har xil tur populyasiyasi uchun noqulaylik keltirib chiqaradi. Chunki turlar doimo bir-biri bilan turlicha o'zaro bog'langan. Suv ekotizimi va quruqlik ekotizimlarida turlar xilma-xillikni saqlash hozirgi kunning dolzarb muammolaridan biri bo'lib qolmoqda. Tabiatdagi jamiki resurslardan oqilona foydalansligimiz oqibatida qanchadan-qancha turlar va notirik komponentlar xavf ostida qolayapti. Tabiatning chiroyli manzarasi, ko'rkan go'shalari, o'zining hayvonot va o'simlik olamining g'aroyibligi bilan ajralib turuvchi biosferani saqlash har birimizning burchimizdir. Maxsus muhofaza etiladigan hududlar yaratish; tabiat yodgorliklari yoki o'rmon rezervatlarini saqlash; qo'riqxonalar, buyurtmaxonalar, milliy bog'lar barpo etish; noyob endemik va relekt turlarni "Qizil kitob"ga kiritish; Botanika bog'larida sun'iy ekotizim yara-

tish, pitomniklar qurish, genofondni yaratish bugungi kunning asosiy vazifalaridan biridir. Shuni ta'kidlash kerakki, biologik xilma-xillik, hayvon va o'simliklarning genetik resurslari maxsus muhofaza qilinadigan hududlarda samarali saqlanayapti, biroq ular qiyosiy darajada katta bo'limgan maydonlarni tashkil etadi. Shunday qilib, O'zbekistonda maxsus muhofaza qilinadigan hududlar respublika maydonining 4,6% qismini tashkil etadi. Qo'riqxonalar esa 227,4 ming hektar yerni, ya'ni taxminan 0,5% maydonni tashkil etadi.

Demak, maxsus muhofaza choralarini talab qiluvchi turlarni saqlash, tiklashga doir biologik xilma-xilligini asrash bo'yicha mu-kammal dasturlarni ishlab chiqish kerak.

Bioxilma-xillik davlat va xalq rivojlanishida qay darajada muhimligini to'liq tushunish uchun birinchi navbatda uning aslida nima ekanligini bilishimiz lozim.

Odatda, "bioxilma-xillik nima?" deb so'rasangiz, ko'pchilik oddiy qilib "tabiat", yoki "yovvoyi hayot" deb javob beradi. Aslida, bioxilma-xillik bu hayotning hamma turini va sayyoramizda yashab turgan barcha tabiat tizimlarini o'z ichiga qamrab olgan keng tushunchadir.

Bioxilma-xilligi muqim tushuncha emas. U tabiatning barcha biologik qismlarining bir-biriga bog'liqligini bildiradi.

Bu tushuncha ko'pincha uch qismga bo'linadi:

**1) turlar xilma-xilligi** – barcha o'simlik va hayvonlar xilma-xilligi, shu jumladan, turli bakteriya va mikroorganizmlar;

**2) genetik xilma-xillik** – genetik ashyoning turlardagi va ular orasidagi xilma-xilligi;

**3) ekotizimlar xilma-xilligi** – ekotizimlarning boyligi (shuningdek, tog'dagi o'rmonlar, dashtlar va savannalar, cho'llar va dengizlar va b.).

Ushbu uch tarkibiy qism bioxilma-xillikini tashkil qiladi. Shuning uchun bu qismlardan har birini saqlash bioxilma-xillikni butunligicha saqlab qolishda muhim ahamiyat kasb etadi.

Bioxilma-xillikka boshqa tomondan ham qarash mumkin – aytaylik, biz "biosferada", ya'ni sayyoramizning tirik qismida yashaymiz. Biosfera – juda harakatlanuvchan borliq, lekin shunga qaramasdan, o'zining turli biologik qismlari boyligi hisobiga hayotni saqlash borasida juda muhim.

Biologik hayot boyligi mavjud bo‘lgani uchun biosfera tashqi ta’sirlarga dosh beradi. Bu tashqi ta’sirlar (ya’ni kutilmagan zarbarlar, salbiy to’qnashuvlar) tabiiy (quyosh faolligining farqi kabi) va sun’iy (inson tomonidan o’rmonlarning kesilishi, qurilishlar nati-jasida tabiiy borliqning buzilishi va b. kabi) ta’sirlarga bo‘linadi.

Yer yuzida hayot xilma-xilligi qanchalik ozaysa, biosfera tashqi ta’sirlarga shunchalik mo‘rt va ta’sirchan bo‘lib qoladi. Bioxilma-xillikning ozligi sayyoramizning uzoq umr kechirishi imkoniyatlarini ozaytiradi.

Bioxilma-xillik mamlakatimiz xalqining iqtisodiy, estetik, sog‘liqni saqlash va madaniy farovonligimiz omili hisoblanadi.

Lekin hozir butun dunyoda, shuningdek, mamlakatimizda ham bioxilma-xillikning kamayib borishi – qimmatli genlar, turlar, butun ekotizimlarning yo‘qolib borishi havfi mavjud. Dinozavr-lar davridan beri ya’ni, 65 million yildan beri yo‘qolmagan tabiiy turlar odamlar yaratgan sharoitda yo‘qolib bormoqda.

Bioxilma-xillikning yo‘qolib borishi shu suratda davom etar ekan, taxminan 100 yildan so‘ng yer yuzasidagi turlarning yarmi insonlar ta’siridagi tabiiy yashash joylarining buzilishi, ifloslanish, iqlim o‘zgarishi kabi muammolardan yo‘qolib ketishi mumkin.

Bioxilma-xillikka odamlar tomonidan ta’sir etuvchi asosiy harakatlantiruvchi kuch – biologik resurslardan foydalanishing ortishi, ishlab chiqarish faoliyati, qishloq xo‘jaligi va turar joylarimizning kengayishi hisoblanadi. Bu degani, biz o‘sish jarayonini, iste’mol, savdo va boshqa sohalarni umuman to‘xtatishimiz kerak deganimikan? Albatta, yo‘q. Biroq, barcha odamlar hayoti davomida va yashashi uchun mahsulotlar ishlab chiqarishi davomida bioxilma-xillikka zarar yetmasligini va uning keljak avlodga saqlanib qolishini ta’minlab berishlari kerak.

Bioxilma-xillikning yovvoyi va madaniy qismlaridan biz oziqlanamiz, kiyinamiz; yog‘ochdan ovqat pishirishda, uy qurishda va uy jihози tayyorlashda foydalanamiz; boshqa qismalaridan esa tibbiyotda, sanoat mahsulotlarini ishlab chiqarishda foydalanamiz.

Bioxilma-xillikdan olinadigan foydani ikki qismga bo‘lish mumkin:

### **(a) Biologik xizmatlar:**

O'zbekiston qishloq xo'jaligiga asoslangan davlat. Biroq, qishloq xo'jaligi mahsulotlarining ishlab chiqarilishi tabiatning sifatiga bog'liqdir.

Bioxilma-xillik mahsulotning sifatida o'z aksini topadi. Biologik turlarning xilma-xilligi qay darajada kam bo'lsa, xizmat ko'rsatish doirasi tor bo'ladi va qishloq xo'jaligi mahsulotlariga kerakli tabiiy resurslar sifati hamda qishloq aholisi turmush tarzi past bo'ladi.

### **(b) Mahsulotlaridan to'g'ridan-to'g'ri foydalanish:**

Bizning davlatimizda bioxilma-xilligi mahsulotlaridan foydalanish quyidagicha amalga oshiriladi:

yog'ochdan o'tin sifatida,  
o'simliklardan giyoh va ozuqa sifatida,  
hayvonlarni ovlash orqali va h.z.

Ko'p hollarda bioxilma-xillik mahsulotlaridan foydalanish taribsiz amalga oshiriladi, ya'ni tabiat qayta tiklaydigandan ko'ra ko'proq mahsulot ishlatiladi.

O'zbekistonda bioxilma-xillik yo'qolishining asosiy sababi qishloq xo'jaligi yerlarining kengayishi oqibatida biologik turlar yashash joylarining buzilishi hamda bioxilma-xillik mahsulotlari va xizmatlaridan nooqilona foydalanishdir. Natijada tabiat resurslari miqdori ozayadi va degradatsiyaga uchraydi.

O'zbekiston tabiiy qo'riqxonalari hududlari va eng muhim biologik turlarning tarqalish hududlariga (EMBTTH) qishloq xo'jaligi va boshqa ishlab chiqarish tarmoqlari kengayishining oldini olish O'zbekistonning tabiiy qo'riqlanadigan hududlari (TQH) bioxilma-xillikni saqlashdagi asosiy o'zak hisoblanadi. Shuning uchun hozirda mamlakatdagi eng muhim vazifalardan biri "TQH lardagi mavjud bioxilma-xillikni saqlashdir". Qishloq xo'jaligining rivojlanishi, aniqrog'i, yangi hududlarning qishloq xo'jaligiga tortilishi eng asosiy havfdir. KG Dning vazifasi bunday kengayishning oldini olish va iloji boricha yovvoyi turlarning tarqalishiga sharoit yaratish maqsadida TQH atroflaridagi hududlarni yoki EMBTTHlarni tiklashdir.

Buzilgan ekotizimlarni hamda bioxilma-xillik xizmatlari va funksiyalarini tiklash va rivojlantirish vazifa, maqsadi mavjud

bo'lgan hududlarni tiklash va yaxshilash bo'lgan loyihalarga ko'maklashishga qaratilgan bo'lib, bioxilma-xillik ob'ektlaridan oqilona foydalanish va ularni saqlash mumkin bo'lgan hududlarda amalgamoshirilishi mumkin. Bu vazifa hududlarni va biologik majmualarni nafaqat jismoniy jihatdan tiklashni, balki ularni boshqarishni takomillashtirishni nazarda tutadi.

Mazkur ish tiklanayotgan hududlar orasida aloqa va ekologik butunlik bo'lmasa ma'nosiz bo'lib qoladi. Shuning uchun, topshirilyotgan loyihalardagi tiklanadigan hududlar mavjud TQH larning va mavjud tabiiy majmualarning ichida yoki atrofida joylashishi muhim ahamiyat kasb etadi, chunki bunday hududlar hozirgi kungacha muhim biologik turlarning tarqalish hududlari hisoblanadi.

Bundan tashqari, mazkur vazifaga ekotizimning sog'lom saqlanishiga ijobiy ta'sir qiladigan lekin hozirda buzilgan xizmatlar va funksiyalarni tiklash ham kiradi.

Bioxilma-xillikni saqlash milliy strategiyasi va harakat rejasida (1998) maqsadli masala aniqlangan: O'zbekiston va Markaziy Osiyo bioxilma xilligini namoyon etuvchi noyob va yo'qolib ketish xavfi ostidagi turlarni saqlash va ko'paytirish, ularni tabiiy sharoitlarga reintroduksiya qilish, ilmiy izlanishlar uchun ularni saqlash yo'llari va kelajakda ulardan barqaror foydalanish. Bu quyidagi maqsadlarni o'z ichiga oladi: maxsus markazlar va ko'paytirish bo'yicha qo'riqlanayotgan hududlar institutini rivojlantirish va bor tajribaga tayangan holda mamlakatda tabiatni muhofaza qilishda bosh maqsadlarga erishish uchun mavjudligi muhim deb tan olinayotgan jiddiy tahlika ostida turgan turlarni saqlash bo'yicha dasturlar ishlab chiqish. Turlarni aniqlash, yashab qolishini ta'minlash va bu turlarni ko'paytirish instituti ni amaliy imkoniyati mavjudligini baholash uchun alohida kuch talab qilinadi. instituti ko'paytirish bo'yicha O'zbekiston imkoniyati va tajribasini ko'rib chiqish, xalqaro texnik va moliyaviy yordam potensial manbalarini aniqlash instituti ko'paytirish bo'yicha markazlarni tashkil qilish uchun ma'lum joylar va ko'paytirilayotgan turlar reintroduksiyasi amalgamoshiriladigan hududlarni aniqlash. Biologik xilmayillikni saqlash va bu masalani targ'ibot qilishda hayvonot bog'lari, botanika bog'lari faoliyati va zamonoviy vazifalarini baholash

instituti saqlash sohasida xalqaro tajriba bahosi va xalqaro texnik va moliyaviy potensial manbalarni baholash.

Hayvonot bog‘lari hamda botanika bog‘larini rivojlantirish va boshqarish bo‘yicha dasturni ishlab chiqish, bu dasturda asosiy diqqat bioxilma-xillikni saqlab qolish, ilmiy izlanishlar, targ‘ibot va ta’lim qismida O‘zbekiston uchun zarurligiga qaratiladi.

O‘zbekistonda Madaniyat va sport vazirligi ixtiyoridagi ikkita hayvonot bog‘i (Toshkentda va Termizda), shuningdek, O‘zR FA “Botanika” IIM ga qarashli botanika bog‘i (Toshkentda) bor. Toshkent hayvonot bog‘ining (1924 y.dan beri faoliyat yuritadi) asosiy yo‘nalishi – noyob va yo‘qolib ketayotgan hayvon turlarining tirik kolleksiyalarini yaratish, ularni su’niy ko‘paytirish, respublika hayvonot olamini muhofaza qilishni targ‘ibot qilish. Hozirgi paytda Toshkent hayvonot bog‘ining kolleksiyasi 124 hayvon turidan tashkil topgan. Botanika bog‘i (1922 y.dan beri) ilmiy-tekshirish instituti huquqlari ostida 5 ta laboratoriyanı o‘z ichiga olgan holda faoliyat yuritadi: ajnabiy dendroflora introduksiyalari, mahalliy flora reintroduksiyalari, noyob va yo‘qolib ketayotgan o‘simliklarni muhofaza qilish, gulli-dekorativ assortiment introduksiyasi, tibbiy va sanoat botanikasi.

Tirik o‘simliklar kolleksiyasida mo‘tadil zonadan kelgan 6000 dan ortiq turi va shakllari mayjud. Dendroflora kolleksiyasi 2500 turni, shu bilan birga 170 igna bargli va 2200 o‘tsimon o‘simliklar turlarni o‘z ichiga oladi. Botanika bog‘ida yo‘qolib ketishi xavfiga uchragan o‘simlik turlari (lolalar, piyozlar, eremuruslar va b.) instituti yetishtiriladi, shu yo‘l bilan ularning genofondining saqlanishi ta’minlanadi. Respublika tabiatni muhofaza qilish qo‘mitasi “Jayron” ekomarkazida regional va global yo‘qolib ketishi xavfiga uchragan hayvonlar (jayron, qulon, Prjevalskiy otiri) turlarini saqlash va ularni su’niy ko‘paytirish yuzasidan ishlar olib borilmoqda. Buxoro bug‘usini (Xongul) ko‘paytirish Zarafshon qo‘riqxonasi va Quyi Amudaryo biosfera rezervatining voler majmualarida amalga oshirilmoqda. O‘zbekistonda 1991 yildan buyon Tabiatni muhofaza qilish davlat qo‘mitasi Bionazorat bo‘limida noyob turlarni ko‘paytirish bo‘yicha maxsus pitomnik “TIN” bazasida 100 ortiq itolg‘i ko‘paytirilgan. Faqat 1997-1998 yy. 50 ga yaqin yosh itolg‘ilar olingan.

Toshkent va Termiz hayvonat bog‘larida, Toshkent botanika bog‘ida va “Jayron” ekomarkazida ekskursiya xizmatlari ko‘rsatish yo‘li bilan jamoatchilik orasida maorif va ta’limni rivojlantirish bo‘yicha maxsus ish dasturi ishlab chiqilgan. Har yili **hayvonat bog‘lariga 200 000 kishi tomoshaga keladi**, ularni huzurida shahar yosh naturalistlar klubи faoliyat ko‘rsatadi. Botanika bog‘iga har yili 22000 yaqin kishi tashrif buyuradi. Bu tashkilotlar keng xalqaro ilmiy-texnik hamkorlikda ishlab, texnik hamda xalqaro va chet el tashkilotlari jamg‘armalari mablag‘laridan foydalanmoqda (masalan, WWF-Int./HQ, RPO WWF, WWF-Pakistan, IUCN/HQ, USDA, IPGRI va boshqalar).

“Jayron” Ekomarkazida yarim tutqinlik sharoitida ko‘paytirish jarayonida o‘stirilgan 600 dan ziyod jayronlar tabiiy yashash joylariga introduksiya qilingan. Zarafshon va qobiq “Baday to‘qay” qo‘riqxonalari volerlar kompleksida o‘stirilgan Buxoro bug‘isi (Xongul) tabiiy sharoitlarda yo‘qolib ketgan populyasiyalarini tiklash maqsadida reintroduksiya ishlari olib borilmoqda. Jayron va Buxoro bug‘isining reintroduksiya qilish bo‘yicha ishlar uzlusiz asosda olib borilmoqda. Maxsus pitomnikda tutqinlik sharoitida ko‘paytirilgan itolg‘ilar 1999-2001 yy. tabiatga qo‘yib yuborilgan. Hammasi bo‘lib Ugam-Chotqol milliy bog‘ida 15 yosh qush uchirilgan. “Jayron” Ekomarkazida Prievalschiy oti (30 dan ziyod) va qulon (50 ga yaqin) lar guruhi tuzilgan, uning asosida bu turlarni tabiiy shariotga reintroduksiya qilish bo‘yicha ishlarni boshlash mumkin. 1982-1995 yy. bu ekomarkaz bazasida global zaif qush turi yo‘rg‘a tuvaloqni tutqinlik sharoitida ko‘paytirish bo‘yicha ishlar bajarilib, uni tutqinlik sharoitida muvafaqqiyatli ko‘paytirish imkoniyati borligi isbotlangan. Lekin, hozirgi vaqtida texnik va moliyaviy muammolar bu turni tabiiy populyasiyasi sonini ko‘tarish maqsadida ko‘plab ko‘paytirishni yo‘lga qo‘yishga imkon bermay kelmoqda.

1995 yil O‘zbekiston Respublikasi a’zo bo‘lgan Biologik xilma-xillik to‘g‘risidagi Konvensiyaning (BXK) asosiy maqsadlari dan biri, amaliyotda bu bioxilma-xillikni saqlash va undan barqaror foydalanishda ilmiy bilimlar va texnologik yutuqlarning o‘rnini katta ekanligini tan olishdir.

Mamlakatlar o'rtasida amalda ma'lumot va texnologiyalardan foydalanishda sezilarli farq mavjud bo'lganligini hisobga olib, Konvensiya BXKning Vositachilik Mexanizmini tashkil qildi. U barcha hukumatlarga, ularning bioxilma-xillik sohasidagi faoliyati uchun zarur bo'lgan ma'lumot va texnologiyalarga kirishni ta'minlash uchun ishlab chiqilgan. BXKning vositachilik mexanizmi Konvensiyaning bosh global axborot resursi va shu bilan birga uni amalga oshirishda ilmiy-texnikaviy hamkorlikni rivojlantirishning barqaror tizimi hisoblanadi.

BXKning Vositachilik mexanizmida barcha ishlarning asosiy jarayonlari, Konvensiyaga a'zo davlatlarning Vositachilik mexanizmini Milliy muvofiqlashtirish markazlariga yuklatilgan. Bunday markazlar bioxilma-xillik to'g'risidagi ma'lumotlarni yig'ish va ularni almashishga mas'uldirlar. Hozirgi vaqtida 154 ta shunday markazlar mavjud bo'lib, ulardan 144 tasi elektron manziliga va 79 tasi o'z veb-saytiga ega.

O'zbekiston Respublikasi Tabiatni muhofaza qilish davlat qo'mitasi huzuridagi O'zbek vositachilik mexanizmining milliy muvofiqlashtirish markazi 2006 yilda tashkil etildi.

Vositachilik mexanizmining birinchi bosqichidagi vazifalarri O'zbekistondagi BMTning Rivojlanish dasturining texnik ko'magi bilan amalga oshirilayotgan Global Ekologik Jamg'arma (GEJ) va O'zbekiston Hukumatining "Biologik xilma-xillikni saqlash bo'yicha milliy strategiya va harakat rejasini amalga oshirish uchun milliy salohiyatni rivojlantirishda ustuvor ehtiyojlarni baholash va vositachilik mexanizmi tuzilmalarini yaratish" (ANCB-CHM) dasturiga yuklatilgan.

Dastlab biologik xilma-xillikni saqlash sohasida O'zbekistonning ma'lumotlar ko'lamini baholash amalga oshirildi, davlat miqyosida ma'lumot saqlovchi va foydalanuvchilar o'rtasida ishchi aloqalar o'rnatildi.

Bular natijasida quyidagilar yaratildi:

1) Biologik xilma-xillik bo'yicha ma'lumotlar saqlovchi — tashkilotlar va manfaatdor tomonlar haqidagi ma'lumotlar bazasi;

2) Geografik ma'lumot tizimlari (GMT) elementlarini va metama'lumotlarni o'z ichiga olgan dasturlar va BXK masalalari bo'yicha turli mavzudagi ma'lumotlar bazalari va uslubiy ma'lumotlar;

3) GMT va meta-ma'lumotlarni o'z ichiga olgan Atrof-muhitni boshqarish bo'yicha Axborot tizimining (EIS) uzviy birikmasi sifatida biologik xilma-xillikning axborot boshqarish tizimi;

4) Biologik xilma-xilligi sohasida ekspertlar ro'yxati.

"Vositachilik mexanizmi" – inglizcha "Clearing-Xouse Mechanism" atamasining tarjimasi, dastlab a'zo – banklar o'rta-sida to'lov hujatlari bo'yicha hisob-kitobni pul o'tkazish yo'li bilan amalga oshiruvchi moliyaviy tashkilot ma'nosini anglatgan.

Mazkur veb-sayt Biologik xilma-xillik to'g'risidagi Konvensiya (BXK) Vositachilik mexanizmining O'zbekiston Milliy muvofiqlashtirish markazi faoliyatiga internet – ko'makchi vosita sifatida yaratildi.

Sayt 2006 yil O'zbekistondagi BMT Rivojlanish dasturining (BMTRD) texnik ko'magi bilan amalga oshirilayotgan, Global Ekologik Jamg'arma (GEJ) va O'zbekiston Hukumatining "Biologik xilma-xillikni saqlash bo'yicha milliy strategiya va harakat rejasini amalga oshirish uchun milliy salohiyatni rivojlantirishda ustuvor ehtiyojlarni baholash va vositachilik mexanizmi tuzilmalarini yaratish" Dasturi doirasida ishlab chiqildi.

O'zbekistonda BXKning Milliy muvofiqlashtiruvchi markazi O'zbekiston Respublikasi Tabiatni muhofaza qilish davlat qo'mitasi dasturini ijro etuvchi agentlikdir.

1995 yil O'zbekiston Respublikasi a'zo bo'lgan Biologik Xilma-xillik to'g'risidagi Konvensiyaning (BXK) asosiy maqsadlari dan biri, amaliyotda bu bioxilma-xillikni saqlash va undan bar-qaror foydalanishda ilmiy bilimlar va texnologik yutuqlarning o'rni katta ekanligini tan olishdir.

O'zbekiston Respublikasida ekologik chora-tadbirlar va huquqiy rag'batlantirishning qonuniy bazasini rivojlantirish jarayoni, davlat va tabiatdan foydalanuvchilar orasidagi munosabatlar boshqarish mexanizmi va tizimini takomillashtirishga yo'naltirilgan hamda milliy huquqiy-qonunchilik bazasini xalqaro ekologik konvensiyalar va bitimlar talabiga moslashtirish doimiy ravishda davom etmoqda. Tabiatni muhofaza qilish qonunchiligini rivojlanishida atrof-muhitga ta'sir etishni baholashga alohida e'tibor beriladi. Hozirgi vaqtida O'zR Oliy Majlisi tomonidan 50 dan ziyod

qabul qilingan qonunlar O‘zbekistonda BXK qoidalarini tadbiq etishga imkon beradi va shulardan 30 tasi to‘g‘ridan-to‘g‘ri ularni realizatsiya qilishni ta‘minlaydi.

BXK bajarilishiga daxldor rasmiy me’yoriy-huquqiy hujjatlar soni bir necha yuzdan iborat. Hozirgi vaqtida O‘zbekiston 25 xal-qaro ekologik konvensiyalar va bitimlar, bayonnomma va ularga kiritilgan o‘zgartirishlar bilan birga, o‘zaro kuchaytiruvchi samarani tadbiq qilishni ta‘minlovchi mamlakatdir. Orxus Konvensiyasiga mamlakatni qo‘shilishi uchun ma'lumotlardan foydalanish, qaror qabul qilish jarayonida ommaning qatnashishi va atrof-muhit masalalariga nisbatan adolatli bo‘lish (Orxus, 25.06.1998 y.), BXK bioxavfsizlik bo‘yicha Kartaxen bayonnomasi (Monreal, 29.01.2000 y.), “Saygakni saqlash, tiklash va barqaror foydalanishga nisbatan hamjahatlik to‘g‘risida”, “Yo‘rg‘a tuvoloqni saqlash, tiklash va barqaror foydalanishga nisbatan hamjahatlik to‘g‘risida” Memorandumlarini imzolashga kerakli materiallar tayyorlangan.

O‘zbekiston bioxilma-xilligi uchun asosiy xavf-arelaning qis-qarishi va ancha-muncha o‘zgarishi hisoblanadi. Tabiiy ekotizimga ko‘proq quyida sanab o‘tiladigan uchta antropogen omillar guruhi ta’sir etadi:

1. Yerlarni o‘zlashtirilishi, suv resurslarini qayta taqsimlanishi bilan bog‘liq ravishda.
2. Yaylov chorvachiligi.
3. Qazilma xom-ashyolarini qazib olish va energetik sanoati.

Umuman ularni tarkibiga kiradi: cho‘llanish jarayonining kuchayishi, yaylovlarda xo‘jalik yuritishni jadallashi va haddan tashqari hayvonlarni boqilishi, irrigatsiya va sho‘rlanish hamda yerlarni yaroqsizligi, daryo suvlarini boshqarilishi, gidroenergetik ob‘ektlar, suv to‘planadigan rayonlarda qishloq xo‘jaligi faoliyati va gidrobalansni buzilishi, qayirlarda o‘rmonlarni yo‘qotilishi, suv tagidagi qum va loylarni qazib olinishi, suv sathini tushib ketishi oqibatida suv rejimini bir xil emasligi va sho‘rlanish, pestitsidlар, polidixlorfenillar va og‘ir metallar bilan ifloslanish, o‘rmonlarni kesilishi, o‘simlik xom-ashyolarini tayyorlash, brakonerlik, rekratsiya.

Yerlarni o'zlashtirish sektorini rivojlanishi hududda o'zlashtirilgan yerlar maydonini 1955 y. 25 850 km<sup>2</sup> dan 1990 y. 42 218 km<sup>2</sup> gacha kengayishiga va suvdan foydalanishni o'sishiga olib keldi, bu Orol dengiziga oqib keladigan suvni 1960 yil qariyib 68 km<sup>3</sup> dan 1989 y. 6 km<sup>3</sup> gacha qisqarishida namoyon bo'ldi.

O'zlashtirilgan yerlar umumiylar maydonni 10% ni tashkil etilishiga qaramasdan, O'zbekiston va qo'shni mamlakatlar ekologiyasiga katta ta'sir ko'rsatadi, buni ayrim ekotizimlarni to'liq buzilganligi va boshqalarining maydonini keskin qisqarganligida ko'rish mumkin. Hamma ekotizimlar ma'lum darajada o'zgargan. Ekotizimga etkazilgan zarar arealini to'g'ridan-to'g'ri buzilishidan boshlab, bilvosita va samaraivlikni o'chashga kam imkon berishigacha farqlanadi (masalan, iqlimni va gidrologik siklni o'zgarishidan bo'ladigan).

Yerlarni o'zlashtirilishining rivojlanishi mamlakat hududining asosiy qismini tashkil etgan cho'l, yarim cho'l va tog' ekotizimlariiga kam bevosita ta'sir ko'rsatmoqda. Shunga qaramasdan, ancha katta to'g'ridan-to'g'ri bo'lman samarani, asosan, o'zgarishga yuqori darajadagi sezuvchanlik xususiyatiga ega tog' ekotizimsiga ko'rsatdi. Orol dengizi ostini ochilishi va tabiiy o'simliklar qoplamni maydonini qisqarishi lokal iqlimni ancha o'zgarishiga, kontinental qurg'oqchilikga olib kelib keldi. Shamol tezligi o'sdi, cho'llanish jarayoni har tomonlama kuchaydi. Shamol tufayli ifloslanish salbiy natija bermoqda.

Chorvachilik sug'oriladigan dehqonchilikga nisbatan, o'zgaruvchanlikga ko'proq moyil, chunki u kam markazlashgan va suv xo'jaligi infrastrukturasiga qaramligi kamproq. Xususiy xo'jaliklar tezroq iqtisodiy foya olish uchun qurg'oqchil ekotizimlarga zarar yetkazib chorva mollari sonini tez sur'atlar bilan o'stirish imkoniyati bor. Boshqarish choralar ko'rilmagan taqdirda bu omil cho'llar uchun asosiy va tog' ekotizimsi uchun kamroq darajada xavfli bo'lib qolaveradi.

Sanoatni rivojlanishi va maishiy tarafdan resurslardan iste'mol qilish qishloq xo'jaligiga nisbatan kamroq bo'lsa ham, katta samara bor bo'lib, suvlarni ifoslantirish orqali o'zini suv va yarim suvli tizimlarga zararini yetkazadi. Bundan tashqari, mamlakatni ayrim

qismlarida ayniqsa cho'l ekotizimsiga foydali qazilma boyliklarni kazib olish va metallurgiya sanoati katta zarar yetkazmoqda.

Biologik resurslarni saqlash tomonlariga va ekologik barqarorlikni ushlab turishga katta ahamiyat berilishiga qaramasdan, yuqoridagi omillar o'zining salbiy oqibatlari harakatini o'zgarmagan holda davom ettirmoqda. Shunday qilib, agar biz kelajakda sodir bo'ladi-gan holatlarni oldini olmoqchi bo'lsak maxsus chora-tadbirlar qabul qilish talab etiladi.

**Alohiba xavf ostidagi ekotizimlar va turlar:** Katta o'zgarishlar ro'y bergan: tekislik hududlar, daryo qayirlari va qayir usti yerlari, sug'orilish uchun o'zlashtirilgan yerlar, suv va suv oldi ekotizimla-ri, Orol dengizi regioni.

Hozirgi vaqtida respublikada o'zgargan ekotizimlar: tuproqli cho'llarni 80%, daryo qayirlarini 95%, qumli cho'llarni 20% (Farg'onan vodiysida – 90%) va tog'li hududlarni 40% ni tashkil qiladi.

Daryo qayirlari va qayir usti hududlari katta masshabda tabiiy o'simliklardan tozalanishidan va yerlarni sug'orish uchun olinishi-dan aziyat chekdi. Yanada ko'proq yo'qotish va degradasiya sho'rnanish, botqoqlashish va agro – va zaharli ximikatlar bilan ifloslanish natijasida kelib chiqqan, qishloq xo'jaligi olib borilayotgan joylarda noto'g'ri amaliyotlar qo'llanishi ham bo'lgan.

Suv va yarim suvli ekotizimlar uchun suvning sho'rnanishini oshishi va agroximikatlar bilan ifloslanishi muhim ahamiyatga ega. Bundan tashqari, irrigatsion tizimlarni rivojlanishi oqibatida tabiiy gidrologik sikllari o'zgarishini keng miqiyosda o'sishi akvatik ekologik sharoitlarni jiddiy o'zgarishiga olib keldi, bu esa o'z navbatida turlar sonini kamayishi va arealini qisqarishi yoki ularni butunlay yo'qolishiga sabab bo'ldi. Baliqlarning ko'pgina ekzotik turlarini iqlimlashtirilishi ham ekologik balansni o'zgarishiga olib keldi.

Orol dengizi regioni Markaziy Osiyoning qariyib hamma regionlaridan suvlarni oqib tushishi uchun xizmat qilib, dehqonchilik rivojlanishidan zarar ko'rgan. Irrigatsiya suvlardan ekstensiv va samarasiz foydalanish Orol dengiziga oqib tushadigan suvlarni bir-daniga kamayishiga, uning sathini tez va keskin tushib ketishiga olib keldi. Asosiy samara suvning sho'rnanishini uch marta ko'tarilishi munosabati bilan hayot shakllar qirilib ketdi.

Har xil ekotizimlarda yer ustidagi fauna va floraning bioxilma-xillik tubdan farq qiladi va u yoki bu tabiiy zonalarni transshakltsiya darajasiga bog‘liq.

Yashash joylarining degradatsiyasi munosabati bilan qator umurtqali hayvonlarning yo‘qolib ketish jarayoni va to‘g‘ridan-to‘g‘ri qirish natijalari ayniqsa yirik sutevizuvchilarda seziladi. Hammadan ham areali va sonining kamayishi tuyoqli va yirtqich hayvonlar vakillariga tegishlidir. Yo‘q bo‘lib ketgan yirtqich hayvonlarga Turon yo‘lbarsi va gepard kiradi, butunlay yo‘q bo‘lib ketish arafasida turgan turlar – sirtlon, qoraquloq, qoplanlar.

### **Nazorat uchun savollar:**

1. Barqaror rivojlanishning global mohiyati va atrof-muhitni boshqarishdagi o‘rnini tushuntirib bering.
2. Biologik xilma-xillik deganda nimani tushunasiz?
3. Bioxilma-xillikni saqlash milliy strategiyasi va harakat rejasini tushuntiring.
4. Bioxilma-xillik to‘g‘risidagi konvensiyaning vositachilik mexanizmi qay tartibda amal qiladi?
5. Bioxilma-xillik to‘g‘risidagi konvensiyaning vositachilik mexanizmi institutsiional asosi va iqtisodiy boshqaruvini izohlang.
6. O‘rmonlar bioxilma-xillik nimalarda namoyon bo‘ladi?
7. Bioxilma-xillik uchun qanday asosiy xavflar mavjud?

## **XIII-BOB. EKOLOGIK QONUNCHILIK VA BARQAROR RIVOJLANISH KONTSEPSIYASI**

### **13.1. Ekologik xavfsizlikni ta’minlashning huquqiy asoslari**

**Ekologik havfsizlik** deganda atrof tabiiy muhit holatini organizmlarning hayoti uchun ehtiyojlariga javob bera olishi, yoki insonlar uchun sog‘lom, toza va qulay tabiiy sharoitga ega atrof-muhit tushuniladi. Ekologik xavfsizlikni ta’minlash uchun har bir alohida davlat ma’lum ekologik siyosatni olib boradi.

**Ekologik tahdidlar** deganda atrof-muhit holati va insonlarning hayot faoliyatiga bevosita yoki bilvosita zarar etkazadigan tabiiy

va texnogen xarakterdagи hodisalar tushuniladi. Ekologik tah-didlarning mahalliy, milliy, mintaqaviy va global darajalari ajratiladi. Ekologik tahdidlar darajalari shartli ajratilgan. Aholining ichimlik suv bilan ta'minlanishi, havoning ifloslanishi, chiqindilar muammosini mahalliy darajadagi ekologik tahdidlar qatoriga ham kiritish mumkin.

O'zbekiston Respublikasida ekologik xavfsizlikni ta'minlash strategiyasi ekologiya sohasidagi shaxs, jamiyat va davlatning O'zbekiston Respublikasining milliy xavfsizlik Konstepstiyasi va Konstitutsiyasida belgilangan hayotiy zarur manfaatlaridan kelib chiqadi.

Shaxsning hayotiy zarur manfaatlariga:

— insonning hayot faoliyati uchun optimal ekologik sharoitlarni ta'minlash, aholi salomatligini himoya qilish kiradi;

Jamiyatning hayotiy zarur manfaatlariga:

— barqaror ekologik vaziyatni qaror toptirish, aholi salomatligini ta'minlash, sog'lom avlodni shakllantirish kiradi;

Jamiyatning hayotiy zarur manfaatlariga:

— barqaror rivojlantirish, mintaqada ekologik vaziyatning bar-qarorligi, sog'lom turmush tarzini shakllantirish;

— iqtisodiyotning ustuvor tarmoqlarida ilmiy-texnik rivojlanishning yuqori darajasini ta'minlash;

— milliy xavfsizlikning samarali tizimini yaratish, O'zbekistonning kollektiv xavfsizlik va hamkorlikning mintaqaviy va global tizimlari tarkibiga tabiiy qo'shilishini ta'minlash kiradi.

Har bir alohida mamlakatda ekologik xavfsizlikni ta'minlashning ustuvor yo'nalishlari mavjuddir. O'zbekistonda tabiiy resurslardan foydalanish va atrof-muhitni ifloslanishdan saqlash borasida ijobjiy o'zgarishlar amalga oshdi.

Ekologik xavfsizlikni ta'minlash va ekologik tahdidlarning oldini olish uchun O'zbekistonda birinchi navbatda quyidagi tad-birlarni amalga oshirish maqsadga muvofiqliqdir:

1. Tabiiy resurslardan, shu jumladan, suv, yer, mineral xomashyo va biologik resurslardan kompleks foydalanish;

2. Respublika hududida atrof-muhit ifloslanishini ekologo-gienik va sanitар me'yорlarga kamaytirish;

3. Ekologik falokat zonası – Orolbo‘yida, shuningdek mamlakatning boshqa ekologik nomaqbul hududlarida ekologik holatni tiklash va sog‘lomlashtirish bo‘yicha kompleks tadbirlarni amalga oshirish;

4. Respublika aholisini sifatlari ichimlik suvi, oziq mahsulotlari, dori-darmonlar bilan ta’minalash;

5. Ekologik toza va kam chiqitli texnologiyalarni joriy qilish;

6. Ekologiya sohasida ilmiy-texnik salohiyatni oshirish, fan va texnika yutuqlaridan foydalanish;

7. Aholining ekologik ta’limi, madaniyati, tarbiyasi tizimini rivojlantirish va takomillashtirish;

8. Ekologik halokatlar, ofatlar, favqulodda vaziyatlar, avaryalarning oldini olish va oqibatlarini tugatish;

9. Ekologik muammolarni hal qilishda jahon hamjamiyati bilan hamkorlikni chuqurlatish va boshqalar.

Mamlakatning tashqi va ichki ekologik siyosatini jahon talabari doirasida olib borishda qonuniy hujjatlar hal qiluvchi rol o‘ynaydi. Mustaqillik yillarda O‘zbekistonda 120 dan ortiq qonun va qonun osti hujjatlari qabul qilingan.

Ekologik qonunchilikning maqsadi insonlarning salomatligi, mehnat va maishiy sharoitlari to‘g‘risida g‘amxo‘rlik qilish hisoblanadi.

Ekologik qonunchilik bir necha darajalarni o‘z ichiga oladi. O‘zbekiston Respublikasining Konstitutsiyasining meyorlari ekologik qonunchilikning asosini tashkil qiladi. 1992-yil 8-dekabrda qabul qilingan O‘zbekiston Respublikasining Konstitutsiyasi asosiy qonun hisoblanib, hamma uchun majburiy va oliy yuridik kuchga egadir.

Atrof-muhitni muhofaza qilish masalalari Konstitustiyaning 50, 54, 55 va 100-moddalarida berilgan. Konstitustiyaning 50-moddasida “Fuqarolar atrof – tabiiy muhitga ehtiyyotkorona munosabatda bo‘lishga majburdirlar” deb ta’kidlanadi. Ushbu talabga ko‘ra O‘zbekistonning har bir fuqarosi atrof tabiiy muhitni muhofaza qilishi va tabiiy boyliklardan oqilona foydalanish talablariga to‘la amal qilishi shartdir.

Asosiy qonunning 54-moddasiga ko‘ra, jamiyatning iqtisodiy negizlaridan biri bo‘lgan mulkiy munosabatlar bozor iqtisodiyoti

qonuniyatlariga mos ravishda e'tirof etiladi. Lekin mulkdor o'z hohishicha egalik qilishi, foydalanishi va uni tasarruf etishi hech qachon ekologik muhitga, ya'ni atrof-muhit holatiga zarar yetka-zmasligi kerak.

Konstitustiyaning 55-moddasiga muvofiq “Yer, yer osti boyliklari, suv, o'simlik va hayvonot dunyosi hamda boshqa tabiiy zaxirlar umummilliy boylikdir, ulardan oqilona foydalanish zarur va ular davlat muhofazasidadir”.

Umummilliy boylik tushunchasi jahon Konstitutsiyalari tarixida birinchi bor O'zbekistonda qo'llanilgan bo'lib, u barcha turdag'i mulk shaklini inobatga oladi. Lekin barcha tabiiy ob'ektlar o'zbek xalqining mulki bo'lib, uni O'zbekiston Respublikasi ilk bor mustaqil tasarruf etish huquqiga ega bo'ldi. Endilikda milliy boylik bo'lgan barcha tabiiy zaxiralardan o'ta samaradorlik bilan foydalanish mam-lakatimiz rivojining zaminidir. Shuning uchun ham davlat ularni o'z muhofazasiga oladi.

Konstitutsiyaning 100-moddasiga binoan ilk bor shahar, tuman, viloyat mahalliy hokimiyatlariga o'z ma'muriy-hududiy bo'linmalarida atrof-muhitni muhofaza qilish vakolati topshirilgan. Ularda yashovchi aholini ekologik jihatdan xavfsizligini ta'minlash, iqtisodiy-ekologik tadbirlarni uyg'unlashtirish, hamda kelajak istiqbollarini belgilash maqsadida tabiiy ob'ektlarni muhofaza qilish chora-tadbirlarini tegishli hududlar bo'yicha ishlab chiqish, ulardan foydalanish, egallash, ijralash va mulk sifatida berish huquqini yaratdi, nazorat – javobgarlik mexanzmini takomillashtirishga imkon berdi.

1992-yil 9-dekabrda qabul qilingan “Tabiatni muhofaza qilish to'g'risida” gi qonun ekologiya sohasidagi asosiy qonun hisoblanadi. U quyidagi bo'limlarni o'z ichiga oladi: “Umumiy qoidalar; davlat hokimiyati va boshqaruvi idoralarining tabiatni muhofaza etishga taalluqli huquqiy munosabatlarini tartibga solish sohasidagi vakollari; O'zbekiston Respublikasi aholisining tabiatni muhofaza qilishi sohasidagi huquq va majburiyatları; atrof tabiiy muhit sifatini meyortivlar bilan tartibga solish; tabiiy resurslardan foydalanishni tartibga solish; ekologik ekspertiza; ekologik nazorat; tabiatni muhofaza qilishi ta'minlashning iqtisodiy chora-tadbirlari; favqulodda ekolo-

giya vaziyatlari; xo'jalik faoliyati va boshqa yo'sindagi faoliyatga doir ekologiya talablari; tabiatni muhofaza qilishga doir qonunlarni buzganlik uchun javobgarlik, tabiatni muhofaza qilishga oid nizolarni hal qilish".

Ilmiy-texnik taraqqiyot va u bilan bog'liq tabiiy muhitning buzilishi muhofazani kuchaytirish, alohida resurslardan foydalanishni huquqiy tartibga solish uchun "Suv va suvdan foydalanish to'g'risida" (2001); "Muhofaza etiladigan tabiiy hududlar to'g'risida" (1993); "Atmosfera havosini muhofaza qilish to'g'risida" (1996); "Hayvonot dunyosini muhofaza qilish va undan foydalanish to'g'risida" (2016) va boshqa qonunlar qabul qilingan. Mavjud qonunlar va meyortiv huquqiy hujjalarda fuqarolarning ekologik huquqlariga katta o'rinni berilgan.

"Tabiatni muhofaza qilish to'g'risida"gi qonunning muqaddimasida — "Qonunning maqsadi inson va tabiat o'rtasidagi munosabatlar uyg'un muvozanatda rivojlanishini, ekologiya tizimlari, tabiat komplekslari va ayrim ob'ektlar muhofaza qilinishini ta'minlashdan, fuqarolarning qulay atrof-muhitga ega bo'lishi huquqini kafolatlashdan iboratdir" deb ta'kidlanadi. Qonunning 12-moddasiga binoan "O'zbekiston Respublikasi aholisi o'z salomatligi va kelajak avlodning salomatligi uchun qulay tabiiy muhitda yashash, o'z salomatligini atrof-muhitning zararli ta'siridan muhofaza qilish huquqiga ega".

Ana shu maqsadda O'zbekiston Respublikasi aholisi tabiatni muhofaza qilish bo'yicha jamoat tashkilotlariga birlashish, atrof tabiiy muhitning ahvoli hamda uni muhofaza qilish yuzasidan ko'rileyotgan chora-tadbirlarga doir axborotlarni talab qilish va olish huquqiga ega".

Demak, har bir fuqaro o'zi yashaydigan joydagi ekologik vaziyat va uning kelgusida o'zgarishi bo'yicha mutassaddi tashkilotlardan mavjud ma'lumotlarni olish, o'rganish va undan foydalanishga haqlidir. Har bir kishi o'z xohishi bo'yicha atrof-muhitni muhofaza qilishga hissasini qo'shishi uchun barcha imkoniyatlar mavjud. Biror korxona yoki boshqa ob'ektlar faoliyati natijasida insonlar salomatligiga zararli ta'sir ko'rsatayotgan bo'lsa shikoyat orqali, hokimiyat, boshqaruv va tabiatni muhofaza qilish idoralarining qarori bilan ularning faoliyati cheklanishi, to'xtatib qo'yilish-

hi, tugatilishi yoki o'zgartirilishiga erishish mumkin. Yuridik va jismoniy shaxslar ekologik zararli korxona faoliyatini to'xtatish to'g'risida sudga da'vo bilan murojaat qilishga haqlidirlar.

Zaharli chiqindilarni tashlash natijasida ekinlarni, baliqlarni nobud qilish, tabiiy ob'ektlarni buzish, yetkazilgan zarar uchun korxonalar, mansabdar shaxslardan va fuqarolardan belgilangan tartibda tovon pulini undirish majburiydir.

Mavjud qonunchilikda tabiatdan oqilona foydalanish, yangi, kam chiqitli texnologiyalarni joriy qilish chora-tadbirlarini amalga oshirgan korxonalar, muassasalar, tashkilotlar va fuqarolar uchun rag'batlantirish ko'zda tutilgan.

Asosiy qonunda tabiatdan umumiy va maxsus yo'sinda foydalanish shartlari berilgan. Tabiatdan umumiy tarzda foydalanish – tabiat qo'ynida dam olish, baliq ovlash, o'simliklar terish va boshqalar fuqarolar uchun tekinga, hech qanday ruxsatnomalarsiz amalga oshiriladi. Tabiatdan maxsus foydalanish korxonalar, tashkilotlar va fuqarolarga ishlab chiqarish va o'ziga xos faoliyatni amalga oshirish uchun tabiiy resurslardan haq olib va maxsus ruxsatnomalar asosida egalik qilishga, foydalanish yoki ijaraga beriladi. Tabiiy resurslardan foydalanishda maxsus me'yorlar (limit) belgilanadi. Tabiatdan foydalanishda ijaraga olish, listenziya, shartnoma va boshqa shakllari mavjuddir. Tabiatdan foydalanish talab va me'yorlar darajasida bo'lmasa ruxsatnomalar va ijara shartnomalari bekor qilinadi va tabiatdan foydalanuvchi keltirilgan zararni qoplashi majbur bo'ladi.

Atrof-muhit va inson salomatligiga zarar yetkazadigan faoliyat, ekologik qonunbuzarliklar uchun mansabdar shaxslar va fuqarolar O'zbekiston Respublikasi qonunlariga muvofiq intizomiy, fuqaroviyl, ma'muriy va jinoiy javobgarlikka tortilishi mumkin.

"Tabiatni muhofaza qilish to'g'risida"gi qonunning 47-mod-dasiga ko'ra – "Tubandagi hollarda:

– tabiatni muhofaza qilishning standartlari, meyorlari, qoidalari va boshqa meyortiv-texnik talablarni buzishda, shu jumladan korxonalar, inshootlar, transport vositalari va boshqa ob'ektlarni rejalashtirish, qurish, rekonstruksiyalash, ulardan foydalanish yoki ularni tugatish chog'ida, ekologiya nuqtai nazardan xavfli mah-

sulotlarni chet ellarga chiqarish va chet ellardan olib kelishda hududning belgilab qo'yilgan ekologiya sig'imini, ekologiya meyorlari, qoidalarini buzishda;

— tabiiy boyliklardan o'zboshimchalik bilan foydalanishda, davlat ekologiya ekspertizasi talablarini bajarmaganlikda;

— tabiiy resurslardan foydalanganlik uchun, atrof tabiiy muhitga zararli moddalar chiqarganlik va oqizganlik, qattiq chiqindilar joylashtirganlik, bu muhitni ifoslantirganlik va unga zararli ta'sir ko'rsatishning boshqa turlari uchun belgilangan haqni to'lashdan bosh tortganlikda;

— tabiatni muhofaza qilish ob'ektlarini qurish rejalarini, tabiatni muhofaza qilishga doir boshqa tadbirlarni bajarmaslikda;

— atrof tabiiy muhitni tiklash, unga bo'ladigan zararli ta'sir oqibatlarini bartaraf etish va tabiiy resurslarni takror ishlab chiqarish choralarini ko'rmaganlikda;

— tabiatni muhofaza qilish ustidan davlat nazoratini amalga oshirayotgan idoralarning ko'rsatmalarini bajarmaganlikda;

— alohida muhofaza qilinadigan hududlar va ob'ektlarning huquqiy tartibotini buzganlikda;

— ishlab chiqarish va iste'mol chiqindilarini, kimyo lashtirish vositalarini, shuningdek radioaktiv va zararli kimyoviy moddalarini saqlash, tashish, ulardan foydalanish, ularni zararsizlantirish va ko'mib yuborish vaqtida tabiatni muhofaza qilish talablarini buzganlikda;

— atrof tabiiy muhitni muhofaza qilish sohasidagi davlat nazoratini amalga oshiruvchi mansabdor shaxslarning ob'ektlarga borishiga, ayrim shaxslar va tabiatni muhofaza qilish jamoat tashkilotlariga esa huquq va vazifalarini ro'yobga chiqarishlariga to'sqinlik qilinganda;

— atrof tabiiy muhitning holati va uning resurslaridan foydalananish to'g'risida o'z vaqtida va to'g'ri axborot berishdan bosh tortganlikda aybdor bo'lган shaxslar O'zbekiston Respublikasining qonunlariga binoan intizomiy, ma'muriy, jinoiy va boshqa yo'sindagi javobgarlikka tortiladilar".

Ekologiya sohasida huquqbazarlik sodir etilganda quyidagi ma'muriy jazo choralarini qo'llanilishi mumkin:

- 1) jarima;
- 2) ma'muriy huquqbuzarlikni sodir etish quroli hisoblangan yoki bevosita shunday narsa bo'lgan ashyoni musodara qilish;
- 3) muayyan shaxsni unga berilgan maxsus huquqdan (masalan, ov qilish huquqidan) mahrum etish.

Ekologiya sohasidagi ijtimoiy xavfli, og'ir oqibatlarga olib keladigan qonunbuzarliklar uchun mansabdar shaxslar va fuqarolar jinoiy javobgarlikka tortilishi mumkin.

Tabiatdan foydalanish talablarini qo'pol buzish, atrof-muhitning ifloslanishi oqibatida aholining ommaviy kasallanishi yohud nobud bo'lishi; hayvonlar, parrandalar, baliqlarning qirilib ketishi; suv yoki suv havzalaridan foydalanish tartibini buzish; "Qizil kitob"ga kiritilgan turlarni nobud qilish va boshqalar shunday jinoyatlarga kiradi.

Ekologik jinoyat sodir etishda aybli deb topilgan shaxslarga nisbatan quyidagi asosiy jazolar qo'llanilishi mumkin:

- 1) jarima;
- 2) muayyan huquqdan mahrum qilish;
- 3) axloq tuzatish ishlari;
- 4) qamoq;
- 5) ozodlikdan mahrum qilish.

Qo'shimcha tariqasida mol-mulkni musodara qilish ham qo'llanilishi mumkin.

Ekologik qonunbuzarliklarning oldini olish katta ahamiyatga egadir. Bunda aholi o'rtasida zarur ta'lim-tarbiya, targ'ibot ishlarini muntazam olib borish, ommaviy axborot vositalarida bu masalalarni yoritib borish ijobiy natijalarini beradi.

Ekologik qonunchilikni rivojlantirish, qonunlar va boshqa meyortiv hujjatlarga tegishli o'zgartirishlar kiritib borish, shu sohadagi yangi qonunlarni qabul qilish katta ahamiyatga egadir. Har bir fuqaro o'zining ekologik huquq va majburiyatlarini bilishi, qonunlarga riosa qilishi lozimdir.

## **13.2. Ekologik xavfsizlikni ta'minlashning tashkiliy asoslari**

Ekologik xavfsizlikni ta'minlash, tabiiy resurslardan oqilona foydalanish atrof-muhitni muhofaza qilishni boshqarishni takomillashtirish bilan bog'liqdir.

O'zbekiston Respublikasining **Oliy Majlisi** tabiatni muhofaza qilish siyosatining asosiy yo'nalishlarini belgilaydi, qonun hujjatlarini qabul qiladi va davlat ekologiya qo'mitasining faoliyatini muvofiqlashtirib turadi. Tabiiy resurslardan foydalanganlik uchun haq olishning eng ko'p-kam hajmini, shuningdek, to'lovlarini undirib olishdagi imtiyozlarni belgilaydi. Shuningdek, hududlarni favqulodda ekologiya holati, ekologiya ofati va ekologiya falokati mintaqalari deb e'lon qiladi va bunday mintaqalarning huquqiy rejimini va jafo ko'rganlarning maqomini belgilaydi.

O'zbekiston Respublikasining **Prezidentiga** davlat boshlig'i sifatida quyidagi vakolatlar berilgan:

- ekologik xavfsiz muhitni ta'minlash uchun zaruriy chora-tadbirlar ko'radi;
- ekologiya borasidagi qonunlarni imzolaydi va ularga oid farmon, farmoyish va qarorlar qabul qiladi;
- ekologik qonun me'yorlarini buzuvchi davlat hokimiyyati va boshqaruva organlarining hujjatlarini bekor qiladi;
- Oliy Majlis senati tasdig'iga davlat ekologiya qo'mitasining raisi lavozimiga nomzod taqdim etadi;
- ekologik inqiroz yoki talofot ko'rgan hududlar yoki butun hudud bo'yicha favqulodda holat joriy etadi;
- respublika ichki va xalqaro ekologik siyosatiga doir vakolatlarni amalga oshiradi.

O'zbekiston Respublikasi **Vazirlar Mahkamasi** davlatning tabiatni muhofaza qilish siyosatini amalga oshiradi, ekologiya sohasidagi davlat dasturlarini qabul qiladi, ularning bajarilishini nazorat qiladi, tabiiy resurslarni hisobga olish va baholashni tashkil etadi, ekologiya maorifi va tarbiyasi tizimini yaratadi hamda uning amal qilishini ta'minlaydi.

Atrof tabiiy muhitni davlat boshqaruvi Vazirlar Mahkamasi, davlat ekologiya qo'mitasi va mahalliy hokimiyyat organlari tomonidan amalga oshiriladi.

Bir qator vazirliklar va muassasalar, korxonalarida tabiatni muhofaza qilishni boshqarish bo'limlari ish olib boradi.

O'zbekistonda atrof-muhitni muhofaza qilish bo'yicha bosh ijro etuvchi organ **davlat ekologiya qo'mitasi** bo'lib, u bevosita Oliy Majlis Senatiga bo'ysunadi. Qo'mitaning vakolatlariga quyidagilar kirdi:

— vazirliklar, idoralar, korxonalar va fuqarolar, tabiatni muhofaza qilish haqidagi qonun hujjatlariga rioya etishlari ustidan davlat nazoratini amalga oshirish;

— tabiatni muhofaza qilish dasturlarini ishlab chiqish;

— davlat ekologiya ekspertizasini o'tkazish;

— atrof-muhit sifatining me'yorlarini tasdiqlash;

— ifloslantiruvchi moddalarni havoga chiqarib tashlash va suvga oqizish, shuningdek, chiqindilarni joylashtirishga ruxsatnomalar berish va ularni bekor qilish;

— ekologiya masalalarida xalqaro hamkorlikni tashkil etish.

Davlat ekologiya qo'mitasi Qoraqalpog'iston Respublikasida. Toshkent shahri va viloyatlarda, ma'muriy tumanlar ekologiya qo'mitalaridan iborat tuzilmaga ega.

Tabiatni muhofaza qilish sohasidagi davlat nazoratini davlat ekologiya qo'mitasidan tashqari Ichki ishlar vazirligi, Sog'liqni saqlash vazirligi, Qishloq xo'jaligi vazirligi va suv xo'jaligi vazirligi, Geologiya va mineral resurslar qo'mitasi amalga oshiradi.

Tabiatni muhofaza qilish sohasida idoraviy, ishlab chiqarish va jamoat nazorati amalga oshiriladi.

### **13.3. Ekologik hamkorlikning zaruriyatি**

Yer sayyorasi insoniyatning umumiy yashash joyi, yagona uyi hisoblanadi va yer yuzida ekologik halokatni bartaraf qilish mavjud 200 dan ortiq davlatlarning, 6,5 mlrd. dan ortiq insonlarning umumiy vazifasidir. Mavjud ekologik muammolarni hal qilish, tabiiy resurslardan oqilona foydalanish xalqaro kelishuv asosida, umumjahon miqyosida amalga oshirilgandagina o'z samarasini berishi mumkin. Davlatlararo hamkorlikning zarurligi sayyoramizda biosferaning yagonaligidan va insonlarning ta'siri hech qanday davlat chegaralari bilan cheklanmasligidan kelib chiqadi. Oxirgi yillarda insoniyatni tashvishga solayotgan ko'plab minta-

qaviy va umumsayyoraviy ekologik muammolar faqatgina davlatlararo hamkorlik yo'li bilan hal qilinishi mumkinligi ma'lum bo'lib qoldi.

Hozirgi vaqtida tabiatni muhofaza qilish sohasidagi hamkorlikning ikki asosiy shakli ajratiladi: 1. Atrof-muhitni muhofaza qilish va resurslardan oqilona foydalanishga qaratilgan ikki tomonlama va ko'p tomonlama shartnoma va konvenstiyalar; 2. Xalqaro ekologik tashkilotlar faoliyati.

Turli davlatlarning atrof-muhitni muhofaza qilish sohasidagi faoliyatini muvofiqlashtirish uchun davlatlararo shartnomalar va konvenstiyalar keng qo'llaniladi. Bunday hamkorlik dastlab XIX asrning birinchi yarmida hayvonot dunyosidan foydalanishni tartibga solish yo'nalishida vujudga kelgan. Ayniqsa ko'chib yuruvchi hayvonlarni muhofaza qilishga katta e'tibor berilgan. Faqatgina baliq, kit va boshqa okean hayvonlarini ovlashni tartibga solish haqida 70 dan ortiq shartnomalar, konvenstiyalar mavjud. Kitlarni ovlashni cheklashga oid birinchi xalqapo konvenstiya 1931-yilda tuzilib, unda Anktarktida atrofidagi suvlardan har yili 15 mingdan ortiq kit ovlanmaslik ko'rsatilgan edi.

Ikkinci jahon urushidan keyingi vaqtida tabiatni muhofaza qilishga oid 300 ga yaqin turli shartnoma va konvenstiyalar tuzilgan. Ularning orasida 1963-yili Moskvada tuzilgan atmosfera, suv osti, kosmik fazodagi yadro sinovlarini ta'qiqlash haqidagi shartnomalar alohida ahamiyatga ega.

1973-yilda nodir hayvon va o'simlik turlari bilan savdo qilishni chegaralash to'g'risidagi (SITES) xalqaro konvenstiya tuzildi.

1972-yili Stokgolmda atrof-muhitni muhofaza qilish bo'yicha o'tkazilgan Birlashgan Millatlar Tashkiloti (BMT)ning I-Ummajahon konferenstiyasida 5-iyun Xalqaro tabiatni muhofaza qilish kuni deb e'lon qilingan. 1973-yili Londonda dengizlarni neft va boshqa zaharli ximikatlar bilan ifloslanishining oldini olish yuzasidan yangi xalqaro konvenstiya qabul qilindi. 1978-yili Ashxobodda o'tgan Xalqaro Tabiatni Muhofaza qilish Ittifoqi (XTMI) bosh assambleyasida Jahon tabiatni muhofaza qilish strategiyasi qabul qilindi.

1982-yil BMTda Tabiatni muhofaza qilishning umumjahon Xartiyasi qabul qilindi. Bu muhim hujatlarda tabiatni

muhofaza qilishning prinstiplari va ko‘p yilga mo‘ljallangan asosiy yo‘nalishlari belgilab berilgan.

Atrof-muhitga inson ta’sirining kuchayishi 1985-yili Venada ozon qatlamini muhofaza qilish konvensiyasi, 1992-yili – Rio-De-Janeyroda Biologik xilma-xillikni saqlash, iqlimning o‘zgarishi, cho’llashish bo‘yicha va boshqa konvenstiyalarning tuzilishiga sabab bo‘ldi.

Atrof-muhitni muhofaza qilish sohasida hamkorlik turli davlat va nodavlat tashkilotlari faoliyatida ham amalga oshiriladi. Bunday hamkorlik maqsadlari, tuzilishi va faoliyati bilan farqlanadi, hamkorlik xarakteriga ko‘ra ikki tomonlama yoki ko‘p tomonlama, mintaqaviy va submintaqaviy bo‘lishi mumkin.

BMT atrof-muhit muhofazasi masalalariga katta ahamiyat beradi. BMTning 1972-yilda tuzilgan atrof-muhit bo‘yicha maxsus dasturi – YuNEP xalqaro hamkorlikni amalga oshirishda muhim rol o‘ynaydi. 1948-yili tuzilgan nodavlat tashkilot – Tabiatni Muhofaza qilish Xalqaro Ittifoqi (TMXI) yuzdan ortiq davlatlar, 300 ga yaqin milliy, davlat va jamoat tashkilotlarini birlashtiradi. Hozirgi vaqtida tabiat muhofazasi sohasida 250 dan ortiq yirik xalqaro nodavlat tashkilotlari faoliyat ko‘rsatmoqda. BMT ning fan, maorif, ta’lim va sanat masalalari bilan shug‘ullanuvchi tashkiloti – YuNESKOning 14 loyihadan iborat “Inson va biosfera” dasturi ko‘p yillardan beri xalqaro hamkorlikda amalga oshirilayotgan eng yirik dasturlardan biridir.

TMXI 1963-yildan xalqaro “Qizil kitob”ni e’lon qilib keladi. Biologik resurslarni himoya qilishda uning ahamiyati kattadir.

Tabiat va jamiyat o‘rtasidagi munosabatlar eng ziddiyatli bosqichiga yetgan hozirgi davrda atrof-muhitni muhofaza qilish sohasida barqaror xalqaro hamkorlikni yanada rivojlantirish maqsadga muvofiqlidir. Markaziy Osiyoda “Orolni qutqarish xalqaro fondi”, Markaziy Osiyo Mintaqaviy Ekologik Markazi va boshqa tashkilotlar faoliyat olib bormoqda.

### **13.4. O'zbekistonning ekologiya sohasidagi xalqaro hamkorligi**

O'zbekiston Respublikasining 1992-yili 2-martda BMTga teng huquqli a'zo bo'lishi ekologiya sohasidagi xalqaro hamkorlik uchun ham keng yo'l ochib berdi. Birinchi navbatda Markaziy Osiyo davlatlari o'rasisidagi ikki tomonlama va ko'p tomonlama hamkorlikni rivojlantirish katta ahamiyaga egadir. Ayniqsa, Orol va Orolbo'yidagi ekologik muammolar Markaziy Osiyo davlatlari, xalqaro tashkilotlarning diqqat markazida bo'lib, ushbu yo'nalishda turli tadbirlar o'tkazildi va amalga oshirilmoqda. Orolbo'yi aholisini sifatli ichimlik suvi bilan ta'minlash, ularga tibbiy yordam ko'rsatish hamkorlikning asosiy masalalaridan hisoblanadi.

Jahon banki, Yevropada xavfsizlik va hamkorlik tashkiloti (EXXT) va boshqalar O'zbekistondagi ekologik muammolarni hal qilish ishiga katta hissa qo'shmaqdalar. O'zbekistondagi Ekologik harakat, xalqaro salomatlik fondi – "Ekosan", nodavlat tashkilotlari ekologik muammolarni hal qilishda, xalqaro hamkorlikni muvofiq-lashtirish ishiga o'z hissasini qo'shmaqda.

Mustaqil Davlatlar Hamdo'stligi (MDX) mamlakatlari keli-shuviga binoan ekologiya sohasidagi hamkorlik 1992-yil tuzilgan Davlatlararo Ekologik Ittifoq (DEI) orqali amalga oshiriladi. Ekologiya va tabiatni muhofoza qilish muammolarini hal qilishda O'zbekiston Respublikasi Markaziy Osiyo davlatlari, Osiyo, Yevropa, Amerika va Tinch okeani mintaqasi mamlakatlari bilan ikki tomonlama va ko'p tomonlama hamkorlikni rivojlantirmoqda. Xalqaro hamkorlikni amalga oshirishda ekologik ta'lim va tarbiyanı rivojlantirish masalalariga ham alohida e'tibor beriladi.

O'zbekiston Respublikasi 1985-yilgi ozon qatlamini himoya qilish bo'yicha Vena konvensiyasi, 1987-yilgi ozon qatlamini yemiruvchi birikmalar bo'yicha Bayonnomma (Montreal), 1989-yilgi (Bazel) xavfli chiqindilarni chegaralararo tashishni nazorat qilish konvensiyasi, 1992-yilgi Iqlim o'zgarishi to'g'risidagi konvensiya, Kioto Bayonomasi (1998), Cho'llashishga qarshi kurash (1992), Biologik xilma-xillikni saqlash (1993) kabi o'nga yaqin konvensiyalarga qo'shilgan. Ushbu yo'nalishda faol harakatlar amalga oshirilmoqda. Ekologiya va tabiatni muhofaza qilish sohasidagi har qanday davlatlararo hamkorlik ekologik vaziyatni mahalliy, milliy, mintaqaviy va global darajada yaxshilashning asosidir.

### **13.5. Barqaror rivojlanish kontsepsiysi**

Yuqori siyosiy darajada atrof-muhit muhofazasi mavzusi ilk marotaba 1972 yili Stokgolmda mazkur mavzuga bag'ishlangan BMT Konferentsiyasida ko'tarilgan edi. Aynan ushbu anjumanda "inson farovon va yuqori qadr-qimmatga ega hayotni taqozo etadi-gan muhitda yashamog'i lozim" deyildi. Yer yuzidagi biosfera degradatsiyasi sabablarini tahlil etish maqsadida Atrof-muhit va rivojlanish bo'yicha butunjahon qo'mitasi tashkil etildi. Mazkur Qo'mita 1987 yili "Bizning umumiy kelajagimiz" sarlavhasi ostida ma'ruza tayyorladi. Unda rivojlangan mamlakatlardagi isrofgarchilik va rivojlanayotgan mamlakatlardagi yetishmovchilik ekologiyaning yomonlashuvining asosiy sabablaridan biri sifatida tilga olindi. Sayyoramizni saqlab qolish uchun esa jahon hamjamiyati hattiharakatini birlashtirish lozimligi qayd etildi. Birinchi marotaba "barqaror rivojlanish" tushunchasi, ya'ni kelajak avlod uchun tabiatni saqlash, inson va tabiat uyg'unligiga asoslangan rivojlanish aynan mazkur ma'ruzada keltirildi.

Har bir mamlakatga iqtisodiy, ijtimoiy va ekologik rejalar asosida barqaror rivojlanishning milliy strategiyasini ishlab chiqish tavsija etildi. Strategiyaning asosiy maqsadlaridan biri kelajak avlod manfaatlaridan kelib chiqqan holda atrof-muhit muhofazasi bo'yicha tadbirlarni amalga oshirish edi. 2000 yili Ming yillik sammitida jahonning yetakchi davlatlari BMTning Ming yillik Deklarasiyasini qabul qilib, unda Ming yillik rivojlanish maqsadlari belgilab berilgandi. Maqsadlarning biri ekologik barqarorlikni ta'minlash bo'lib unda:

- 2010 yili biologik xilma-xillikning yo'qolishini kamaytirish;
- 2015 yili toza ichimlik suv iste'molidan mahrum bo'lgan aholi sonini ikki barobarga kamaytirish;
- 2020 yili 100 million nafar qashshoqlikda kun kechiruvchi aholi hayotining farovonligini oshirish ko'zda tutilgan edi.

2002 yili Yoxannesburgda Barqaror rivojlanish bo'yicha o'tkazilgan Butunjahon sammitida "Siyosiy deklarasiya" va "Barqaror rivojlanish bo'yicha oliy darajada Butunjahon uchrashuvlar qarorlarini bajarilish rejasи" qabul qilindi. Siyosiy deklarasiyada yana bir ma-

rotaba barqaror rivojlanishga sodiqlik qayd etildi. Ushbu hujjatda millionlab odamlarning toza ichimlik suviga va elektr quvvatiga bo'lgan ehtiyojini qondirish, 2015 yilga qadar qashshoqlik darajasini 50 % ga kamaytirish ko'zda tutilgan edi. Shuningdek reja foydali qazilma boyliklarga ajratiladigan subsidiyalarrni kamaytirish belgilangan. Aynan reja jahon hamjamiyatining barqaror taraqqiyot yo'lidagi harakatini tartibga solib, belgilab berdi. Rasmiy hujjatlarga ko'ra barqaror taraqqiyotga o'tishni boshlash 2005 yildan amalga oshirilishi lozim edi. 2012 yili BMT Konferensiyasi o'tkazilganiga 20 yil to'ldi. BMTning atrof-muhit muhofazasi bo'yicha Dasturi (YuNEP) belgilangan Rejaning 90 ta punktidan faqatgina 4 ta punkti amalga oshilganligini qayd etdi. Bu Rejaning barbod bo'lganligini ko'rsatdi. Iqlim o'zgarishi Rejaga asosan to'xtatilmagan, dengiz suvining ishqorlik darjasini pasaymagan, aksincha ko'tarilgan bo'lib, undagi jonivorlarning qirilishiga sabab bo'layotgan, biologik xilma-xillik yo'qolayotganligi, o'rmon kesilishi 4 barobar ko'payganligi ma'ruzada qayd etildi. Mazkur muammolarni hal etish va barqaror rivojlanishga o'tish uchun biosferaning ekologik salohiyatidan o'ylab, reja asosida, unga zarar yetkazmagan holda foydalanish lozim. Zero, bugungi kunda biosferadan foydalanish ko'lami nafaqat milliy hududlarni, balki davlatlararo makonni qamrab olgan.

Ekologik tanazzulning kelib chiqishiga asosiy sabab esa iqtisodiy o'sish va jamiyatning iste'molchilik salohiyatining oshganligidir. Yana bir muammo, hanuz jahon hamjamiyati global biosferadan foydalanishning huquqiy maqomini belgilagani yo'q. Insoniyatning umumiy boyligi bo'lgan tabiatdan oqilona foydalanishning yakdil mexanizmi ishlab chiqilmadi. Ona sayyoramiz zaxiralaridan foydalanishning aniq hisobi olib borilmayapti. Yerning biosfera qobig'idan faqatgina eng rivojlangan davlatlargina foydalanishmoqda. G'arb mamlkatlari va AQSh global ekologik salohiyatdan foydalanishdagi yuqori ulushidan voz kechgilari yo'q. Yer zaxiralaridan foydalanish huquqi, erkinligi va majburiyatlarini ishlab chiqish vaqtি keldi. Bu esa ularning degradasiyasi va talon-taroj bo'lishiga olib kelmoqda. Agarda atrofga boqsangiz dunyo barqaror rivojlanishga teskari ravishda harakat qilmoqda. Inson farovonligini ekologik inqiroz hi-

sobiga oshirish yaqin kelajakda o'zining salbiy oqibatlarini ko'rsatish aniq. Uning yagona yo'li ekologik iqtisod yoki yashil iqtisodga o'tishdir. Buni YuNEP bir necha marotaba o'z ma'ruzalarida qayd etgan edi. Yashil iqtisod bu quvvatni tejovchi buyumlarni ishlab chiqarish, muqobil energiyadan foydalanish, atmosferaga zaharli gazlarni chiqarmaydigan, elektr quvvati bilan yuradigan transportdan foydalanish, suvni tejash, tuproq unumdarligini oshirishda kimyoviy moddalardan foydalanmaslik va hokazo. Mutaxassislarining fikriga ko'ra bugungi kundagi mavjud ekotexnologiyalardan samarali foydalanilsa elektr quvvatini 2 barobar, 2025 yilga kelib avtomobillar tomonidan yoqiladigan yonilg'ini 50%ga kamaytirish mumkin.

2012 yili Rio-de-Janeyroda BMTning barqaror taraqqiyot bo'yicha "Rio +20" nomini olgan Konferensiyasi bo'lib o'tdi. Sammit ochilishida so'zga chiqar ekan, BMTning Bosh kotibi Pan Gi Mun insoniyat yangi davrga qadam qo'yayotganligini qayd etdi. U 2040 yilga borib yer sharining aholisi 9 mlrd.ga ko'payishini hisobga olib, ijtimoiy-iqtisodiy rivojlanishning eski modeli o'z ahamiyatini yo'qotganligini ta'kidladi. Ma'ruzada 2030 yilga kelib dunyo aholisining oziq-ovqatga bo'lgan ehtiyoji 50% elektr quvvatiga – 45 %, suv zaxiralariga esa 30% o'sishi ta'kidlandi. Buni amalga oshirish uchun esa zudlik bilan "yashil iqtisodiyot"ni joriy etish zarur, dedi Pan Gi Mun. Bugungi kunda yashil iqtisodiyotga bosqichma-bosqich AQSh, Janubiy Koreya, Germaniya, Shvestiya, Daniya, Gollandiya va boshqa rivojlangan mamlakatlар o'tmoqda. 2015 yilning oxiriga kelib, Ming yillik rivojlanish maqsadlari o'rniga BMTning Bosh Assambleyasi Sammitida Barqaror rivojlanish maqsadlari ishlab chiqildi. Uning asosiy yo'nalishlaridan biri qayta tiklanadigan quvvat manbalari dan foydalanish edi. 2008 yilga kelib, 43 ta mamlakat qayta tiklanadigan quvvat manbalariga o'tish rejasini ishlab chiqishdi. 2010 yilda esa ilk marotaba shamol trubinalari, bioyoqilg'i zavodlari, quyosh batareyalari ishlab chiqaradigan quvvat 381 GVt (Giga-vatt) ga yetib, yadroviy elektrostansiylar quvvatidan oshib ketdi. Bugungi kunda dunyodagi barcha elektrostanstiyalarning quvvati 3,54 TVt (Teravatt)ni tashkil etadi. Demak, tiklanadigan quvvat-

ni ishlab chiqaradigan elektrostanstiyalar barcha elektr stanstiyalar ishlab chiqaradigan qvvatning 10% ishlab chiqaradi.

2011 yilning dekabr oyida Yevropa ittifoqi qo'mitasi 2050 yilgacha mo'ljallangan "2050 yilning energetik yo'l xaritasi"ni ishlab chiqdi. Unga ko'ra 2050 yilga kelib havoga chiqarilayotgan karbonat angidrid miqdori 1990 yilga nisbatan 80%ga kamaytirilishi, qayta tiklanadigan qvvat manbaini ishlab chiqaradigan elektr qvvatidan 75% ga foydalanish rejasiga belgilangandi. Mazkur hujyatning kuchga kirishi bugungi kunda Yevropada shamol, quyosh qvvatidan, shuningdek bioyoqilg'idan samarali foydalanishga va ularni ishlab chiqarilishining arzonlashuviga olib keldi.

Yer yuzida tinchlik va hamkorlikni mustahkamlash, barqaror taraqqiyotni ta'minlash borasida samarali faoliyat olib borishda Birlashgan Millatlar Tashkilotining roli kattadir. Dunyo davlatlari o'zaro muloqot, hamkorlik va hamjihatlikka chorlash, ularning kuch va imkoniyatlarini yaratuvchanlik yo'lida birlashtirish, ya'ni eng dolzarb masalalarini bahamjihat hal qilish ushbu tashkilot tomonidan 2015 yilga qadar qabul qabul qilingan Ming yillik rivojlanish maqsadlarida, 2016 yilda esa Barqaror rivojlanish maqsadlarda o'z ifodasini topdi.

Dastavval, BMT haqida qisqacha ma'lumot. Ushbu xalqaro tashkilot boshqa yetakchi uyushmalardan farqli o'laroq, fuqarolik xizmatiga ixtisoslashgani, a'zo davlatlarning xalqaro huquq sub'ekti sifatida tan olinishi, o'z byudjetiga egaligi, vakolatlari doirasida xalqaro shartnomalar tuzish va majburiyatlarni zimmasiga olish kabi qator xususiyatlari bilan ajralib turadi. Hozirgi kunda dunyoda turli g'oya va maqsadlar yo'lida tuzilgan 2,5 mingdan ortiq xalqaro tashkilot mavjud bo'lib, ular hududiyligi, ikki yoki ko'p tomonlama hamkorlikka asoslangani bilan tafsiflansa-da, ammo hech biri bashar qismatini bog'lagan million-million rish-talarni o'zida birlashtira olmaydi.

Dunyoda xavfsizlik va barqarorlikni ta'minlash, ona sayyorani asrab qolish, xalqaro va millatlararo munosabatlarda hamjihatlikka erishish BMTning asosiy vazifalaridandir. Tashkilotning jahon siyosatidagi o'rni haqida to'xtalar ekanmiz, 2000 yil 6-8 sentyabr kunlari Bosh Assambleyaning 55-maxsus sessiyasida Ming yillik dekl-

rastiyasi imzolangani, unda uchinchi mingyillik tamaddunining asosiy maqsadlari, ya'ni insoniyat taqdirida real ahamiyatga ega bo'lgan sakkizta muhim masalaning qabul qilinganini alohida qayd etish joiz. Bular: o'ta qashshoqlik va ocharchilikni bartaraf etish; yalpi boshlang'ich ta'limga erishish; ayollar va erkaklar tengligini rag'batlantirish hamda xotin-qizlarning huquq va imkoniyatlarini kengaytirish; bolalar o'limini kamaytirish; onalar salomatligini yaxshilash; OIV/OITS, bezgak va boshqa kasalliklarga qarshi kurash olib borish; ekologik barqarorlikni ta'minlash; taraqqiyot maqsadlari global sheriklikni shakllantirish va dastlabki bosqichda butun insoniyat 2015 yilgacha erishishi kerak bo'lgan olamshumul ahamiyat kasb etgan taraqqiyot maqsadlaridir.

2000 yilda qabul qilingan Ming yillik Rivojlanish Maqsadlari (MRM), jahon hamjamiyati tomonidan butun dunyoda qashshoqlikni bartaraf etish yo'lida misli ko'rilmagan darajadagi sa'y-harakatlarga turtki bo'ldi. Umuman olganda, MRM ushbu maqsadga 2015 yilgacha bo'lgan vaqt mobaynida erishish yo'lida amalga oshirilishi lozim bo'lgan aniq va lo'nda chora-tadbirlar to'plamini belgilab berdi. Ushbu maqsadlarning asosiy afzalligi ularning aniq mazmuni va ayni paytda belgilangan ko'rsatkichlar yordamida kuzatib borish imkoniyatining mavjudligidadir, modomiki "belgilangan maqsadlarning aniq o'lchamli bo'lishi ushbu maqsadlarning amalda erishilishini ta'minlab beruvchi muhim omildir".

MRM doirasida butun dunyoda o'ta qashshoqlikni bartaraf etish, boshlang'ich ta'lim olish imkoniyatlarini kengaytirish, boshlang'ich maktab darajasida gender tengligini ta'minlash, onalar va bolalar o'limini kamaytirish, OIV infekstiyasi tarqalishini to'xtatish va bezgakdan o'lish holatlarini qisqartirish hamda sanitariyani yaxshilash imkoniyatlarini ta'minlash borasida e'tiborga molik natijalarga erishildi. Ammo, belgilangan maqsadlarga erishish darajasi turli mamlakatlarda va ayni mamlakatning turli hududlarida notekis kechdi. Dunyo mamlakatlari MRM doirasida erishilgan muvaffaqiyatlarni e'tirof etgan holda, MRM doirasida amalga oshirilishi yakunlanmay qolgan maqsadlarga erishish, hamda jahon hamjamiyatini 2015 yildan so'ng yangi rivojlanish jabhalari sari yetaklovchi maq-

sadlarni belgilab olish zaruriyatini ta'kidladilar. 2016 yildan BMT 2015 yilning 25 sentabri kuni Nyu-Yorkdagi sammitida BMTning 193 ta a'zo davlatlari tomonidan qabul qilingan va 2030 yilga cha erishilishi lozim bo'lgan 17 ta BRM va ularga bog'liq bo'lgan 169 vazifalarning aniqlanishiga olib keldi. Barqaror Rivojlanish Maqsadlarini amalga oshirish 2016 yilning 1 yanvaridan boshlanib, 2030 yilning 1 dekabrida yakunlanishi lozim. O'zbekistonda eko-logik xavfsizlikni ta'minlash uchun izchil institutsional va tashkiliy choralar ko'rilmoxda. Aytish joizki, tabiiy resurslardan oqilona foydalanish va aholi salomatligini muhofaza qilishga qaratilgan hamda tegishli xalqaro meyorlarga mos huquqiy baza yaratilgan. Mamlakatimiz BMTning atrof-muhitni muhofaza qilish va bar-qaror taraqqiyot sohasidagi eng muhim konvenstiyalari hamda boshqa xalqaro hujjatlarni ratifikasiya qilib, zimmasiga olgan barcha majburiyatlarni bajarib kelmoqda. Tabiatni muhofaza qilishga oid qonunchilikni amalga oshirish mexanizmi ishlab chiqilgan, maqsadli davlat dasturlari, milliy harakat rejali hayotga tadbiq etilayotir. O'zbekistonda amalga oshirilayotgan islohotlarning muhim qismi bo'lgan ushbu xayrli ishlarda jamoat tashkilotlari ham faol ishtirok etmoqda. Amalga oshirilayotgan bunday keng ko'lamli va izchil chora-tadbirlar natijasida mamlakatimizda istiqlol yillarida atmosferaga zararli moddalarni chiqarish 1,5 barobar, ifloslangan oqova suvlarni oqizish 2,2 barobar kamaytirildi. So'nggi bir necha yilda qishloq xo'jaligida pestisidlardan foydalanish 5 barobar qisqartirildi, sanoat korxonalarida ekologik xavfsiz texnologiyalar keng joriy etilayotir, ishlab chiqarish chiqindilari chuqr qayta ishlanib, tozalash qurilmalari modernizastiya qilinmoqda. Bu esa nafaqat ekologik, balki katta iqtisodiy samaralar berayotgan bo'lsada, aholining ekologik madaniyatini oshirish, farzandlarimizga go'dakligidanoq tabiatga ustaxona sifatida emas, balki ehrom sifatida qarashga o'rgatish barchamizning burchimizdir.

Hozirgi avlod ko'z o'ngida mahalliy va mintaqaviy ekologik inqiroz vaziyatlari kuzatilmoqda. Bunda inson tomonidan o'zgartirilgan tabiatning ijtimoiy taraqqiyotga ta'sirining keskin ortishi kuzatiladi.

Insoniyat tarixida ekologik inqirozlar ko‘plab kuzatilgan. Ularning natijasida millionlab hektar yerlar cho‘lga aylangan, minglab o‘simlik va hayvon turlari qirilib ketgan, o‘rmonlarning maydoni qisqargan, gullab-yashnagan sivilizasiyalar inqirozga yuz tutgan.

Atrof-muhitdagi katta ko‘lamdag‘i salbiy ekologik o‘zgarishlar XVII asrdan boshlangan va XX asrning boshlariga kelib yer yuzidagi ekologik tizimlarning 20% buzilgan. XX asrning ikkinchi yarmiga kelib qisman va to‘la buzilgan ekotizimlar hissasi 63% dan oshdi.

1960-yillar oxirida rivojlangan g‘arb mamlakatlarda atrof-muhitning ifloslanishiga qarshi kuchli jamoatchilik harakati vujudga kelgan, dastlabki ekologik qonunlar qabul qilingan, mingga yaqin ekologiya va rivojlanish masalalari bilan shug‘ullanadigan tashkilotlar tuzildi.

1968-yili 10 ta davlatdan 30 kishidan iborat fan, madaniyat, maorif, biznes vakillari “Rim klub” deb nomlangan nodavlat tashkilotini tuzishdi. Klub a’zolari insoniyatning hozirgi va kelajakdagi murakkab ahvolini muhokama qilish va inqirozdan chiqish yo’llarini o‘rganishni asosiy maqsad deb belgiladilar. 1972-yil 13-martda “Rim klub” uchun tayyorlangan “O’sish chegaralari” ma’ruzasi e’lon qilindi. Ma’ruzada sayyoramiz kelgusi ekologik holatini bashorat qilish bo‘yicha global model tahlil qilingan. Modelda sayyorada o’sishni va uning chegarasini belgilaydigan besh asosiy omil: aholi soni, qishloq xo‘jaligi ishlab chiqarishi, tabiiy resurslar, sanoat ishlab chiqarishi va atrof-muhitning ifloslanishi asos qilib olingan. Ma’ruzada aholi sonining ortishi sur’atlari va iste’mol modeli o‘zgarmasa XXI asrning 30-yillariga kelib chuqr ekologik inqirozlar bashorat qilingan.

“Rim klub”ning e’lon qilingan keyingi global modellarida (1974; 1990; 1992) yangi sharoitlar hisobga olingan, o’sish istiqbollariga, ekologik halokat xavfiga qarashlar o‘zgargan.

1972 yil 5 iyunda Stokgolmda Birlashgan Millatlar Tashkiloti (BMT)ning Atrof-muhit bo‘yicha birinchi Umumjahon Konferensiysi o’tkazildi. Unda 113 davlat vakillari qatnashdilar. Konferensiyyada ekologik yo‘naltirilgan sosial-iqtisodiy rivojlanish g‘oysi oldinga surilgan bo‘lib, unga muvofiq aholi turmush darajasining ortishi yashash muhitining yomonlashishi va tabiiy tizimlarning buzilishiga yo‘l qo‘ymasligi lozim.

Ekologik rivojlanish davlatlar o‘rtasidagi munosabatlar va iqtisodiyotdagi chuqur o‘zgarishlar, resurslarni taqsimlash va foydalish strategiyasida, dunyoning rivojlanishida tub burilishni ko‘zda tutadi. Ekologik rivojlanishning asosiy talablari Konferensiyada qabul qilingan 26 prinsipdan iborat “Stokholm deklarasiyasi”da keltirilgan. Bu prinsiplardan birida “ Har bir inson qulay atrof-muhitda yashash huquqiga ega, uning sifati esa insonlarni munosib hayot kechirishga va taraqqiyotga erishadigan darajada bo‘lishi kerak ” deb ta‘kidlanadi. Qabul qilingan “Tadbirlar rejasi” 109 bandan iborat bo‘lib, unda alohida davlatlar va xalqaro hamjamiyat o‘rtasida atrof-muhitni muhofaza qilishning tashkiliy, siyosiy va iqtisodiy masalalari yoritilgan. Xalqaro tashkilotlar faoliyatini oshirishga alohida e’tibor ko‘rsatilgan. Konferensiya qarori bilan uning ochilish kuni – **5 iyun Butunjahon atrof-muhitni muhofaza qilish kuni** deb belgilandi.

Konferentsiyadan so‘ng, belgilangan vazifalarni amalga oshirish uchun BMTning Bosh assambleyasi atrof-muhit bo‘yicha maxsus dasturi-YuNEP (UNEP)ni tuzdi. YuNEP birinchi navbatda eng dolzarb muammolar – cho‘llashish, tuproqlar degradasiyasi, chuchuk suv zaxiralarining kamayishi, okeanlarning ifloslanishi, o‘rmonlarning kesilishi, qimmatli hayvon va o‘simplik turlarining yo‘qolishi muammolari bo‘yicha takliflar ishlab chiqishi kerak edi. Butunjahon atrof-muhit jamg‘armasi tashkil etildi. Jamg‘arma BMTga a’zo davlatlarning badali hissobiga rivojlanayotgan mamlakatlardagi turli ekologik muammolarni hal qilish bo‘yicha loyihalarni moliyalashtirishi belgilandi.

Stokholm Konferenstiyasidan keyin jahon hamjamiyati ekologik yo‘naltirilgan taraqqiyotga erishish bo‘yicha dastlabki qadamlarni tashladi. 1975-yili aholi soni 4 milliard, 1987-yili 5 milliarddan oshdi. Dunyoning turli chekkalaridagi ekologik inqiroz vaziyatlari chuqurlashdi. Orol dengizining qurishi, Shimoliy Afrika mamlakatlaridagi qurg‘oqchilik, Chernobil AES halokati, okeanlarning neft mahsulotlari bilan ifloslanishi, “ozon tuynuklari” muammolari chegara bilmasligi, mintaqaviy va global oqibatlari bilan namoyon bo‘ldi.

1983-yili BMT Bosh Kotibining tashabbusi bilan Atrof-muhit va rivojlanish bo'yicha xalqaro komissiyasi tuzildi. Norvegiya bosh vaziri G.X. Brutland boshchiligidagi komissiya 1987-yili "Bizning umumiy kelajagimiz" deb nomlangan ma'ruza-ni e'lon qildi. Ushbu hujjatda yirik ekologik muammolarni iqtisodiy, ijtimoiy va siyosiy muammolardan ajralgan holda hal qilib bo'imasligi bayon qilindi. Komissiya atrof-muhit uchun xavfsiz bo'lган iqtisodiy-ekologik rivojlanish davriga o'tish zarurligini yoqlab chiqdi. Ma'ruzada ilk bor jamiyatning barqaror rivojlanish yo'liga o'tishi zarurati rad qilib bo'lmaydigan xulosalar asosida isbotlab berildi.

**Barqaror rivojlanish** deganda hozirgi avlodlar hayotiy ehtiyojlarini kelgusi avlodlar ehtiyojlarini qondirishga zarar yetkazmasdan amalga oshiriladigan rivojlanish tushuniladi. Barqaror rivojlanish mazmun bo'yicha ekologik rivojlanish tushunchasiga juda ham yaqindir.

1992-yilning 3-14 iyun kunlarida Braziliyaning Rio-de-Janeyro shahrida BMTning Atrof-muhit va rivojlanish bo'yicha Konferensiysi bo'lib o'tdi. Unda 179 davlatlarning rahbarlari, hukumat vakillari, ekspertlar, nodavlat tashkilotlari, ilmiy va ishbilarmon doiralar vakillari qatnashdilar. Bu vaqtga kelib jahonda olamshumul voqealar ro'y berdi. 1991-yili Sharqiy Yevropa va SSSR-dagi totalitar tuzum inqirozga uchradi. Jahan urushi xavfi keskin kamaydi va juda katta moliyaviy resurslardan tinchlik masadlarida foydalanish imkoniyati vujudga keldi.

Konferensiya quyidagi muhim hujjatlarni qabul qildi:

- Atrof-muhit va rivojlanish bo'yicha Rio deklarasiyasi;
- Barcha turdag'i o'rmonlardan unumli foydalanish, ularni saqlash va o'zlashtirish prinsiplari to'g'risidagi bayonnomma;
- XXI asrning Kun tartibi – jahon hamjamiatining yaqin keljakning ekologik-iqtisodiy va ijtimoiy-iqtisodiy muammolarini hal qilishga tayyorgarligiga yo'naltirilgan hujjat.

Bundan tashqari Konferensiya doirasida Iqlim o'zgarishi bo'yicha chegaraviy Konvensiya va Biologik xilma-xillikni saqlash Konvensiyalari tayyorlandi.

27 prinsipdan iborat "Rio deklarasiyasi" xalqaro huquqiy hujjat bo'lib, unga ko'ra davlatlar boshqa mamlakatlarning muhitiga

zarar yetkazadigan har qanday faoliyat uchun javobgarlikni tan olishi, ekologik qonunchilikning samaradorligini oshirish, falokatlardan ogohlantirish, ekologik xavf manbalarini boshqa davlatlar hududiga o'tkazmaslikka chaqiradi.

“XXI asrning Kun tartibi” insoniyatning yangi asrda barqaror taraqqiyotini ta’minlashga qaratilgan muhim hujjat bo‘lib, unda atrof-muhit muhofazasi va rivojlanishga doir muammolarni hal qilish yo‘llari va vositalari ko‘rsatilgan. Konferensiya qarorlariда har bir alohida mamlakatda barqaror rivojlanish konstepsiyasi va milliy darajada “XXI asrning Kun tartibi” ni ishlab chiqishi va amalga oshirish majburiyati yuklangan.

“Rio-92” Konferensiyasida o‘rmonlarning tartibsiz kesilishining oldini olish va ularni muhofaza qilishga qaratilgan muhim bayonnomma qabul qilindi. Konferensiya eng dolzarb global muammolar-iqlimning o‘zgarishi va biologik xilma-xillikni saqlash bo‘yicha Konvensiyalarning imzolanishi boshlandi.

“Rio-92” Konferensiyasi alohida davlatlar va jahon hamjamiyati barqaror rivojlanishining strategik vazifalarini belgilab berdi va uni amalga oshirishning tashkiliy, huquqiy va moliyaviy asoslarini ishlab chiqdi.

O‘zbekiston Respublikasi Rio deklarasiyasini ratifikastiya qildi. O‘zbekiston Iqlimning o‘zgarishi to‘g‘risidagi Konvensiya va Biologik xilma-xillik to‘g‘risidagi Konvensiyalarga qo‘schildi. 1998-yili Barqaror rivojlanish Konsepsiysi tayyorlandi. 1999-yili Barqaror rivojlanishning Milliy strategiyasini ishlab chiqildi. 2002-yili O‘zbekistonda “XXI asrning Kun tartibi” qabul qilindi. O‘zbekiston Respublikasida barqaror rivojlanishni ta’minlash ustuvor masala-ga aylandi.

90-yillarda alohida davlatlar, jahon hamjamiyati, xalqaro tashkilotlar “XXI asrning Kun tartibi”ni amalga oshirish bo‘yicha harakatlarni amalga oshirdilar.

2000-yili Nyu-Yorkda Ming yilik Sammiti bo‘lib o‘tdi va unda “Ming yillik Deklarasiyasi” qabul qilindi. Ming yillik rivojlanish maqsadlariga erishish bo‘yicha jahonning barcha mamlakatlarida sa’yi-harakatlar boshlandi.

Qilingan ishlarni sarhisob qilish maqsadida 2002-yil Yoxannesburgda BMTning Barqaror rivojlanish bo'yicha Butunjahon Sammiti bo'lib o'tdi. Unda "Barqaror rivojlanish Butunjahon Sammiti qarorlarini bajarish rejası" va "Yoxannesburg deklarasiysi" qabul qilindi. Sammit rejasida sayyoramizning turli mintaqalarida baqaror rivojlanishni ta'minlashga asosiy e'tibor berildi va uning prinsiplari barqaror rivojlanishning uch tarkibiy qismi: iqtisodiy o'sish, ijtimoiy rivojlanish va atrof-muhit muhofazasi talablariga javob beradi. Butunjahon Sammitida qashshoqlikni yo'qotish va atrof-muhit muammosi bosh masalalar sifatida tahlil qilindi. Dunyodagi rivojlanayotgan kambag'al mamlakatlarda 1 mlrd. dan ortiq aholi doimiy ovqat yetishmasligi sharoitlarida yashaydi. Bu davlatlarga moliyaviy yordam berish masalalari ko'rildi. Yoxannesburg Sammiti barqaror ijtimoiy-iqtisodiy-ekologik rivojlanish yo'lidagi muhim qadam bo'ldi.

Rivojlangan davlatlardagi yuqori hayot darajasini ta'minlash tabiiy resurslardan katta miqdorda foydalanish va o'z navbatida atrof-muhitni kuchli ifloslash hisobiga amalga oshadi.

Hozirgi vaqtda rivojlanayotgan mamlakatlar aholisi rivojlangan Germaniya yoki AQSh aholisi hayot darajasiga yetishiши учун яна бир yer sayyorasi resusrslarini o'zlashtirish lozim bo'ladi. Yer esa Koinotda yagonadir. Tabiat va jamiyatning mutanosib, bir-biriga mos rivojlanishi – **koevolusiya** deb yuritiladi. Jamiyatning rivojlanishi sur'atlari juda yuqori, tabiat evolyusiyasi tezligi o'zgarmaydi. Koevolusiyaga erishish uchun jamiyat o'zining ayrim ehtiyojlardan voz kecha olishi lozimdir.

XXI asrga kelib, atrof-muhitga ta'sir sur'ati yuqoriligidcha qolmoqda. Dunyo okeanining ifloslanishi, cho'llashish, biologik xilma-xillikning kamayishi, chuchuk suv yetishmasligi va boshqa muammolar tezkor choralar ko'rishni talab etadi. Aholi sonining o'sish sur'atlari yuqoriligidcha qolmoqda. Ekologik xavfsiz, barqaror rivojlanish yo'lidagi sa'yfi-harakatlar o'zining ijobiy natijalarini ham bermoqda. Rivojlangan mamlakatlarda atrof-muhit muhofazasiga sarflanadigan mablag'lar oshmoqda va ijobiy o'zgarishlarni ko'rish mumkin.

XXI asr boshlariga kelib rivojlangan davlatlarda ekologik inqirozning oldini olish tadbirlariga Ichki Yalpi Mahsulot (IYaM)ning 1,5-2,5% ulushi sarflanishi lozim. Atrof-muhit ancha ayanchli ahvolga tushib qolgan mamlakatlarda esa bu ko'rsatkich 4-5%dan kam bo'lmasligi kerakligi ta'kidlanadi.

Ekologik ta'limgartibiyani rivojlantirish, jamoatchilik rolini oshirish, ekologik texnologiyalarni joriy qilish barqaror rivojlanishni ta'minlashda muhim ahamiyatga egadir.

Hozirgi vaqtida tabiat va inson hayotining ekologik xavf ostida qolish jarayoni yanada murakkablashib, mushkullashib bormoqda. Atrof-muhit bilan jamiyat o'rtasidagi aloqalar muvozanatining buzilishi tabiiy holatga putur etkazmoqda. Yer yuzi tabiatining barqarorligi, turg'unligi va uning o'ziga xos qonunlarini insoniyat tomonidan buzilishining asosiy sabablaridan biri kishilarning atrof-muhit muhofazasi haqidagi bilimlarining yetishmasligi hamda tabiatning kelajakdag'i ekologik holatini ko'ra bilmasliklaridir.

Ekologik vaziyatni tubdan yaxshilash uchun ekologik siyosatga o'z ta'sirini ko'rsatishi mumkin bo'lgan vazirliklar, korxona va tashkilot rahbar kadrlarining faoliyatida ijtimoiy-ekologik vaziyatga to'g'ri baho berish, uni himoya qilish, saqlash va takomillashtirish kabi tushunchalarni qalbdan his etishni shakllantirish, ya'ni ularda ekologik muammolarga muhim ijtimoiy-siyosiy ish sifatida qarashni tarbiyalashdir. Ushbu rahbar kadrlarida tabiatni muhofaza qilish muammolarini to'g'ri yechish va bashorat qilishni uddalash, yuzaga chiqishi mumkin bo'lgan ijtimoiy-iqtisodiy ziddiyatlarni oldini olish sharoitlarini yaratish kabi xislatlarni barpo etish hisoblanadi.

Ekologik tarbiya oiladan boshlanishi lozim. Ota-onalar ekologik savodxon bo'lishlari lozimdir. "Bog'cha-maktab – oliv maktab-malaka oshirish" tizimida uzluksiz ekologik ta'limgartni yo'lga qo'yish maqsadga muvofiqdir.

Uzluksiz ekologik ta'limgart quydagicha bo'lmog'i zarur: 1-bosqich – oilada va maktabgacha ta'limgart muassasalarida; 2-bosqich maktab – akademik litsey va kasb – hunar kollejlari dagi ekologik ta'limgart; 3-bosqich – oliv o'quv yurtlaridagi ta'limgart; oliv ta'limgartdan keyingi bosqich – kadrlarni qayta tayyorlash va muntazam ravishda malakasini oshirib borish; oliv bosqich doktorantura.

O‘zbekistonda “Tabiatni muhofaza qilish to‘g‘risida”gi qonunda “...barcha ta’lim muassasalarida ekologik ta’lim majburiy” deb belgilangan. O‘rta maktab, litsey va kollejlarda ekologiya bo‘yicha alohida fan o‘qitilishi zurdurdir. Bu barqaror rivojlanish uchun ta’limning asosini tashkil qilishi lozimdir.

XXI asr – ekologiya asri bo‘lishi shubhasizdir. Har bir inson ona sayyoramiz tabiatiga ziyon yetkazmasdan o‘zgartirishi, tabiiy boyliklardan oqilona foydalanishi va yashash muhitini saqlashdek muqaddas ishga o‘zining munosib hissasini qo‘sishni lozimdir.

### Nazorat uchun savollar

1. Ekologik havfsizlik deganda nima tushuniladi?
2. O‘zbekistonda tabiat muhofazasi sohasida qabul qilingan qanday qonunlarni bilasiz ?
3. O‘zbekistonda ekologik huquqbazarliklar uchun qanday jazo choralari belgilangan?
4. Tabiatni muhofaza qilishning qanday chora-tadbirlari mavjud?
5. Davlatlararo ekologik hamkorlikning zarurligini asoslab bering.
6. Tabiatni muhofaza qilish masalalarini hal qilishda xalqaro hamkorlikning qanday shakllari mavjud?
7. Tabiatni muhofaza qilish sohasida xalqaro hamkorlikning tarixi.
8. Ekologiya va tabiat muhofazasi faoliyati bilan shug‘ullanuvchi qanday xalqaro tashkilotlarni bilasiz?
9. Tabiat muhofazasi sohasidagi asosiy konvensiya va shartnomalar.
10. YUNESKOning “Inson va biosfera” dasturi to‘g‘risida nimalarni bilasiz?
11. O‘zbekiston qaysi xalqaro konvensiyalarga qo‘shilgan?
12. Insonning tabiatga ta’sirining hozirgi zamon bosqichi xususiyatlarini tushuntiring.
13. Ekologik bilimlarni rivojlantirish zaruriyati sabablarini ochib bering.
14. Barqaror rivojlanish tushunchasining vujudga kelish shartsharoitlarini tushuntiring.

15. Biosfera barqarorligini nima ta'minlaydi?
16. Barqaror rivojlanish bo'yicha qanday konferensiylar o'tkazilgan va ularda qanday hujjatlar qabul qilingan?
17. O'zbekistonda barqaror rivojlanishni ta'minlash bo'yicha qanday hujjatlar, qarorlar mavjud?
18. Yashaydigan joyingiz (shahar, qishloq, tuman)ni ekologik barqaror rivojlantirish masalalarini o'r ganib chiqing va referat yozing.

## XIV-BOB. INSONNING BIOIJTIMOIY MOHIYATI VA EKOLOGIYA

Inson – Yerdagi organizmlarning eng yuqori darajada rivojlangan xilqatidir. U bioijtimoiy mohiyatga ega bo'lgan, boshqa hayotiy shakllar bilan genetik bog'langan, lekin ulardan farqli ravishda nutqqa, ongga, ijodiy faoliyatga ega, mehnat qurollarini ishlab chiqarishga qodir bo'lgan, yerda moddiy va ma'naviy mardaniyatni yaratgan ijtimoiy tarixiy jarayonlarda shakllangan sub'ektdir.

Insonning bioijtimoiy mohiyati shundan iboratki, uning hayotini ham biologik, ham ijtimoiy elemetlardan tashkil topgan yagona tizimning sharoitlari belgilab beradi. Bunday yashash sharoiti uni nafaqat biologik, balki ijtimoiy moslashuviga (adaptasiyasiga) zarrurat uyg'otadi, ya'ni individlarning o'zaro va guruhdagi (jamoadagi) xulq-atvorini jamiyat yoki jamoa haqidagi bilimlarni o'zlash-tirish orqali jamiyatda, sinfda, ijtimoiy guruhda hukmronlik qilayotgan me'yorlar va qadriyatlarga moslashuviga olib keladi. Insonning bunday mohiyatini ekologiya bilan chambarchas bog'liq bo'lgan ko'p ijtimoiy fanlar o'rganadi (ijtimoiy-iqtisodiy fanlar va b.). Insonning biologik adaptasiyasi hayvonot olamidagi adaptasiyadan keskin farq qiladi, chunki odam o'zining faqatgina biologik funksiyalarini saqlab qolishga harakat qilmay, ijtimoiy funksiyalarini ham bajaradi. Insonning ijtimoiy funkstiyalarining ahamiyati tobora ortib bormoqda. Hayotning ijtimoiy

omili muhim ekologik ahamiyat kasb etgani uchun eko-  
logiyada “inson” haqidagi tushunchani shakllanishini  
aniqlab berdi.

“Inson ekologiyasi” fani insonning va insonlar guruhi-  
ning biosfera, tabiiy va ijtimoiy muhitlar bilan o‘zaro mun-  
sabatlarining umumiy qonuniyatlarini o‘rganadi.

**Inson** – tiriklikning tarkibiy qismi bo‘lib, biosferadagi  
tabiiy sharoitdan tashqarida va evolyusion rivojlangan ma’lum  
turdagi tirik moddalarsiz yashay olmaydi. Odam Gominidlar  
oиласига mansub bo‘lib, yерниг экваториал qismida, ya’ni Afri-  
kaning sharqiy va Osiyoning janubiy qismida paydo bo‘lgan.  
Eng qadimgi davrlarda Yerda bir qancha gominidlar oиласига  
mansub bo‘lgan turlar yashagan. Bu gominidlar quyidagi ikki  
oilalarga tegishli bo‘lgan: avstralopitek va oddiy odamlar, bular-  
dan faqat bir turdagи odam, ya’ni **Homo sapiens** – aqli odam  
saqlanib qolgan. Yerda bir vaqtning o‘zida neandertal odamlar  
va oddiy odamlar yashaganligini tasdig‘i sifatida “qor odamlar”  
yoki devlar haqida saqlanib qolgan afsonalarni eslash kifoya.  
Ko‘pgina olimlar Homo sapiens ikki turga, ya’ni neandertal  
odam va oddiy odam turiga ajralib qolgan deb hisoblaydilar.  
Sayyoradagi tirik moddalarning evolyusiyasida burilishlar ro‘y  
bergan bo‘lib, oxirgi evolyutsion sukstessiya jarayonida odam  
*Homo sapiens* paydo bo‘lgan deb hisoblanadi.

Bu hodisa yaqin o‘tmishda, 3,5 – 5 mln yil avval ro‘y  
bergan. Yaqin o‘tmish deganimizning sababi yer sayyorasi-  
ning rivojlanish davri 4 ,7 mlrd yil deb hisoblanadi. Yerda  
insonning paydo bo‘lish vaqtini yaqqol ko‘rsatish uchun  
odatda quyidagi usuldan foydalilanadi: Yerdagi organik hayo-  
ting rivojlanish davrini bir yil deb olamiz, unda, insonning  
Yerda paydo bo‘lishi bir sutkalik vaqtga teng bo‘lib qola-  
di, bu sana “31 dekabrdir, ya’ni yilning 365 – kuni”.  
Dehqonchilikning rivojlanishi 2 daqiqa (o‘n ming yil  
avval), sanoat revolyusiyasi esa 2 sekund avval (200 yil

oldin) avval – ya’ni sanoat revolyusiyasi 31 dekabrda soat 23 59 minut va 58 sekundda ro'y berdi. Agar odamning paydo bo'lish va yashash davomiyligini dinozavrlarning yerdagi yashagan davri bilan solishtiradigan bo'lsak, dinozavrlar odamlarga nisbatan 14 marta ortiqroq yashagan (ikki hafta).

Bularning hammasi odam ham xuddi yerdagi boshqa biologik tur kabi o'tkinchi ekani, inson “evolyusianing eng rivojlangan cho'qqisi” emasligi haqida fikr uyg‘otadi (garchi insonlar shunday deb o'ylasalar ham). Shunga qaramay, V. I. Vernadskiyning fikricha, tabiat insonni yaratib “qisqa davrda” yashab mavjud bo'lishi uchun beziz milliardlab yillarni sarflamagan bo'lsa kerak, insonlar tufayli yerda uzoq vaqt davom etadigan yangi geologik era boshlanish ehtimoli mavjuddir.

Ibtidoiy odam yaqin vaqtlargacha (dehqonchilik paydo bo'lgunicha) tabiiy ekotizimlarning hamma turdag'i ozu-qalarini iste'mol qiluvchi oddiy konsument bo'lib kelgan. Ovchilik qilish va o'simliklarni terish maqsadida odamlar joydan joyga ko'chib, ozuqa mo'l bo'lgan hududlarda vaqtinchalik yashash joylarini tashkil qilishgan. Bu va bundan ham avvalgi davrlarda insonlarning atrof tabiiy muhitga ta'siri kam bo'lgan. Masalan, 1,5 mln yil avval insonlarning umri o'rtacha 20 yoshdan oshmagan, butun yerdagi odamlar soni esa 500 mingga yaqin bo'lgan.

Odamlarning bunday qisqa umr ko'rishining sababi tabiatning o'zgartirilmagan muhitida o'z-o'zini boshqaruvchi kuchlarning hukmron bo'lganligi deb hisoblanadi. Tabiatning bunday kuchlariga inson xuddi boshqa jonzotlar singari bo'ysunib yashagan. Lekin inson atrof-muhitga qaram bo'libgina qolmay, xuddi boshqa tirik organizmlarga o'xshab unga ta'sir ham qiladi. Hayvon va boshqa tirik organizmlardan farqli ravishda insonda **aql** va **ong** mavjud-

dir. Aynan aql unga eng muhim hayotiy omillardan biri **oziq-ovqat yetishmovchiliga** qarshi chora topishga yordam berdi. Inson dehqonchilik va chorvachilikni rivojlantirdi. Bu hodisa 10 ming yil oldin ro'y berdi. **Inson o'zining eko-logik muhitini yaratishni boshladi.** Insonning aqli, ongi, fikr-lash qobiliyati zarur bo'lgan **mehnat quollarini** yaratish imkonini berdi. Bu esa unga vaqtinchalik bo'lsa ham, atrof-muhitning oddiy abiotik va biotik omillarini yengishga yordam berdi. **Inson quyidagilarga erishdi:** Oziqa-ovqatni mo'lko'l, ko'p miqdorda yetishtirdi (garchi oziq ovqatni taqsim-lashda hali ham muammolar mavjud bo'lsada); suv omborlarini qurdi, yashash joylariga va dalalarga suvni olib keldi; yirtqich hayvonlar va kasallik qo'zg'atuvchi ko'pgina organizmlarga qarshi kurashish uchun vositalar yaratdi; yashash uchun uy-joylar qurib, o'zi hohlaganicha uni isitish yoki sovutishni o'rgandi; boshqa turlar bilan raqobatlashib, yutib chiqdi. Inson muhitning chegaralovchi, ya'ni limitlochi omillar ta'sirini yengib o'tolgan bo'lsada, muhit ustidan mutloq g'alabaga erishmadi. Yu. Odumning fikricha, odam o'zining uyini, o'qish va ish joylarini, transport vositalarini kondisioner bilan ta'minlagan bo'lsada, o'zining hayoti iqlim ta'sirida ekanini yaxshi tushunib yetadi. Sababi, inson dälalarni, yaylovlarni va b. kondisioner bilan ta'minlay olmaydi. Demak, inson iqlimga qaramdir, uning qor va yomg'irlari, suv toshqinlari, qurg'oqchilik kabi hodisalari uning hayotiga ta'sir ko'rsatadi.

Shunday qilib, garchi odam ijtimoiy xilqat bo'lsada, tabiat doimo uning yashashiga sabab bo'luvchi omili bo'lib qoladi. Insonni tabiiy muhit, u tomonidan yaratilgan ekologik muhit va ijtimoiy munosabatlari (sosium) o'rab turadi. Inson tomonidan yaratilgan sun'iy muhit ham insoning o'ziga ta'sir qiladi, ya'ni insoniyatning biologik va ijtimoiy jarayonlariga ta'sir ko'rsatadi.

Homo sapiens turining biologik tur sifatida paydo bo‘li-shiga genetik dastur sabab bo‘lgan. Genetik dastur DNK molekulalariga yozilgan bo‘lib, yetarli darajada konservativ, ya’ni o‘zgarmasdir va u tabiiy resurslarning eng qim-matlisidir. Shunga qaramay, insonning DNK molekulasi avloddan-avlodga o‘tib, turli-tuman genetik jarayonlarga jalg etilib turadi. Amalda bunday jarayonlar hayvonlarning molekulalarida ham ro‘y berib turadi: 1) mutasiya jarayonlari, ular DNK strukturasini o‘zgartiradi; 2) genlar migrasiyasi – genlarni boshqa populyatsiyalardan o‘tib kelishi yoki boshqa populyatsiyalarga o‘tishi; 3) genlarning dreyfi – genlar chas-totasining tasodifiy qalqishlari; 4) tabiiy tanlash – genetik belgilarni yo‘naltirib o‘zgartiradi.

Populyatsiyalarning mutasiya jarayoniga tabiiy radiasiya ta’sir eta olmaydi. Lekin odamning o‘zi-o‘zini o‘rab turgan atrof-muhitiga yadroviy energiyani kiritdi. Bu energiya mut-loq mutasion aktiv faoliyatga egadir. Odamlar o‘z maishiy hayotlarida va sanoatda yuz minglab kimyoviy birikmalarini qo‘llaydi. Ular orasida tabiatda uchramagan kimyoviy muta-gen birikmalar ham paydo bo‘lgan.

Genlarning tasodifiy dreyf hodisasi va migrasiyasi hayvonot dunyosi uchun odatiy jarayonlar bo‘lib, ular ta’sirida ekotipler paydo bo‘ladi. Natijada bu ekotipler alohida rivojlanadigan bo‘lsa, evolyusion rivojlanish jarayonida yangi irq yoki yangi turdag'i populyatsiyalar paydo bo‘lishi mumkin. Odamlar haqida gapi-radigan bo‘lsak, hozirgi zamonda insonlar bir-biri bilan muloqot qilishlari va aloqalar paydo bo‘lishi uchun geografik masofalar muhim o‘rin tutmay qo‘ydi. Urbanizasiya, transport vositalari-ning takomillashuvi, xalqaro aloqalarning kengayishi, in-sonlarning dunyoda harakatlanishi natijasida genlar dreyfi o‘z ahamiyatini yo‘qotib bormoqda. XIX oxirlarida ham hali insonlar orasida alohida populyatsiyalar mavjud bo‘lgan. Lekin globallashuv jarayonlari, urbanizastiya kabi hodisa-

lar tufayli ko‘p turdag'i genlar aralashib ketdi (masalan, Yevropaga sayohatga borgan sayyoohlар u yerda yashovchi aholining tashqi ko‘rinishidan odam ispan millatiga mansubmi, italiyalikmi yoki fransuzmi, tashqi ko‘rinishidan ajritish qiyin ekanini ta’kidlaydilar).

Migrasiya jarayonlari natijasida nikoh aloqalarining doirasi kengayib, millatlararo va xalqaro (geterolokal), ya’ni o‘z yashash makonidan uzoqda bo‘lgan nikohlarni paydo bo‘lishiga sabab bo‘lmoqda. Bu hodisaning yaxshi oqibatlari ham, salbiy oqibatlari ham mavjud. Hodisaning optimum ko‘rsatkichi shu jarayonlar orasidadir.

Odam albatta, jamiyatda yashagani uchun uning genofondiga ancha faol ravishda ijtimoiy munosabatlar o‘z ta’sirini o‘tkazadi. Genofond – bu ma’lum tarixiy hududda shakllangan aholining (har qanday biologik turdag'i aholining) genlari jamlanmasidir. Turlicha bo‘lgan ijtimoiy sharoitlar odamlarning ma’lum genotiplarini shakllantiradi, ya’ni ota-onadan o‘tib kelgan, farzandga hayot ato etgan genlar birlashmasini shakllantiradi. Genlarning keyingi taqdiri odamning o‘ziga va uning taqdirini, demakki, genlarning taqdirini hal qiluvchi, inson yashab turgan jamiyatga bog‘liqdir. Genofondning jamiyatdagi o‘mi jamiyatning ekologik mavzusiga taaluqli bo‘lib, u o‘z ichiga tabiat va tarixga nisbatan ma’naviy, madaniy munosabatni oladi.

**Tabiiy tanlash hamma turlarning, shu jumladan, odamlarning evolyusiyasida hal qiluvchi ahamiyatga ega bo‘ldi.** Homo sapiens odamlari oxirgi muzlik davrida, taxminan 40 – 50 ming yil oldin paydo bo‘ldi. Yuqorida ta’kidlaganimizdek, u asosan ovchilik va terimchilik bilan shug‘ullangan, keyinchalik chorvachilik, dehqonchilik va hunarmandchilikni rivojlantirdi. Oxirgi ikki uch asrda ishlab chiqarish sanoatining keskin rivojlanishi ro‘y berdi. Tarixiy rivojlanish jarayonida inson hayotida tabiiy

muhitning o'rni pasayib, sun'iy muhitning ahamiyati ortib bordi. Shu qatorda tabiiy tanlashning ko'lami va ta'sir darajasi o'zgarib bordi. Rivojlangan mamlakatlardagi meditsinaning taraqqiy etishi va ijtimoiy o'zgarishlar tufayli tabiiy tanlashning ta'siri sezilarli kamaydi. Shunga qaramay, inson o'zining bioijtimoiy kelib chiqishi sababli butun tirik mavjudotlar uchun universal bo'lgan umumbiologik qonuniyatlar ta'siridan chiqib ketolmaydi.

Inson shaharlar (urbanistik) tizimlarni yaratuvchisi va boshqaruvchisidir. Insonning xo'jalik faoliyatini yuritishi va atrof-muhitning sifatini barqaror ushlab turish jadalligi oxir oqibat uning biologik xususiyatlari va ijtimoiy omillarga bog'liqdir. Insondagi biologik va ijtimoiy mohiyatning nisbatlari to'g'risida haligacha bahslar yuritiladi, bizga bu nisbat noma'lum (bu nisbatni o'lchashning va aniqlashning imkonи bo'lmasa ham kerak), lekin inson ekologiyasini o'rganayotganda undagi ikki xil mohiyatni, ya'ni, biologik mohiyatni va ijtimoiy mohiyatini hisobga olish darkor. Bu muammolar insonning shahar muhiti va sharoitiga moslashish (adaptasiya)da va unda evolyutsiya qilish jarayonlarini o'rganishda yaqqol ko'zga tashlanadi.

Evolyutsion rivojlanishning harakatlantiruvchi kuchi tabiiy tanlashdir, lekin uning ta'siri rivojlangan mamlakatlarda va ayniqsa, urbanistik tizimlarda ancha kamayib ketgan. Shunga qaramay, odam shaharda yashab tursa ham, tabiatdan butunlay uzilib qololmaydi. Zonal geografik sharoitlarning ta'siri davom etaveradi. Hatto odamlarning etnik kelib chiqishiga qaramay, zonal adaptasiyalangan tipdagi odamlar turlari shakllangan: **tropik, cho'l, baland tog'lar, kontinental, o'rta iqlimli, arktika turidagi odamlar.**

Odamning genetik xususiyatlari va uning egallagan muhitlarining ta'sirlari ko'pincha qarama-qarshi mohiyatga ega ekanligini hisobga olib, quyidagilarni ta'kidlash mumkin: odam,

hayvonlardan farqli ravishda, o‘z turini juda keng ekologik o‘ringa joylashtira oldi. **Insonning ekologik joylashuvi, asosan, moslashuv (adaptasiya)ning umumiy yo‘naltirilishi orqali amalga oshirildi.** Inson biologik mavjudot sifatida “evribiontlik” ning eng yuqori nuqtasiga yetganga o‘xshaydi. Inson yuqori darajada integrastiyalangan tizim bo‘lgani sababli uning yashab qolishi uchun minimum darajadagi integrasiya zarurdir. Inson aynan shu xususiyati tufayli tabiatda juda ko‘p ekologik o‘rinlarni egallashga muvafaq bo‘lgan bo‘lsa, ikkinchi tomonidan, uning organizmida o‘z o‘zini rostlash jarayonlarini amalga oshirishga va muhitni o‘zgartirishiga olib keldi.

Inson organizmining muhitga moslashishda o‘z-o‘zini rostlash tizimining ishlashi uning yangi sharoitlarga moslashish imkoniyatlari mavjudligini ko‘rsatadi. Bu esa insoniyat kelajagiga optimistik qarashga, inson halokatini bashoratlashdan voz kechishga undaydi. Organizmning o‘z o‘zini boshqarishiga misol sifatida muhitning o‘zgaruvchanlik sharoitida vujudga keladigan akselerasiya, populyatsiyadagi jinslarning nisbatini o‘zgaruvchanligi, baland tog‘ sharoitlarida organizmning fiziologik reakstiyalari, gipokineziya, vaznsizlik holatlariga moslashish kabilarni aytish mumkin.

Inson atrof-muhit holatiga adaptasiya qilibgina qolmay, o‘z “muhitiga” bog‘lanib ham qoladi (individual ravishda ham, tur sifatida ham). Kosmik biologiya ma’lumotlariga ko‘ra, fazogir kosmonavtlar kosmosda uzoq vaqt yashab, yerga qaytganda yerning sharoitiga qayta adaptatsiyalanih moslashishga majbur bo‘lar ekan. Shaharda yashaydigan odam uyda, korxonada o‘z hayotiy faoliyatini davom ettirib turib, dam olgani shahar tashqarisiga chiqishi mumkin. Shunda atrof-muhitning o‘zgarishi odamning organizmida readaptasiya jarayonlarini yo‘lga qo‘yadi. Shuningdek, avval paydo bo‘lgan adaptasiyon mexanizmlarning “o‘chishi” ro‘y beradi, masalan, bolalarning transportdan ehtiyyot bo‘lish hissi yozgi ta’til

paytida susayib qoladi. Taxminan shunga o'xhash jarayon odam yashash muhitini o'zgartirmasa, muhit o'z ko'rsatkichlari ni o'zgartirsa ro'y beradi. Masalan, sexdagi shovqin darajasi yoki havoning ifloslanganligi ma'lum vaqtda ortganda va h. Agar muhit o'zgarishlari juda tez va kuchli sodir bo'lsa, tanlash mexanizmi kabi jarayonlar oqsab qolib, o'zgarishlarga moslasha olmaydi va adaptasiya ro'y bermaydi. Tizimning bunday disbalansga duchor bo'lishi insonning kasallanishiga, hatto mutagen hodisalarga sabab bo'lувчи stressli vaziyatlarga tushirib qo'yadi.

Shahar sharoitida odatdag'i ekologik omillarga desinxroz (geografik zonalga adaptasiyaning mos kelmasligi), transport horg'inligi, elektromagnit maydonlar, simbiotik bakterial – virusli flora, medisina intervensiyalari, muhitning axborot boyligi, virusli transduksiya (virus yordamida bir hujayradan ikkinchi hujayraga genetik materialni ko'chirilishi) va b.

Shahar muhitini baholash borasida muammo mavjud. Tabiiy ekotizimlarni baholashda indikator turlarni qo'llash, alohida ekologik omillarning ta'siri, ifloslantiruvchi komponentlarni aniqlash orqali amalga oshirish mumkin. Lekin muhit o'zgarganda insonlar hayvonot dunyosidan farqli ravishda, ijtimoiy tarixiy mehnat faoliyati tufayli o'zining hamma morfofunktional ko'rsatkichlarini saqlab qoladi. Aynan shu mehnati sababli yangi "sun'iy muhit" yaratildi. Insonning yashash muhitini baholash uchun odamlarning salomatligini baholash orqali amalga oshirish mumkin.

## **Nazorat uchun savollar**

1. Insonning bioijtimoiy mohiyati deganda nimani tushunasiz?
2. Insonning biologik adaptasiyasi nima?
3. Homo sapiens odami yer yuzida qachon paydo bo‘lgan?
4. Insonning ekologik joylashuvi deganda nima tushuniladi?
5. Insonning ekologik tizimdagi o‘rnini izohlang.

## MUNDARIJA

<b>Kirish</b>	.....	3
<b>1-Bob.</b>	<b>EKOLOGIYA VA ATROF-MUHIT MUHOFAZI FANINING PREDMETI VA VAZIFALARI .....</b>	5
	<u>1.1.</u> Ekologiya fanining rivojlanish tarixi .....	7
	<u>1.2.</u> Ekologyaning asosiy qonuniyatları va tamoyillari .....	13
<b>2-Bob.</b>	<b>MUHIT VA EKOLOGIK OMILLAR HAQIDA TUSHUNCHА .....</b>	21
<b>3-Bob.</b>	<b>TABIYY RESURSLARDAN FOYDALANISH .....</b>	30
	<u>3.1.</u> Tabiiy resurslar tushunchasi .....	30
	<u>3.2.</u> Tabiiy resurslarning tasnifi .....	32
	<u>3.3.</u> Tabiiy resurslardan foydalanish holati va istiqbollari .....	33
	<u>3.4.</u> Energetik resurslar va ulardan foydalanish .....	34
	<u>3.5.</u> O'zbekiston Respublikasining mineral xom-ashyo resurslari .....	37
<b>4-Bob.</b>	<b>POPULYATSIYALAR EKOLOGIYASI .....</b>	41
	<u>4.1.</u> Populyatsiyalar haqida tushuncha .....	41
	<u>4.2.</u> Populyatsiyalar dinamikasi .....	43
<b>5-Bob.</b>	<b>BIOSENOZLAR HAQIDA TUSHUNCHА .....</b>	53
<b>6-Bob.</b>	<b>EKOLOGIK TIZIMLAR HAQIDA TUSHUNCHА .....</b>	59
	<u>6.1.</u> Ekotizimda moddalar aylanishini ta'minlashda ishtirok etuvchi organizmlar .....	61
	<u>6.2.</u> Biogeosenozlar mahsuldarligi .....	62
	<u>6.3.</u> Ekotizimlarning biologik mahsuldarligi .....	64
	<u>6.4.</u> Quruqlik va suv ekotizimlari .....	66

<b>7-Bob.</b>	<b>BIOSFERA TA'LIMOTI .....</b>	71
	<u>7.1.</u> Biosfera haqida tushuncha .....	71
	<u>7.2.</u> Noosfera. Biosfera va inson faoliyati .....	80
<b>8-Bob.</b>	<b>ATMOSFERA HAVOSI VA UNI MUHOFAZA QILISH .....</b>	83
	<u>8.1.</u> Atmosferaning tuzilishi va chegaralari .....	83
	<u>8.2.</u> Atmosferaning tarkibi .....	86
	<u>8.3.</u> Atmosfera resurslari va ularning ifloslanishi .....	89
	<u>8.4.</u> Atmosfera havosining ifloslanishi oqibatlari .....	95
	<u>8.5.</u> Atmosferaga ajratmalar manbalari .....	104
	<u>8.6.</u> Atmosferani muhofaza qilish tadbirlari .....	108
<b>9-Bob.</b>	<b>GIDROSFERA VA SUV RESURSLARINI MUHOFAZA QILISH .....</b>	113
	<u>9.1.</u> Suv resurslari va jamiyat hayotidagi ahamiyati .....	113
	<u>9.2.</u> Suv resurslarining ifloslanishi .....	120
	<u>9.3.</u> Suvlarni tozalash .....	122
	<u>9.4.</u> Ichimlik suviga qo'yilgan talablar .....	124
	<u>9.5.</u> Orol dengizi va Orolbo'yi hududining ekologik muammolari .....	126
<b>10-Bob.</b>	<b>TUPROQ RESURSLARI VA ULARNI MUHOFAZA QILISH TADBIRLARI .....</b>	135
	<u>10.1.</u> Litosferaning tuzilishi va Yer resurslari .....	135
	<u>10.2.</u> Tuproq va uning ekologik tizimdafi o'rni .....	138
	<u>10.3.</u> Tuproqqa ekologik omillarning ta'siri .....	139
	<u>10.4.</u> Tuproqni muhofaza qilish tadbirlari .....	147
<b>11-Bob.</b>	<b>CHIQINDILARNI QAYTA ISHLASH .....</b>	151
	<u>11.1.</u> Chiqindisiz va kam chiqindili texnologiyalar haqida tushuncha .....	151
	<u>11.2.</u> Chiqindisiz texnologiyalarning asosiy prinsiplari .....	156
	<u>11.3.</u> Qattiq chiqindilar manbai va turlari .....	160

<u>11.4.</u> Chorvachilik va parrandachilik komplekslari chiqindilarini qayta ishlashning ekologik ilmiy asoslari .....	168
<u>11.5.</u> Biogaz va biogumus ishlab chiqarish texnologiyasi va uning istiqbollari .....	177
<b>12-Bob. BIOLOGIK XILMA-XILLIK .....</b>	<b>180</b>
<b>13-Bob. EKOLOGIK QONUNCHILIK VA BARQAROR RIVOJLANISH KONSEPSIYASI.....</b>	<b>201</b>
<u>13.1.</u> Ekologik xavfsizlikni ta'minlashning huquqiy asoslari .....	201
<u>13.2.</u> Ekologik xavfsizlikni ta'minlashning tashkiliy asoslari .....	209
<u>13.3.</u> Ekologik hamkorlikning zaruriyati .....	210
<u>13.4.</u> O'zbekistonning ekologiya sohasidagi xalqaro hamkorligi .....	213
<u>13.5.</u> Barqaror rivojlanish kontsepsiysi .....	214
<b>14-Bob. INSONNING BIOIJTIMOIY MOHIYATI VA EKOLOGIYA .....</b>	<b>227</b>

O'ZBEKISTON RESPUBLIKASI  
OLIY VA O'RTA MAXSUS TA'LIM VAZIRLIGI

SALIMJON SAMEDJONOVICH BURIYEV  
DILDORA ABDURAXMONOVNA MAXKAMOVA  
VAFABAY XALILULLAYEVICH SHERIMBETOV

**EKOLOGIYA VA ATROF-MUHIT MUHOFAZASI**

*O'quv qo'llanma*

Toshkent – “NOSHIR” – 2019

Muharrir *N. Norova*  
Rassom-dizayner *Sh. Odilov*  
Texnik muharrir *S. Safayeva*  
Musahhih *S. Norova*  
Kompyuterda sahifalovchi *U. Abdullayeva*

Nashriyot Litsenziyasi AI № 254, 31.12.2014-y.  
Bosishga 2019-yil 17- dekabrda ruxsat etildi.  
Bichimi 60x841/16 “Ofset” qog‘ozи “Times TAD” garniturasi.  
Ofset usulida chop etildi. Shartli bosma tabog‘i 15,5  
Nashr tabog‘i 15,0 Adadi 300 nusxa. Buyurtma № 39.

“NOSHIR” QK nashriyoti. 100020, Toshken sh., Langar ko‘chasi, 78.

“NOSHIR” O'zbekiston-Germaniya qo'shma korxonasi  
bosmaxonasida chop etildi.  
100020, Toshkent shahar, Langar ko‘chasi, 78.